


PHARVS
BENEDICTINA



TINECIA

S E V

HISTORIA MONASTERII

TINECENSIS.

ORDINIS S. BENEDICTI

Primaria inter Polonica Canobia venerationis
 Per R. P. STANISLAVM SCZYGIELSKI, Bibliothecarium eiusd: Monast:
 collecta, & in IV. Libros partita.

Sint oculi tui Domine aperti super Domum hanc nocte no die. Ps. Reg. 8.

EGO BENEDICTVS IPP ET MONACHVS PINGERE FECI.




S. Petrus Princeps Aplos
 Dei et D.N. s. C. Vicarij
 Ecclesie Romae Aedificator.

S. Ben. Abb. Patrecha
 et legislator Mon
 Ecclesie Romae Reaedificator.

S. Paulus S. Petri Coapulus
 et Doctor Gentium
 Ecclesie Romae Coaedificator.

Ex Vetus Pictura in Abside Ecclesie S. Sebastiani in Foro Boario Romae expressa A.C. 1773.

CRAC: Ex Offic: SCHEDELIANA, S.R.M. Typ: A. 1668.





ADMODVM VENERANDIS PATRIBVS,
Alumnisque vniuersis, MONASTERII TINECENSIS.


F. STANISLAVS SCZYGIELSKI, P.P.P.

Nunquam ego, varios Annales legentium,
& Acta aliorum, diligentiam improbaui:
A. RR. PP. eorum tamen consuetudi-
nem laudare haud potui, qui domestico-
rum incuriâ, externa tantum suspicientes, propria-
rum rerum memoriam obsolescere sinunt. Animad-
uerti in tales alibi solitum legi, vt qui Spartam
quam nacti fuissent, non ornarent, eandem deserere,
compellerentur. Hinc fit, vt meritò succensere debe-
am, doleamque plurimum, nulli hactenus TINECEN-
SIVM nostrorum in mentem venisse, vt Aui præteri-
ti res gestas, & Domus nostra Antiquitates conscri-
beret: ex quibus, TINECENSIS huiusce Conuentus,
excellens gloria, & prisca illa maiestas, deplorato isto
tempore, manifestius ab omnibus conspiceretur. Un-

)*(

decum

de cum noscendi vetera, desiderium me ingens posside-
ret, Archivio TINECENSI perscrutando me tradidi;
ex quo Veteris memoria latentem hunc thesaurum,
post multas discussas tenebras, ad lumen reuocaui.
Neque verò sum nescius, fore nonnullos, qui quā
sunt in litteras amarulentia, hocce propositum me-
um, minus sint probaturi: plures tamen futuros non
dubito, qui præsentis Operis utilitate perspectâ, &
earum rerum quæ hîc pertractantur incunditate de-
tenti, laborem meum & impensas factas, benignius
sint accepturi. In sinum autem vestrum, TINECEN-
SES mei, suo argumento & affectione, TINECIA
mater nostra & bona alitrix declinat, vestrumque
patrocinium ambit & amorem requirit; cuius No-
men Decusque cum cordi habeatis, meum in eius An-
tiquitatibus propalandis prouehite conatum, & hoc
animi illi deuoti, quod sæculis trado, monumentum,
auro duraturum, si vos, vel leui fauore, æternitatis ei
aditum aperueritis, beneuolè accipite.




*Ad Reuerendum D. STANISLAVM SCZYGIELSKI,
scribentem Historiam MONASTERII TINE-
CENSIS, gratulatorium Carmen.*



Obile commentum gaudet finxisse vetustas,
Quod fuit è cerebro nata Minerua Iouis.
Fabula prisca fidem per te STANSLAVE recepit,
Dum paris ingenio TINECIÆ Chronicon
Antiquata domûs reuocatur gloria nostræ,
Dum repetis docto carmine facta Patrum.
Dum memoras titulos, fundos, & iura priora,
Ingenium subigis, studia sacra doces.
Prisca recensq; tibi SCZYGIELSKI seruiet ætas,
Plaudere debebunt sæcula multa tibi.
Crescet Honos, Nomenq; tuum, meritiq; labores,
Serta ferent capiti præmia digna tuo.

Officij ergo P. GUALBERTVS CZECHOWICZ, Tinec: Relig:



Ad eundem R. D. STANISLAVM SCZYGIELSKI.



Vm nouus HISTORIÆ scriptor monumenta recludis,
Nobile TINECIÆ surgit ad astra iubar.
Omnia que fuerant longo consumpta veterno,
Restituïs luci, conspicuumque facis

*Quæq; olim, infelix inhonoraq; subruit ætas,
Excipiet sæcli post venientis honos.*

*Perge, age, macte nouis animi virtutibus, inde
Succedet studijs debita palma tuis.*

*Heroas celebrans, sis tu quoq; maximus Heros,
Et tacitus caneris, dum pia gesta canis.*

*Dum mundo ABBATVM, tua fama excurrit ad astra
Hi terris, cælo tu mage notus eris.*

F. JOANNES ROSTOCKI, Tinec: Mon:



Eidem multum Reuerendo Patri ac Domino

STANISLAO SCZYGIELSKI,



*M*agna tibi multum Vir doctæ TINECIA debet,
Cuius commemoras sæcula præterita
Iam veteres quoq; deuincti tibi, iure leguntur,
Quorum gesta, vices, continet iste liber.

Iam monumenta patent magno collecta labore,

Iuraq; Cænobiij perpetuata stabunt.

Audiet & miro, celebrans tua nomina, fastu

Fama, tuo veniet non inimica libro.

Et veteres inter statuam tibi ponet, & aram,

Ad quam perpetuo thure litabit honor.

F. BASILIUS SANOCKI, Monach: Tinec:

E I D E M.



Vros chare Pater tolerasti sponte labores

TINECIÆ pangens HISTORIÆ seriem.

Cernimus, eruderas ut docto abstrusa labore

Eruderata offers Fratribus inde tuis.

Te ne huc fama volans, an gloria traxit inanis?

Absit; at ipse DEI, & Relligionis amor.

Hinc subeat tibi magnus honos, tibi nobile nomen,


Gratiam & hinc Fratres, Numen & inde ferant.





F A C U L T A S

F LVDOVICVS ZIELONACKI, Prior & Cus-
tos Tinecen: Præposit: Koscelnen: Ord: SS. P. N.
BENEDICTI, librum cui titulus est, *TINECIA*
seu *HISTORIA MONASTERII TINECENSIS*, à Rñdo Pa-
tre STANISLAO SCZYGIELSKI, Artium & Philosophiæ Do-
ctore, prædicti MONASTERII TINECENSIS professo & Bi-
bliothecario, nec non Theologiæ Moralis Lectore Ordinario,
collectum, & in quatuor libros partitum, Typis publicis in lu-
cedi permitto. *Datum Tinecia, die 13. Octobr: Anno 1667.*
Jdem qui supra m. pp.



A P P R O B A T I O.

L Egi hunc Librum, & cum nihil contineat Catho-
licæ fidei, aut bonis moribus dissentaneum, & le-
ctorem gratâ recordatione Antiquitatis delectet, do fa-
cultatem ut in lucem edatur. Cracouiæ, die 23. Octobr:
Anno Domini 1667.

HYACINTHVS LIBERIVS,
S. T. D. Præposit: SS. Corporis
CHRISTI Can: Reg: Librorum
Censor. *m. propr:*

HISTO-

HISTORIAE
MONASTERII
TINECENSIS.

LIBER. I.

In quo,
Præmisso ELOGIO
FVNDATORIS,
Continua series & brevis nomencla-
tio Reuerendissimorum
ABBATVM
TINECENSIVM
Continetur.

P R A E F A T I O.



Vm iuxta Ecclesiastici consilium, *laudare* debeamus *viros gloriosos & parentes nostros in generatione suâ*: ma rem debitam & proriùs necessariam agere censebis Lector, si Reuerendissimos Nostri Tinecensis Monasterij Abbates vbiq; repertos, pro virili, ab interitu & obliuione admittar & studeam vindicare. Laudari autem à nobis insigni virtute præstantissimos Herodes, Maiores nostros, & parentes familæ, Ordinij; nostri Antesignanos, nostra plus interest, quam ipsorum refert, hoc potissimum inducor argumento: si quidem illi gubernaculum Fidei viriliter olim tenentes, anchoram spei tranquilla iam in statione composuerunt; iam & plenam cælestibus diuitijs & æternis meritis nauem, optato in littore collocarunt; iam pleni & nullius egentes, liquidissimas Superum voluptates degustant, & gaudijs beatorum securi perfruuntur: nos verò medios inter fluctus seculi huius laborantis adhuc positi, multisq; expositi calamitatibus, exemplis illorum & imitatione, ad similia virtutum facinora incitari, & ad æqualem vitæ cursum, & generosum cum hoste peruigili conflictum, animari debemus; quo possimus etiam ipsi, tantis prouocati exemplis, virtute pari, deuotione consimili ac fide, in hac arenâ vitæ militantis dimicare, hostem vincere, & partâ tandem victoriâ, cum iisdem prædecessoribus nostris, effecti gloriæ consortes eorundem, in cælestibus regnis æternum triumphare. *Salustius* etsi à lumine veræ fidei alienissimus auctor, sed tamen Romanarum rerum scriptor florentissimus, in præfatione Belli Iugurthini, hoc ipsum argumentum sic expendit. *Quintum* inquit *Maximum*, *Publium Scipionem præterea*, ciuitatù nostræ præclaros viros solitos ita dicere: cum Maiorum imagines intuerentur, vehementissime sibi animum ad virtutem accendi; scilicet non ceram illam neq; figuram, tantam vim in sese habere, sed memoriâ rerum gestarum, eam flammam egregijs viris inpectore crescere, neq; prius sedari, quam virtus eorum famam atq; gloriam adacquarit. Id ipsum ego factu necessarium, non vtile modo esse iudicauit, vt scilicet primos Tinecensis Monasterij Nostri Auctores & Patres, Reuerendissimos Abbates memoriâ recolamus, & ad eorum facta si præclara sunt, nostros pariter actus componamus; si quæ verò ipsi minus laudanda ac proinde nec imitanda commiserunt, sicubi exerrarunt, exemplo illorum sapiamus caueamurq;. Hæc enim iudicio meo in cognitione præteritarum rerum præcipuè notanda esse existimo, vt documenta exemplorum in illustri posita monumento, sic intueamur, quatenus ad imitationem eorum accendamus, quæ autem fæda incæptu, vel exitu informia fuerint, velis omnibus remisq; fugiamus. *Præterea Cæcilium Plinium* grauis scriptor, in

epistola.

Historia Tineensis liber I.

epistola ad Marcum, refert auunculum suum *Plinium secundum*,
ut bella quæ cum Germanis gerere Romani, ipse calamo com-
peterit legendæ consignaret. *Assistit enim ei inquit quiescenti Drusus*
qui Germaniæ latissimè victor, ibi perijt: commendabat memoriæ suæ,
iniuriæ obliuioni assereret. Quo somnio Plinius excitatus, viginti libris continuis,
præclara facta Germanici Drusi percenfuit. Me non inane ludibrij nocturni spe-
ctrum ut Drusi, sed recta ratio & erga Maiores necessitudo admonuit, ut Mona-
sterij nostri Tinencensis Antillites Reuerendissimos magnos plerosq; & excel-
lentes viros, qui iuxta nobiscum in eisdem claustris ceu castris religionis stipen-
dia meruerunt, in hoc loco clauerunt, ipsaq; Religionis Monasticæ prima incu-
nabula Tinencij posuerunt, & aliquid inter tanti temporis fluxus & casuum
vices conseruarunt: quibus ob temporum longinquitatem & iniuriam offusa
caligo maxima, ab obliuione vindicarem, & aliqua literarum, ordinisq; luce il-
lustrarem. Piaculum enim est non mediocre, eorum non meminisse, à quibus
aliquid acceperimus: hunc ipsum locum quem incolimus, in eorum gratiam pri-
mum dicatum dotatumq;, ipsi prius suis vestigijs triuerunt, factis egregijs no-
bilitarunt, & triumphis illustribus ex deuicto Mundo, Carne, & diabolo, glorio-
sè obtentis, insigniter exornarunt. Absit, nos superet Plinius: ut illum somni-
antem ad operosam scriptionem nocturna suscitet effigies, nos vigilantes, nulla
grati animi memoria ad iucundam Cænobiarcharum nostrorum recordationem
exstimulet?

Sanè quidem, cum Imperatoris Aureliani vitam à Latincum nemine adhuc scriptam audisset olim vir illustris Vrb. Præf. Iunius Tiberianus, illicò ingemuisse magno dolore animi commotus, & hæc in verba prouipisse, apud Fla. Vopiscum legitur. *Ergo Therfiten, Sinonem, cæteraq; illa prodigia uentati, & nos bene scimus, & posteri frequentabunt : Dium Aurelianum clarissimum Prinipem, seuerissimum Imperatorem, per quem totus Romano nomini orbis est restitutus posteri resient ? at quanto Aurelianus Therfite, Sinone, cæterisq; illis uetustatis prodigijs, maior & scitu lectuq; dignior ; tanto aut sexcenties potius ipso Aureliano cæterisq; Gentilitatis prodigijs, maior & scitu lectuq; dignior Orthodoxorum Antistitum minimus. Illos igitur Gentiles, Poeticos, obsoletos, fabulososq; ex Mythobgia Natalis Comitæ viros, benè sciemus & legemus nos Religiosi, eosdemq; frequentabunt posteri ? Præfules verò, & Tinecensis sodalitiij prima decora, Viræ claustralis Duces ac magistros, quorum pleriq; in Apotheosin & Catalogum Sanctorum meritò referendi essent ; qui antedecaneos fratres nostros enutriebant, & sacris institutionibus erudiebant, qui ad spirituale certamen & cursum salutis subiectos sibi confirmabant & animabant, qui iam indubie æternam gloriam hereditant, penenniq; felicitate fruuntur, nescimus nos posteri, & soboles spiritualis ? Deus (inquebat idem Tiberianus) auertat hanc amentiam.*


Hicce de caulis ego, de Antiquitate & prisca illâ nobilissimâ & excellenti gloria

P R Æ F A T I O.

gloriâ Tinecensis Monasterij sæpenumerò apud me pertractans cum obliuionis
vndis pleraq; eius Acta & Præsulum memorias, datas cernerem, explorando &
perscrutando, Archiuo Cænobij nostri me tradidi, vt memoriæ veteris monumen-
ta ex abditis eruerem, & luci publicæ conspicienda darem. Et si verò non ijs
me ceruicibus esse sciam, qui hoc onus scribendi faciliter perferre, suisq; nume-
ris opus absoluere possim; neq; habeam auctores, multos, qui Tinecensium res
enarrauerint, quorum vestigijs atq; vigilijs insisterem, & hanc Spartam elegan-
tioribus modis exornare, quodq; tractandum sumpsi argumentum, enucleatius
explicare valeam: nihilominus cum mentem meam præteriti æui recordatio
demulceat, & Tinecensis huiusce Conuentus nostri vetus gloria alliciat, amorq;
pungat animum, editionis aleam iacio; tuum Lector iudicium æquo animo su-
biturus, scilicet, vt si labori nostro faues, suggeras, siue carpere gaudes, corrigas:
ego utroq; affectu utar in vnum finem, emendandi & discendi. Si quid verò
me fefellit aut fugit, sit venia; nemo est mortalium quem non aliqua pars igno-
rantia attingat, nemo ita industria, aut ingenio potest, vt omnia colligat intelligat:
multi enim multa, sed nullus omnia, vel vnius hominis cuncta videre, vel memoriâ
aut stylo complecti, nec renuo, imo posco, vt manum alius addat, quandoquidem.

*Hæ mihi gleba satis, lectaq; è messe beatâ
Spica aliquot, forsân me audentior alter arabit,
Campum omnem, satis est sulcos duxisse priores.*

Atq; inprimis sacra limina **TINECIANÆ DOMVS** su-
beunti mihi occurrit ante omnes **PRIMUS FVNDATOR**
Gloriosissimus, qui hoc **REGII CÆNOBII** sui **PROPY-**
LÆVM, Serenissimâ Majestate conquestit.



DIVVS

(S) (X) (S)
DIVVS CASIMIRVS I.
REX POLONIÆ III.
CÆNOBII TINECENSIS FVNDATOR.





Um decreuerim Tinecensium res gestas literis consignare, nihil est sanè vnde auspiciatus illustrariq; principiam, quam ab ipsomet Fundatore admirandæ sanctitatis Principe, desumi queat: non eò tantùm, quod Tinecensè Dominiũ, loci amœnitate commodissimam, prouisione cumulatissimam, prærogatiuis primarium, ad Polonæ reipublicæ splendorem & Nominis sui æternum decus superstruxerit, sed propterea etiam, quod CASIMIRVS ab ijs omnibus virtutum ornamentis cumulativè instructus fuerit, quæ ad celsissimum sanctimoniam ac venerationis fastigium, Mortalium beatissimos efferre consueverunt. Cuius eximiam vitæ sanctimoniam & singularem in tractandis rebus agendi felicitatem, cum iam in AQUILA POLONO-BENEDICTINA vtrunq; descripserim, hieca solummodo attexere fert animus, quæ HISTORIÆ TINECENSIS consentanea esse videntur. Ad quam rem commodè assumi posse credo, publicum illud & fidei antiquæ Libri Beneficiorum & Monasteriorum intra Diocesim Cracouiensem consistens, Testimonium, quod in Cracouiensi Archivio Illustrissimo, & totâ Europa celeberrimo continetur, & cui recepta fides in Iudicijs publicis communiter suffragatur, vbi Tinecensis Origo Cænobi; antiquitus descripta, his verbis recensetur. *Primarium Ordinis S. BENEDICTI in Diocesi Cracouiensi consistens Monasterium, in Tinec.* CASIMIRVS Primus Polonia REX, qui ex Cluniacensi Monasterio in Gallijs, vbi iam professionem Religionis fecerat, & Diaconi Ordinem suscepit egressus, gubernationem & regimen Regni Poloniae Benedicto PP. Nono dispensante, assumpserat, Divina benignitatis clementiam & beneficia, quæ illi & paternum auxiliumq; Regnum Poloniae restituerat, pluresq; victorias de hostibus varijs extraneis & vicinis in circuitu Polonici Regni consistentibus, & gades terminosq; Poloniae Regni usurpare conantibus, contulerat recognoscendo: Duodecim Fratribus, quos ex Monasterio Cluniacensi in Poloniam aduxerat, Anno Domini Millesimo Quadagesimo Quarto Monasterium in colle petroso qui Tinec appellatur, ad fluentia Visla sito, fundat & locat, Ecclesiamq; Canonicalem in honorem S. PETRI Principis Apostolorum fabricat, & dexteritate regia locum præfatum oppidum, villam, censibus, prædijs, ceterisq; id genus introitibus in dotem illi datis, locupletat, libertatibus quoq; plurimum privilegiat, & unum Fratrem ex duodecim adductis ex Gallia Aaronem nomine in Abbatem eligi assumiq; qui & nitore vitæ, & religionis sanctimoniam præcipuum inter ceteros habebatur, procurat. Tantaq; munificentia in præfatum Monasterium est usus, ut nullius Monasterij ante & post in hunc diem fundati, fundus dotis tunc à REGE CASIMIRO præstite, & per Monasterium hactenus possesse, potuerit æquiparari. Tantâ excellentiâ & prærogativâ à sui exordio perpetuò privilegiatum, ut vniuersa Monasteria, Cella, & loca Ordinis S. BENEDICTI sub Prouincia Gne'nsi & in quibuscunq; consistens Diocesibus, Iure legitimo & præscripto, sine Abbati Tinecensi pro tempore, iurisdictioni, & ordinationi subiecta. Procurauit etiam idem CASIMIRVS Poloniae REX Monasterio à se fundato Ecclesiam Parochialem S. ANDRÆ in Tinec, vetusti operis more de petra albâ fabricatam. (Decimis enim manipularibus, prouentibus, introitibus, ceterisq; id genus redditibus ad collationem & in-

patronatus REGIS, plenariè pertinens fuerat quaestiosa,) uniri & incorporari: in cuius etiam nunc proprietate & dominio consistit & perseverat. Amplificasset autem CASIMIRVS Poloniae REX praefatus dotationem Monasterij Tinecensis à se inchoatam & magna ex parte consummatam, nisi ex rebus uiuentium satis parum sperato fuisset subtrahere. In cuius supplementum, filii sui nati iuniorum VLADISLAI (qui Hermanus appellatus est) consors illustrissima & mirae religionis ac deuotionis semina IVDITH Regina, filia Vratislavi Ducis Bòemiae, ex primâ uxore Adleidâ Vngariae Regis Andream, genatâ suscepta, oppidum Opatowiec supra Vistulam situm cum aliquot villis; item, Villam Regiam Xiagnice cum aliis villis supra Nidzicam sitis, Monasterio praefato munificè de Viri sui VLADISLAI Ducis & Monarchae Poloniae specialî annuentiâ & consensu inscripsit perpetuè & donauit. Cuius beneficii tunc accepti Monachi Tinecenses memores, IVDITH Regina (propter excellentiam enim eminentem, morum, virtutum, ac generis, nemo illam aliter, quàm Reginam solebat appellare) in suis orationibus, obsecrationibus, & sacrificiis, agunt ex nomine & singillatim memoriam specialem, & in secundo illam, post primum Fundatorem CASIMIRVM Poloniae REGEM numerant loco. Ad petitionem insuper CASIMIRI praefati Poloniae REGIS, Rachelinus Archiepiscopus Cracouiensis, plerumque Decimis manipularibus Episcopali suae mensae, Monasterium Tinecense praefatum insigniuit & dotauit. Cui Aaron, eiusdem Monasterij Tinecensis Abbas, in Pontificatu succedens, amplioribus Decimis Episcopalibus locum ipsum extulit & celebrem reddidit: prouidens, privilegiis, & perpetuo decernens editto (quod & in praesentem diem mansit illi solidum atque ratum) ut quilibet Abbas Tinecensis, in signum suae excellentiae, praestantiae & dignitatis CRACOVIENSIS CANONICVS, censeatur: & non secus quam Praelatus aut Canonicus Cracouiensis, utatur in Ecclesia Cracouiensi, Canonicali Almutio & stallo, choralis Canonici debito. quod quidem tam pulcherrimum clenodium & insigne ornamentum, neminem ex omnibus Regni Poloniae Abbatibus & Praepositis videmus rapuisse, sed nec aliquem ex Monachis praeter hunc scimus, pedum Pontificale in Cracouiensi Diocesi & Ecclesia gestasse, &c. Porro Monasterium Tinecense in Aroe petrosâ & ardua situm, quam fluminis Vistula praeterfluens abluit, habens Ecclesiam Canobiale & cellas atque officinas Monasterij muro fabricatas: Arx autem ipsa & manibus, & turribus, caterumque propugnaculis notabiliter est communita, quae nocte & interdiu in assidua tenetur custodia; pulchrum patriae clenodium, & fortis contra hostiles insidias municio, locus vetustus & in quo etiam in prioribus statibus propter eminentiam collis nunquam Arx deerat. Est ibi praedium notabile Canobii habens citra duos laneos, de cuius agris nulli soluunt decimam, sed eam pro se tollunt & in horreum suum inducunt, praeter unam portionem quae Vineae dicitur, & quae consinat sepi hortis posteriori, de qua decimatur Plebano S. ANDREAE. Item, est notabile pomarium plures habens arbores fecundas & largas. Item sunt duo horti sub monte, in quibus feruntur & plantantur caules cateraque herba coquinales. Item tertius hortus, cerasis confitus, habens plures apum trancos &c. consequenter oppida, praedia, villas ad eundem Conuentum Tinecensem spectantes, praefatus Liber Beneficiorum recenset, quae à me Libro II eiusdem Historiae breuiter interferentur.

Est praeterea in peristyllo Monasterij Tinecensis, HISTORIA CASIMIRI REGIS.

Historia Tinecensis liber I.

REGIS, in viginti prægrandibus tabulis eminenti loco appensis, clarissimi artificis expressa penicillo; vbi series Vitæ eius & gestorum quorundam illustrium artificiosa delineatio, simulq; Tinecensis Cœnobij Erectio repræsentatur: quam omnem picturam vti elegantem satis & splendidam, in æs incisam insculptamq; his ipsis chartis libri huius appressam, spectandam Lectoribus meis exhibere proposueram, verum idoneo delititurus sculptore, argumenta Imaginum adstricta calamini narratione ad præsens euulgo; adiectis cuiq; binis versibus, quibus vates non ignobilis picturas animauit. Et quidem

I. Tabula, effigiat, NATALIA CASIMIRI, quorum tempore insolitus terræ motus euenerat, ex quo aula Regiæ stupentes ministri, diuersos ominantur euentus. Iconem hoc Distichon exornat.

*Terra tuos dum forte tremis Casimire sub ortus,
Ad cunas visa est lata salire ruas.*

II. Tabula, continet Rixæ Reginæ clandestinum è regno ad Teutonés secessum, quæ à morte Miecislai Regis, accepto CASIMIRO & regio thesauro, Regni Diademata Henrico Imperatori suo auunculo offert, & filium CASIMIRVM Parisios studiorum causa ablegat. versus

*Rixæ Lechi inuisa fugit, tollitq; Coronas,
Plus tamen in nato sustulit illa suo.*

III. Tabula, in quâ CASIMIRVS Regalibus abiectis, Monastico habitu inuestitur, hanc præfert Epigramm.

*Dum seruire Deo, regnum CASIMIRE putasti,
Cluniaci sacram suscipis ecce togam.*

IV. Tabula funestum incendijs, rapinis cædibusq; Interregni tempus, & multiplicia bella exhibet cum hac inscriptione,

*Heu miseram Lechia faciem discerpta tot armis,
Ad te suspirans dum CASIMIRE gemis.*

V. Tabula, Dynastas & Proceres Regni, de subueniendo calamitati publicæ in comitio deliberantes, habet cum lemmate

*Heredem patrii CASIMIRVM querere regni
Iam grauibus statuit Lechia fessa malis.*

VI. Tabula, oratores Polonorum ad querendum CASIMIRVM missos, Abbati Cluniacensi pro eo dimittendo supplicantes, refert.

*Lechica Cluniacum tandem legatio venit.
Ad fasces patrios te CASIMIRE vocans.*

VII. Tabula, Purpuratorum Romanæ Ecclesiæ Patrum, Patriq; Patrum Supremi placito, afflictæ Poloniæ donatur Monachus, REX.

*Indulget precibus Lechia Romana potestas
Et solui vœu te CASIMIRE iubet.*

Fundator Monasterij Tinecensis

- VIII. Tabula, Regina Poloniæ RIXA, constructis duobus Monasteriis in Alemania, cum in vno eorum deuotè ageret, à CASIMIRO in Poloniam reuertente inuisitur; à quâ de Regalibus Coronis apud Cæsarem depositis edoctus, eundem CASIMIRVS accedit, & recipit diademata. Picturæ appositæ epigraphæ.

*Inuisit matrem CASIMIRVS, fertq; Coronas
Cæsaris è manibus sceptrâ paternâ petens*

- IX. Tabula, Venienti CASIMIRO festiuas salutationes à Proceribus Poloniæ institutas refert.

*Latitæ mirû CASIMIRVM Lechia viciâ
Excipit & plausus non capit ipsa suos.*

- X. Tabula, Pompam Coronationis in frequenti comitio exhibet.

*Iam regni diadema capî solijq; paterni,
Culmina summa tibi REX CASIMIRE patent.*

- XI. Tabula, Solennitatem desponsationis continet, cum hoc distichos.

*Principe Russorum CASIMIRVS stirpe Mariam
Accipit in sponsam festaq; lætus agit.*

- XII. Tabula, Atrocis prælij schema continet, de quo versus,

*Iacuingas, Litauosq; truces, CASIMIRE fugasti
Namq; tuâ pugnas pro pietate DEVS!*

- XIII. Tabula, Cruenta prælia & strages multas præbet.

*Masouios, Prussosq; serox Maslaus ad arma
Concitat, ut victos tu CASIMIRE domes.*

- XIV. Tabula, Effigies cogitabundi Regis & somno abrepti depingitur, quem Angelus in visione de victoriâ certum reddit. hoc carmine addito.

*Hostem cur metuû numero CASIMIRE tumentem,
Aliger in somnû spiritus ire iubet.*

- XV. Tabula, Concursum exercituum atrox depictus est, vbi niueus in ære Eques à parte Polonæ phalangis in hostiles turmas inuehitur.

*Omen habes felix victor CASIMIRE redibû
Angelus ipse viam monstrat ad arma tibi.*

- XVI. Tabula, Vigessies octies diuersis prælijs victor REX CASIMIRVS, tandem conciliata pace, Regnum legibus communis. Iconem hoc Elogium ornat.

*Pax secunda tuâ parâ est CASIMIRE triumphû
Iam vacat in folio dicere lura tuo.*

- XVII. Tabula, Duodecim Monachi BENEDICTINI, à Rege humanissimè excepti, in Regiam deducuntur.

*Dilecti quondam memor Ordinû, excipi vlnû
Cluniaco missos, REX CASIMIRE Patres.*

XVIII. *Arx TINECENSIS* in Cænobium conuersa, Patribus inhabitanda à Rege commendatur.

Regia qua struxit CASIMIRVS Claustro Tineci

En BENEDICTINIS Fratribus ipsa dicat.

XIX. Tabula, Beatus AARON Primus ABBAS TINECENSIS, in Archiepiscopum Cracouiensem solenniter consecratur.

ABBAS spectata Primus virtutū AARON

Præsule Craci cingitur ecce mitrâ

XX. Comete portendente mortem CASIMIRVS obit cui ingemunt vates.

Hec morerū Vindex Patria CASIMIRE Parensq;

Tam bona mors fuerat, quam pia visa tibi.

Eiusdem CASIMIRI, REGNUM Religione permutantis admirabile facinus in Icone subiectum, Epigramma tale indigitat.

Innocuus cum matre puer CASIMIRVS, eodem

Exilio, matris crimine, pulsus erat.

Cluniaci placuit sibi vita monastica, seruum

Quàm cuiusquam hominū, maluit esse DEI.

Nos sumus interea sine Principe, subdita cunctis

Terra (dolor fuerit que numerare) malis.

Reddimus eiecto Regnum multa ille reuersus

Restituit melior, vix patre dignus, Auo.

Maslauum domuit ciuili Marte furentem

In reliquos mansit pax sibi grata dies

Quod DEVS innocuū adsit, quod corruat infans

Maiori ut surgat laude: videre potes?

In vestibulo item hyemalis Cænaculi TINECENSIS, eiusdemmet CASIMIRI effigies sub hoc quadristicho conspicitur.

Hic ubi priscorum sunt Asceteria Patrum

Prærupta rupes, desqua fuere prius

Hæc CASIMIRE tibi debetur gloria terris

Vtile cui calum cessit in obsequium.

Porro ut Diuinissimi Principis CASIMIRI, sub vno aspectu, compendiosam vitæ eius Epitomen Lectori exhibeam,

Historico-Policum Elogium cum Panegyri Lyrica

Patris Ines ex Lechiade sisto.

CASIMIR

11

Fundator Monasterij Tinecensis,
CASIMIR VSI. POLONORVM REX III.

Religiosus planè Princeps

E clauistro ad solium, è Cuculla ad Purpuram profecit.

Tutissimus, nempe, trames est, ad sublimia per decliue.

Nemo unquam tutius in publico apparuit,

Quam qui maximè priuatus, latere didicit.

E Paterna Maternaq; Hæreditate,

Cùm nihil, præter scelera, reliquissent;

Nihil, præter sanguinem, accepit:

Hunc etiam resurus, nisi ab optimo fonte fluxisset.

Attremuit nascenti concussa tellus, nouo miraculo commota;

Quod pessimi Parentes, optimum genuissent.

An non tam trepidasse, quàm tripudiasse, eam dixerim?

Illum Principem natum, sinu suo excipiens,

Sub cuius felici regimine, aliquando respiraret;

In noui testificationem gaudij, exiit.

Nec vanum id fuit exultantis Elementi tripudium,

Etiam tunc Optimus Princeps CASIMIRVS

Cum vtriusq; Parentis exemplo, vix potuit esse non pessimus:

Virtutibus suis ex raritate pretium fecit.

Portentum enim est à Parentum vitijs degenerasse

Post vnius Parentis è vita, alterius è Regno excessum,

Alieno scelere innocentissimus Exul;

Vtriq; imputare debuit,

Quod à Polonis non nisi absens desiderari potuerit.

Matrem tamen non tam moribus, quàm pedibus comitatus est

Felicioꝝ illa Mater quàm vxor:

Optimum nobis filium dedit ipsa pessima.

Nocuerat CASIMIRO, ab hac fuisse genitum;

Nisi vtriq; sorti par, de vtraq; triumphasset:

Par Fatis visus, cui tamdiu Fortuna collectaretur, nec vinceret.

Adulta Principum virtus,

Etiam inter impedimenta propagatur, & crescit:

Immo ab aduersis (vt lux à tenebris) magis intenditur.

Historia Tinecensis liber I.

Parisiis è Regno profectus,

Quam sceptro non potuerat; calamo manum impleuit:

Pro Corona Aurea, Laureâ Apollinari coronandus.

Quamquam nec alia ei Corona defuerat,

Quâ deuorum Deo caput, in Asceterio Cluniacensi,

Regno, Mundoq; maior, redimiuit.

Tandem cùm sui imperium, adeò feliciter inuasisset;

In Polonis sui desiderium excitauit.

Dignus iam iudicatus, qui vt regnaret, rogaretur.

Sed non debuit tantum pignus, sine magnâ obtineri impensâ.

Coacti rogare, cui Regnum abrogarant Ciues

Sceptrum vltro offerre, iniuriam deprecari,

Fidem & obsequium omne polliceri.

Nimirum, *facilius magna bona amittuntur, quàm redimuntur.*

Par iam fuerat sceptro contemnendo, CASIMIRVS.

Satis ratus, eo, quo exclusus fuerat Regno, dignum iam videri

Meruisse contentus, habere contempserat.

Meriti dignitas supra ipsa premia attollitur.

Et si benè suffragium ponimus,

Maior est gloria dignitatis, quàm felicitatis.

Adeoq; maius est felicitate dignum esse, quàm felicem fuisse.

Ergò calcatis omnibus, se ipso altior;

Sui Regnum, Regno nobilius reputans; oblatos Fasces repudiat.

Supplicatum proinde Romano Pontifici,

Ab eoq; sacris vinculis absolutus;

Libero Regno, liber restituitur CASIMIRVS, REX Diaconus;

Ac septennali Interregno,

Ipsiq; Regni calamitatibus, finem facit.

Ita felicissimus, in vtraq; Fortuna Princeps,

Post varia experimenta Fortunæ,

Minus quidem aliquando fauentis, sed nunquam iratæ,

Quod Parentum iniuria amiserat, sua virtute obtinuit.

Caue, ne seuerioribus in eum Fatis, indigneris.

Non statim suâ se facie pandit Fortuna.

Fundator Monasterij Tinecensis,
Sapè diu alieno vultu latet ;
Etiam tum, cum creditur inimica, amicissima.
Fallitur quisquis eam è prima fronte aestimat.
A tergo etiam circumspicienda est.
Incognita plerumq, sunt, magna Felicitatù via.
 His CASIMIRVS ad Paternum solium ductus,
 Non Ariadnes sed virtutis filo,
 Adeò perplexum, euasit Labyrinthum.
 Quæris, quis tum rerum status in Polonia fuerat?
 Non tam status, quàm ruina fuit.
 Cum omnia in Regno, turbulentissima inuenit CASIMIRVS,
 (Quale enim aliud à septennali Interregno, Regnum expectares!)
 Ægerrimam Rempublicam, lenta manu curare aggressus est.
 Quo id factum putas successu? felicissimo,
 Ipsis hic quandoque remedijs peccatur.
 Et nonnunquam plus periculi est, à medico, quàm à morbo.
 Sapè, qui agram Rempublicam tantisper, pati non possunt,
 Faciunt nullam.
 Cum mora, vitij mederi, optima quia tutissima curatio est.
 Impatiens medicus, morbo ipso peior creditur.
 Et quia maximum est ad viri felicitatem momentum, vxor proba.
 Hanc in vicina Rossiz Ducum domo inuenit CASIMIRVS.
 Optimum ei in connubio, ex consortis nomine omen.
 Religiosissimus Princeps,
 MARIAM sibi dotali fœdere copulauit.
 Hæc, ne ominis veritatem, in dubium voces,
 ANNA Matre genita:
 Illius memoriam Marito instillabat,
 Quam sanctiori vitæ deditus, iam olim sibi delegerat in sponsam.
 Verùm DOBROGNEVAM postea MARIAM hanc dici placuit,
 Ne Sanctissimum Deiparæ Nomen,
 In tantâ etiam Maiestate, vilesceret.
 Ant' vt Regina, socrûs suæ prauos furores corrigeret;
 Ac pro malè irascente RIXA,
 DOBROGNEVA, id est, benè irascens diceretur.

Historie Tinoccensis liber 1.

Ad eum modum amoribus suis circumscriptis CASIMIRVS,
 Civium suorum domestica dissidia adeo feliciter composuit;

Vt RIXA matre genitum dubitares.

Hostes tam facile, quàm se, olim, sibi subiugavit.

Neque id arduum fuit illi Principi,

Qui aequè Militares ac Religiosas virtutes coluit.

alias, rara est istarum concordia.

Mars, irreligiosum, planè, Numen,

Raro pietatem sub signis suis numerat.

Sed quia hanc semper in castris suis CASIMIRVS recensuit;

Toties victor, quoties pugnator:

Dici potuit, ipsammet victoriam, inter stipendiarios numerasse.

Maslaum Mazouiorum Ducem,

Cum ingenti Prussorum, Iazuingarumque exercitu,

Ita fudit: ut ipse fortitudini suæ succumberet:

Absurdam cogitationem Principis arbitratus,

Maiorem sua, quàm suorum, salutis curam habere.

In acie igitur ad supremam virium defectionem dimicans:

Ne omnino tam palmari victoriæ, immoreretur,

Militis vnius virtute stetit.

Qui semianimem CASIMIRVM in Castra deferens,

Ingens gloriæ & fortunæ suæ pondus tulit

Victoriæ huic, Maslaus, ex alta trabe pendulus,

Triumphalem addidit Appendicem:

Et cum victoris vincula fugit, ipse se in laqueum induit.

Ad summa quæque, per summum nefas connisus;

Ita supra reliquos debuit eminere.

Diceres, ne Victorem CASIMIRVM appellaret,

Vocem sibi ipsi ultro præclusisse.

Aut quod communior fert opinio;

Prussos suorum, quos Maslaus duxerat, cæde motos,

Impotentem, superbissimi Ducis, spiritum,

Quod adeo turpiter insanisset, recte alligasse.

Id est, avaram Regnandi gulam; funesto fine & fune præfocasse.

Impotenti Maslai spiritu

Ac im.

Fundator Monasterij Tinecensis,
 Ac immaturâ regnandi ambitione præfocata;
 Tota Prussia, CASIMIRI arbitrio ultro se permisit.
 Sed & CASIMIRVS, partâ manu pacc,
 vt Numini litaret pro victorijs:
 Spolia detracta hosti, contulit in Canobia.
 TINECENSE & Lubufense trophæorum suorum reliquit monumenta:
 Vtque, Patriæ Patrem, &
 Restitutorem Poloniæ, se *benè--dictum* probaret,
 BENEDICTINOS in Polonia fundauit, dotauit, magnificauit.
 Votorum suorum Æmulatores Fratres.
 Tandem nullum amplius habens in Regno vindicato,
 quem timeret Hostem,
 Cum sanctè religioseq; in omnibus ageret,
 Sensit inimicam mortem Anno Domini, M. LVIII.
 Regis huius pretium, vt bonum æstimare scias,
 vel exinde collige Lector,
 Nunc etiam MONACHVS REX Annuo censu,
 à Polonis redimitur.



CASIMIRO I. REGI POLONIÆ III.
 Monasterij Tinecensis Ordinis S. BENEDICTI,
 FVNDATORI MVNIFICENTISSIMO,
 Panegyris Lyrica.

QVæ te scelestæ dissimilem Patri
 Inter Polonos Gratia fascias
 Nutrimus? inuitosq; magnum
 Pectus Ana, Proauisq; mentem
 Incoxit ausis. Rarior aspici
 Est visa proles, quæ vitij graui
 Descisset à Patre: & profanos
 In melius reuocaret ortus.

Nun.

Historia Tinicensis liber I.

Nunquam Leones parturijt lepus,
 Aut dama lyncas. Quin citius novos
 Remosq; Romulosq; rursus
 In Latij Lupa pascet arui;
 Quam molliori Patri, animosior
 Succrescat Hares. Te tamen integer
 Morumq; Virtutumq; candor,
 Et socio CASIMIRE, iustum
 Impleuit Equo. Tu venientibus,
 Quos sera gignent tempora, Sarmatia
 Illustre portentum & decora
 Ingenui soboles Honesti
 Dicéru olim. Te licet impio
 Ignava Mater lacte & inermibus
 Nutriuit infantem medullis,
 Atque suo puerile pectus
 Fecidit astro: Te tamen i licet,
 Intaminata Religio manu
 Non erubescendi recudit
 Artibus, innocuaq; rursus,
 Mentem & Viriliu robora pectoris
 Firmavit ira. Te Latij Pater,
 Iam castra virtutis secutum
 Castra tuis, BENEDICTE, quondam
 Firmata claustru, Sarmatico parem
 Indulxit aruo. Te celer. Istula
 Adhucq; demessi relictum
 In medio capitis maniplum
 Gestans Polonus. te memorem sibi
 Latè reductis pingit in adibus;
 Tuosq; condemnatum, aduocq;
 Nunc etiam, caput, esse Voto
 Non erubescit. Te TINECENSIA,
 Nunquam obsoleto claustra silentio
 Dixisse, Vicinasque gaudent
 Munificum docuisse ripas.
 O? si Polonos nunc etiam leui
 De nube spectas; discute nubilas
 Regniq; Ciuiumq; rixas
 Et nigros Lechia, Lechiaq;

*Fundator Monasterij Tinecensis,
Precare mores: Sic tibi Regis
Stellata tali semita lactei
Deseret axes: Sic Polonus
Indomito fremat are Maiors*

15


Neque verò gentis Polonæ scriptores, Diuū CASIMIRVM Primum Regem Poloniæ, ab insigni pietate vitæq; sanctimonia laudauerunt soli; cū forte non nemo, domestica illorum testimonia, minus explorata fidei habenda iudicaret. Placet insuper, locupletissimum innocentissimæ Vitæ eius ab Ordine BENEDICTINO fide optima datum, & vniuerso orbi publicè exhibitum testimonium, in præsentī proponere: cui nec falsitas vel adulatio subesse potest, vt pote ab extraneis scriptum, & multi temporis indagine satis exploratum. *MENOLOGIUM BENEDICTINVM* antiquæ veritatis à BVCELINO editum opus, ad diem 28 Nouembris, solennem de Casimiri Primi regis Poloniarum, rerum gestarum excellentiā & sanctimonia vitæ, encomiasticam testificationem huiusmodi, quam verbis Menologij recenseo, vt fides relatis certior adhibeatur.

Quarto Calendas Decembrii. Posnania in Polonia, Natali Beati CASIMIRI huius nominis primi Poloniæ Regi, qui ex Monacho Cluniacensi, permittente summo Pontifice, ad Regiam subleuatus est dignitatem. CASIMIRVS Miecislau Regem Patrem, Rixam Ezerlini Principis filiam, Othoni H Imper. neptem, matrem habuit. Patre mortuo, cum minorenne etiamnum, eoq; minus imperio aptus haberetur, matre interea imperante, & exactio-nibus quibusdam Regnum vexante, Regiā cū matre exactus, exul in Galliam concessit, & studiorum gratiā, primum Parisijs substitit, dehinc in Italiam commigravit; vbi aliquot annis commoratus, cū celebre ob sanctitatem toto terrarum orbe Cluniacense Canobium plurimum deprecari audisset, eo contendere non differens, aded loci Religione delectatus est, vt purpuram illud cucullo permutaret. Illic Sanctum Odilonem Magistrum natū, magnū virtutum profectibus magnus euasit, mutatoq; in professione Monastica nomine Carolus appellatus, & Diaconus ordinatus, animi demissione plurimum excelluit. exemploq; omnibus & spectaculo fuit. Regno interea, & externorum odijs, & seditionibus intestinis quassatus ac penè pessundato, cum iam septennium in Carobio exegisset, à Polonia Proceribus, enixissimis precibus, vt rediret exoratus, & à summo Pontifice iussus, agrè admodum Cluniacensibus valedixit, & sceptro ac diademate se insigniri passus. ijs conditionibus, Religionis votū à Romano Pontifice absolutus est, quibus æternum constaret, Polonos lectissimum ē Monachū Regem habuisse.


1. Erat, Vt Poloni singulis diebus Mercurij ieiunent, vnicā tantū refectione contenti.
2. Vt iidem omnes rotundā in morem Monachorum tonsurā capillorum vtantur, nec vltra auriculas ritu barbarico, quisquam omnino comam promittat.
3. Vt festū solennibus, dum sacra peraguntur, singuli Equites fasciam lineam candidam, in modum stole quā in sacris vtuntur Sacerdotes atq; Diaconi, ē collo suspensam ferant.

4. Ut de singulis capitibus, exceptis Nobilibus & sacris, tres oboli & cribrum aene in lucernam perpetuo in Divi Petri ade arsuram pendantur, &c.

Iuuit quamprimum & egregie restituit Regnum afflictissimum REX Sanctus, Bôëni q. ac Mâslao Plocensium Duce edomitis sepius triumphavit. & prodigiosam aliquando singulari Numini ope Victoriâ retulit, aliâq. inter merita Silesiam etiam Regno adiecit. Tanti ab omnibus factus, ut superstes etiamnum Patria Pater appellatus sit, & à morte præcipuus à Diuo Adalberto Regni amplissimi Tutelari, quin & ob idololatricæ præstigiis reliquis Apostolus salutatus. Condidit aliquot potentissima Ordini nostri Canobia, ijque Cluniacensium suorum colonias induxit: cum annos 17 Sanctissime imperasset, plenus meritis Boleslao filio Regni successore relicto ad Palatia aterna emigravit Anno Christi 1058. Hæc de CASIMIRO FVNDATORE TINECENSIS MONASTERII Monologium BENEDICTIVM. quo misso interea ad ABBATES eiusdem MONASTERII tranſeamus.



Homines diuites in virtute, pulchritudinis studium habentes, pacificantes, in domibus suis, omnes isti in generationibus gentis suæ gloriâ adepti sunt, & in diebus suis habentur in laudibus, Eccl. 44.



E L O G I A
ABBATVM TINECENSIVM,
Ordinis S. BENEDICTI.

B. AARON


19

(S) (X) (S)

B. AARON GALLVS,

PRIMVS ABBAS

TINECENSIS.



Elogia Abbatum Tinecenſium,

ARON nobiliſſimo apud Gallos genere natus, cum à primis annis delicias ſuas in cælo collocaret, in MONASTERIO Cluniacenſi, ſub ABBATE SANCTO ODILONE, vitam regularem eſt profeſſus. Jam vero eo tempore, Cluniacenſium Monachorum Sanctitas, & CANobij nomen illuſtriori ubiq; celebrabatur famâ ob Sanctam & glorioſam Reformationem, quam SANCTO illius loci in ordine Antiſtes ſecundus feliciter inchoauerat: qui totius Ordinis BENEDICTINI à ſede Apoſtolicâ conſtitutus Reſormator Generalis, tantum Exemplo, Doctrinâ, & Auctoritate effecerat vt Monasteria & Prioratus eiufdem Ordinis, ſeueriori regularium legum aſſumptâ obſeruantia, plura quàm bis millena, in vnus Congregationis formâ conuenerint, & Monachi illius, longo tempore in regulari perfectione & Sanctitate fuerint conſeruati: apud eos tunc **AARON**, tanquam in nido & ſeminario perfectorum religioſorû, Monastiæ grauitatis & Sanctimonix exempla collegiteſt ſublimioriſq; ſcientiæ cognitionem in tantum, aſſecutus, vt inter primos & præcipuos ArchicANobij illius Aſcetas, facile principem locum habuerit.

Inerat verò ſeruo **DEI AARONI** à primâ ſtatim ætate excellens in mente pietas, zelus in cultu Diuino, ardor in cæleſtium contemplatione bonorum, infractus in laboribus pro aſſequendâ cordis puritate ſuſtinendis animus, & continuum in virtutum contentione ſtudium. non ei titillationem aliquam illud crepitaculum vanitatis Generis nimirum antiquitas & Doctrinæ ampla cognitio admovebat: ſed profundâ animi ſubmiſſione, in fluxarum rerum contemptu, & cæleſtium admiratione defixus, caducam vitæ conditionem, humanarumquæ varietatē rerum & inconstantiam animo diligentiori reputans, & hominû inſigni olim fortunâ florentiû miſerabiles exitus in memoriam crebrius reducens, omnibus Corporis & Fortunæ bonis omnino diſſidebat: ita vt nunquam ſecundis rebus & ad uoluntatem fluentibus extolleretur, ſed cum vel maximè cum illæ impeterent prouocaretq; mentem Prudentiæ munere fruebatur. Cumque virtutes, Aſceticorum opinione, ita copulatæ ſint, vt qui vnâ habuerit, opus ſit reliquas omnes habere, cum id earum requirat perfectio; vix in catena dum primus ſtabitur annulus, reliqua compa-

gesequitur annulorum: ita in AARONE virtutes adunatae, insigni agmine in eo conlitterant. Id quoque ex mente & institutis Almi Patris Nostri BENEDICTI cognouimus, virtutum Matrem Humilitatem, multas excellentes Probitatis filias suo complecti sinus hanc Altricem perfectionis totius ita comparauerat AARON caelo annuente, ut in eâ ceu fundamento feliciter alias superstruxerit virtutum summitates. Hinc illa eius morum præclara innocentia, sensuum moderatio, à rebus terrenis auersio, mens iugiter tendens ad cælum, frequens sermo de DEO, modestia cum affabilitate, grauitas cum urbanitate, interrogatio cum discretione, locutio prudenter temperata, Humilitas DEO grata, & dulcis hominibus, & AARONI amicissima virtus, tantum in eo perfecerat, ut & sensibus frenum iniecerit, affectus perdomuerit, mundum spernere docuerit: exinde fauores aliorum, siue ad corporis commoditatem, siue ad præcedentiæ gradum pertinerent, submisere respuebat; solius verò ornatum animi, non speculatiuâ cognitione rerum, sed practico exercitio virtutum firmabat, temperabat, nihilq; in vita pulchrum, nihil firmum, nihil excellens iudicabat, quod non sentiret esse charitate illâ Diuini luminis, illustratum.

Et ut summam cæteras AARONIS complectar virtutes, cum impossibile sit singulas persequi numerando, in eo, præter iam memoratas, erat industria in agendo, celeritas in conficiendo, patientia in perferendo: mores non minus faciles & ameni, quam graues & sedati; sermo cuiq; placidus & multâ humanitate temperatus; cæteraq; animi & ingenij dotes, quæ illum omnibus carissimum effecerant, quibus admirabilis & venerandus euaserat, propter quas ab omnibus amabatur. Cumquæ omnium animos occuparet eisque cordi esset, singulariter tamen CASIMIRVM Poloniae Principem & Monachum Cluniaci tunc factum, in sui amorem prouocauerat, qui in frequentissimo illo & illustrissimo Conuentu Monachorum perspicuens AARONEM tantis ornatum virtutibus, tantis charismatibus à DEO donatum, tot perfectiones Christianas in se continentem, earum illectus fragrantia virtutum, totus in eius rapiebatur amorem: dumq; CASIMIRVS perfectionis avidus æquè, & bonorum æstimator esset, ad monita & exempla venerandi Magistri AARONIS, actus suos fingere, componere mentem, spiritum erigere

nitebatur; ab eius exemplo, zelo sanctioris vitæ incendebatur; illo consulente & subinde hortante, Mundi vanitatem, & Monasticæ præstantiam vocationis expendebat; ab illo discebat, modum Orationi quâ vocali, quâ mentali fructuose insistendi, passionēs naturales, per custodiam sensuum & mortificationem cohibendi; præterea, austeritatem, ieiunia, cilicia, disciplinas, conscientia puritatem, crebram illius discussionem, Sacramentorum frequentem usum, Confessionis præsertim, per apertionem quotidianam, motuum interiorum, per cordis & tentationum manifestationem, per exercitium humilitatis circa viliora ministeria, per modestiam in omnibus actionibus, diuturnumq; silentium, ad veram sui abnegationem, ad perfectam imitationem vestigiorum CHRISTI, ad apicem supremæ semperq; mansuræ felicitatis perueniendi rationes & modos CASIMIRVS edocebatur.

Fecerat verò in vitâ Religiosâ amplos passus, iamque vberem virtutum sementem, ex claustrali culturâ collegerat CASIMIRVS, tali præeunte Magistro & ductore; iam non suo Nomini decus, sed Animæ salutem parabat, iam non popularem famam, sed Diuini Numinis ardentem flammam sectabatur; iam quasi alter Helias ignitæ charitatis viatico, ad immortalitatem eluctabatur. Et ecce, cum sui imperium adeò feliciter CASIMIRVS inuaderet, in Polonis desiderium sui excitauit; dignusq; est iudicatus, qui vt regnaret apud eos, ab ipsis rogaretur. Romani itaq; Pontificis autoritate & iussu, à sacris vinculis Monachatus & Diaconatus absolutus, & ad sceptrum hereditarium reuerti compulsus, post quam Poloniam septennali Interregno diuexatam, paci restituisset, finitimisq; hostes Prutenos, lauingas, Roxolanes, Mazouios cum suo Maslao deuicisset, & auulsas à sceptro Poloniæ Prouincias vindicasset, paceq; & tranquillitate Poloniam recreasset: hic Rex tot victorijs exaltatus, bellico absterfo sudore, conditionis prioris Monasticæ, cui semper animo deuotus fuit memor, & suam in BENEDICTINOS gratitudinem testaretur, suumq; Cluniacensibus affectum probaret, missis eo nomine ad Cluniacenses Nuntijs, orare se significauit, vt ad nouam Erectionem duorum Cænobiorum, quæ in perpetuum amoris sui erga Ordinem BENEDICTINVM monumentum fieri præcepisset, AARONEM Venerabilem virum, cum Fratribus ali-

quot

quot ad se in Poloniam mittere dignarentur. Quo nuntio Cluniacenses insigniter exultantes, tam quod alumnum suum Divina Providentia tantis victoriarum nobilitasset trophæis; quam quod pene eueritæ per interregnum Poloniæ ad fidem nuper CHRISTI conuersæ, auxiliare brachium Dominus porrexisset: ad ampliandam itaq; gloriam Diuinam, & ad decus Ordinis promouendum, nec non ad votum Principis inuitantis explendum AARONEM cum alijs Duod. cum Monichis, qui Collegium Apostolicum duodenario signabant numero, quique AARONI Astituti subessent, & nouis Ordinis apprehenderent colonias, instituerentq; Claustra, actis Regi munifico gratijs, in Poloniam submiserunt.

Quantâ lætitiâ Principis animus, in aduentu desideratissimi gestierit AARONIS, quo vultu festum egerit cum hospibus diem? eximia eius in TINECIAM collata liberalitas, perpetuis temporibus Monumentum stabit. Suscepto verò TINECENSIS Monasterij gubernandi munere, AARON satis gnarus, non ad otium & delicias sed ad curas laboresq; vocatum se, primum statuit sibi non parcere, nihilq; omittere, quod ad Primi Institutoris sanctæ obeundum munus, quod ad Nouæ Vineæ plantationem commodè adaptandam, quod ad ABBATIS debitam diligentiam serio adhibendam circa se, vel adeorum qui sibi commissi essent salutem promouendam, nosset pertinere. Cumq; Tineciæ ceu in speculâ Vigilantissimos Bellatores collocare optaret, quidquid ad perfectam disciplinæ Religiosæ Ideam, & ad formam benè ordinati Canobij, tam ex Regula Sanctissimi Legislatoris BENEDICTI sciret, quam ex longo Cluniaci inter eximios, sanctioris vitæ sectatores conuictu didicisset, totum ad profectum suorum disponebat. Ad quam rem facilius consequendam Numinis supremi adiutricem implorabat manum, Sanctorumq; patrocinium submissius deprecabatur, vt sibi Vineam Domini Sabaoth nouiter implantanti, & nouum TINECENSI in Atce Propugnaculum, ad vastandum Mundum, ad subigendam Carnem, ad debellandos infernales hostes, erigenti & munienti in tanto molimine occupato, superne ferrè succursum dignarentur. eaq; de causâ, vitam quam hactenus inculpatam & innocentem traduxerat, nouis ac fetidioribus virtutum actionibus studebat exornare, vt se exhiberet formam commisso gregi,
& tota

& toti Sarmatiae Exemplar imitandum. Considerabat enim se Genti Polonae in lucernam missum, Pio Regi in solacium, Fratribus in Moderatorem: idcirco amorem innocentiae quam omnibus commendabat, ipsa sua conuersatione demonstrabat, aliorum errata suis actibus condemnabat, eratq; vir secundum cor Dei, & in conspectu eius perfectus. Primum quoq; Nqui Monasterij ABBATEM, se circumspiciens, illa monita ABBATVM Gemmae & Licurgi Monachorum SS. P. BENEDICTI continuo mente versabat, ABBAS qui praesse dignus est Monasterio, semper meminisse debet quod dicitur, & nomen maioris factis implere, tum & illa, sciat ABBAS quam difficilem & arduam rem suscepit, regere animas & multorum seruire moribus, hisq; consimilia quae sanctus Pater B. in ABBATE BENEDICTINO requirit, Fratrum scilicet quantum numerum haberet de omnibus illis strictissimam rationem aequissimo Iudici DEO se sciret redditurum: ideo curabat, ut conscientias singulorum Religiosorum suorum perspectas haberet, ut illas in Domino melius adiuuare posset: nullam curam ac sollicitudinem Animarum saluti anteponebat, sed suae inprimis curam gerens, prius in seipso deinde in alijs Gloriam & laudem Dei quarebat & promouebat: sic alijs virtute prae lucebat ut instar solis, ceteros veluti stellarum igniculos suo fulgore illustraret & suo Exemplo ad studium Perfectionis accenderet. Regulam monasticam secundum Ritus & sanctissimas Constitutiones Cluniacensis congregationis à Tineensibus diligenter obseruari faciebat. inter omnia sedulo aduigilabat ut officium Diuinum, ac Horae Canonicae, debita cum deuotione suo Tempore ac Ordine persoluerentur. Item, ut meditationes, Lectiones spirituales & similia Claustralium exercitamenta vigerent. Promouebat in suo Monasterio bonarum Artium & Diuinarum scripturarum studia, imò verius Gymnasium LL. AA. ex voluntate Regis assignatis huic muneri Doctis et idoneis Cluniaco missis Fratribus, TINECIA instituerat. Opus quoq; manuale, in describendis libris & rubro distinguendis, ligandisq; & componendis, habitâ ratione personarum & temporis nonnunquam tractari, nonnunquam alia obsequia externa Fratres exequi, praecipiebat: gnarus per talia exercitia Humilitatem & Charitatem exerceri, & corporis valetudinem conseruari. Ad hæc curabat, ut subditos ac famulos haberet DEVM timentes ac sibi fideles;

les: Temporalia liberaliter à Rege collata, administrabat tanquam
 feruus fidelis ac prudens, quem constituit Dominus super familiam
 suam. Cum autem temporalium bonorum, alia spectent ad neces-
 sitatem, alia ad commoditatē seu melius esse, quæ necessitatis erant,
 sic disponebat, ut neq; templo, neq; fratribus, in victu vestitu, habita-
 tione, ac libris deessent: in procurandis verò ijs quæ erant Commo-
 ditatis, curabat, impensas conferente Principe ut primo Sacra luteilex
 esset instructissima, eoq; decentior quo Mysterium SS. Eucharistiæ
 proprius attingebat: deinde fratribus providebat, iuxta cuiusq; vir-
 tutem, vitæ meritum & exigentiæ Religiosæ decorum. Externæ
 verò familiæ curam, semper postponebat ei, quæ habenda erat
 Fratrum, quorum aptitudines naturales, inclinationes, & mores,
 præsertim Tyronum in Religionem nouiter adscriptorum, ut ple-
 nius internosceret, & aptis monitionibus postea roboraret, ac ut
 Fratres vicissim ab ipsius exemplari conuersatione & præsentia ma-
 gis edificarentur, quantum reliquæ curæ officio annexæ tempo-
 ris concedebant, in quantum liberior esse poterat, in quantum
 & onus Archiepiscopale sibi postea delatum permittebat, cum Fra-
 tribus in Monasterio, in choro, in Capitulo, in Refectorio sæpius
 esse studebat. Opus quoq; peculiare in Regula veritum, à cubi-
 culis Fratrum proscribebat: Officinas Domûs visitabat, & ut decen-
 ter fierent omnia, cum gloria Dei & animorum lucro seriò in-
 vigilabat: sciens quod obligatio Abbatialis, sicut sollicitos circa
 Animarum salutem, ducit ad gloriam, ita desides vrget ad pænam.
 Hæc tamen vigilantia studia circa profectum suorum cum actita-
 ret AARON, omnia prudenter, discretionē altā, quæ Mater vir-
 tutum meritò asseritur, temperabat: erat vigilans, prouidus, &
 consideratus, ac non turbulentus, ex nimietate anxius, vel ob sus-
 piciones leues plurimum irrequietus. Deniq; omnibus se bene-
 volum & nulli infensum, subditis Rectorem, in rigore Patrem,
 in pietate Matrem exhibebat. Sicq; iura disciplinæ contra delin-
 quentes, qui in illo primo seruire rarissimi inueniebantur, visus est
 exercere, ut & pietatis abundantiam habuisse, & zelum correctio-
 nis prudenter vrgentem adhibuisse, ab omnibus prædicaretur.

Quare ut primùm Orbi Polonico fulgor Sanctimonie & Do-
 ctrinæ radij, Antistitis TINENCENSIVM Primi, caperunt inclare-
 D
 scere,

scere, subito in illo ingentes dotes omnes suspicere, probare & prædicare certabant: potissimum tamen CASIMIRVS REX intimius ei affectus, tantum virum pro meritis suis venerari & exornare amplius contendebat. Atq; post amplissima encomia sanctitatis eius, integritatis & doctrinæ, hunc in Archiepiscopum Cracouiensem denominare, Capitulo Cracouiensi præsentare, & vt securè ea prouincia committeretur illi, regalem interponere dexteram, & successus polliceri faustos non prætermisit. Vera autem Domini sententia est, & in AARONE factò completa mansit, *Math. 5. Non potest ciuitas abscondi supra montem posita, & nemo accendit lucernam vt abscondat eam sub modio sed super candelabrum ponat, vt luceat domum intrantibus,* non potuit latere AARON sub modio Humilitatis Monasticæ, sed super candelabrum Ecclesiæ exaltatus est, vt Doctrinæ & sanctitatis lumen copiosius per mundum diffunderet. nam sicut sol terræ radijs suis illustrat & cælum, sic Honor, hominum actiones præclarissimæq; facinoræ: iam vero honor non facit bonum, sed ostendit, qui si in stultum & improbum ceciderit, calamitatem ei adfert, non quæsitum decus: sed AARON magis ab alto luxit, & Dignitatem cellam, amplissimis pro Ecclesia & Regno factis ornavit, illustrauitq;.

Quamquam hoc quoq; scire velim omnes, quod illo, quo hæc fiebant in Polonia tempore, ex Ordine S. BENEDICTI penè innumeri ex diuersis Cænobijs ad diuersas Ecclesiarum Dignitates & Prælationes vocati fuerint, aliqui propter eximiam sanctitatem, aliqui propter sacræ Doctrinæ excellentiam, non nulli ob singularem agendorum industriam, quidam etiam propter generis claritatem, omnes tamen ob regularis vitæ disciplinam, & publicam Ecclesiæ utilitatem. Hinc numerantur ex Ordine nostro, à dignis fide scriptoribus, Summi Pontifices plures quam triginta, qui sibi diuersis succedentes temporibus, Sacræ Romanæ Ecclesiæ Maiestatem conseruarunt laudabiliter, & vt verbo absit inuidia, gloriose auxerunt: Cardinales vero, Archiepiscopi, & Episcopi, per diuersas Prouincias & Regna tot prouenisse à togâ Benedictinâ scribuntur, vt myriades exceßerint, & Tomos grandes, recensendo sola Nomina eorum, Authores docti impleuerint, ad quorum Historicam demonstrationem remitto ambigentes. Hoc quoq; AARONIS Nostri occasione dixerim fuisse tempora olim, quibus BENEDICTINVS

ET INVS Ordo tantam copiam virorum Illustrum in suo gremio continuerit, & tam fecundus in proferendis Apostolicis Viris & Præsulibus exstiterit, ut si præsentium temporum ad præterita comparatio fiat, tantum distare videatur status eius præsens depressus & nube alienæ potestatis obfuscatus, quantum album à nigro, lux à tenebris. id verò quo fato euenisse docuerim, penitus ignoro. scilicet Varietati Mundanæ quæ cuncta regyrat, ac nihil firmum, & stabile, manere finit, suaq; perpetua inconstantia constat, adscribendum censuerim. Equidem illis difficillimis temporibus, athletæ solidiores opportuni erant, nunc fundata, roborata, & ut quidam loquitur clarificata per Orbem Ecclesia, eius cardines & molem imperij subsequentes administri deportare valent. in Magistros Ecclesiæ & Populorum Duces euserant olim Monachi, iam euoluto climate Regulari contrarius subsecutus est motus, & cancrorum more res claustrorum retrograduntur: nam ad regendos Monachos, non solum ex Clero seculari, sed pene ex plebe, ex cunis, vetustissimis Archimandritæ Ordinibus præficiuntur. quod cum fiat quotidie, nec causam benè sciamus, rectè dubitare quis possit? Quo nam tempore Ecclesia sanctameliùs floruerit? vtrum sub Monachis, totum quidquid habere poterant, in sortem Ecclesiæ conferentibus? An præsentì auro, dum Ecclesia Mater vberibus suis tam delicatè nutrit Pastores suos, & ex tenuibus locupletissimos reddit? certè suis distinctis temporibus fructus succrescunt diuersi: vicesq; rerum varias DEVS destinavit olim. Ut in orbem, voluuntur Astrorum Orbes, sic mores hominum suâ varietate, perennant. Exemplum ex Monarchijs Mundi & terrenâ dominatione habemus, vbi diuersa Imperia enata, extinctis prioribus, & fasces alio modo tractantur, quam ab antecedentibus fuerint circumlati: quod etiam ex Typo Mundanæ Varietatis, Statua Prophetæ discimus, vbi Aureo Capiti, æreo pectori, luteos pedes simulacri fabricator DEVS supposuit, ut hoc pacto moneret, nihil esse in mundo durabile & quod suis non subsit ruinis: veluti auro, argentum, æs, ferrum & lutum succedit, sic periodos instantes anterioribus deteriores esse. Hac eadem sorte Ordinem Nostrum Duodecim Sæculis iam persistentem, ad hæc tempora videmus perdurare, qui post Aureum Capitis decorem & robustam,

atatem, ac ferream fortitudinem, ad hanc debilitatem in suâ decrepitudine non planè volens deuenit. Interea tamen, Trithemius **ABBAS** perdoctus, in suo *Pentheco* causam insinuat, quare tanta depressio Ordinis inualuerit? *Quia Monachorum tepuit deuotio, amor scientiarum extinctus est, ideo ab Ecclesiarum regimine repulsam sunt passi.* Sed dato, non planè concessio, (cum etiamnum & probi & docti Religiosi inueniantur non pauci) quod ad Ecclesiarum *Secularium Cathedralium* directione a moti *Regulares* extent, quibus cum mundanis curis parum conuenit, sic sane iustum factum! sed cur quæso à suarum *Regularium Ecclesiarum & Canobiorum*, regimine arcentur? cur *Monachi* exoticæ subduntur potestati? cur eorum *Magistri* constituuntur, tales, qui nunquam fuere discipuli? hæc quidem in controuersiam iure vocari possunt, sed tamen fiunt, altissimo consilio omnia disponentis. **DEI.** nihilominus futurum forte aliquando crediderim, ut sibi reddantur Ordines, & res illorum ad cursum postliminio pristinum reuertantur. Nos vero Ordines Antiquos non ex eo felices aestimamus, quod Pontifices plurimos Ecclesiæ protulerint, sed hinc meritissimos asserimus, quod fideliter in Ecclesiæ excolendis aruis laborauerint, quod multas terras hereditati Christi adscripserint, quod oues errantes ad ouile **DEI** reduxerint, gentes ad fidem conuerterint, Sanctis cælum repleverint.

Sed permittamus currere res ut currunt. mihi repetendus est **AARON**, qui à claustrali vitâ in Archiepiscopum Cracouiensem prouectus, quid in ea Insulâ gesserit, vel quæ ad perennem memoriam in hoc apice Pontificio sedens præstiterit, ut veritas ab alio probata plenius teneatur, Illustrem Virum **SIMONEM STARO-VOLSCIVM** Canonicum Cracouiensem induco, qui in Opere suo *VITÆ ANTISTITVM CRACOVIENSIVM* inscripto, de **AARONE** hæc habet. Anno (inquit) 1046, quo *Rachelinus sextus Archiepiscopus Cracouiensis* decessit, **AARON** Monachus **S. BENEDICTI TINECENSIS** *MONASTERII* in *Diacesi Cracouiensi* Primus **ABBAS** natione Gallus, **CASIMIRO** Rege instante & petente ob vitæ Sanctimoniam & virtutem ac Doctrinam præstantiam à Capitularibus Cracouiensibus ad regendam sedem Archiepiscopalem Cracouiensem assumptus & postulatus. Quem statim

tim REX CASIMIRUS pietatis studiosissimus ad BENEDICTUM Na-
num Oratorem suum fecit, & cum mandato in Germaniam ubi tunc PA-
PA morabatur, expedit: à quo perhumaniter exceptus, & uti vir soler-
tis ingenij & dexterit. in tractandis negotiis singularis benigne habitus, faci-
le vota Regis ob qua principaliter venerat implere: & consecratione per
Cardinales Colonia recepta Pollum cum privilegio Archiepiscopali obti-
nuit, Annisq; Tredecim infedo Cracouiensi praedens Decima quinta Mai
rebus exemptus est humanis, & in Ecclesia sua Titulari sepultus, Anno
Domini M. L. IX. Peracta Coronatione BOLBSLAI Audacis.

Hic ingenuus parentibus in Gallia natus, in Monasterio Cluniacensi
Religionem S. BENEDICTI professus, virtutibus suis & sanctitate vita,
CASIMIRO adhuc Monachum agente, magnopere placuerat, à quo in
Regem Coronato, cum aliis Duodecim Fratribus eiusdem professionis &
ordinis, Cluniaco euocatus, in Poloniam venit, & locum TINECENSEM
pro canobio accepit, Primusq; in eo ABBAS praefuit. Tandem ob meri-
ta, uti diximus, Pietatem, eiusdem Regis favore, ad sedem Metropolita-
nam promotus, Septimus & ultimus Ecclesia Cracouiensis Archiepiscopus
extitit. Qui TINECENSE Canobium multis prerogatiis, libertatibus,
& immunitatibus, largitioneq; Decimarum Manipularium, ad mensam
Archiepiscopalem Cracouiensem pertinentium extulit & dotavit: uniuersosq;
TINECENSIS MONASTERII ABBATES successuros, eo ho-
nore privilegiauit & insigniuit, ut quilibet eorum foret CANONICVS
CRACOVIENSIS NATVS, stallumq; in sua Cathedrali inter Canoni-
cos obtineret atq; intra Diuina officia & Horas Canonicas superpellicea,
Almucioq; amictus incederet. Hacrenus Starouolscius. cuius Elogi-
um, sequitur Hexastichon tale

Adduxi Fratres TINECENSEM primus in Arcem

Mox rexi populum Vandalis ora, tuum

Multa sacra per me sunt addita & aucta Cathedra,

Multa Monasterio dona dicata meo.

Eunq; & ad sanctum Oratoris munere Papam

Hincq; sero sedi Pallia sacra mea. hæc ibi.

IN suo tamen Archiepiscopatu præter memorata, traditur etiam,
Ivsum Psalmorum Gradualium in Prouinciam Poloniam induxisse
ARON, (qui Psalmi in Ecclesijs Gallicanis per tempus Quadra-
gesimæ iam passim recitabantur, & necdum ab uniuersali Roma-

na Ecclesia, vti nunc, indicti fuerunt:) præterea Deuotionem erga Defunctos, à Cluniacensibus, apud quos primo nata, acceptam, idem propagasse scribitur, & pleraq; alia piè instituisse, ad laudem Omnipotentis DEI & Ecclesiæ Catholicæ, per partes septentrionis feliciter tunc crescentis, singulare ornamentum.

His interim AARON intentus operibus, & Iustis Funebribus Pientissimo REGI CASIMIRO, Posnaniæ exolutis; actandem BOLES LAO AVDACE maiore natu defuncti filio, in Regem Poloniæ ibidem vncto & coronato, annis confectus laboribusq; consumptus ArchiPræsul, reuertens in suam Metropolim ægrius habebat; finemq; vitæ persentiscens, vt erat ad exitum de hoc mundo paratus & promptus obsequi DEO se vocanti, ita religioso more Sacris ritè procuratus, ad illam beatam immortalitatem, quam semper quærebat, migravit, sempiterno æuo victurus. Diem eius felicissimi obitus, aliqui in Decimam quintam Mai, nonnulli in Nonam diem Octobris referunt, sed in Anno quo decessit, conueniunt, qui fuit à Nato seruatore M.L.IX. Lugubris ille & omnibus mæstus funeris apparatus, quem CASIMIRO REGI, AARON officioso supremoq; obsequio exhibuerat, & acerbiorum dolorem præ alijs ex obitu sui amantissimi Principis conceperat, causam dedisse ArchiPræsuli infirmitatis contractæ & mortis subsecutæ, dicitur: Tantam enim inter se animorum consensionem habuisse credebantur, tantam morum harmoniam, & intimam amicitiam, vt consonam quoq; & subsequam, ex hac vitâ ad illam immortalem & æternam, AARONEM desiderasse commigrationem fuerit probabilissimum.

Jam verò sicut AARON summus Sacerdos Israëliticus, iussu Diuino in supercilium Montis Hor conscendens, ibiq; somnum, mortis obdormiens, in eodem Monte Hor à Mose est tumulatus: ita AARON Noster ArchiPræsul mericissimus depositis mortalitatis exuijs, in aliam vitam translatus, sepultura publicum honorem in Vauello Monte intra Basilicam Cracouiensem à frequentissimo Clero suæ Diocesis accepit. Sacrum autem Collegium, Prælatorum eiusdem Ecclesiæ Cracouiensis, in signum Amoris quo in suum Antistitem ferebantur, & in memoriam Honoris Metropolitici, quem cum AARONE simul amiserunt, Gentilitium eius stemma, Tres Coronas Regias, coloris aurei, in campo albo, intra scutum

scutum militare consistentes, pro tessera & sigillo Capitulari assum-
pserunt: ut cum post fata AARONIS nullus superstes in Regno
Poloniæ huius familiæ relictus existeret, ipsi successores & legitimi
filij tanti tamq; pij Patris & Pastoris, apud omnem posteritatem
deprædicarentur. Sunt verò istæ Coronæ, omnia felicitatis & sym-
bola gloriæ non vulgaris, quæ sicut Regum capita ambiendo e-
xornant, sic illius Sodalitij Cathedralitici, Primariam in Regno Di-
gnitatem declarant. Quo in stemmate suo AARON superstes vi-
uit, vivit & in gratis animis successorum, & monumentis Reipu-
blicæ Poloniæ, in Annalibus, in fastis, vivet, neq; vlla ætas, vel a-
deò immemor vel adeò ingrata erit, quæ eius res gestas, Virtutes,
& Nomen, non suspiciat, non admiretur, non extollat, aut illius
præconia iusta prædicatione celebrare aliquando conticescat. In
ABBATEM TINECENSEM constitutus est, anno 1046. obiit anno
1059. Sedit in sede Abbatiali annis tredecim, & in Archiepisco-
pali annis duodecim & mensibus aliquot.

*Æternus tibi surgit honos, Lechicassq; per oras,
Debetur meritis gratia summa tuis.
In Lechiam per te BENEDICTI sacra propago,
Quod fortunatis venerit auspicijs.
Isrâelis duxit populum Divinus AARON,
Tu BENEDICTINIS alter AARON eras.*

A N C H O R A S,
A B B A S II.

Post obitum gloriosissimum Domini AARONIS
suffectus est in locum eius ad regimen Tinecense An-
choras, genere Burgundus, professione Cluniacensis,
gradu Prior, qui ob eximie probitatis, & sapientiæ
præclara merita, ab omnibus dignus est habitus, qui
AARO-

AARONI primus omnium ſuccederet. Hic optimi Antifictis, ſtre-
nuus æmulator, recentem coloniam ſolidis ad virtutem præſidijs
roborauit, & multis rebus neceſſarijs auxit. Discordantibus verò,
in electione Archiepiſcopi Cracouienſis, Prælatiſ Cathedralibus,
aliqui cum honorem Anchoræ ABBATI TINECENSI deferendū
volebant: aſt diſcors voluntas eligentium, infectum deſiderium
reddiderat. Eius tempore, quin eo conſulente, BOLESŁAVS Au-
dax REX victorioſus, triumphatiſ Germaniſ, Moraviſ compreſſiſ,
Pruteniſq; deuictiſ & ſceptro ſuo ſubactiſ, cum opima ex hoſti-
bus retuliſſet ſpolia, Deoq; pro collaris tantis victorijs gratum ſe
exhibere vellet, Patris ſui exempla ſecutus, Monasterium Mogil-
nenſe Inſtituti BENEDICTINI, in maiori Poloniâ, Anno 1065,
ſumptu regio erexit, & ampluſ poſſeſſionibuſ, annuiſq; prouenci-
buſ, liberaliter dotauit; & ex TINECENSI, vocatiſ eò fratribuſ,
Mengofiũ ABBATEM primũ, Canobio à ſe erecto præficien-
dũ curauit: ſtatuitq; vt in poſterum Mogilnenſe à Tinecenſi Mo-
naſterio haberet dependentiam, tam in electionibuſ ABBATEM ſub-
ſequentium, quàm in viuendi modo & diſciplinâ clauſtrali: vt ſan-
ctiſſimæ Regulæ præſcripta, quæ in Tinecenſi venerando Canobio
laudatiſſimo vlu recens vſurpato ſacratuſ obſeruabantur, in Mo-
gilnenſi ſimiliter Aſceterio, in praxi arte tenerentur. Anchoraſ
autem, omnibuſ obſequiſ boni Prælati, in Tinecenſi Abbatiâ, per
vndecim annos expletis, rebus Monafterij benè auctiſ & diſpoſitiſ,
moribuſque Fratrum, ad Regulæ normam conformatiſ, pridie No-
nas Febr. Anni milleſimi ſeptuageliſi, tranſiuit ad Emphyreũ:
pro cuiuſ duraturâ æternũ poſſeſſione, poſituſ in humaniſ plu-
rimũ adlaborauit. Præſuit annuſ vndecim, & menſibuſ circiter
tribuſ

*Scaret vt immotum decuſ immortalẽ TINECI,
Fundatum ſolidâ religione, fide;
Vtq; procelloſi, ſaniſſima fulmina mundi
Vinceret, inſuituſ horribileſq; Stygiſ;
In te perpetuo virtutum cardine nixa,
Anchora, felici nomine ſirma ſtetit.*

B E R N I N I V S.
A B B A S I I I.

V Otis Fratrum expetitus BERNINIVS, tertius Antistes præfuit TINECIÆ: vir ingenio, probitate, ac rerum vſu excellens. qui egregijs operibus, ſuum, Magistratum ornaffet, & è re MONASTERII multa bona feciffet, niſi ingenti totius Poloniæ fremitu in BOLESŁAVM Audacem, ob eadẽ Diuiniffimo Præſuli STANISŁAO intentatam excito, retardatus fuiſſet. Octauum tunc verò annum in Episcopatu Cracouiẽſi Sanctiſſimus Martyr federat; & ecce furijs irarum Audax agitatus, VIII Idus Mai Anno 1079. truculenter innocentiffimum Præſulem ſternit, Regnumq; & accolæ ingenti mæore implet. GREGORIUS VII. inſuperabilis animi, aduerſus quosq; Audaciſſimos Regum continuò decertans, Pontifex Maximus, in totam Poloniam, ad ſceleris atrocitatem exprimendam, Interdictum Eccleſiaſticum fulminat, ſacris interdicit, Regem excommunicat, iure regni, Regisq; titulo priuat, diris deuouet, & omnes Polonos à Sacramento quo obſtricti Regi tenebantur, Supremâ authoritate abſoluit. Audax tamen præfractè ſe pro Rege gerens, tamdiu ſuis imperijs obedire Polonos adigebat, donec quosdam Primores in ſui captiuationem, vel mortem conſpiſſe intellexiſſet: de quo plenius edoctus, accepto duodenni filio MIECISŁAO, ad VLADISŁAVM Regem Vngariæ ab ſanctitate vitæ, & geſtis cælo digniſſimis, laudatiſſimum Principem, amicitia ſibi arctè coniunctum, & cui aliquot ante annos, inſigniter in adipiſcendo Regno, & eius Fratribus GEIZÆ, LAMBERTO q; auxiliatus fuerat, in Vngariæ partes profugit. vbi à Sancto Rege comiter, per animi compaſſionem ſuſceptus, & omnium rerum, quâ Regem vtrumq; decuit, prouiſione Audax cumulatus, tristem tamen à cæde commiſſâ animum, cor eius culpâ redarguente & ad pænitentiam inſtigante, gerebat. proinde vili clam indutus chlamide, vno id tantum ſciente & ſubſequentẽ famulo, ignorantibus

E

huma-

humaniſſimo & Sanctiſſimo REGÆ VNGARIÆ, ipſo etiam indolis gratioſiſſimæ & ſpei ingentis vnico Filio Miecislao, per inuiamontium nitens, in Carinthiam ad Monasterium BENEDICTINORVM Oſiaſch dictum, propè Villacum poſitum, ignotus deuenit. Ibi DEO interius operante, & ſanguine Martyris innocuè effuſo, pro illo intercedente; inſtanter ab ABBATE loci petijt, vt illum, alium ſuum comitem, ſeq; inſimæ ſortis homuncionem in mancipium Monasterij aſſumeret: quo obtento, in habitu vili Monachi, miniſterio culinæ (vti ruſticum ex indiſtriâ præferens) deſtinatus, in magnâ humilitate, & cordis compunctiōe pluribus annis grauiſſimum ſuum reatum, diuerſis pænitienciæ operibus impigrè diluebat. vt verò ab illo altero ſui ſtatûs conſcio non proderetur, cum vinculo datæ fidei iurando obſtrinxerat. Contigit autem, vt dum BOLESLAVS, maſtati Præſulis ſcelus dolenter animo verſans, extrema ſeruitutis opera non abnueret, ſemel in coquina famulitio incautius quid fregerit, propter quam culpam à coco indignabundo titiōe cum eſſet percuſſus, ille alter Regius comes qui tum fortè fortuna aderat, iamq; in altiori Clericorum Ordine conſtitutus fuerat accuſariſſe otiùs & cocum depalmaſſe, dicitur, quod meliorem ſe tractaſſet iniquius: ob quod dum ab ABBATE acius corripereſſetur, indicaſſet tum temporis Secretum Regium, niſi ſe inſpicientis & lacrymantis BOLESLAI nuu contrario permoſus, ſubire pænā quam reuelando immunitatē conſequi, prælegiſſet. Aliquot itaq; in ſummo pænitienciæ luctu peractis in illo Monasterio annis, mortem vicinam adeſſe ob debilitatem ingraueſcentem ſentiens, Patri à Confeſſionibus ſacris, ſecretiùs narrauit genus ſuum, conditionem, crimina, vtq; id celaret, quo ad viueret ipſe in tali pænitudine, obligauit. Moritur interea ſacris munitis Sacramentis in ſpe miſericordiæ DEI, & tū primò Confeſſarius, eius regium genus, officiūq; occasionem accepi ſtatûs Monastici, eadē à ſe nefariè factam; & in vim argumenti, proferre annulum Regium ſibi non multo tempore ante diem obitus conceditum, cæteraq; edicere non inſermiſit. Ad quod ABBAS, & totus Conuentus ſtupentes, & DEVM in ſuis ſeruis benedicentes, ſepulchralem lapidem cum hac Epigraphe dedere. *Hic iacet BOLESLAVS REX Polonia Occiſor Sancti STANISLAI.* infernè autem in pariete Verſus iſti ſunt appoſiti. *Occiſor*

Occidit, Romam pergit, veniens OSIACH, illic

Ignotus seruit, notus pia lumina claudit.

OSIACH tunc placeat tibi STANISLAE, Tyrannum

Mitem quod factum, caelestibus intulit astris.

Epicaphium hoc cum suâ inscriptione, in hodiernam leguntur ibi diem; nec dubitare prudenter quis posset, utrum vera essent, quæ de Audace feruntur: non enim video causam, quare illi Monachi in præsentem diem, lapidem illum cum suâ inscriptione in cæmeterio parieti Ecclesiæ affixum à quingentis commonstrent annis, si apud illos, hæc mutatio dexteræ Excelsi, in resipiscentiâ Audacis BOLESŁAI facta non fuisset. Proinde valeant illi cum suâ traditione, qui asserunt BOLESŁAV in montibus Carinthiæ venationi (animi ex continuo mærore leuandi causâ) intentum, cum effrenato equo præcipitem ruisse & impenitentem obiisse. Insignis alioqui Rex ille fuit, & in Ecclesias munificus, cuius liberalitatem in MOGILNENSI CENOBIO superius recensuimus. Qui post suum proavum Chabry, patriæ fines felicibus trophæis magnificè propagavit, in omnes liberalissimus fuit, in audaciâ & animi magnitudine cæteros superavit, in tyrannide militum & subditorum, malo suo ferus primò innotuit, in nece vero B. STANISŁAI, *truculenti PRINCIPIS* cognomen reportavit. Sed absq; dubio pænitens obiit, sic S. STANISŁAO pro eo petente, & instantē etiam tūc, cū sacrum eius uerticem furiosus ferro Princeps peteret. Hanc Sanctorum vindictam esse comperimus, ut suis malefactoribus optima quæque cælitus impetraverint: Sic DAVID SAVLI prospera exoptabat; STEPHANVS pro SAVLO deprecabatur; pro quo ni STEPHANVS orasset, Ecclesia PAVLVM, testimonio Magni Hipponensium Antistitis, non habuisset, idq; SANCTI DEI, ad imitationem Capitis sui CHRISTI Domini libenter faciebant, qui pro se crucifigentibus *PATER* dimitte illis inclamando orare non cessabat. similiter Sanctissimum Martyrem. STANISŁAVM fecisse etiam post sui cædem non dubito, quod pro BOLESŁAO, Numini præsens & choro purpuratorum Beatorum, adlectus, instantissimè supplicauerit, quem vivus sapius monebat, cuius resipiscentiā volebat, & eum in amore Christi perfecte di-

ligeat. Sed hæc de BOLESŁAO, per occasionem publici motus & tumultuum, retulimus.

Ad BERNINIVM quod attinet, contentissimis studijs illud TINECIÆ egit, vt egregia antecessorum suorum facinora, suis & ipse ornamentis ac dotibus cumularët. Si quidem retento in omni gubernatione eodem sanctitatis & constantiæ tenore, nullis vnquam laboribus, nullis incommodis, pro conseruandâ seuerioris instituti normâ, succumbens, tandem ætate ac meritis grauis, fato cessit V. Kal: Martij, Anno 1083. Sedit annis tredecim.

Illibata tue quantum constantia mentis,


BERNINI possit? tempora saua probant.

Dextra STANISŁAVM cum iustulit impia Regis,


Concidit hoc patriæ vulnere, tota salus.

Hos inter fluctus, hæc inter turbida rerum,

Inconcuſsa stetit mens tua, fisa DEO.



S C E S C V S,
A B B A S IV.



CESCVS è Diui AARONIS Magisterio, quartus ab eiusdem obitu, TINECENSEM familiam temperavit. exempla vitæ claustralis & omnium documenta virtutum, ab egregio præceptore cum didicisset, insignis prudentiæ, ac rerum piè gestarum gloriâ enituit. antecessores suos strenue imitatus, Constitutiones Cluniacenses, & salubria Religionis statuta, à suis TINECENSIBVS, & ab alijs Cænobiorum, eiusdem Instituti per Poloniam alumni, obseruanda seriò contendebat. Gente Polonus, & stemmatis clari soboles, fuisse asseritur; spectabilis namq; sanctitas & morum decora

cora compositio, quam in *TINECENSIBVS* primis, passim illo tempore Poloni suspiciebant, plerisq; copiosis & nobilibus occasionem dederat, quod ardentius sublimioris vitæ studijs incensi *TINECIAM* commigrârint, ex Monasticæ disciplinæ normâ diligenter instituendi. Rerum gestarum tempore *SCÆSCI*, hæc est brevis narratio. *ETHNARCHA* Poloniae, post Audacis de Regno egressum, *VLADISLAVS HERMANNVS CASIMIRI* Primi nati minor Filius, ex voluntate Statuum Regni, fratri substitutus erat: qui in matrimonium ductâ *IVDITHA* Bœmiæ Ducis Filiâ, pulchritudinis laude eximiâ, & pietatis operibus, insigniter deuotâ faminâ, cum per annos plures nullam ex eâ susciperet prolem, ex consilio Religiosorum virorum, quorum præsentiam habuisse semper scribitur, Oratores præcatoresq; ad *S. ÆGIDII ABBATIS* sepulchrum in Galliam Narbonensem misit, qui Principum vota nuncuparent Sancto, & Fratrum in *MONASTERIO* ibi existentium suffragia peterent: magnifica donaria, tam sepulchro Diui affigenda, quam Fratribus impertienda, per Alegatos suos deuotè committendo. Factum benè: dum *ABBAS* Sacri ad cineres *Ægidianos Cænobij*, ieiunium fratribus & triduanas, ad vota Principum promouenda, indicit supplicationes, ecce necdum finito triduo, vni Religiosorum adfuit reuelatio, quâ preces Monachorum efficaces esse, & prolem masculam Poloniae Principes suscepturos, diuinitus edocbatur, idq; pro documento Legati haberent, quod Reginam grauidam reduces ab viâ prosperè salutaturi forent. Beneficij per Sancti *ABBATIS* promerita obtenti, gratam se exhibente Reginâ, Ecclesiam Cracouiae *S. ÆGIDIO* sacram, ad pedem montis *Vallvelli* cui Arx regia incubat, ædificari, & cum amplâ dote, *Siecichouiensis Monasterij* Fratribus in curam committi, à *REGE* impetrauerat. Adhæc *IVDITHA* præter sacros apparatus, quos ex mundo muliebri pretij altioris aptatos, *TINECENSI MONASTERIO* munificentissimè dederat, Bona *Xiaznicensis* insuper eidem *Cænobio*, approbante *REGE* contulit. In his femina nobilissima, detenta operibus, post editum filium *VLADISLAVM KRIVOVSIVM*, quartum post mensem à partu, fracta ægritudine, locuples meritis, ætate virenti, cælo iam matura, ad superas euolauit sedes, magno sui apud omnes relicto desiderio. Incomparabilis Heroi-

na istius quâ pietate in DEVM, liberalitate in templa DEI & homines sacros profusâ laudatissimâ, ac TINECENSIVM Benefactricis specialissimâ, quotidie TINECIÆ in præsentem usq; diem ex Metriculâ, recitatur memoria, in quâ memorabilium benefactorum eius Symbolæ reuirescunt.

SCESCVS verò Vir egregiè pius, sui regiminis operæ pretium fecit, conseruatâ apud TINECENSES BENEDICTINI instituti accuratiore disciplinâ. Fato functus est Anno 1095. die 11. Martij. præfedit annos duodecim.

Sanguinis & virtutis habes insignia SCESCE

Maiorum titulis par, animiq; bonis.

Dignus qui patri, Lechia natalibus ortus,

Hunc meritis posses primus adire locum.

Principis Hermannii decuit te gratia princeps

Nam sequitur summos gratia summa viros.



G A B E R T V S,
A B B A S V.




ABERTVS cum Gallicæ nationis, in quâ natus fuerat, splendorem, religionis ac morum nobilitate superasset, primarium inter TINECENSES locum adeptus est. Vir omnium virtutum ornamentis abundè diues. Lamberto Cracouiensium Antistite commodissimè vsus, quo cum ei magna amicitia intercesserat necessitudo. Ad amussim res Monasticæ illo moderatore cursum habebant, nisi publicam tranquillitatem rebelles VLADISLAO Principi præfractè temerassent, & labem aliquam ex facto Sbignei, Religioso statui adpersissent. VLADISLAO tamen, optimo aliqui Monarchæ ad-

scriben-

scribendum venit, quidquid in hoc factò erratum fuit : naturalem is filium, Sbigneum nomine habuerat, priusquam iusto matrimonio IVDITHÆ fæderatus esset, cuius offensam euitare volens, eum quem ex priori viuendi licentiâ Sbigneum susceperat, ad Brunuilen-
cense in Saxoniam Ordinis Nostri MONASTERIUM amandârat, vt illic literis imbuendus & postmodum cucullo indutus attonsusque, pro abstergendâ ignominiâ, extra Regnum Poloniæ, perpetuò in claustro detineretur : iamq; pluribus annis in habitu degentem, & tenèbris religiosi secessus non malè contentum, aliqui exules vagiq; per Bòemiâ & alias adiacentes terras Poloni, de Monasterio Sbigneum speciosis promissis extraxerunt, eo potissimum consilio, vt eum in Ducem belli assumentes, Regi amplius nocere possent. fuit itaq; graue bellum excitatum, in quo tamen rebelles succubuère omnes, & ipse Sbigneus captus, datusq; ad vincula : ex quibus breui, paternâ clementiâ absolutus, gratitudinis ergò, patrem veneno sustulisse creditur, & in funere eius, cum fistulatoribus & ludionibus exultasse, bonæ fidei authores tradiderunt. GABERTVS TINECENSIS Domûs fortunas, magno adhibito labore & industriâ amplificauit, obtentis à VLADISLÂO REGE, cuius gratiam sedulitate obsequiorum demeruerat, priuilegijs, prædijsq; & donationibus magnificis. iamq; ætate admodum prouectâ, diem obiit vltimum, 15. Junij, Anno 1106. Præfuit annis vndecim.

*Insignes animi dotes GABERTE tulisti
In summo decuit quas radiare gradu.
Æstimat has Lechicæ Princeps Iuditha coronæ,
Et primo dignas censet habetq; loco.
Inq; TINECENSES insigni munere Fratres,
Regali confert, Regia dona, manu.*



GEROLTVS,

ABBAS VI.



IN ſacro Cluniaceniſi Aſceterio, CASIMIRVS REX gratiam cæleſtis metamorphoſis adeptus, & legibus inſtituti regularis deuinctus, feliciter didicerat, quomodo ſpiritu carni ſubijceret, & paſſiones inferiorum potentiæ freno rationis domaret. quam exercitationem multum proficuum animo expendens, ſeq; Cluniaceniſibus eo nomine grauiter obſtrictum agnoſcens, TINECENſE MONASTERIUM regali munificentia à ſe prouiſum, Cluniaceniſi ABBATI, quo ad ſpiritualem ſubmiſerat iuriſdictionem. Eratq; ea conſuetudo diu uſurpata, vt in ABBATEM TINECENſEM Electus, Cluniacum accedere per ſe, vel per delegatum omnino debu- erit, quo & authoritati tantæ ſedis deferret, & ſe membrum Congregationis ampliſſimæ deuotè teſtaretur. Præterea, omni biennio, à Regimine Cluniaceniſi, perſonæ certæ Viſitationis mu- nus peracturæ, TINECIAM ablegabantur; ex quorum accèſſu, TI- NECENſI familiæ Sanctitatis multum accedebat, augebantur reli- gioſiſſimæ vitæ documenta, alumni ad omnem temperantiam ac probitatem, veluti ad motis calcaribus, generoſè perurgebantur. Hoc officium Geroltus habebat, cum Gaberto è viuis ſublato, li- beris cætus TINECENſIS ſuffragijs, rerum ſummam apud eos ca- peſſijt, nec ſine laude, annis XV. moderatus eſt: ſui enim Cæ- nobij temporaria, prudenter diſpenſando, & rerum æternum man- ſurarum, rationem primam habendo, cum omnia ex Regulæ monitu obiret, priſcæ virtutis & Sanctitatis exempla, propagauit. Obijt V. Kal. Iun. Anno 1122. Annis quindecim præfuit.

*Maxima cura tibi, ſacra perfectio vita,
Quam BENEDICTINIS Regula prima tulit.
Hanc ſeruare doces, Cluniaci legibus aptam,
Exemploq; præi ſuauiſſime ipſe tuo.
Inuitant exempla boni: reſq; ardua non eſt,
Optima ſuadentem dum facit ipſe, ſequi.*

B R V.

B R V N N I V S,
A B B A S VII.

BRUNIVS, pari cum superioribus innocentia & Sanctitate, ad TINECENSEM Praefecturam euectus, crediti sibi domicilij commodis, siue religiosa disciplinae integritatem, siue facultatum incrementa spectes, utilissimâ sui regiminis methodo, accepto honore praecellenti de se omnium expectationi, cumulatissimè respondit. Gliscentibus verò per Regnum disturbijs, ne quid damni TINECIA acciperet, diligenter cauit, & Monasterio, diuersis Priuilegijs obtentis, in futurum prospectum esse voluit. Praefuit annis septemdecim, Decessit Nono Kalendas Nouembris, Anno 1139.

*Conciliat virtus animos pretiumq; meretur,
Nec studijs, potis est, illa carere suis.
Hac tua, dilectis, carissima Nomina BRUNNI,
Fratribus, aeternâ non sine laude dedit.
Nempe boni communis amor, studiumq; perenne,
Aeternum vincti vincula cordis habet.*

P R E I E C T V S,
A B B A S VIII.


Preiectus ex eorum numero, quos Cluniacum in Poloniam direxerat, summum inter TINECENSES gradum, spectatae virtutis opinione, & KRIVOUSTI REGIS voluntate, post aliquod vacationis tempus, est consecutus.

ſecutus. Nihilo pacatiora tempora obueuerant ei, continuis flagrantibus bellis, in quibus BOLESŁAVS KRIVOVSTVS quadragies ſepties victor, cum Regum Regi DEO, pro collatis victorijs gratias acturus, ad S. ÆGIDII tumulum in Gallias pergeret, comitem inter alios Preiectum adſciuerat, vt deuotum iter religioſorum coronâ melius ſtiparetur, & pro ſublato Sbigneo religionis deſertore, veniam prece religioſorum facilius confequeretur. Preiectus poſt impenſa Aulæ ſtudia, Canobio redditus, magnâ ſollicitudine MONASTERII negotia, prouentusq; & fortunas tractabat, maiori vigilantia ſacrarum legum, totiuſq; domeſtici moris obſervationi ſtudebat, maximo affectu & humanitate, in Monachos ſibi ſubditos vbiquè ferebatur: quorum animos cum plene poſſideret, inopinato proſtratus morbo inter viuos deſijt eſſe, V. Kalendas Auguſti, anno Victoris Hominis DEI, 1151. rexit annos duodecim.


*Inclita Sarmatia CRIVOVSTVS gloria Regum
Maximus in bellis, nec pietate minor.*

*ÆGIDII ſacros cineres dum longius ipſe,
Viſitat, hanc implet te comitante viam.*

*Sancta decent etenim magnos conſortia REGES,
Sanctius vt faciant relligionis iter.*



G O T H M A R V S,
A B B A S IX.



OTHMARVS in Germania inferiori, nobili loco natus, & humanâ Philoſophiâ in ſeculo probè edoctus, quo caeleſtem facilius perdiſceret, ſacro Cluniacenſi Lycæo nomen dedit. Vbi arreptum pietatis ſtadium, câ animi contentione iuit, vt multos haud
lençè

lentè segniterq; progredientes, in assumpti propositi curriculo anteiret. Nequè verò contemplatricis modo, sed actuosæ etiam vitæ studijs atq; functionibus, mirificè se aptum commonstrabat. Quod cum primarijs Cluniaci Patribus innotuisset, in Poloniam, ad Monasteria Congregationi Cluniacensi vnita directus est, vt Visitatoris munus obiret, & sacre Congregationis Statuta diligenter obseruari curaret. quam ille prouinciam, cum extraordinariæ prudentiæ & sollicitudinis laude, in rem Ordinis commodè administrat, post fata Preiecti, dum sedes TINECIÆ vacaret menses aliquot, summâ totius sodalitatis TINECENSIS voluntate, delatam administrationem inuitissimus ipse suscepit. Verùm in regimine, tanto melior euasit ac vtilior, quantò se regimini minus sufficientem, inter extraneos atq; idoneum arbitrabatur. Cænobij reditus & lura diligentissimè conseruauit, plurimisq; & maximis inquietam moribus Poloniam cernens, cum quatuor Filij KRIVOVSTI impotenter dominarentur, & molestissimis discursationibus licentiosi milites regnum concuterent, seditiosiq; impunè grassarentur, inter hæc mala, obfirmato ad omnem patientiam animo, prudenti semper atq; imperturbatâ mente, Sedecim annos difficili tempore in TINECENSI Magistratu impleuit, suis semper similis, & vnum eundemq; hominem vbiq; repræsentans. Cuius exemplo doceantur omnes, fortis animi & constantis esse non perturbari in asperis rebus: imò Horatij obseruandum monitum.

Rebus angustis animosus, atq;

Fortis appare, sapienter item

Contrahes vento nimium secundo

Turgida vela.

Mortem obiit Kalendis Nouembris, Anno 1167.

Pectoris, immortale decus Sapientia, docti,

Ornamenta tibi GOTHMARE pulchra dedit.

Nec poterat lux illa tue clarissima mentis,

In summo, radijs non micuisse suis.

Quos iubar æternum sequitur, dum clara TINECI,

Fit per te doctis Bibliotheca libris.

HERMANNVS, ABBAS X.


Quo tempore HERMANNVS ABBAS, antiquæ probitatis & meriti religiosus, rem TINECENSEM curabat, calamitosissimus erat Polonæ reipublicæ status & conditio miserrima; crudeliter ubiq; & impunè grafsantibus velitatim procurrentiû agminibus, quæ ex ipsis met conflata Polonis, qui Principum inter se aduersantium contraria secuti signa, popularium suorum populationi grauitè erant intenti. Nullus locus tam munitus, vel castrum claustrumque inueniebatur, quo non perrumperent, vnde prædas non agerent? sed tamen prædia Cænobiorum eò facilius ipsorum rapinis patuere, quo extra Vrbes constituta, minus habebant præsidij, ad subitas eorum impressiones repellendas. Inde TINECENSE MONASTERIUM eius cladis acerbissimam calamitatem effugere non potuit, quia propè Cracouiam Regni Metropolim positum, direptionibus procurfantium obuium erat. Hâc eâdem tempestate WERNERVS Plocensis Episcopus, cum suo Theologo & domestico, Fratre BENEDICTO Ordinis Nostri Monacho, vterque vitæ innocentia spectatissimus, & opinione grauissimorum scriptorum Calicibus adnumeratus, à BOLESTÂ Visnensi Castellano impijssimè strangulatus est. DVNINVS quoque integerrimus Heros & Senator veritatis amantissimus, exoculatus & elinguis factus, immanem temporis illius confusionem vocalissimè proloquuntur. HERMANNVS tamen TINECENSI MONASTERIO suæ curæ ac fidei commisso, religiosissimæ vitæ documentis, nedum pijs cohortationibus insigniter profuit, & quâ parte valuit, incurfantes prædantium auerruncabat conatus. Naturæ concessit, Die 19. Febr. Anno 1177. Præfuit circiter Decem Annos.

*Nauigat in medijs pelagi secura procellis,
Nauis, & iratos non timet illa Notos.*

Præfuit

Historia Tinecensis liber I.

*Præsidis experti quam mens generosa gubernat,
Qualis in HERMANNI pectore summa fuit.
Publica tempestas patriam dum vexat & urget,
Felix in medijs præfuit ille malis.*



MILOVANIVS,
ABBAS XI.

DVo millia MONASTERIORVM, florentissimam Cluniacensium Congregationem sub suâ iurisdictione & vnione habuisse, graues authores scribunt: quæ in decem distincta Prouincias, magnam Orbis partem agminibus suorum Monachorum oppleuerat. Nam, præter numerosa & magnifica, per Regna, Italiæ, Galliæ, Hispaniæ, Germaniæ, Britannæ Monasteria, sibi quo ad speciales Constitutiones & ritus viuendi, vnita incorporataq; eiusdem Congregationis Catalogo MONASTERIVM vallis IOSAPHAT, ad sepulchrum DEIPARÆ VIRGINIS, MONASTERIVM SACRI MONTIS THABOR, in quo transfiguratus DOMINVS Noster fuit, Monasterium Ciuitot dictum, in suburbio ciuitatis Constantinopolitanæ situm, & multa alia per Græciam & Palæstinam erecta, olim Cluniacensibus inscripta adunataq; perspeximus. In Poloniâ quoq; quæ nunc Ordinis Nostri Cænobia numeramus, eiusdem Congregationis legibus, pariter cum TINECENSI, vixisse non ambigimus, cum etiam Italica pænè omnia, iussu Pontificum, ad Obseruantiam Cluniacensium, quondam transiuisse legerimus. Proinde huic amplissimæ Congregationi ceu Matri fecundissimæ, TINECIA plurimum sanè debet, cuius antiquâ probitate, singulariq; in regendo sapientiâ effectum fuit, quòd Monastica res apud nos quandoq; floruerit, & magnâ cum laude latissimè fuerit propagata. dixisse

Elogia Abbatum Tinecensium,

tum Diui BENEDICTI tempora felicissima, rediuiuâ disciplinæ obseruatione recurrisse, cum ad Regulæ præscriptum exactè omnia referebantur ab omnibus. Hinc Domicilium TINECENSE, multis annis, feracissimo pieratis prouentu diues, cum innumerabiles educeret præstanti integritate alumnos, cum verò multis quoq; latifundijs, piorum hominum benignitate fuit insigniter auctum. Fuit quippè BENEDICTINO Ordini solemne ac perpetuum, ut hoc opibus abundaret magis, quo in Diuini obsequij cultum, susceptiq; instituti obseruantiam, diligentius incubuit. Sub paternâ verò ABBATVM Gallicorum curâ, hactenus educati Polonorum animi & numero benè aucti, cum religionis exercitia & functiones Abbatiales per se iam posse obire, absq; extraneis Doctoribus putarent, seq; mutuo circumspicerent, animaduertent non deesse in TINECENSI Domo, natiui soli Fratres, qui munus Abbatiale ex dignitate gerere possent. Maximè autem eo loco dignus visus est, MILOVANIVS nobili sanguine clarus, qui plurimum sententijs Fratrum delectus, HERMANNO successit. Fuit autem vir, cæteroqui moribus grauis, iudicio maturus, iurium & bonorum, Monasterij animosus defensor, populari verò gratiâ & fauore Magnatum præualens: quiq; Monasterium in illis Regni & accolarum præcellis, & arduis bellorum moribus: quâ par erat dexterrate egregiè conseruauit. Præfuit annis XVII. demum in morbum incidens, infirmitate superante naturam, diem extremam, obiit, VII. Idus Iulij, anno 1194.

*Fortis & inuictus Diuini cultor honoris,
Promouet insigni commoda sacra bono.
Proq; domo Domini MILOVANIVS acer ubiq;
Defensor iuris iustitiæq; fuit.
Hoc decet armari, fortissima pectora zelo,
Collocat in summo, quæ DEVS ipse gradu.*



CHVALIBOSIVS, ABBAS XII.



CHVALIBOSIVS magnâ sodalium gratulatione, **MILOVANIÔ** sublectus **ABBAS**, maiore virtute quàm fortunâ, iniunctum sibi munus exercuit. Cum enim Regni status turbulentissimus esset, vndiq; exurgentibus bellis, & ciuibus dissidentibus, multiq; per sacrilegam temeritatem, iura & possessiones Ecclesiasticorum, inuadentibus, tunc graua dispendia acceperit **TINECIA**, ex quo **ABBAS**, animi tristitiam & dolorem non leuem contraxerat; quo incommodo plussculum conflictatus, anno 1212. Iunij XXVI. mortalitatem expleuit, cum diuinum cultum, & instituti Religiosi integram disciplinam, in uitâ benè tutatus esset. Præfuit annis octodecim: vacauit sedes menses aliquot. Tempore **CHVALIBOZII**, **MIECISLAVS DUX** Maioris Poloniae, Monasterium Koscelnense crexit & dotauit, illudq; **ABBATI TINECENSI**, cum suis attinentijs ad perpetuam commisit curam.

Vt genus eximium præclaro sanguine traxit,

Clarus ab antiquâ nobilitate Patrum.

Sic animo præstans CHVALIBOSIVS, inter auitum,

Virtutem primam, censuit esse decus.

Hâc pietate virum sequitur Venerabile nomen,

Nam virtus titulis omnibus vna præit.



RVTFRIDVS Seu LVIT-
FRIDVS,
ABBAS XIII.



ABBATIS huius exemplo compertum habemus, perniciosissimè externos homines à rerum publicarum administratione indiscriminatim submoueri: cum sæpè ab his maiores utilitates & commoda, quàm à proprijs ciuibus importentur; & virtus nusquam aduena, ubiq; patriam habeat; nec à nobis iurè censeantur extranei, quorum ope ac beneficijs, maximè intimorum Charitatem & auxilia, experimur. RVTFRIDVS natione Gallus, in Cluniacensi Sanctissimo Cænobio ad Monasticæ vitæ normam adeò perfectè mores suos conformauit, vt tempore procedente, varijs præfecturis sic insignitus. In eo præclara prudentiæ & virtutis opera, WILHELMVS Antistes Cluniacensium, altiori expendens consilio, plurimi hominem fecit, eumq; lustrandis diuersarum Prouinciarum Cænobijs Commissarium adhibuit, atq; eius accuratissimâ operâ in instaurandâ Monasticâ disciplinâ non semel vsus fuit. Deinde cum in Poloniâ, stridentibus armis, ex bellorum æstu in bono animi tepescerent, TINECIÆQ; nec non alibi, à præscripto Regulæ aliquid recederetur, venerandaq; statuta Reformationis æstimarentur, minus; optimo consilio RVTFRIDVS eò directus est, vt eius præclaræ dotes & insignis religio, in laxitatibus eliminandis & reparandis rei claustralis iacturis, ibi quoq; peruulgarentur. Cuius sollicitudine & prudentiâ singulari effectum fuit, vt quidquid bellici furores in legibus Monasticis malè dispensare præsumpserant, id totum, ad debitum morem & veterem obseruantiam, per eum sit reductum. Rebus itaq; in Poloniâ rectè compositis, & ad orbitam à quâ exerratum erat accommodatis, tandem acceptâ perhonorifica de suis laboribus religionis causâ susceptis commendatione, in

ne, in Burgundiam redierat. Cum ecce post anni non plenum, interuallum, significatum fuit, **TINECENSEM** vacare per obitum **CHVVALIBOZII** sedem, & de successore diuersorum fluctuare vota, plerisq; contendentibus, ut is soli Polono Magistratus commendaretur. Pro eâ, quam, à primâ **TINECENSIS** erectione Domûs, habebat authoritatem Cluniacense regimen, iteratò destinavit **RÛFRIDVM**, ut sopitis Fratrum differentijs, **TINECIA** vilem personam præficiendam curaret. quorum dum ille studia & vota ad rectum dirigit modum, prouocauit animos eorundem, ut in eum summâ omnes voluntate concurrerint. Quo suscepto munere, calamitati illius temporis obuiando, studium & cûras omnes eò intendit, ut sanctissimarum legum cultus, ad primæuam institutionis normam studiosissimè reuocaretur. Verum cum prudenter intelligeret id ipsum nullâ ratione se consequi posse, nisi prius ex Regulæ præscripto, quæ cuiq; opus essent, religiosâ liberalitate, concredito sibi cætui peramanter impertiret, recuperandis Canobij fortunis animum atq; operam adiecit. Quo in genere **GREGORII** Noni summi Pontificis, non parum adiutus est benèuolentiâ amplissimisq; Diplomatribus. Per id tempus, **CONRADVS** Masouie Dux, bello **BOLESLAVM** Pudicum premens, in **TINECENSI MONASTERIO** mille præsidarios milites collocauerat, locumq; in Arcis formam munitum valide obfirmauerat: hîc demum cæpit depopulatio bonorum **MONASTERII** enormis, religiosorum pax statione militum perturbata, mania per insultus disiecta, sæua rerum ubiq; confusio; ac tandem à **PVDICO** **ARX TINECENSIS** vi in eius potestatem redacta, varijs incommodis & damnis, Status **MONASTERII**, mirum in modum extitit cumlatus. Neque tamen **ABBAS** in his angustijs constitutus, se ipse deseruit, sed admirabili prudentiâ & lenitate vsus, infestas Principum copias, ab infestis **MONASTERII** ædibus, paulò post submouit, oppidaq; & villas grassantium militum rapinis exhaustas, bello remittente diligentissimè studuit reparare. Conrado verò Duci & auctori tantorum in Regno malorum, malum reddidit Iustus Vindex **DEVS**, cuius filium **MIESCONEM**, sub tempus conuiuij, quod de Patris Victorij iactabundus instruxerat, ingens murium subito in palatij enata multitudo, dirum in modum viuentem absumpsit,

exemplo memorando, avaris Principibus, ne nimium ambiendo bona proximorum, propria amittant, & caris pignoribus, quibus Imperia lata quærebant, infausti destituantur. At verò præter clades receptas à militibus, Cracoviensem oram, imò totam affligerat Poloniam, fames ex aquarum inundatione coorta, pestisq; atrox postea subsequuta, quæ triplicata mala, post consumptam ingentem multitudinem populi, Regnum amplissimum stupendè exhaurerant. Interea RUTFRIDVS, interdum noctuq; cum suo cætu Divinis intentus precibus, ad mores & disciplinam sedulo excubabat, & sacri Instituti integram observantiam à suis exigebat: ea vicissim accuratissimè providendo, quæ illorum victus cultusq; ratio ab ipso exposcebat. Quibus perfunctus negotijs, premente iam senio, lassosq; ex continuis malis animo, & corpore ægro, post laudabilem dispositionem Domûs, & data adstantibus Monita, religiosè sacris procuratus, placidissimè excessit de vitâ, ob rerum gestarum copiam, apud posteros gratâ semper recordatione victurus. Obijt anno 1232. Die 27. Augusti. Præfuit autem propè Annos Viginti.

Non poterat tolerare boni vigilantia cordis

Immemor officij dum nequit esse sui.

Irrephisse videns quadam sensimq; remitti,

Antiquus voluit quæ tenuisse rigor.

Corrigit hæc RUDERID melioribus undiq; curis,

Ad fontemq; suum mystica vita redit.



G O D F R I D V S,
A B B A S XIV.



ODEFRIDO neq; merita defuere ad suscipiendum
TINECENSIS ABBATIÆ honorem, neq; virtus postea,
ad eundem religiosè laudabiliterque retinendum. Et
quan-

quanquam difficillima tempora Poloniam premerent, cum Magistratum iniret, suâ tamen virtute & prudentiâ, exuieratis rebus medelam adhibuit, generosâ mente aduersâ cuncta ferendo. PVDICO Principi inter paucos carissimus fuit, eiq; ab obsequijs Spiritualibus. vti testes adfunt literæ eiusdem, quibus Tributum certum TINECIÆ se contulisse memorat. Exactis itaq; inter curas diuersas annis decem amplius. cum grauiori animi cruciatu & tristitiâ conflictaretur, quod in-parem se videret propulsandâ à suo cæto tot ingentium calamitatum multitudini, suppliciter Cælesti Numen precatus, vt meliora daret, tandem collecto spiritu, integerrimus Præsul, ad pacatiorem transiit vitam, præreptus grauioribus malis quæ mox sunt subsecuta. Ex hac mortali vitâ ad immortalem transiit, XIV Kalendas Iulij, anno 1248.

*Sceptra BOLESŁAVS dum nomine reg; PVDICVS,
Magnus ab insigni REX pietate, tenet.*

*Floret in eximij GODFRIDVS REGIS amore.,
Dilectus pariter fratribus ille suis.*

*Suaui enim cunctis placida moderatio mentis,
Suaue viro regimen, promptaq; corda dedit.*



BOLEBORIVS, ABBAS XV.

BOLEBORIO, ABBATIS insignia, propria virtus, adæquæ, ac Monachorum beniuolentia, conciliârunt. Quam de ipsius virtute ac sapientiâ conceperant Patres excellentem opinionem, egregiè sustinuit; nam. sui Magistratûs tempore, Iura Canobij integra conseruauit, & alia ampla, vniq; apud Principem acquisiuit. Propter

pter eximiam sanctimoniam & prudentiam famam, à BOLESŁAO
 PVDICO, summam venerationem excultus est, & libertates nonnullas
 à regijs contributionibus consecutus. Sed quod Monachum eun-
 demq; ABBATEM, præ cæteris rebus decebat maxime, singulari
 studio atq; industriam perfecit, vt TINECIÆ, Diui BENEDICTI Re-
 gulæ, Monasticisq; Institutis, plurimum obseruantiam impenderetur.
 Excessit è vitâ, X. Kal: Octobris Anno 1259. Præfuit annis vnde-
 cim.

*Quam bene prisca tibi BOLEBORI claret origo,
 Tantus virtutis cum tibi claret amor.
 Non tua sollicitis auges fastigia curis,
 Publica sed cordi commoda fixa tuo.
 Multa TINECENSES ornant insignia per te,
 Hac est virtutis dos pretiosa tua.*

 MODLIBOSIVS,
 ABBAS XVI.

HOrrendum illud malum, quod portenta rerum,
 cælestia ostenta futurum præsignabant, ista temporis
 intercapedine, irata Poloniæ fata obruserunt. BO-
 LESŁAVS Pudicus, cum sua KVNIGVNDE, par con-
 iugum Sanctissimorum, sceptræ Poloniæ tunc fere-
 bant, quos cum supra communem mortalium sortem, virtus extu-
 lisset, parem magnæ virtuti fortunam, nunquam habuerunt. Et
 si enim, Fortunæ facies æquæ bonis ac malis, communis dicatur,
 hic tamen, optimis pessima, pessimis optima, eueniebant: vt cæ-
 cam esse fortunam, nisi cæci simus, vel inde agnoscamus. BOLE-
 ŚŁAVS itaq; inter bellica educatus fulgura, & CONRADI patrui
 bello

bello iniquissimo diuturnè pressus, cum KINGÆ pudicissimæ nup-
psisset, ut firmitus solum imperandi, faceret sibi, tum potissimum
aduersans fatum, eiusq; virtutibus infensus Tartarus, non re mi-
nus quam nomine, affinium sibi Tartarorum, Tartareas planè fu-
rias, Regno immisit. Ex quorum illapsu crudelissimo, tam flebi-
lis vbiq; rerum, & Regnorum facies apparuit, ut ipsæ Aræ, in
focos versæ fuerint, ipsi Diui fanis exuti suis, multæq; vastatæ &
solo æquatæ Provinciæ, & plurima per barbaros præda abacta.
Et quanquam immanitatem eam, cum plurimis exercuerint Re-
gnis, atrocius tamen egerunt, cum Poloniâ & vicina eius Silesiâ,
quas, post incendiorum fatales fumos, ad cineres omninò conde-
mnauerant. Neq; CÆNOBIVM TINECENSE, tametsi in Arcis
formam munitum, eius cladis acerbissimam calamitatem, effugere
potuit; cum enim barbaries Scythica instaret, TINECENSES, in
montes Vngariæ magis præruptos, concesserant; asportatis secum
maioris pretij rebus, idq; nonnullis tantum, cum illum omnem,
tam sacrum, quam profanum thesaurum, qui tot annis, tot Prin-
cipum liberalitate, ac Monachorum parsimoniâ coaluerat, auferre,
& amplissimam suppellectilem recondere, in tam subitâ & perce-
leri irruptione, omninò fuerit impossibile: tum barbari, vacuum
hominibus aggressi Monasterium, immanissimâ feritate direptum,
euersumq; subiecto igne solo æquauerunt. MODLIBOSIVS sub
hæc calamitosissima tempora, generis nobilitate, & virtutis famâ
conspicuus, TINECENSEM administrabat familiam, qui & ipse
post abscissum hostilem, & euolutas barbarorum nubes, redux
TINECIAM, illius domicilia incendio delata & obruta, lacrymis
prius expiando, auspice Pudici egregiâ virtute, summâ in viuos.
Diuosq; liberalitate, sensim restituebat. Quo in labore, viribus
succumbens, plurimisq; attritus malis, erectâ in Deum fiduciâ, in
aliâ translatus est vitam, III. nonas Martij, Anno 1271. Præfuit
Annos duodecim.

*Tartaricas acies, MOLIBOSIVS inter, & ignes,
Sarmatia populis ultima, fata timens,
Viderat & lacrymas, & lamentabile fatum,*

*Illacrymans patria vir pius excidio.
O quam Diuina grauis indignatio dextra,
Vindicat extremis cum mala nostra malis.*



C O S M A S, A B B A S XVII.

Prouerbio dicitur; Magna infortunia, solitaria non incedunt, sed ubi semel capere, precipitant. Hoc factum, cum Polonia; in qua. post sanguinarias inundationes barbarorum, subsecuta sunt inundationes fluminum; & tam diram armorum messem, ingens fuit comitata fames: ut priores hostium gladij, pestiferæ mortis salibus, veluti prælusisse, videantur. Insolitus præterea terræ motus, sub id calamitosi temporis acciderat, & e caelo sanguinea pluuia, in diuersis locis copiose defluerat; ut ex his Naturæ inordinationibus, diuinare possimus, terram e centro suo exire voluisse, ut suorum incolarum fugam subsequeretur; aut verius, tantis malis grauata, sub pondere laborasse, omnino ruituram, si quo caderet, habuisset. Caelo quoque communem causam, cum Polonia fuisse. cuius fluij, caelorum sanguine cum essent cruentati ipsdem quasi vulneribus, caelum affectum fuisse; aut potius tot insontium sanguinem caelo receptum, afflicta Polonia, à gratis nubibus redhibitum. Insuper, monstra rari effectus simul enata, in stuporem omnes adegerant; nam eodem tempore, nobilis matrona, triginta sex pueros, vno partu effuderat: Vitulus quoque, biceps, septem pedibus inter viuos prodierat: adhuc puer natus fuit, cum solidis statim dentibus, & quo die in lucem editus, eodem distinctè & articulate locutus fuisse scribitur: & alia his consimilia, quibus homines recenti conuernati cæde, plane exanimis reddebantur. Hac verò proxime mortem

mortem Pudici præcesserant, qui anno 1279. IV. Idus Decembris vitam cum morte commutavit; aureus verè Princeps, tametsi ferreum seculum, eius imperio obuenisset. Sic stantibus in Poloniâ rebus, æquè turbidæ, apud *TINECENSES* fuerunt; ad quarum procurationem, *COSMAS ABBAS* fuit subuectus, vir alias ingentis consilij, & admirandæ sapientiæ ac fortitudinis, qui etiam inter illud difficultatum chaos, optimi simul ac prudentissimi Rectoris, cumulatissimam laudem est assecutus. Pudicum, in viuis adhuc agentem, omnibus humanitatis & obsequij officijs, à se excultum, in rem Cænobij, arctiore sibi beneuolentiâ copulauerat, & ab eo magni momenti privilegia, & gratias obtinuerat. *LES CONI* quoq; successor ad fasces acceptissimus, summam eius erga se, ac totum sodalitium Tinecense, beneuolentiam ac liberalitatem expertus est. *Ædificijs* competentibus, à *LES CONE* Cænobiû est reparatum & auctum; oppida & villæ, ab oneribus publicis & regalibus, libertate donatæ; & mero Dominio, absolutâq; iudicandi, in omnibus suæ ditionis oppidis & pagis potestate, *TINECIA* insignita. Decretum quoq; ac sancitum ab eodem est Principe, vt lites & causæ hominum, intra *TINECENSE* Dominium consistentium, coram iudicio *ABBATIS* pertractarentur, & pænæ luitæ eiusdem fisco numerarentur. Vicissim *ABBAS*, multiplices in se *LES CONIS* gratias, omni studio officiorum cumulare pergebat. Ad cuiuseriam Principis instantiam, Monasterium Ordinis Prædicatorum, in Opatouiec *TINECENSIS* sui Monasterij hæreditario oppido, Anno Domini. 1283. fundauit, & nonnullos agros & terras eidem Monasterio, pro culturâ, horto & pomario, idem *COSMAS*, (quem aliqui priscarum literarum similitudine decepti, *THOMAM* erroneè scribunt) attribuit. At verò *COSMÆ* prudentia & sedulitas, vt eximia fuerit & excellens, longo tamen interuallo, ab eius egregiâ pietate, religiosissimisq; moribus, vincebatur. Quare, inter angustias & desolationem bonorum Monasterij religiosæ vitæ exercitationem promouens, diligenter studuit, vt domestica, per occasiones bellorum nonnihil labefactata disciplina clauitri, ad priorem reuerteretur cultum, & intermissi assumerentur vsus. Quin etiam, ædes in taurando, Fratres colligendo, & ad obseruantiam inducendo, *TINECIAM* claram reddidit & venerabilem. Deniq;


meritis

meritis abundans, & rectè factorum conſcientia locuples, migravit in cælum, Sexto Idus Septembris. Anno 1287. Præfuit Annos quindecim.

*Dotibus eximijs COSMAS quod culmen honoris
Promeruit, ſummâ non ſine laude tenet.*

*Multa viri pietas, rerum prudentia, candor,
Grande ſalutaris conſilijq; penu,*

*Principibus placuere viris. Sed verius ille,
Nil maius cenſet, quàm placuiſſe DEO.*




D A N I E L,

A B B A S XIIX.

DANIEL, vir proborum deſideriorum, & magnæ integritatis ac prudentiæ ABBAS, ſubrogatus eſt COSMÆ, in Magiſtratū TINECENSEM. qui erigendo, quâ poterat celeritate attritum MONASTERIUM, ætatis illud legibus, ad priſtinam integritatem reparandam contentaneis, communiuit. Tameſi verò, reliquarum omnium virtutum præſidijs quas in religioſi Cœnobij Præſecto, elucere par erat, egregiè fuerit inſtructus: præcipuè tamen, inflammata quondam communis diſciplinæ tuendæ voluntatem ac zelum præ ſe tulit; cuius admonitu, ab omnibus, quos in religioſâ palæſtra formandos, fingendosq; ſuſceperat, totius domeſtici moris artiſſimam cuſtodiam, ſeuerus exigebat: præteriti faſtus recordationem, & tumentes ſeculi ſpiritus, abiectiſſimis functionibus prudenter in eis contundens ac proculcans. Quippe, VLODIMERVM Ducis Oſuecimentis filium, (qui vehementiore pietatis flammâ incale-

incalescens, Ducali abdicato cultu, Monasticum schema suscepit TINECIA) & plerosq; alios, è nobilitate Monachos factos; infimis claustris ministerijs addixit, & eorum constantiam profectumq; laudatissimis religiosæ humanitatis ac patientiæ tentamentis, explorauit. Illustri utiq; ac memorando, ad sacrorum Cætuum Rectores documento, ne autæ disciplinæ robur, cuiusuis subditorum languore, infringi sinant, vel remitti: cum longè consultius sit honestiusq;, clarissimis ortos natalibus ab Religionis ingressu arcere; quam cum tenui, primæuæ institutionis iacturâ, in conuietum ac societatem aliorum recipere: si quidem dicatis Deo familijs, non aduentitio secularis potentiæ ac nobilitatis splendore, sed ardenti humilitatis studio, honorumq; contemplatione, ac fugâ, verum decus, & germana nominis celebritas, comparatur. DANIEL itaq;, sub breui regiminis sui spatio, iustum numerum Monachorum conscripsit, & propter furias armorum strepentium, iacentem cælestis Philosophiæ exercitationem, secundissimo euentu subleuauit, deiectamq; feritate Scythicâ TINECIAM, ad prospectum anterioris splendoris prouexit. Demum pietate, & rebus gestis clarus, transiit ad Empyreum: VIII. Idus Iunij, Anno 1293. Sedit annos sex.

*Viscera cum DANIEL veri dilatat amoris,
Noluit angusti corda paterna sinûs;
Obsequium potius CHRISTI numerosius auget,
Selectasq; animas ad meliora vocat.
Felix quem soboles circumdat tanta parentem,
Ex natis surgit vera corona patris.*



ALBERTVS I.

ABBAS XIX.



ALBERTVM, TINECENSIS sodalitijs administratio-
nem, vertentibus his annis, aliqui dubitant habuisse;
quem etiam in Catalogo ABBATVM ponere, non sunt
dignati. Verum aliter, Carta membranacea PAULI E-
piscopi Cracouiensis, de Anno Domini 1297. expe-
dita docet; in qua sibi, ALBERTVM ABBATEM TINECENSEM,
duas villas, pro Decima ex Lincze dedisse supertestatur. Nullam
verò vtilitatem ex hoc decimandi iure, TINECTA aliquando per-
cepit; & ALBERTVS ægrè, non integram Mensium hebdomaden,
in suo Magistratu impleuit: Sexennio post abrogatum regimen,
vixisse, & primùm anno 1298, XVI. Kal: Aug: obiisse scribitur.
Vacavit sedes Abbatialis annos tres.

Plus ALBERTVS cupis debeat quàm, velle placere,

Cum tibi sufficiat religionis amor.

Aula quod incertis simulata fauoribus offert

Quid spectas? minimo tollitur illa gradu.

Vna salus animæ, pro Christo velle mereri.

Spem talis meriti, gratia certa manet.



HENRICVS I.

ABBAS XX.



HENRICVS ad TINECENSIS ABBATIE gubernationem, Monachorum suffragijs promotus, magno
cùm splendore, pariq: cum laude in eâ se gessit. Præfuit
annis

annis quatuor, & mensibus aliquot. Per eos dies, rei publicæ Polonæ statum, inimicus fortunæ turbo grauitè concusserat, cum PREMI-SLAVM Regem innocentissimum, ex Marchiâ siccati vulneribus confodissent. HENRICVS in mediâ ætate, vltimam vitæ periodum sensit. Nonis Martij, Anno CHRISTI nati 1301.

Optima momentis breuibus plerumq; feruntur,

Atq; cito fugiunt prob dolor illa pede:

Sic tibi collati dum longam poscit honoris

Annorum seriem, religionis amor:

Raptus es ex oculis, præstans HENRICE, tuorum,

Sed tamen implesti tempora longa breui.



IOANNES CZYZYK,

A B B A S XXI.



Ic in ABBATEM electus, è re Monachorum publicâ, suâq; è dignitate TINECIÆ præfuit: par enim virtus animi, cum splendore Natalium, ei simul obuenerant. Laxatis ex licentiâ bellorum, animis quorundam, ipse ad omnem virtutem ac sanctimoniam præiuit, ardenti studio cultum DEI promouit, & Canobium structuris amplificauit. Eo Præside, ab almâ Congregatione Cluniacensi lex & Decretum latum, apud TINECENSES promulgatum fuit, vt ABBAS TINECENSIS MONASTERII Cluniaco subiecti, à suis Monachis electus, Magistratum ne capesseret, nisi præuio Cluniacensis Præfecti assensu: Cluniacum, secundo quoq; anno proficisceretur, et per totam Poloniam vices gereret Cluniacensis ABBATIS. JOANNES à naturâ ad omnem probitatem formatus, neque parcus laboris, cum nouem annos re-

Elogia Abbatum Tinecensium,
 staurandis moribus, rectisq; TINECIANÆ Domûs impendisset,
 tandem factus est in pace locus eius. Obijt anno 1310. quarto
 Idus Nouembris. Præfuit annis nouem.

*CZYZOWIIS, Illustre genus, nomenq; vetustum,
 Debuit, illustri vir pietate grauis.
 Nobiliorq; suâ Præsul virtute IOANNES,
 Vindex officio, sed pietate parens.
 Hinc illi regimen placidis effloruit annis,
 Impleuitq; sui muneris omne decus.*



IOANNES II.

ABBAS XXII.



VLADISLAI LOKTICI Regis Poloniæ studium
 ac pietas, in TINECENSEM Domum hoc tempore
 eluxit, qui firmato throno sui regni, cum rebelles ple-
 theret, fortunas TINECENSIVM auxit. Id verò Io-
 ANNIS ABBATIS intuitu præstitit, in quem singu-
 lari animi sui propensione ferebatur, cumq; in adeundâ ABBATIâ
 adiuerat. Cæterum IOANNES genere & probitate insignis, ac
 liberalium artium peritiâ clarus, non minus pro conseruandâ Pie-
 tate studuit, quam pro tuendâ temporalium rerum substantiâ præ-
 stitit. Eius eximie in DEVM & Ordinem, Pietatis hæc argumenta
 feruntur: Chorum ad psallendas DEO laudes semper adibat; quo-
 tidie Missæ Sacrificium habebat; singulasq; Monasterij officinas ac-
 curatè perlustrans, sedulò providebat, ne Sanctissimarum legum
 Decreta, & diuturno vsu firmatæ Consuetudines Ordinis Clunia-
 censis, temerè à quoquam violarentur. Adeo illum hoc inprī-
 mis anxium habuit & sollicitum, ne Diui BENEDICTI disciplina
 quid-

quidquam detrimenti caperet, neue minus integrè quam par esset, à suis sectatoribus coleretur. Hinc aliorum socordia culpanda venit, qui Monasticæ disciplinæ Sacroq; Ordini tuendo Præfecti, summo in otio, curarumq; vacuitate, Sanctissimas leges & ipsimet stolidè perfringunt, & ab alijs passim negligi ac vilipendi, nec magnoperè laborant, nec molestissimè patiuntur. Annos XII egit in curâ Pastoralis. Sublatus morbo, septimo Kalendas Iunij, anno 1322

*Peruigil in studio vera virtutis haberi,
Quisquis amat, summo fulgeat ille loco.
Hoc egit clarus vitæ probitate IOANNES,
In summo positus, dum pietate micat.
Exemplo prodestq; alijs, & fortius urget:
Pastoris, lux est optima, vita boni.*



M I C H A E L I.

A B B A S XXIII.

MICHAELI propter eximias dotes à Monachis Magistratus TINECENSIS delatus, ipsius acerrimam pro Sacri sodalitij indemnitate ac tutela susceptam, contentionem, abundè demonstravit. Magnates quidam Monasterij iura & fortunas occupauerant, quos Ecclesiastico gladio prius perculosos, ad Regis tribunal uocauit, causâq; obtentâ, bonam prædiorum partem in Submontanis recuperavit, & sic non paruam sibi laudem, neq; parum Monasterio emolumentum, comparauit. Et quanquam prouidè res semper tractaret, susceptâ tamen Gubernatione oppidi BIECZ, quod ad confinia Regni situm, contra irruptiones Vngarorum pro munimento

H3 non.

Elogia Abbatum Tinecensium,

non inualido erat, cum ipse abesset, & Substitutus remissius inuigilaret, ab Vngaris fuit interceptum, vnde procurstantes Vngari latè viciniam deprædabantur: ad quos exturbandos REX LOKTICVS non paruam manum collegit, sicq; redacto in suam potestatem, loco, non amplius ad ius EPISCOPI CRACOVENSIS BIECZ peruenit, quod ei à VENCESLAO REGE commutationis viâ datum, perpetuò seruiebat. super quo damno, Muscata Cracouien-sium Præsul ABBATEM iure conueniens, villam Przeczyca ab eo recepit, vt in suo Epitaphio Mogilensi idem Antistes insinuat. MICHAEL verò quinquennio exacto in ABBATIâ, officio simul & vitâ exutus est, Anno 1328.

ABBATIS summo, MICHAEL respondit, honori,

Intentus curis, officijq; memor.

Non tamen ille pari respondit sorte regendi,

Præsuleo Bectam nomine quando regit.


Interdum cautos etiam prudentia fallit,

Exercetq; bonos sors mala sepè viros.



L V D F R I D V S II.

A B B A S XIV.



Natura dotibus & doctrinæ præditijs benè instructus LVDFRIDVS, TINECENSEM sedem obitu MICHAELIS vacantem, obtinuit, interuentu Regiminis Cluniacensis, à quo in Poloniam ablegatus fuit. Hic à REGE LOKTICO impetravit Priuilegium, quo decernebatur, vt bona, MONASTERII TINECENSIS, siue venditionibus, siue donationibus distracta & auulsa, & ad Nobiles terræ, vel ciues Cracouæ quocunque deuo-

luta modo, postliminio Conuentui restituerentur in toto, nulla facta mora: cuius Decreti vigore, nonnulla MONASTERII bona LVDFRIDVS ab indebitis possessoribus recuperauit. cumque TINECENSES fortunas, largitionibus variorum amplificat, & ob-
zientis Priuilegijs stabilis & confirmat, libertatesq; primitus indultas, & iura Cænobij inuicto animo propugnat, à quibusdam Potentatibus pertinaciter impugnatur. Hinc non tam senio, quam arum-
inis & mæore confectus decessit è vitâ; hoc inprimis apud po-
steros commendandus, quod suo exemplo præmonstrauit, in de-
fensione sacrorum, naturæ potius, quam cuiusuis potentiaæ atque iniurijs concedendum. Quo agrius mihi ferendum est, non de-
fuisse è Fratribus quosdam, qui tantæ integritatis tantiq; roboris ac sapientiaæ Præsulem, auectionis Thesauri TINECENSIS reum, egerint! at opinor, qui vitæ periodum LVDFRIDI religiosè & prudenter traductam, honorificamq; de ipsius virtute opinionem, & summam sollicitudinem diligentiamq; in repetendis Cænobij bonis, sano oculo contemplabitur, facti huius suspensionem à LVDFRIDO amolietur, nec vllum relinquet locum, de illius integritate & fideli administratione, apud æquos rerum æstimatores amplius dubitandi. Quin hoc ignominiosum commentum in eos re-
cidat, est opus, qui Disciplinam Sacri Instituti quam is ardentius promouebat perosi, virum omnium virtutum laude cumulatissi-
mum & defensorem Cænobij acerrimum, facinoris tanti ignomi-
niâ notabant, & verbis acerbis traducere non desistebant. Mortuus est anno 1335. Frid. Kal. Febr. Præfuit annis septem: Vacauit sedes Menses quinq; & dies viginti.

*Sacrilegos contra fortis LVDFRIDI steteristi,
Agnouitq; parem vis inimica virum.
Cum violenta manus prauisq; furoribus acta,
Eriperet, CHRISTO quod pia dextra dedit.
Magnanimos excelsa decent: proprijsq; periclis
Damna gregis, veri Præsulis arcet amor.*

MICHA-

M I C H A E L II.

A B B A S XXV.

TINECENSES, post vacationem semestrem, ab obitu LUDFRIDI, Canobij regimen MICHAELI, è nobili Polonâ stirpe demandarunt, non tam generis claritate, quàm virtutis ac solertiæ præstantiâ adducti. A CASIMIRO REGE LOKTICI filio & successore, Decretum recepit, de tutâ bonorum Monasterij possessione, & ut adscripticij subditi, in lus Theutonicum translati, gradui pristino restituerentur. Idem ædificia Monasterij nonnulla reparauit, & supellectili domesticâ auxit, insigni quorundam liberalitate adiutus. Tandem MICHAEL, relatâ prudentis ac religiosi moderatoris haud sanè mediocri commendatione, decessit, VI. Nonas Iulij, anno vindicatæ salutis, 1343. Præfuit annis sex, Mensibus duobus.

*Commisum Pastoris opus dum gnauiter implet,
Communi MICHAEL inuigilatq; bono;
Ad sacros usus per eum pretiosa supellex,
Atq; Domus Domini surgit ubiq; decor.
Mundiciæ animæ nam quanto purior intus,
Templorum, tanto plus amat illa, decus.*

B O G V S S I V S,

A B B A S XXVI.

TAmetsi BOGVSSIVS in antiquo ABBATVM TINECENSIVM Indice non sit descriptus, cum ramen Metri- cula, ex quâ Nominâ Defunctorum in dies singulos reci- tantur, ABBATEM TINECENSEM edicit, & 21. Nouembris,

anno 1343. vltimum obiisse diem, est testis. Membranæ quoque Cartæ, in Tabulario Monasterij ex antiquo seruata, disertis verbis BOGVSSII meminere. Subijcio exemplar vnius. JOANNES DEI gratiâ Dux Osuacemensis. Fidelibus suis, Iudicibus, Subiudicibus, Aduocatû, & alijs omnibus Officialibus tam in seculari quam in spiritali iudicio, Ducatus sui Presidentibus, gratiam suam & omne bonum. Mandamus vobis firmiter & distictè, gratia nostra sub obtentu, quatenus Religiosos viros Dominum ABBATEM & suum Conuentum & suos familiares, TINECENSES, in causâ contractionis debiti, & in rapinis, furtis, spolijs, venditionibus villarum, vel scultetiarum & quibuscunq; alijs factis, qua sunt facta vel ordinata per BOGVSSIVM olim ABBATEM ibidem TINECENSEM, indicare, vel ipsos ad aliquam penam, condemnare non presumatis; querulantibus verò perpetuum silentium de dictis Fratribus imponentes & hoc perpetuo tenentes. In cuius rei testimonium, ad obediendum firmiter nostrum mandatum vobis in huius scriptis factum & tenendis, nostrum sigillum est appensum Datum Osuacimeni, in Vigiliis S. Thome Apost: Anno Domini 1344.

Hinc conijcio, BOGVSSIVM vel propter Canobitarum inordinationes & fastidia, seipsum vltro ABBATIS onere & praefectura remouisse; vel propter incuriam & neglectum Institutorum Ordinis, aut ob dilapidationem alienationemque bonorum Canobij, à suis Magistratu exutum esse. Certè descendendi veniunt mihi pluri, qui patrimonio, Diui BENEDICTI Praefecti, spontaneâ distractione bona Canobiorum dilacerant, & profusus se ipsos tractando, euertunt pauperum horrea. Tales aduertant quid Sanctus Pater & 57 Reg. moneat. Memorentur Anania & Saphira, hi per quorum manus res Monasterij transiguntur, ne fortè mortem quam illi in corpore pertulerunt, hanc isti, vel omnes qui aliquam fraudem de rebus Monasterij fecerint, in anima patiantur. Deniq; de BOGVSSIO id à quibusdam accepi, ideo alijs connumeratum non esse Abbatibus, quod tumultuose per seditionem subrogatus, malè partem administrationem, nihilo meliori arte ac sapientiâ retinuerit. In eo Magistratu, non eum, ultra biennium egisse, supponendum est. alias, dies & annus eius obitus, claret ex allegatis.


Elogia Abbatum Tinecensium,

*Ardua res honor est, onerisq; grauissima moles,
 Quam te BOGVSSI deposuisse iuuat.
 Causa latet; quaecunq; tamen sit causa, recepti
 Muneris; est anima tutior illa tua.
 Sæpe bonos etiam Prælatos, multa neceße est,
 A male subiectis, immeritoq; pati.*



SILVESTER,

ABBAS XXVII.




SILVESTER clarâ prosapiâ natus, ABBATIS dignitate TINECIÆ est insignitus, qui in eo fastigio constitutus, sui generis dignitatem, & Monachorum de seipso expectationem gnauiter conseruauit. Cum videret, antecessorum Præsidum incuriâ, vel potius iniuriâ temporum, bona quædam TINECENSIS Conuentus, ab alijs detineri, solerter institit, egitq; laboriosè, vt ablata integrè compensarentur. Multorum intemperies de populo, & fæda libido, Epidemiæ morbo grassante intra Poloniam, eius tempore castigata fuit. Naturæ concessit anno 1349. sedit annos quatuor, & menses quinque.

*Insignes sine laude viros, quod longa vetustas,
 Esse sinat; scélis omnibus illa nocet.
 Nomina vix seruans: decora immortalia vite,
 Exemploq; alijs acta futura, tacet.
 Hoc tibi SILVESTER cum fecerit, inclyta virtus
 Te tamen eternâ non sine laude, feret.*

HEN.

HENRICVS II.

ABBAS XXVIII.



Vandoquidem ea tempora **TINECIAE** impendebant, quæ insignis constantiæ Praefectum exposcerent; defuncto **SILVESTRO**, **HENRICVS** sufficitur. Qui cum parem virtutis excellentiam, cum stemmate **OSTOIA**, ad gubernandum attulisset; egregiam nactus fuit hoc in officio indoli exercendæ atq; illustrandæ materiam. Quam in reprimendâ aliorum Avaritiâ, qui lura Cœnobij iniuste usurpabant, demonstrauit, nulumq; animi & roboris, pro conseruandis possessionibus, ad extremam vsq; senectam exeruit. Monasticis quoque disciplinis probè communitus, petulantium machinationibus fortiter restitit. Eius tempore, insignis pietatis & munificentiae Archiepiscopus Gnesnensis, **JAROSLAVS SKOTNICVS**, S. **NICOLAI** Capellam Vnicuiouensem, **TINECENSIBVS** contulit. obiit anno Domini 1354. XIII. Kalendas Septembris. Præfuit annis quinque.

*Vis animi generosa tui, de sanguine præseo
OSTOYCZYKORVM, Nobilitate nitet.
Sic clarere tamen, minus est tibi, ni tua virtus
Te clarum readat; quod probitate facis.
Nobilitas auro similis quos ornat, in illis
Gemma velut, virius & proba vita, micat.*



IOANNES III.


ABBAS XXIX.



IOANNES stirpis generosæ proles, cum multos nobilissimos Heroas, inter familiæ suæ decora numerasset, haud quaquam degener ipse, post acceptum Magistratum **TINECENSEM**, contentissimis studiis illud egit, ut egregia maiorum suorum facinora, & præcedentium **ABBATVM** zelum eximium, suis & ipse ornamentis ac dotibus cumlaret. Neque verò, conceptâ spe de se ipso, susceptisq; honestissimæ consilij conatibus, frustratus est: si quidem **JOANNES** seuerioris Instituti normam, cum à puero inter **TINECENSES** ultro admisisset, vitæ innocentia, morum grauitate, rerum v̄su, diuinis humanisq; literis, egregiè fuit instructus. Præfecturam **TINECIE** quinquennio gessit, satis breuem, ac multis implicitam difficultatibus, quas tantâ virtute & animi constantiâ deuicit, transgessitq; ut nec animum unquam desponderit, nec superari à quoquam potuerit. Potentissimos & primi in Regno Ordinis aduersarios, qui contra **ABBATEM** & **TINECIAM**, factâ conspiratione coniurauerant, non modo sustinuit intrepidè, sed incredibili etiam æquanimirate ac patientiâ, mitigatis eorundem animis, subimet & suo Conuentui conciliauit ac deuinxit. **EYSTACHIVS** Castellanus Lublinensis, vir potens & temeritatis notæ, plerosq; uicos & oppida Canobio per vim & scelus ademerat, & iniecto terrore, maiores clades & exitium minitabatur; hanc eius temeritatem & ausus nimietatem, tantâ animi contentione perfregit, ut & regis voluntatem Castellano plus a quo fauentem, alio flexerit, & in suam ditionem, ablata bona redegerit. Idem speciales ab Innocentio VI. Pontifice literas, quibus perditissimi, Iuris Cænobialis occupatores deuouebantur diris, executioni debitæ commendauit, atq; sortes auulsas in pristinam possessionem **TINECIE** asseruit. **CASIMIRVS** magnus Rex Poloniæ, **IOANNES** **ABBATE** diuersis temporibus **TINECIAM** religionis ergo profectus, quæ liberali-

liberalitate munerum, quâ priuilegiarum concessione, ipsius magistratum insigniter nobilitauit: sed ipse multo nobiliorem reddidit, subleuatâ Cœnobij disciplinâ, retento in omni gubernatione, eodem sanctitatis & constantiæ tenore, nullis vnquam laboribus, nullis incommodis pro tuendâ Monasterij re ac libertate succumbens, aduersariorum terrore, minis, impugnatione, vbiq; superior: donec ætate, ac meritis grauis, fato cessit, X. Kalen. Jul. Anno a partu Virginis. 1359. sedit annos quinque.

*Quando profana manus, rebus non parcere sacris
Præsumit, zelo tunc pietatis opus.
Hic animi zelus, pietas hæc, multa IOANNI,
Cum bona raptorum vindicat ipse manu.
Quam torquent auidos, CHRISTI bona, sapius hostes
Nihil DEVS in seruis excubet ipse suis.*



STEPHANVS I.


ABBAS XXX.

DE hoc STEPHANO TINECENSI ABBATE, præter nomen eius, vix quidquam perhibetur. Non amplius anno vnico, Cœnobij regimen exercuisse eum, ex Tabulis colligo: obuisse verò anno 1362. die 26. Iulij, in Matriculâ eiusdem Monasterij lego. Hinc probabiliter conijcere licet, illum Magistratu vel sponte se abdicasse, vel certe exutum fuisse, & duos circiter annos iam exauكتورatum superuixisse.

*Pastorale decus STEPHANVM cum ritè coronat,
Mille animi curas, cædia mille trahit.*

Elogia Abbatum Tinecenſium,

*Aufertur tandem. curis vacuumq; relinquit,
 Liberiufq; ſibi iam vacat, atq; D E O.
 Quiſquis amat regimen, ſummaq; negotia cura,
 Tranquillum mentis non amat ille ſua.*



ALBERTVS II.

A B B A S XXXI.



ALBERTVS, concordibusne ſtudijs Monachorum ſub-
 lectus STEPHANO fuit, addubito cum aliqui eum
 in Catalogum ABBATVM non admittant, quòd ſequio-
 ri modo ſaſces preſtauerit. Biennium interea euoluitur, quod eius
 Praefectura aſſignandum maneret.

Mille pericla animæ, vitæ discrimina mille,

Ambicioſus honos quæ fugiamus habet.

Queritur hic curis paſſim tamen omniſus: U quòd

Ociſ ille fugit, queritur ille magis.

O potius tecum fugiant ALBERTE fugacem,

Prudenter tecum qui ſapuiſſe volunt.



IOANNES IV.


A B B A S XXXII.



IOANNIS teſtata virtutis ac ſapientia viri Praefectu-
 ra, nedum TINECENSI ſodalitio apprime frugifera
 extitit, ſed & alterius ordinis hominibus, inſignem utilita-
 tem

tem & commodum attulit. Cuius prudentia & dexteritas in tantum CASIMIRO REGI placuit, ut eum quam proximum sibi exoptaret, quo eius consuetudinem sapissimè degustare, consilijs verò & operâ, in rerum difficultum administratione uti posset. Neq; IOANNES pro insitâ sibi humanitate, ac singulari in Regem beneuolentiâ, non ad labo- randum Regi, vel eius ministerio non obsequendū putauit. ibat REX dimicatur^a aduersus Russorū & Lituanorū colluuiem in arenam confi- ctus, vbi barbari tum numero & viribus tum ferociâ & calliditate vali- dissimi erant: Regius verò exercitus, ob stipendia non exoluta moras necere videbatur: TINECENSIS Antistes thesauri poti- oris, liberalitate olim Regum Cœnobio collati, partem maiorem, signatâq; pecuniâ Duo Millia Marcarum, vltro regi commodare non extimuit, vel potius indigenti contulit, ne salus patriæ in aper- tum discrimen adduceretur, sed ut milites donatiuo recepto, ad arma sumenda strictius obligarentur. Gazam pro publicâ utili- tate distractam, cumulauit idem, Regisq; privilegia, & nouas ac- cessiones Cœnobio acquisiuit. Excellentem eius gubernationem, prudentiæ monumenta pleraq; contestantur. Ad extremum per annos quinq; rebus ex dignitate, suisq; instituti normâ administra- tis, meritis diues, felicem obitum est consecutus. septimo Kal- lan. anno 1367.

*Aduersis patriæ fatis, cum publica belli
Tempestas, Regnum Marte furente quatit:
Principis & patriæ, summâ pietate IOANNES
Rebus adest; sumptus, donaq; sacra ferens.
Cogit amor patriæ, sacris non parcere gazis,
Imminet extremi quando ruina mali.*



P E T R V S I.
A B B A S XXXIII.

PETRVS animum sanctissimis in religione moribus, mentemq; humanioribus literis & sacrarum scripturarum peritiâ cum statim ab adolescentiâ serio imbuisset, biennali spacio, quo **TINECIÆ** Prælationem sustinuit, subditos integerrimæ vitæ exemplis instruit, & immortalibus beneficijs Cœnobium cumulauit. Deposuit Magistratum, senio pragrauante, seu verius instantia effugiendo mala. Resignauit anno 1368.

*Exiguum tibi munus erat, tempusq; regendi.
Sponte tuâ breuius quod tibi **PETRE** facis.
Longa tibi grauibus non vis fastidia curis,
Priuatimq; magis viuere, dulce putas.
Tollat, qui nescit, mitratam fronte coronam,
Expertum spinis torquet at illa caput.*



M A R T I N V S,
A B B A S XXXIV.

MARTINVS, PETRI Prouinciam, eodem anno excepit, sed ingentibus exceptus simul malis, oppressum se grauitè ingemuit. Quippe gens Lituorum immanis & saua, **LEBASTO** & **KEISTVIO** Ducibus, sanctissimam Poloniæ aliatura ciadem, Lublinensem & Sandomiriensem tractum copiosè inundaerat. Hic agris illata vasti-

vastitas, direptæ Vrbes, exhaustæ domûs; hic in obuios quosque promiscui sexus, latrocinij, verberibus, internecione, impotenter est delatum. Præter ea, cum effera gens Religionis odio, auriq; cupiditate inflammata, longius raperetur, neq; sanguinis sitim, cædium infinitate, neq; diuitiarum famem tot vndiq; congestis opibus expleret; ad sanctuarium illud Poloniæ, MONASTERIUM S. CRVCIS de improviso aduolantes, sacris ædibus expilatis deformatiq; per flammam testis, nec non pluribus obtruncatis Monachis, Vitiificæ CRVCIS insignes particulas, Donarium Diui EMERICI REGIS, Poloniæq; clenodium, auexerunt. Hac incursione & maleficio Litواني impetentes Poloniam, inauditoq; feritatis genere diuexaram, cum ditissimas opes & immensam auri atq; argenti vim ex eâ asportassent, & multa millia hominum abegissent; post abscissum eorum atrox pestilentia Polonos est adorta, quæ & reliquos absorpsit mortalium, & stragem accumulauit. In tot aduersis deficiens animo, tandem & animam expirauit MARTINVS quarto Nonas Augusti, 1372. Sedit annos tres.

Dum populatur agros, & cædibus omnia complet,

Sæuis Lituanicæ gentis ubiq; furor:

In summo patriæ casu, Martisq; tumultu,

Difficilis nimium credita cura tibi.

Non diuturna quiaem tibi, sed MARTINE molesta,

Namq; breui varijs cladibus illa scatet.

IOANNES V,
ABBAS XXXV.



Luniacensis Congregatio, tam exquisito renascentis Monasticæ disciplinæ cultu atq; obseruantia quam Coenobiorum numero atq; amplitudine, iunctisq; inter se cum domicilijs, tum Monachorum animis, arctissi-


K

mo re-

mo religiosæ coniunctionis ac pacis fœdere, latè per totam non Europam modò, sed vniuersam pene Christianitatem extitit celeberrima. In cuius aggregato, quoad *TINECIA* cum plenâ subiectione permanlit, tam diu felici successu rerum, opimâ pace, religioso otio, sanctitate, opinione hominum, atq; opibus, cumulata decorataq; excelluit. Verum cum vano obtentu, absolutæ Polonorum libertatis, sensim inspectiones Cluniacensium despicere, & dependentiam auersari cepit, ex tunc, sicut præscripta Sanctissimæ Regulæ, & pridem vsurpatæ consuetudines haustæ Cluniaco, viluerunt; ita exterior facies temporalium ad insolitas angustias, vacuitates, despoliationes & ad fisci chaos, imprudentissime est deuoluta. Et merito; cum ex priori illâ non minus animorum, quam instituti mutnâ communicatione, dici non potest, quanta *TINECIA* adfuerit integerrimæ latitiæ affluentia: cum alumnus Cluniacenses, quo ipsi fruebantur castissimæ disciplinæ bono, cum *TINECENSI* Cœnobio communicatum optarent; cum regulares visitationes zelosè exercerent; & in suo munere obeundo, cum alias virtutes multas, tum verò inprimis mirificum ardorem, religiosam disciplinam instaurando; & indefessi animi studium præferrent; nec non sacræ militiæ copias augerent; legum, quas *TINECENSES* profitebantur, inuiolatam obseruationem exigerent; neq; interim temporalium Monasterij ac iurium procuratio, vel esset omissa, vel remissè negligenterq; pertractaretur. At soluto vinculo, æternum optandæ Vnionis, tunc & claustrî infirmior, reddita disciplina, exteriora bona & iura per alios distracta & obfessa, atq; ipsi libertini alienæ traditi potestati, cæteraq; inconuenientia, per annos multos, vigentibus præsertim bellis, florentissimæ *TINECIA* plurimùm labis ac sordium asperserunt. Et hanc Congregationis Cluniacensis insignem quondam memoriam, occasione huius perditissimi temporis, quo *IOANNES* tenuit Magistratum, recensuit: cum passim *TINECIA* per summum nefas sortes abriperentur, bona inuaderentur, Præsidibus Cœnobij interea dormientibus, diuisisq; studiis fratrum, quòd intestinis factionibus inuicem dissiderent. Itaque *IOANNES* traditam sibi Præfecturam, à Patribus, virtutis & prudentiæ opinione, ac generis eius nobilitate inductis, annis quatuor administravit, illa tamen latifundia &

dia & agros peramplos ab alijs inleffos, summò licet adhibito studio nequaquam recuperavit. Vita functus est, ipsis Kal. Ian. anno 1376. Præsedit annos quatuor.

*Nixa quoad sacris Cluniaci legibus hæsit,
Multa TINECENSI, gloria facta, loco.
Vnio sed postquam sublata est, omnia retrò.
Cesserunt, varijs exagitata malis,
Hoc tibi cum multis licuit sentire IOANNES,
In peius quod eant omnia, quando stupes.*



ALBERTVS III.

ABBAS XXXVI.



ALBERTVS Topororum illustri gente natus, ob insignem morum maturitatem, cum virtutum splendore coniunctam, ABBAS creatus est. At suscepto munere Pastoral, ingentem habuit, in suâ prælatione, curarum & tristitiæ materiam: siquidem publicus Regni status, LVDOVICO REGE agente in Vngariâ, concussus vehementissimè, amplissimam viam prædonibus aperuerat; qui turmatim coadunati, & propriæ potentia ac viribus confisi, ad hæc legum impunitate allekti, subditos Ecclesiarum insolitis diuexabant statuis, & eorundem possessiones occupatas hostiliter exspoliando, ausi sunt detinere. contra horum audaciam Gnesnensis Primas, pro sacrorum immunitate tentauit aliquid, sed minus perfecit. similiter ALBERTVS TINECENSIS Ancistes, Monasterij sui rationib⁹ consulturus, Principū virorum gratiā nobilitatis famâ, & officiorū sedulitate studebat demereri; quod cum

Flogia Abbatum Tinecensium,
 sapius prensando multos actitaret, vitâ excidit, Quarto Kalen.
 Octob. anno 1380. cum et ipse nonnulla Cœnobij prædia, in-
 utilibus commutationibus alienasset. Præsedit annos quatuor.

Toporeâ de stirpe virum, clarissimus orru

ALBERTVS, meritis par, animoq; probus.

Pannonicis quando residet LVDOVICVS in oris,

Turbito patriæ præsidet ille statu.

Nil tamen immerso curarum proficit æstu,

Cû libet in turbis, omnia quando licent.



I A C O B V S,
 A B B A S XXXVII.




ACOVS. apud TINECENSES, non magis
 genere Equestri, quàm proprijs ingenij ac morum
 dotibus spectabilis, Dictaturam capeßens, triennali
 præfidentia, arduis laboribus est perfunctus. IVANVM
 de Russia, splendida Nobilitatis Militem, & qui nu-
 merabat plures in aulâ Regiâ perfamiliares, arctissimâ tibi attenta-
 te coniunctos; at simul hominem Clero infestum, & qui suâ aua-
 ritia habenas laxauerat; in Jus vocavit JACOBVS: quòd p. gos.
 aliquos TINECENSES, vicinis suis possessionibus adiungere, & in
 eis dominium vsurpare, & confinia hereditatum verutissima diij-
 cere præsumpsisset: causamq; ABBAS obtinuit, & militem teroci-
 entem amplius, neq; inessâ reddere volentem, Romani Pontificis
 censuris irretiuit: certoq; e manibus violentissimis ablata extor-
 sisset, nisi præmaturus IACOBI occasus, finem litis & vitæ abrupis-
 set. Pari dexteritate & prudentiâ Czurilonem adortus, perfecit,
 vt recentam á se aliquandiu Castri Golez possessionem, Monachis

iure,

iure vetustissimo debitam, restitueret. Ardenti febre extinctus est Idibus Augusti, anno nascentis Christi 1383. Præfuit annos tres.

*Larga quod à primis pietas effuderat annis,
In CHRISTI seruos, impia dextra rapit.
Contra quam, forti dum prodit corde IACOBVS,
Sternitur hēu multis ictibus inuidia.
Non tamen ille animo vicinis cedit auaris,
Mortis eum rapuit donec auara manus.*



IOANNES VI.

ABBAS XXXVIII.




Cum ea demūm præclara sit virtus, animiq; magnitudo memorabilis, quæ nullā periculorum gravitate, nullā asperitate temporum, ab honestis actionibus reuocatur: profecto JOANNES, præter ceterarum ornamenta virtutum, illustrem quoq; Religiosæ fortitudinis gloriam reportauit. Dum enim vnanimi Patrum consensu Cœnobium TINECENSE moderandum suscepisset, rem TINECENSEM eo loco offenderat, vt annui prouentus in victum cultuq; agrè admodum sufficerent. Quamobrem totus in eam cogitationem curamq; incubuit, vt Monasterij possessiones & oppida, quæ finitimi potentiores, b. licis superiorum temporum tumultibus ac rapinis, per vim occupata, sui iuris effecerant, pro viribus recuperaret. Quod dum facit vrgatq; vehementer, & multorum odia atq; inimicitias contraxit: qui nimirum, ne malè partâ bonorum possessione pellerentur, omnibus incommodis IOANNEM insectari & exagitare non desinebant: quorum tamen ille improbitate ac contumelijs minime deterretus, rem contra rapto-

res strenue promouebat. Cum ecce? de obitu LVDOVICI REGIS nuntium insperatò allatum, extemplò aduersariorum extulit animos & processum ABBATIS interemit. Successit interregnum, intra quod, summis quibusq; facinoribus ingens spatium, quadrienne concessum fuit, cumq; similiter perniciosum legum, (quibus salus patriæ constat) silentium institutum esset, impotens quâ exterorum quâ domesticorum dominatus, ingentibus malis Poloniam exagitauit. Reipublicæ Polonæ Corpus, suâ vacuum Animâ, dum malè tractatur, IOANNES Antistes TINECENSIS, Animam egit, Anno CHRISTI regnantis, 1388. Præfuit annis quinq; abiq; duobus mensibus.

*Pannonia, Iechiq; simul LVDOVICVS te vnâ
Morte Thronum liquit, concidit alma quies.
Hac interregni sinistra sorte IOANNES,
Turbarum patriæ munera plena capir.
Publica cumq; mali facies grassatur ubiq;
Raptorum manibus, plurima damna subit.*

S T E P H A N V S II.
A B B A S XXXIX.

TEPHANVS generis prærogatiuâ clarus, & animi egregijs dotibus à naturâ ornatus, Spartam TINCENSEM votis Patrum oblatam, insigniter exornauit; resq; Cœnobij ac fortunas, non mediocri bonorum iacturâ attritas & exhaustas, refecit & conseruauit. De eius obitu, his verbis Diarium Monasterij loquitur. Anno Domini 1392, die 5. Aprilis, Obitus Reuerendissimi Domini STEPHANI huius loci ABBATIS, & Episcopi. sed curulnam Cathedræ & Dia-

celis

cessis fuerit Episcopus, omnino silet, neq; conijcere est facile, cum & honoris huius titulus, & multa alia, quæ de eodem, sine dubio referenda superessent, tum STEPHANO ipsi, tum TINECIA perhonorifica, in tabulas redacta non sunt, vel fortè cum tempore interciderunt. Per id temporis, quo STEPHANVS præfuit TINECIAE, VILHELMVS Austriacus, & Semouitus Dux Masouia, pro Coronâ Regni & HEDVIGIS Infantis connubio, studijs decertabant: sed votis Regni Procerum, FAGIELLONI fors utraq; delata. Præfedit annos quatuor.

*Virtutum STEPHANI laudes ignaua vetustas,
Neglexit fastis, inseruisse suis.*

*Quem tamen agnouit virtutibus undiq; magnis,
ABBATIS cura, Pontificisq; parem.*

*Præsulei gessisse decus memoratur honoris;
Insignem, decuit quod meruisse, virum.*




BOGVSLAVS I.

ABBAS XXXX.

BOGVSLAVS, Natalium & virtutis splendore illustris, cum in Prioratu claustrali, solida probitatis argumenta dedisset, ABBATIS dignitate est auctus quam cum admisisset, vario euentu, sexennium exercuit. TINECENSES, BOGVSLAO rem administrante, aliquantâ vli sunt pace, ABBATE commoda sodalitiij prudenter & oculatè promouente. Mortuus est anno 1398.

*Clara BOGVSLAI consurgit gloria stirpis,
Ex meritis sequitur non minor illa bonis.
Optimus ille suis Antistes curat haberi,*

*Elogia Abbatum Tinecensium,
Euincitq; , alia quod rapuere manus:
Præsuleus labor hic, alienos rapta per ausus,
Mille animi curis querere, mille malis.*



M S C I S L A V S, A B B A S XXXXI.

MSCISLAVS, nobilis Ielitonum familiae progenies, dum ingenio, probitate, ac rerum usu, inter ceteros excelleret, unanimi Monachorum consensu, vacanti ABBATIAE TINECENSIVM praeficitur. Ad quem honorem, fecerant ei gradum, probatissimi mores, insignisq; sapientia: quibus pro eo suffragantibus, prensavit animos singulorum, & omnes conciliauit, ut ei etiam reluctanti, supremi Magistratus gubernacula, communi consensu, omnes commendarent. Idq; peractum est ea felicitate, ut TINECENSES, frequenti recordatione, praestantissimi Viri MSCISLAI, memoriam usq; hodie percolant, eius merita recenscant, & praecipuo honore, quoties gesta aliorum conspiciuntur, ipsius Nomen praecipua religione cultuq; prosequantur. Hanc autem iure meritissimo vindicat ab eisdem venerationem, tam late enim eius sapientissimi regiminis & Virtutum fama, hominum mentes & aures occupauerat, ut tunc reflorescere visa fuerit TINECIA, tanti viri gubernaculis demandata: eaq; animos plurimorum religio ac reuerentia incescerat, ut restitutis, quas rapuerant aliqui, possessionibus, etiam de sua liberalitate, ob gratiam Praesulis, aliqua supertradiderint. Quin etiam, MSCISLAVS sodalitium TINECENSE, numero personarum auxit, Vitae Monasticae studia ad veterem instituti normam reuocauit, susceptum munus Pastoris, annis duodecim secundissimo rerum cursu administrauit.

Tan-

Tantum interfuit, ad priorem **TINECENSIS** Archicænobij gloriam & decus instaurandum, ei Rectori, Domûs curam demandasse, qui à publicâ re tuendâ, curandisq; Monachorum vtilitatibus, ne proposito quidem vitæ periculo auocabatur, neq; aliorum minas & iniurias pertimescebat. Doctrinæ quoq; eius & prudentiæ fama, tantum illo tempore per vniuersam Poloniam inualuerat, ut cum PISIS in Italiâ, Concilium indictum esset, ad extricandam quæstionem, qui nam ex tribus ad Pontificatum Romanum sublectis, potior habendus esset, cum **PETRO VISSIO** Cracouiensi Præsule, antiquæ probitatis & excellentis doctrinæ viro, **MSCISLAUS**, voce omnium eò ire compelleretur, fuitq; obsecutus postulantium desiderijs, tametsi non ex voto, res Concilij dissipatæ fuissent. Verum **MSCISLAUS**, **TINECENSIS** sodalitiij benevolentiam perennantem in præsens, non solum integerrimæ vitæ sanctissimis exemplis, & frugiferâ Cænobij moderatione, sed plurimis etiam obsequijs seu verius collatis beneficijs, cumulatissimè promeruit. Finem vitæ accepit, vii. Idus Nou. Anno Regis Regum inter homines nati. 1410. Præfuit annis Duodecim.

*Gemma TINECENSIS cætus, MSCISLAE, iubarq;
In te perfecit gloria, quidquid habet.
Et genus, & pietas, animi sapientia, virtus,
Laudibus accedunt omnia summa tuis.
Te Synodus Pisis, spectauit & Itala tellus,
Te manet æternum non moriturus bonos.*



D E R S L A V S,

A B B A S XXXXII.



TINECENSIS MONASTERII Patres, ob recentem Mscislai decessum, graui maiore consternatos, DERSLAVS excellenti vir probitate ac iudicio, susceptâ Cœnobij gubernatione, maiorem in modum, confirmauit. Hunc perhibent, cum vitæ purioris institutum à primâ ætate, in TINECENSI Domo arripuisset, nobilissimorum Topororum familiæ, vnde genus trahebat, insigni rectè factorum gloria, plurimum splendoris addidisse. Adeo rerum humanarum contemptus, cælestium amor, & meditatio Diuinæ lectionis, & totius regularis disciplinæ obseruantia, in eo etiamnum infante eminebant, vt Cœnobitarum Præses STEPHANVS, egregiam pueri indolem admiratus, confirmauerit, DERSLAVM aliquando ad Monasterij Præfecturam promouendum; neq; prudentis viri prædictio, non cælestis oraculi euentum sortita est: si quidem maioribus in dies incrementis efflorescentem, Mscislavs, Vicarium suum, & Priorem claustrî constituit, quo in munere accuratè obeundo, ita versatus est, vt sacros Religionis ritus ac decreta, maiore quàm antea studio, & ipse custodierit, & eandem disciplinæ obseruantiam à reliquo etiam monachorum catu, requisierit. Demùm secuto Mscislai obitu, nolens ac reluctans, ad Cœnobij regimen, vniuersorum suffragijs Fratrû sublegitur. Quoniam verò, cum insitâ animi virtute, cum proximo Mscislai exemplo, ad res præclare gerendas incitabatur, Monasterium TINECENSE per annos Duodecim, singulari vigilantia & sapientiâ procurauit; antiquas possessiones vindicare non destitit, Domum, supellectile, & ædificijs ornavit, necessaria ad victum cultumque Cœnobitis, ex Regulæ præscripto, abunde suppeditauit. Antiquæ æstimationis Nomen, quod apud vicinos, de TINECENSI familiâ increbuerat, auctum potius, quàm vllâ ex parte imminutum, religiosissimæ vitæ documentis procurans, & nusquam à domesticâ con-

consuetudine recedens, alumnos suos ad omnem temperantiam ac probitatem, veluti admotis calcaribus, perurgebat. Denique ABBATIS partes, DERSLAVS tam laudabiliter exercuit, quam inuito animo ad miserat: ut enim optimus quisq; ab honorum titulis ac dignitatibus longissimè abhorret: sic ferè animaduersum est, maximas utilitates & commoda in Religiosas familias, ab illis Rectoribus protecta esse, qui non nisi Præsidium nutu atq; Imperio adacti, Præfecturas & Magistratus procurauerunt. Obijt DERSLAVS, Doctrinâ & pietate conspicuus, xviii. Kal. sept. anno 1421. Præsedie annos vndecim.

*DERSLAO natale decus dedit alta bipennis,
Toporeo clarum sanguine stemma vetus.
Par generi virtus, titulo sublimior omni,
Quod refugit, magni vulmen honoris, habet.
Muneribus varijs, claustrum decus, ornat & auget,
Præsulei summum muneris ipse decus.*



HENRICVS III.

ABBAS XXXXIII.



Pectatæ probitatis vir, & honorum adæquè dignus ac fugitans HENRICVS, Monachorum hortatu ac precibus, dimissâ KOSCELNENSIS Monasterij Præpositurâ, TINECENSIS Collegij gubernationem admisit. Sub eius administrationem, Lituaniæ Princeps inclitus ALEXANDER VITOLDVS, postquam Cracouiæ vnâ cum Rege fratre, salutaribus Baptismi ablutus esset aquis, TINECIAM, ac familiam eius visendi studio incensus, cum honestissimâ clarissimorum virorum coronâ & Lituaniæ Nobilitatis flore deuenit; vbi sin-

gulis curiosè illustratis, Tinecensisq; domus, moribus, integritate, & disciplinâ perspectis, egit statim, vt sibi in Lituaniâ reuertentibus, eorum conuersationis aliquot viri destinarentur egregij, qui in eius patriâ ARCE TROKI Canobium & prouisionem haberent, alijsq; viris Apostolicis, in conuersione gentis Lituanae, in Gentilitate adhuc detentæ collaborarent: ad votum Principis, TINECENSIS obsecundauere: à quibus dum remigraret Princeps, auditus est gloriari, ex eorum commoratione, sibi interiorem accessisse cultum, & pectus igne superiori ardere inflammatum. Henricus per eos annos, quos in procuratione TINECENSIS peregit, diuinarum rerum obseruantissimam tractationem promouit inter Fratres, eosq; ad omnem pietatem sedulò exercuit, studia literarum, & à Regulâ præscripta discendi tempora, diligenter instituit, seruandaq; præcepit, quò Religiosi, & eximîâ pietate celebres sanctissimiq; & ingenuis artibus instructi ac doctissimi simul, ab omnibus deprecarentur. Obijt anno 1430. Præfuit TINECIA, annis octo, & mensibus aliquot.

Eximia probitatis honos cum fulget in alto,

Admiranda suæ pondera lucis habet.

Sic tua VITOLDVM traxit clarissima Virtus,

Vistrat illustrem cum pietate locum.

Vt BENEDICTINI Sanctissima lumina catus,

Lituanicis etiam partibus ipse locet.



STANISLAVS
ROSKOSZKA,
A B B A S XXXIV.



Vic, cū nasci in seculo inter illustres affines contigisset, inter religiosi secessus tenebras, multo euasit illustrior. Dum enim, à susceptā religione, annos plures, inter TINECENSES, tranquillo animo traduceret, HENRICO facis sublato, omnium approbatione, in demortui surrogatur locum. Prælatus sodalizio, eius numerum auxit, restituit meliorem in modum claustrī disciplinam, propagauit per loca TINECIAE incorporata Monachos, impetravit ab IAGELLONE REGE, TINECIAM religionis gratiā inuolente, Privilēgia, ornatum templi cultiorem reddidit, &c. & exacto in Præfecturā septennio, vitæ cursum expleuit, Idibus Octob: Anno 1438.

Splendida quæ mundo cum stemmate nomina linquis,

Dignior ex meritis ecce coronat honos

Quem licet inuitus recipis, feliciter auges.

REX IAGELLO bonis cum fauet ipse tuis.

O verè dilecta tuis ROSKOSZKA voluptas.

Optimus in vitā, nomine dulcis eras.



BOGVSLAVS II.
A B B A S XXXV.



BOGVSLAVS gubernaculo TINECENSI admotus, sicut non est dubium, quod laudabiliter & integerrimè se in eo mu-

L3 NOT Gubernaculo Tinecensi

nere gesserit, ita dubitari non potest, quin multa nominatim perpetraverit, ad promouendâ suorum virtutem, ad excitandos posterorû animos: quæ omnia, idcirco silentij tenebris inuoluta delitescunt, quòd, nostrorum Tinecentiû solemnibus ac perpetua consuetudo fuerit, ut Divinis Chori actionibus perpetuò occupati, ad sôdaliû res gestas, (nisi summa necessitatis utilitatilue ratio exposceret) minimum temporis atq; industriæ conferrent. Præfuit annum vnum, & menses sex.

Curarum series modico tibi transijt æstu,


Annua cum tantum muneris acta feras.

Illâ quidem priscis non observata, tacetur,

Laude tamen debent non caruisse suâ.

Te facit insignem, meritis clarissima, tanto

Quæ dederat virtus, eminuisse loca.



B O G D A L V S,
A B B A S XXXXVI.



Eruiulgatum prouerbium, *Conueniunt rebus nomina
sape suis*: sicubi veritatem obtinuit, in Nostro *BOG
DAL* (qui ex Polono idiomate sonat *Deus dedit*)
nomen abs re ipsâ non deuiavit certè: cum ille ex
sui nominis ratione, Diuino planè nutu Ordini, Cœ-
nobioq; datus, delatam ad se *TINECENSIS MONASTERII* sum-
mam rerum, magno subditorum commodo, magnâ sui nominis
prædicatione ac fama, sapientissimè administrârit. Eum verò *Ti-
NECENSIS* sodalicio nrhil impensius ad amplissimam Præfecturam
commendauit, quam ipsius animi moderatio, ab omni Præfecturâ
Magistratûq; admittendo remouit. Diu multumq; rogandus
fuit

fuit BOGDALVS, antequam in animum induxisset, vt oblatam gubernationem admitteret, & ABBATIS onera, quæ illo tempore exasperatissimo, humeris eius maximè incumbabant, in se conijci pateretur. Tandem omnium precibus votisq; deuinctus, vt TINECENSIVM rebus in magno discrimine, præ temporis confusione positis, auxiliares manus admoueret; caput statim ab interiori reparatione animorum, & morum, commissæ familiæ necessitatibus deseruire: perplura enim, deuotioni religiosæ & existimationi aduersa, in vsum communem apud suos irrepsisse perspexerat, quæ vt ad pristinæ seueritatis custodiam reuocarentur, operam dedit. Tum, vt externa bona, spiritualium adminicula, prudenti gubernatione in futurum integra conseruaret, in quibusdam prædia de nouo construxit, alia muris circumsepsit, alibi horrea adiecit, æconomos fidei melioris substituit, ædificijs, dispositione, ciuibus, possessiones Cœnobij insigniter auxit. Plura autem monasterij loca, alia alio tempore à diuersis occupata, in propriam potestatem asserere adlaborauit, Procopium de Niepreszna, & alios Cœnobialium iurium vastatores, iure repressit; à VENCESLAO Oluecimensi Duce, non modicâ pecuniæ summâ Censuum ad Ducem spectantium annuas pensiones redemit; cæteraq; alia, TINECIA saluberrima effecit & procurauit: idq; pro ea, quâ erat naturali diuinaque sapientiâ perdoctus, & morum ac prudentiæ laude insignis. vt non immeritò ab omnibus tanto studio expertus, ad TINECENSEM prouinciā procurandam fuerit; quam vbi admisit, maximâ integritate, pariq; dexteritate, in rem communem administrauit. Decessit vii. Idus Decemb. Anno 1450. Præfuit annis XI. Vacauit sedes Annum integrum.

*Ad regimen sacrum, meritò BOGDALE vocaris,
Nominis omen ad hoc, auspiciūq; ferens.
Præsto tibi sapiens animus, vigilantia, zelus,
Iudicij summus, consilijq; vigor.
Vndiq; cum niteas summâ virtute; profectò
Nomine req; simul te DEVS ipse DEDIT.*

M A T T H I A S
S K A W I N K A,
A B B A S XXXXVII.



ATTHIÆ SKAVINCÆ exemplo edocemur, pernicioſiſſimè plebeios homines ab Eccleſiaſticis Dignitatibus indifferiminatim ſubmoueri, cum ſæpe ab his maiores utilitates & commoda quàm à Patriijs importentur. MATTHIAS, SKAVINÆ, in oppido Tinecenſi natus, à prima ætate, optimarum artium ſtudijs in Academiâ Cracouienſi, ſolertem operam per annos plures nauauit: tum ſpiritu Religionis TINECIAM delatus, ad Monaftericæ vitæ normam adeò perfectè mores ſuos conformauit, vt maturâ poſtmodum ætate, diuerſis officijs in Canobio applicatus, dein KOſCELNENſI præpoſiturâ ornatus, tandem TINECENſI ABBATIÂ ſit inſignitus. Moleſtiſſimos, in aſſecutione huius Præſecturæ, contradictores eſt expertus, quos inter altiores fortioresq; erant, Sicciechouienſis, Orlouienſis & Trocenſis ABBATES, qui eum honorem SKAVINCÆ nullo modo dandum acrius decertabant, ſed conſtans ſibi animus & virtus MATTHIÆ, ad iudicium ſedis Apoſtolicæ cauſam dimittens, Decreto Apoſtolico, habilis tanto muneri, & dignus ABBATIÂ eſt iudicatus. Hunc Sbigneus Oleſnicus illuſtriſſimæ prudentiæ & virtutis fama notiſſimus Cardinalis & Cracouienſium Præſul, plurimi ſemper ſecit, eumq; ſuorum adiutorem conſiliorum adhibuit, & non modo charum in paucis habuit, ſed operam etiam dedit, vt eius præclaræ dotes, & inſignis prudentia, cum alibi tum in Aulâ Regiâ præſertim peruulgarentur. Quare CASIMIRVS ſagiellonides, crebris certisq; nuntijs, perhonorificâ commendatione de MATTHIÆ pietate ac ſapientiâ certior factus, illum Aulæ ſuæ conſilij admouit, & Secretarij intimioris honore decorauit. MATTHIAS itaq; ſuſceptâ Coenobij adminiſtratione, ſtudium & curas omnes eò intendit, vt ſanctiſſimarum legum

Regum cultus, ad primævam institutionis normam, studiosissime reuocaretur. Verùm cum prudenter intelligeret, idipsum nullâ ratione se consequi posse, nisi prius ex Regulâ præscripto, quæcunq; opus essent, religiosâ liberalitate concedito sibi cæui peramanter impertiret: recuperandis Cænobij fortunis animum atq; operam adiecit: Quo in genere, CASIMIRI REGIS Cracouiæ demerantis, non parùm adiutus est beneuolentiâ, amplissimoq; diplomate. Eius itaq; studio, pagi quibus TINECENSES exuti fuerant, in potestatem ex parte asseriti, præscriptiq; singulis termini ac limites, ad euitandas in posterum, cum adiacentibus vicinis discordias. Breue à NICOLAO V. Pontifice obtentum, quo omnes alienationes bonorum Monasterij Tinecensis, per antecedentes ABATES in graue damnum Monasterij factæ, irritantur & reuocantur, & vt ad pristinam possessionem, autoritate Apostolicâ reducantur, vices suas Pontifex, Cathedralis Cracouiensis Ecclesiæ Cantori delegauit. Idem MATTHIAS, Ecclesiam Tinecensem elegantiori formâ à se innouatam, per Episcopum Moldauiensem & Suffraganeum Cracouiensem consecrari effecit: in alijs quoq; Ecclesijs particularibus, ad TINECENSIS ABBATIS ius pertinentibus, ædificia amplitudine & elegantia accreuerunt, ac mores & disciplina, sunt correcti. Et quamuis Sancti NICOLAI Ecclesiam extra muros Cracouienses sitam, ex antiquo tempore ad ius & dispositionem TINECENSIS MONASTERII spectantem, Academia CRACOVIENSIS, cum omni fructu & attinentijs contulerit, ne tamen aliquid imminuisse Tineciæ diceretur, ex Parochiali TVCHOVIENSIS, Præposituram Regularem fieri procurauit, eamq; Cænobio vniuit, CALIXTI Tertij Pontificis accedente consensu, & Oleſnicij, Strempiſinijq; Episcoporum Cracouiensium amplâ facultate. Janq; MATTHIÆ omnia ex voto, conceptisq; initio sui Magistratûs, consilijs euenerant; cum infelici casu, præter spem, extitit consternatus; Zatorienſes Duces, licentiâ viuendi, & peruersorum aulicorum consilijs, deprauati, cum diuina humanaq; Iura, perinde haberent grauibusq; Ecclesias, & earum ministros vexarent iniurijs, vocati crebrius ad Iudicium Diæcesani, per contumaciam & despectum res trahi dissimulabant; cumq; Censuris Ecclesiæ percellerentur, gladijs proprijs se suaq; Iura defensuros iactabant, fulmina,

Elogia Abbatum Tineensium;

Ecclesiæ interea minus habendo. accesserant, & Papales literæ Aggrauantes, contra inforDESCENTES datæ, quæ vt ad manus contumacium reipsâ deuenirent, egit Episcopus Cracouiensis STRAMPINVS cum ABBATE MATTHIÂ, quatenus id negotij alicui Conuentûs sui demandaret Fratri, vt Anathemata Ducibus exhiberentur; ex obedientiâ, eo directus Frater MARTINVS, religiosâ submissione animi, & morum candore amabilis, dum iussu Pontificis exequitur, à satellitio temerariorum Ducum, id mandantium, contusus enormiter, breui post expirauit. Quod simul atq; ABBATI nuntiatum est, acerrimi doloris profundo vulnere sauciatus, satis admirari non poterat, Duces eò sceleris ac dementiæ progressos esse, vt omnia iura contemnerent, nec DEVM reuererentur. neq; tamen in hoc angore constitutus, se ipse ABBAS deseruit, sed ad Comitiû citatione datâ, reis, Generali statuum sententiâ, ad certas satisfactiones. Duces sunt condemnati: cumq; eo pacto, se multû fecisse satis, animo præsumerent, nec aliquo modo proponerët, meliora facturos se in futurum, internecionis hominis religiosissimi & innocentissimi, & tanti contemptûs contumeliæq; in Ordinem, meritis penas dependent. Duces, dum simul vitâ & Ducatu, (Deo sic volente) nullo relicto hærede, breui sunt spoliati. Tam seuerè vlciscitur DEVS in Ordinem nostrum contumeliosos, benignè annuens BENEDICTO, suorum causam aut defensionem commendanti. MATTHIAS ABBAS, his & alijs multis, pro domo DEI & Religione peractis, senio iam premente, excessit è vitâ, xiii. Kal: Martias, Anno 1477. Vis, tam naturæ donibus, & præclaris animi ornamentis prænobilis, quam literarum excellenti ac multiplici cognitione, illustris. Præfuit TINECIÆ, annos viginti sex.

Sors tibi nascendi minor est, sed maxima virtus,

Doctrinæ, summum, iudiciq; decus.

Infractus curis, animo vigil, Ordinis acer

Defensor, vindex: mens, columenq; gregis.


Natus in exemplum laudis, decus omne tulisti,

Præfuit o speculum magne STRAVINKA boni.

ANDRE

ANDREAS OZGA,

A B B A S XXXXIIIX.



ANDREAM, rarissimis fortunæ muneribus clarissimum, pulcherrima ingenij ac morum ornamenta, multò conspectiorem reddidère. Illustri is familiæ Jelitonum ortus, ut erat ingenio bonarum artium, apprimè capaci, & ad studia pietatis propensissimo, sic DEI vocantis, Naturæq; fauentis inuitamenta ductumq; strenuè prosecutus, ad TINECENSE Monasterium demigrat; ubi ad exactam religiosæ probitatis legem, se totum composuit, eo exitu, ut post fata MATTHIÆ ABBATIS, communibus Monachorum suffragijs, Cœnobij Magistratum adeptus sit. Rem Cœnobij, quam ferè perinuitus lusceperat, prudentissimè temperauit. Si quidem adiecto animo ad veteris disciplinæ instaurationem, multa piè sapienterq; constituit, coercendæ aliquorum è cœtu regulari licentiæ, & dissolutioni corrigendæ, accommodata. Eius tempore, cum deprauati morès & licentiosa facta passim grassarentur per Poloniam, castrenses & militares pleriq; paternis destituti subsidijs, alieno viuere proposuerant; utq; vim haberent maiorem, conscripro exercitu, *Fratres cruce signati*, à crucibus quas assuebant, titulo splendidissimo dici affectabant: editisq; in Poloniâ aliquot violentiæ & temeritatis suæ stratagematibus, subito in Vngariam irruerant, & populando terram, castra aliquot occupauerant. Hac iniuriâ MATTHIÆ REX Vngariæ laceratus, vicissim TARCITOMAM strenuum bellatorem & Ducem, cum sex millibus pedicū armatorum, immisit intra Poloniam, qui Submontanæ regionis ciuitates, pagos & castra expilando, Crosnam pro sede delegerant. CASIMIRVS Poloniæ Rex, Comitij Vislicie peractis, in Vngaros Nobilitati Poloniæ expeditionem addixit, cuius Mandatum pleriq; leuius æstimando, cum tardius conueniant in castra, hieme instante, bellum infectum reddiderunt: & interim Proceribus Regni vtriusq; mutuo agentibus, pacem inter vicinas

Elogia Abbatum Tinecensium,

gentes his articulis condiderunt, ut captiui verimq; libere dimitterentur, munitiones redderentur, datorum verò damnorum ratio neutrobi institueretur. hac pace infirmâ posita, (inquit, Mat: Miechouita,) Polona Nobilitas dilapsa est, de Sacerdotum & Monachorum gallinâ, anseribus, & gregibus triumphans, & expugnatâ euerfisq; magnâ virtute eorum cellis, ac horreis, præclaras manubias ferens. hæc Miechou: chronologus eius ætatis. Interim ANDREAS moderator TINECENSIS MONASTERII, calamitati illius temporis, quâ potuit dexteritate, subuenire non destitit: quædam bona Cænobi; direpta & exuita reparauit, alia excellenda nouis possessoribus tradidit, templa aliquot per Dominium Cænobiale, & prædia construxit: &c. dumq; in vltiore apparatu subueniendis rebus versatur, eum præmatura mors, singulari omnium dolore ac luctu, & summo rei TINECENSIS incommodo, extinxit. AB B A T E M egit, annos quinq; abtq; mense vno; quo toto tempore tam multis curis ac negotijs distentus est, ut penè respirandi spatium non habuerit, quin plenè expirârit, Prædie Nonas Martias, anno 1482. Præfuit annos quinq;.

Moribus eximius, meritis dignissimus O Z G A,

Ordinat in melius quæ cecidisse videt.

Sauit tum patrijs effusa licentia castris,

Grassaturq; sacris hêu inimica bonis.

Impi: sacri: egi dolet hêu portenta furoris,

Et reparat quidquid vis inimica tulit.



ANDREAS NOSEK,

A B B A S XXXXIX.



ANDREAS NOSKOVIVS, tam multis abundat,
ijsdemq; præclarissimis animi ac fortunæ dotibus, facile ut

exco-

ex eorum numero vnum agnoscas, in quibus exornandis, æmula-
quædam cælestis gratiæ benignitas, cum insigni naturæ munificen-
tiâ, decertat. Tantum Diuini luminis à puero combibit, vt sæculi pe-
riculis & instabili rerum vicissitudine ad rationem reuocatis, Euan-
gelicæ perfectionis studio se dedere, prudenter in animum induxerit.
Inde Parentū diuitijs, ac genere, quod ei in amplissimâ Rauiciorū fami-
liâ obrigerat, generosè contemptis, consilio quâ ætate maturior, *Ti-
NECIÆ* religiosum institutum expetiit: vbi Monachorū conuictu di-
gnatus, quantū præ se alacritatis ac studij in efflagitandâ Religione tu-
lerat, tantundē adhibuit in custodiendâ disciplinâ diligentia: pietatis,
ac bonarum artium exercitationem, pertinaci studio complexus, bre-
ui tantus euasit, vt multis alijs strenuis commilitonibus præcelle-
ret. Hæc autem ingenij ac morum decora, cum Prudentiæ ac
consilij eximia laus comitaretur, *OZGÆ ABBATI* demortuo,
communi Patrum consensione subiectus est. Porro autem *No-
scoviv* administratio in magnas temporum angustias incidit, cum
f u s s i na pestilentia ab Vngaris delata, Minorem Poloniam ingen-
ti strage peruagaretur: sterilitas quoq; annonæ, & fames, fune-
stam cladem adferret; latrocinij insuper & publicis violentijs, per
SZAPRANECIVM & alios farinæ eiusdem prædones, Regnum diue-
xaretur. Quæ cum ita se haberent, *Noscovivs* in eam curam
incubuit, vt *TINECENSEM* familiam integram conseruaret, &
subditorum Monasterij inopiam, quâ posset indulgentiâ & libera-
litate releuaret. Induxerat verò in animum *Noscovivs*, Romam
proficisci, ad priuilegia *TINECIÆ* à sede procuranda, & ad lites
quasdam, cum bonorum Cænobij occupatoribus, extinguendas;
sed aduersâ valetudine eo ire omninò prohibitus, dum breues vitæ
inducias adesse intelligit, eo mentem conuertit, vt rem sacram
templi cumulationem redderet. curauit itaq; Monstratorium sat
vastum & multi ponderis ex argento fieri, calices quoq; plures,
& alia sacrarij ornamenta ex auro & argento confici, quibus in
præsens gaudet ætas nostra, hominūq; beneficentiæ obliuisci non
potest. Multa præterea è re Cænobij facienda proposuerat, sed
in hac molitione rerum, fato præuentus, ad perennem sospitatem
& felicitatem vltimam Beatorum, cum opinione vitæ sanctissimè
traducta, vir optim^o demigravit, Idib^o Septem: an: 1488. Præfuit an: sex.


Elogia Abbatum Tineensium,

*Natura dotes, fortuna stemmata, opesq;
 Virtutes animi, nobile quidquid habent:
 Nosce vix totum pulcherrima gloria cecidit,
 Difficili quamvis tempore Præsul erat.
 Aurea dona tulit templis, vir aureus ipse,
 Calitus acceptas ad sacra vertit opes.*



IOANNES SVŁOWSKI,

A B B A S L.



Ximia religiosæ humilitatis species, cum in obscuris alioquin hominibus vehementer elucet, cum verò contemptas inter opes nataliumq; claritatem, multò luculentius splendorem suum explicat, rapitq; in sui admirationem iacentes. Hoc ipsum SVŁOVIVS noster suo exemplo declaravit: qui insigni Christianæ demissionis studio, à primis annis captus, hæreditatem peramplam, blanditijsq; parentum, & mundi lenocinia deferens, claustrī frugalitatem & continentiam, TINECIÆ est amplexatus. Vbi cum alijs religiosæ vitæ candidatis, egregio solidæ pietatis tyrocinio completo, nihil æquè in votis habebat, quàm latere & nesciri: eustamen insignis vitæ probitas, & in rebus gerendis circumspectio ac Tolertia quædam admirabilis, brevī perspectæ ac cognitæ, inuitum licet ac repugnantem, procurandis Ordinis & Monasterij negotijs implicuerunt. Illum Tineensis cætus, ad TYCHOVIENSIS primò Ecclesiæ gubernationem submisit; vbi opportunum exercendæ virtuti campum opperiens, verbo & exemplo gregi prælucebat; cum ecce NOSCOVII ABBATIS morte subsecuta, iustisq; ex more persolutis, dum Conuentus de eligendo ABBATE deliberat, sum-

ma omnium voluntate ac plausu, SVLOVIVS successor proclamatur. Accepto Magistratu SVLOVIVS, illud antiquissimum habuit, ut Monachos à caducarum rerum cura, & solitudine expeditos, ad animorum culturam, caelestiumq; bonorum commentationem, serio traduceret. Tum verò, temporalium curam aggressus, pradia & villas, qua incuriâ aliorum desolatas, qua militaribus stationibus exhaustas, magna ex parte reparavit, atq; alia olim bona per vicinos possessa & usurpata repetijt; Bochnenses ciues, Kolanovv contiguum pagum sibi vendicantes, iure repressit; à Teczynio Palatino Bellsensi, agros nonnullos pradijs Monasterij adiacentes, cõemit, finesq; & metas suorum latifundiorum distingui procuravit. Hæc inter, dum SVLOVIVS Cænobij rebus amplificandis dat operam, gravi morbo tentatus, longiori tempore decubuit: tandemq; acrius sævientis morbi magnitudini succumbens, ab hac mortali vitâ ad immortalem discessit, vii. Idus Martij, Anno 1497. Præfuit annis octo.

Inclita SVLOVII virtus, pectusq; modestum,

Summa reluctanti culmina mente capit.

Par rebus summis; minimum sibi posse videtur,

Mox tamen insigni dexteritate præst.

Inuigilat cunctis, bona vindicat, ardua vincit,

Vita humilis, felix munere, morte pius.



I O A N N E S
P I O T R O W S K I,
A B B A S L I.




OANNES PIOTROVSKI, ex Praeposito Tuchouicensi, SVLOVII ABBATIS Prouinciam eodem anno excepit. in cuius procuratione insignem retulisset laudem, si carni & sanguini

sanguini non tantum indulsisset. Hic enim iam tum, cum Prioris munere fungeretur apud *TINECIAM*, Noscovio pessimâ valetudine multum affecto & lecto incumbenti, ipse Cœnobij gubernationem habuit, & pro iurium cōseruatione strenuè laborauit. Cumq; exercitus Polonicus à Moldauicâ expeditione rediisset, & emerita stipendia non soluerentur eis, in oram Cracouiensem agminatim incurrebant, bonaq; Monasteriorum & Ecclesiasticorum per vim occupabant: tùm *PIOTKOVSKI*, prædia Monasterij, data eisdem certâ summâ pecuniæ, diripi & lacerari passus non est, Quamobrem *TINECENSES* perspectâ eiusdem singulari dexteritate, illum Tuchouiensis Ecclesiæ præfecturâ cohonestârunt: quam ille egregiâ fide & suâ cum gloriâ sexennio circiter gubernauit. Tandem decedenti Sulouio in *ABBATIA TINECENSI* surrogatus est; ad cuius fastigium euectus, strenuum se statim administratorem proferens, aliquot possessiones Submontanas, per vim ac dolum à nescio quibus magnatibus infestas, vindicauit; ab *ALEXANDRO* Rege Poloniæ confirmationem pensionis, super certas mensuras salis è fodinis Velicensibus, *TINECIÆ* annuatim dandas, obtinuit, & vt nouo Regio priuilegio idem esset cautum, studiosissimè ipse confecit; atq; vt paucis agam, Præsulis industrii nomen & gloriam, ab omnibus per annos complures, abundè retulit. Verùm procedente tempore, nonnihil se indulgentiorem in propinquos, affinesq; magis munificum exhibuit, quam religiosum decebat Antistitem; si quidem commutationes nonnullas in bonis Cœnobij admisit, per quas deteriores sortes obuenerunt *TINECIÆ*: præter ea in gratiam *FRIDERICI* Principis, cuidam *PETRO GNIADY* Directori Aulæ eiusdem *FRIDERICI*, plures villas ad tempora vitæ concessit, nullo commodo suo vel Cœnobij, sed solo Potentibus placendi studio: quo in facto longius ab æquitate, atq; ab officio suo recessit. Nisi fortè excusandus veniat, à temporis illius perplexitatibus, à quibus intricatum Regnum, res quoq; priuatorum, munimine Potentum indigebant. Præsedit in regimine *ABBATIÆ*, annos quindecim, obiit, anno 1512. Tercio Kalendas Augusti.

O si munificus pariter largusq; fuisses,
 Pauperibus, Monachis, quam bona cuncta forent.
 Sed quia cognatis confers male munera claustris
 Non modicè hæc laudes inficit umbra tuas.
 Quo non infelix penerras, atq; improbe, sanguis,
 Et vix à sacris respiciende viris.

STANISLAV S
BARANOWSKI,
ABBAS LII.



 **TANISLAVS BARANOVVSKI**, familiâ Grzymalorum illustri, cum adolescens in Monasterio **TINECENSIS** diuino seruitio se deuouisset, vnâ cum sublimioris Philosophiæ exercitatione, optimarum quoq; artium cognitionem est assecutus. Inde, cum annorum progressu, virtutum quoq; faceret incrementa, primores **TINECENSIS** sodalitatis, Stanislauum **TVCHOVIENSI** Præposituræ eiusq; loci alumni præfecêre. Quod ille munus accuratè adeo ac diligenter est executûs, vt industrij hominis æquè, ac clarissimi præconia, apud alios obtinuerit. Hinc **STANISLAVS** pietate simul ac doctrinâ conspicuus, Præpositi officium maturè admodum, **TINECENSIS** verò Cænobij regimen, **JOANNIS PIOTROWSII** successor, adeptus est. Antecessorum verò eximiam, erga res Cænobij diligentiam, pro virili æmulatus, apud **SIGISMUNDVM REGEM** certorum Priuilegiorum confirmationem obtinuit, libertatemq; , pro illis villis quæ in Zatorienſi Ducatu existunt, ab oneribus publicis impetrauit : sacrarij quoq; supellectilem,

lem, partim vsu ac vetustate detritam, partim minus quam ipse cuperet elegantem ac pretiosam, instaurauit, sacrarumq; vestium, additione ditauit: ædificia similiter Cænobij, & residentia ABBA-TIALIS, modo nobiliore exornauit. Demum religiosæ liberalitatis, non exiguâ parte in externos quoq; transmissâ, Patrum Dominicanorum Conuentui in oppido TINECENSI Opatouecio, per alios olim ABBATES constructo dotatoq; certam pecuniæ summam, contulit, eorumq; prouisionem auxit, cum obligatione vnus Missæ legendæ in hebdomadas. Nouissimè annis quatuordecim in regimine TINECENSI transactis, non sine magnâ prudentiæ ac religionis laude, ad æternas iustorum sedes, Diuini consilij decreto vocatus est, Idibus Mai, Anno 1526.

*Illecebras mundi cum stemmate linquis auito,
Ardua pro CHRISTI nomine, vota petens.
Contemptus mundi pro CHRISTI nomine, rursum
ABBATIALE tibi reddidit ecce decus.
Immortale tibi pariunt mortalia lucrum,
Largus enim, damnis maxima lucra facit.*



ANDREAS GNIADY, A B B A S LIII.



TINECENSIS Congregationis PATRES, ab obitu BARANOVII indictis Electionis Comitij, ANDREAM GNIADY ex Armis Ostioia, Cænobij TINECENSIS alumnum, ABBATEM sublegere. Hic civili, regulariq; sapientiâ impensè doctus, morumq; & prudentiæ laude insignis, varias prius inter TINECENSES functiones laudabiliter obiuerat, & tunc cum in TINECENSEM Præsulatum esset assumptus,

sumptus, ORLOVIENSEM ABBATIAM regebat. Igitur TINECENSIS domicilij suscepto regimine, vti spem ingentem omnibus fecerat, fore vt Monasterio commodissimus existeret, sic conceditam sibi prouinciam, maximâ integritate, pariq; dexteritate, in rem communem administravit. Cum Czurylone Præmisliensi Dynasta, limites bonorum Pedemontanorum, Suëcamerario Teczynio arbitrante, determinari curauit: cum Tomicio Antistite Cracouiensi, de quibusdam commutatis villis transegit: à Clemente septimo Xieznicensis Præposituræ cum TINECENSI MONASTERIO vnionem, Romæ obtinuit: dumq; plura ad decus & commodum Canobij molitur & adornat, infirmitate oppressus, Decimo sexto Tinecensis regiminis anno, decessit è vitâ, vi. Idus Nouembris, anno à CHRISTO nato 1542.

Vir genere insignis, studijs & rebus agendis,

TINECIA clarus conspicuusq; sue;

Iustus, nec lucri cupidus, non inuidus vnquam,

Osor peruersi, commodus, atq; pius.

Accipit eximios testes virtutis, Honores,

Accipit ABBATIS Pontificale pedum.

V I N C E N T I V S
B A R A N O W S K I,
A B B A S L I V.



V I N C E N T I V S, STANISLAI ex fratre Nepos, religiosum Ordinem sub regimine Patruj, Tineciae complexus, cælestis disciplinæ exercitationi humaniorum literarum studia feliciter adiunxit. Vitæ innocentiam & morum candore, Pa-

re, Patruo simillimus; quo promotore, ORLOVIENSEM ABBATIAM, exercendæ indoli suæ primum campum, accepit. cuius gubernatione susceptâ, nihilo brevius infestationis ac molestiarum tempus, quàm regiminis & præfecturæ spatium sortitus est: Silesitarum plebilq; pertinaci defectione, à Catholicâ fide auersis, & noua quotidie ac perniciosa, in Ecclesiam Romanam, & consequenter in Monachos excogitare ac moliri pergentibus. Sed illorum hæresis & machinationes, quantum VINCENTIO tranquillitatis & omni admodum erunt, tantundem opportunitatis ad augendam illustrandamq; virtutem attulere: si quidem ABBAS, constantis animi robur, insurgentibus fidei aduersariis viriliter opponens, nunquam passus est de suo gradu & possessione deturbari se ac deici, imò loci illius rem familiarem optimâ administratione iuuit, templiq; ornatum, multò elegantiorē reddidit. Interim VINCENTIUS his operibus apud Silesitas intentus, ad noui ABBATIS surrogationem TINECIAM euocatur; vbi graui deliberatione omnium adhibitâ, concordia suffragatione & leusu, VINCENTIUS ad id honoris fastigium est destinatus. Suscepit munus vltionē ad se delatum, vt ex Silesiticis concertationibus nonnihil respiraret. Neq; tamen ab eo intermissum est quidquam, quod rebus communibus incommodaret, sed magnâ cum laude cuncta peragens, absolutis nonnullis in rem Canobij litibus, Canobium magnâ perturbatione ac molestiâ liberavit. Eo moderatore, cum domesticæ vtilitati & commodis diligenter prospectum est, tùm verò literarum studia in Cracouiensi Vniuersitate, assiduâ contentione & insigni Monachorum progressu, sunt exculsa. Tandem decimo sui Magistratus anno, cum Iordano Spitecone arctiori familiaritate contractâ, eiusdem delusus aulicis tractationibus, commutauit tres pagos TINECENSIVM hæreditarios, Oparkovvice, Vrazd, & Zdania, ad litora Danubiohi prope Melszyn iacentes, maximæ fertilitatis sortes, pro ineptissimo & sterili villagio Brzozowva, receptis ab eodem Spitecone, mille quingentis pecuniæ florenis, in additamento ad contractum porrectis. Item vilam Grodziec, cum Comite à Teczyn, pro Koltrec, inutili conatu vel potius damnofo contractu, permutauit. Ille quidem, hoc in re optatissimæ vellet consultum esse paci, sed tamen, plus potentia potenter detulisse, à posteris est iudicatus. Obijt, Anno 1558. Idus Iulij. Traxit annos septemdecim.

Gloria magna, pijs numerare parentibus ortum,

Qui celebri ducunt nobilitate genus.

Gloria maior huic, propria clarescere laude,

Ingenij studio, militiaeq, solet.

Gloria sincero pietatis maxima cultu,

Aeterno, pura mente placere Deo.



I O A N N E S Ł O W C Z O W S K I, A B B A S L V.



M O A N N E S Ł O W C Z O W S K I, ex antiquâ Griffo-
num familiâ in Districtu Pilnensi ortus, à puero Mo-
nachus TINECENSIS, in studio literarum cum pie-
tate coniuncto, profecit singulariter. Hinc artium
cognitione, ac prudentiâ naturali, quàm atate pro-
uectior, in pleriq; inferioribus & communibus obsequijs, ex re
Canobij, adhiberi est captus. Quâ in exercitatione, diu ac lau-
dabiliter versato, Infimorum TINECENSIS MONASTERII Præ-
positura honorq; demandatur: hanc pacatissimam ex omnibus Præ-
fecturis, (quacumq; TINECENSES occupant) functionem, insigni
charitate & diligentia temperabât, cum in Conuentu, ad eligen-
dum ABBATEM congregato, iubetur ad totius TINECENSIS im-
perij gubernationem se transferre. Domestici, peræque & Nobiles
vicini, ac subditi, hoc nuntio mirabiliter excitati, extraordinarijs
honoribus & communis lætitiæ argumentis ipsum susceperunt.
Verum ab ipso sui regiminis exordio, egregium dedit religiosa
BENEDICTINÆ liberalitatis specimen, quando Vniuersitati Craco-
uiensi, Canonicatum in Ecclesia S. GEORGII in arce Cracoui-

ensi, cuiusq; præbendam Bronouice nuncuparam, cum medietate, seu sorte integrâ in villâ Rzaska, ad eundem Canonicatum spectantes prouentus, olim per *TINECENSES ABBATES* à prima Monasterij erectione, percipi solitos, iure perpetuo inscripsit & donauit. In hospites itidem liberalem se semper exhibuit, iubendo, vt quotquot *TINECIAM* ventitarent, humaniter admissis, suppeditarentur omnia, quibus *TINECENSIS* domicilij hospitalis charitas abundaret. Quare licuit toto eius magistratu, intueri multos inuisentes, humaniter habitos, & omni officiorum & obsequiorum genere exultos, *TINECIÀ* discessisse. Hanc autem impensam liberalitatem, cælestis benignitas copiosâ mercede est prosecuta, cum & cibaria sufficerent, nec domus ære alieno prægrauaretur. eadem liberalitate *LOVVEZOVIVS*, conciliauit plerosq; infensos Cœnobio & bona diuexantes, sublati dissidijs & litibus, quæ utrosq; ab utrisq; disiunxerant. Quamdiu *TINECIAM* moderatus est, opima pax Cœnobium subiectaq; Cœnobio loca tenuit: ipse singularem erga se beneuolentiam cum pari subditorum obseruantia expertus est. Vnum porro refertur, in quo minus commode processisse deprehensus est; villam *TINECENSEM* Okulicę, cum *OCIESCIO* Cancellarij Magni Nepote, pro Mierzacka sorte eiusdem, permutauerat, cuius voluntati reliqui de Conuentu cum obluctati fuissent, successor *KRZYZANOVIVS*, actione intentata, hæreditatem Cœnobio strenuè vindicauit. Diem suum obiit, xliii Kalendas Iunij: anno 1568. Præfuit annos decem.

Vita modesta viro, quem non captauit honorem,


Attulit, hæc virtus præmia semper habet.

Felix sorte suâ Monachus, cui ducere vitam.

Priuatam læuit, dum sua fata sinunt.

Non sat erat nostro virtutis currere callem,

Ni sibi commissas tam bene pascat oues.



HIERONYMVS KRZYZANOWSKI, ABBAS LVI.



Ntequam præclara huius Antistitis gesta sub inferam, libet, vitæ eius chronotaxim ex membrana desumptam, iisdem omninò quibus est annotata verbis, inducere. *HIERONYMVS KRZYZANOWSKI* Domus & gentis Porcaria per Poloniam satis clara, natus est Patre *MATTHIÀ KRZYZANOWSKI* Sub iudice Posnaniensi, ipso festo *SANCTI HIERONIMI* post missarum solennia, incidente die Dominico, Anno à *CHRISTO* nato 1537. Suscepit iugum Domini, secundum consilium Prophetæ, habitumq; Regularem *TINECIE* induit, anno. 1551. in Presbyterum ordinatus. an. 1555. In Præpositum infirmorum electus seriâ secundâ ante festum *S. IOANNIS BAPTISTÆ*, anno 1562. Tandem post decessum Domini *IOANNIS LOWCZOWSKI ABBATIS*, electus in Administratorem vacantis Monasterij, die 21. Maj festo *S. HELENÆ* Viduæ. anno 1568. Deniq; in *ABBATEM TINECENSEM*, in Vigiliâ Ascensionis Domini, unanimi Fratrum voto, susceptus anno eodem 1568. Presentatus, per *Serenissimum SIGISMUNDVM* Augustum Regem Polonia, ipso die *Sanctissimæ TRINITATIS* eiusdem anni. Confirmatus verò & solenniter *Benedictionem* accepit à Reuerendissimo Domino *PHILIPPO PADNIEWSKI* Episcopo Cracouiensi, Dominico die infra Octauas Sacratissimi Corporis *CHRISTI*. Cuius virtuti, præclare fortuna respondisse videtur, cum is sit, qui & propter atatem tanto muneri sustinendo aptissimam, & propter insignem eruditionem rerumq; magnarum cognitionem, dignissime hanc prouinciã administrare & adornare possit. Optandum itaq; ut in eâ Dignitate, qua illi *DEI* munere obuinit, plausuq; hominum est confirmata, ad maiorem *DEI* gloriam & sanctæ Ecclesiæ decus, quam diutissime præstet: talemq; se in facto exhibeat, ut & omnium de se expectationem impleat, & alijs ad simile exercendum munus exempla imitacione

Elogia Abbatum Tinecensium,

sione digna proponat, per qua & honor Immortalis Dei propagari, & ipse immortalitatem nominis consequi valeat. Hactenus de HIERONYMI ætatis progressu, ille cœuus eidem scriptor, quem ad fastigium ABBATIALIS honoris euectum, votis insuper faustâq; appreciatione deuotissime est profecutus. Cæterùm HIERONYMVS, TINECENSIS domicilij suscepto regimine, omnes cogitationes suas eò direxit, vt TINECIÆ quàm optimè esset: hoc eius ingens desiderium, Literæ ex Actis Monasterij desumptæ luculenter declarant, quarum tenorem subiicio. HIERONYMVS KRZYŻANOWSKI Diuinâ vocatione ABBAS TINECENSIS Ordinis S. BENEDICTI. Venerabili ANDRÆ BRZYCHWA in Villa Koscielna Prapósito eiusdem Ordinis S. BENEDICTI, Cluniacensis Congregationis, Professo Monasterij TINECENSIS salutem in Domino. Nemini vestrum dubium est, cuiusmodi alienationes bonorum Monasterij nostri TINECENSIS per Reuerendos Antecessores nostros in manus secularium personarum facta sunt, non sine magno detrimento & iactura mensæ nostræ ABBATIALIS & totius Conuentus Monasterij nostri. Quæ quidem in re nonnulli ex Fraternitatibus vestris Prapósi, exemplum & vestigium illorum sequentes, bonorum, Prapósiturarum suarum, carni & sanguini indulgentes, alienationes quoq; fecisse dicuntur, in diminutionem & detrimentum prædictarum Prapósiturarum & Cellarum. Similiter & negotium occasione Monasterij & ABBATIE Orlouiensis & bonorum illius per Ducem Tessisensem occupatorum coram S. C. Mte: api captum, statum Monasterij nostri vehementer perturbauit. Quæ causa est, quod Nos quamprimum ad eum apicem dignitatis ABBATIALIS Monasterij TINECENSIS unanimi consensu Fratrum electi, deinde à S. R. Mte: præsentati, ac deinceps per Loci Ordinarium Confirmati de more & consuetudine, & secundum præscriptum Regula Monasterij nostri, euecti sumus, in eam curam pro officio nostro pastoralis incumbendum esse duximus, si quo modo bona alienata per nostros prædecesores, ex manibus secularium modernorum possessorum recuperari, ac ad ius & proprietatem Monasterij reuocari possent: cum & S. R. Mtas literis suis, & Reuerendissimus in Christo Pater, D. PHILIPPVS PADNIEWSKI DEI gratia Episcopus Cracouiensis admonitionibus frequentibus, id à Nobis exigere videntur, & ad id patrocinium, operam, & auxilium adferre pollicentur. Sunt præter ea multa, ad Disciplinam Regula Nostræ pertinentia, ex suis locis luxata, qua instauratione


& refer-

& reformatione indigent; de quibus omnibus negotijs, nos consilium capere
sue presentia Fraternitatum VV. uti membrorum sociatorum Monasterij
nostri, nullâ ratione possumus. Quare Fratern: T. in virtute sancta
Obedientia religiosa, & sub Excommunicationis panâ monemus ac iubemus,
ut ad diem Diuo Martino sacrum, proximum, in Monasterio nostro TI-
NECENSI, unâ cum alijs Prapostis Cellarum compareas, de supradictis
negotijs, & alijs Monasterio TINECENSI Vestrarumq; Prapositurarum
& Ordinis necessarijs, simul cum Fratribus Conuentus deliberaturi, tracta-
turi, consulturiq;: Alioquin si secus facere præsumpserit, Nos contra con-
tumacem & Monasterio nostro inobedientem, ad Excommunicationis &
alias penas Regulares à lure ordinatas procedemus, dante Domino: cer-
tificando interim Fraternitatem T. quod siue ad diem præsistutum venerit
siue non, nos nihilominus ad tractatus necessarios & utiles Monasterio, cum
præsentibus procedemus, contumaciâ tua non obstante. Mandamus etiam
omnibus & singulis FF. in dicta Cella existentibus in virtute S. Obedi-
entia & similibus panis, ut hoc nostrum Mandatum exequantur, & à tergo præ-
sentium executiones subscribant. Datum in Arce Monasterij TINECEN-
SIS Anno 1568. die 28 Octobris. Talia primordia studiorum eius,
haud dubiam spem faciebant, fore ut concreditam sibi provinciam
maximâ integritate administraret; utq; tantæ omnium expectatio-
ni de se non tardè responderet, ædificationem est primò aggressus,
mania Arcis, & triclinia, quâ vetustate fatiscientia, quâ obscuris
fenestris angustisq; & ad recipiendum lumen incommodis, magnâ
ex parte diruit, atq; alia tum firmitate & laxitate loci, tum operis
elegantia & splendore longè magnificentiora restituit. Templum
subinde, pro Cœnobij dignitate, iterum erigere cum decreuisset,
& in eum finem res necessarias in vnum coaceruaret, repentinâ
infirmirate vehementer oppressus, quinto sui regiminis anno, ad
diem xv Kal: Augusti, ætæ Christianæ, 1572. è vita migravit; vir
morum & prudentiæ laude insignis, æquè bonus Monachus ac
ABBAS, quiq; tiam ita innoxie circumtulit, ut illam Numinis do-
no, non favore humano aut fortuitò, euidentissimum sit accepisse.

Antiquata Domus reuocatur gloria Nostra,
Et noua virtutum germina sponte nitent,

Elogia Abbatum Tinecensium,

*Dum geris Abbatis titulum, munusq̃, decusq̃,
Magne CRISANOVI, iam mage notus eris.
Religio, pietas, virtus, constantia, fama,
Sunt veri comites laudis ubiq̃, tua.*



ANDRE: BRZECHWA,

A B B A S LVII.



ANDRE: BRZECHWA, nedum claris inter Minoris Poloniae Equites, natalibus, sed ingenij etiam præstantiâ & BENEDICTINI instituti exactâ observatione conspicuo, post nonnullas inferioris ordinis Præfecturas, vti Prioratûs claustralis apud TINECIAM, & Præposituræ Koscelnensis, rectè & cum laude administratas, sup̃remus Monasterij TINECENSIS Magistratus obuénit. Is ab adolescentia, apud TINECENSES professus, summâ pietate, religiosiq̃ instituti studio atq̃ observatione semper excelluit, & ob morum ac ingenij elegantiam, plerisq̃ admotus functionibus, absolutum legitimi religiosorum moderatoris, ac præsidis exemplar, se præbuit. Ferunt si quidem, ad Monasticæ disciplinæ leges exactè adeò fuisse compositum, vt ab omni leuiore verbo, gestu, incessu, cum longissimè abhorreret, totius corporis habitu antiquam priscorum Monachorum grauitatem, sine fūco ac simulatione præferens, ab ipsis etiam, Primoribus, quâ Ecclesiasticis quâ secularibus viris, comparauerit, sibi venerationem, ne dum à suis subditis summo honore atq̃ obseruantia coleretur. Sermone & eloquendi promptissima facultate plurimum excelluit: quâ prædiues, cælestem doctrinam salutaremq̃ religionem ac pietatem verbo prædicationis pro Rostri Ecclesiarum publicè tam in summa Cathedrali Cracouiensi basilica, quàm in alijs celebrioribus vrbis eiusdem templis, apud audientes

dientes explicabat, vitæq; exemplis spectatissimæ animis intuentium formam probitatis præferens, à seculi lubricitate & mentis socordia, ad solius DEI ardentem amorem, & virtutis studium homines traducebat inclinabatq;. Nec minus in gerendis rebus industrius fuit, quin omnia diligentia suæ concredita, tanto studio & sedulitate continuabat, vt semper successus labori responderit, eiusq; conatus gratissima omnium collaudatio magnopere commendarit. Interea & disciplinæ religiosæ cultor fuit mirificus, studiosissimeq; aduigilabat, ne quid ad eam euertendam, impunita subditorum licentia moliretur, vel Rectorum oscitantia, nimiaue indulgentia animi facilitas, permetteret. Edificia quoq; domûs, varijs locis antiquitate deformata, restaurauit, & amplificauit; Sacrario, supellectilem prænobilem holosericam addidit, & ex argento, aliqua fieri procurauit. Laborauit insuper, pro extorquendis è manibus hæreticorum ABBATIAE ORLOVIENSIS bonis, super quo negotio, crebrius per epistolas, cum supremo Silesiæ Capitaneo, Episcopo Vratislauenfi egit. Varijs interea morborum generibus, iisdemq; acutissimis corripiebatur, quibus suo affixus lecto, dum longius detinetur, STEPHANO BATOREO REGE Poloniæ instante, in Coadiutorem ABBATIAE TINECENSIS, NICOLAVM MIELECIVM admisit; quo ad tandem viginti annis in munere Abbatiali (ex quibus decem continuos, inter graues cruciatus morborum, patientiâ admirabili egit;) ad maiorem sui probationem, & meritorum incrementa, simulq; ad acuendam aliorum virtutem, traductis, vitam cum morte commutauit: vir communium totius Ordinis consuetudinum tenax, singulariq; animi moderatione clarus; Verum, quæ hominum imperfectio est, quæq; non malos, transuersum sæpè agit,) carni & sanguini plus æquo adfectus, magisq; in eos, de cænobij opibus, profusior quàm liberalis, quibus aliquot pagos, iure aduitalitio, cum certarum summarum inscriptione, concessit; nec non, bona pleraq;, contractis debitis, & inscriptionibus in præsentem diem multum onerosis, celebratis, implicuit & aggrauauit, per quæ egregia de ipso existimatio, in summum apud posteros discrimen, est reuocata. Inter viuos desijt esse, pridie Nonas Febr: Anno 1593.

Elogia Abbatum Tinecensium,

*Vir animo sapiens, morum gravitate verendus
 BRZECHVVA sacra præsul Relligionis amans;
 Enituit quantum sapienter munere gesto?
 In cathedris tantum floruit eloquio.
 Sanguinis ille tamen nimio plus commoda querens,
 Commoda prospexit relligiosa minus.*



NICOLAVS MIELECKI

A B B A S LIIX.



NICOLAVS MIELECCIVS, SEBASTIANI in Mielec MIELECKI, Castellani Cracouiensis, Senatoris (ut fertur) Patriæ amantissimi, & Doctorum virorum cultoris præcipui, filius; cum antiquâ generis nobilitate, nonnullas etiam, paternæ domûs veluti hæreditarias dotes, generosum animum, & pectus heroicum, ingenij bonitatem, candorem mentis ingenuum, & suavissimam morum, agendiq; facilitatem, à naturâ sortitus est. Quæ quidem prærogatiuæ, post susceptam in TINECENSI Canobio Monasticen, exultæ sedulò atq; insigniter auctæ, omnium illi benevolentiam, & Principum virorum amicitiam, facillè compararunt. Iamq; NICOLAVS in TINECENSI Canobio, vitam regularem solenniter professus, & à Sixto quinto Pontifice, Coadiutor Abbatæ eiusdem confirmatus, nonum annum inter TINECENSES, Coadiutoris dignitate insignitus agebat; cum ANDREAS BRZECHVVA ætate prouectus, & diuturnâ inueterudine attritus consumptusq; vltimam vitæ periodum accepit: in cuius locum MIELECCIVS è vestigio, uti Coadiutor cum futurâ successione, à Conventu Fratrum olim electus, & à Sede confirmatus, absq; vllius contraventione successit. Quem Magistratum adeptus, ita cum exercuit,

cuit, ut à seipso, id est, ab innatâ prudentiâ, religiosâq; benignitate discedens nunquam, gratissimus Tinecensibus fuerit; expertus vicissim, prona istorum ergâ se studia, insignemq; perpetuò obseruantiam. Monastici instituti disciplina, & peculiare religiosissimæ domûs sanctiones ac ceremoniæ (à Cluniacensibus præsertim haustæ quondam, *TINECIA* q; excultæ) ut quam diligentissimè seruarentur, cauit perattentè. Atq; ut plenior harum Obseruantiarum cognitionem ipse haberet, eo animi proposito, Cluniacum se contulit, ubi non nihil demoratus, Mucetas illorum Monachorum insignia, *TINECIAM* detulit, & gestandas suis permisit. Ordinationes, ab se magnâ prudentiâ factas, tam Particularibus locis, quam Generali Conuentui apprimè utiles, sapius innouauit, & ab omnibus seruari, diligenter instituit. Ad prouentus verò fortunâq; Cænobij, ac res omnes temporarias, quod attinet, operam dedit, uti à ministris fideliter accurateq; tractarentur; haud ignarus, à diligenti facultatum, rei q; familiaris procuratione, non facilem modo atq; expeditam Prælatorum administrationem, sed mutuâ etiam animorum concordia, ac pacis nexum inter subditos, adeoq; diuini cultûs, & religiosarum Constitutionum obseruationem, magnâ ex parte deriuari. Porro ad propagandas optimas inter suos *TINECENSES* literas, cum & ipse ad eiusmodi studia, singulari naturæ impulsu prouheretur multum, instituendæ religiosæ iuuentuti scholam aperuit, doctosq; Professores Gymnasio *TINECENSI*, & promouendis scholasticorû studijs præfecit, ex quibus postea, optimis disciplinis complures egregiè imbuti, ad antiquum Tinecensis familiæ splendorem, prodierunt. nec minus præstitit beneficium, dum libros Bibliothecæ per plures comparauit, varijsq; Instrumentis Mathematicis, non mediocri pretio, in Italiâ & alibi coemptis, librariam Cænobij locupletauit. Sacrum quoq; apparatus, qui solemnioribus diebus adhibetur, multiplicem ac pretiosum, cum diuersis sacrarij instrumentis, Ecclesiæ adiecit. Cæterum, non alias magis in ornando Tinecensi sacrario, *NICOLAVS MIELECCIUS* suam pietatem probauit, quàm cum Romæ cælestis thesauri preciosissima pignora, venerandas videlicet sanctorum Reliquias, ad Tinecenses detulit, quibus Ecclesiæ eorundem opes, auctiores sacratioresq; reddidit, suisq; obsequij religiosissimi, & testatæ deuotionis

argumentum reliquit. prolixior Sacratissimorum istorum lipsanorum **TINECIÆ** habetur Catalogus, & loculi Sanctissimis Reliquijs locupletes conspiciuntur, quibus **TINECENSES** auxit, & quæ ab illis, quâ par est reuerentiâ & religione, asseruantur. Cavit præterea **MIELECCIUS** diligentissimè, ne Iura Monasterij (scilicet quidem moderatore ac Præfeto) ullâ ratione à quoquam violarentur, pro quorum defensione & iniurijs subditorum, cum Potentibus vicinis, acerrimè pluries disceptauit. Hæc & alia, paulo plus decennali administratione perfecit apud Tineenses **MIELECCIUS**, nec dubium erat, quin pro suâ generositate, multa fuisset ad Tineensis Cænobij splendorem, rationesq; insigniter amplificandas perfecturus, si in humanis diutius agere concessum extitisset: at cum sapienter rebus prosequendis intendit, insperata mors Lapcijs diuersantem aggressa, insigni **TINECENSIVM** incommodo, sustulit Heroem, apud posteros longâ prædicatione memorandum, & celebrandum. Decessit Anno 1604. ipso solemnî die Sanctorum **PETRI & PAULI** Apostolorum, quorum Patrocinia, **TINECENSIVM** ædes alumnosq; tuentur & exornant. Præfuit annos undecim, & menses tres.

*Vir pietate grauis **MIELECCIUS**, ultimus ille est
Consensu Patrum lectus in imperium.*

*Tandem (proh dolor) irrepsit vis aulica in usum
Nec pudet (ò probrum) deteriora sequi.*



PARER.

P A R E R G V M,

DeTINECENSIS Cænobij COMMEN-

DATARIIS ABBATIBVS, siue

ADMINISTRATORIBVS.



Blato per mortem MIELECCIO, TINECENSIS Cænobij Patres, Regi uti Monasterij sui Patrono, & Episcopo Cracouiensi tanquam Loci ordinario, ABBATIS significarunt obitum, simulq; ad alium substituendum, gratiose assignari per eos futura Electioni diem, suppliciter exposularunt. BERNARDVS MACIEIOWSKI Episcopus Cracouiensis & S. R. E. Cardinalis, ad diem 23 septembris currentis tunc anni 1604, D. PAVLVM DABSKI Episcopum Laodicensem. & Suffraganeum Cracouiensem, atq; HIERONYMVM REZANSKI Archidiaconum Cracouiensem; uti Commissarios suos TINECIAM ablegauit, qui eius loco Electioni iuxta receptam olim consuetudinem, praesiderent, & vota suffragantium è Conuentu Fratrum exciperent supputarentq;. Aduenerant pariter & Regij Nuntij, voluntatem Maiestatis suae, in eo esse positam declarantes, ut tutela & administratio ABBATIAE TINECENSIS STANISLAO SVLOVIO Canonico Cracouiensi committeretur: simulq; indices mentis Regia literas, huiusmodi protulerant. SIGISMVNDVS III. D. G. Rex Polonia Magnus Dux Lituania Russiae Prussiae Samogitia Liuania &c. nec non Suecorum, Gottorum, Vandalorumq; hereditarius Rex. Religiosi deuote nobis dilecti. Monasterio vestro TINECENSI, cum ob eius vetustatem, Institutiq; sanctimoniam, tum ob illustrem in eo fundando Dominorum antecessorum nostrorum Regum Polonia liberalitatem, memorabileq; pietatis exemplum, optime affecti sumus, singulariq; curâ & sollicitudine. tuendum illud nobis fouendumq; esse censemus. Mortuo igitur NICOLAO MIELECKI ABBATE vestro, (cuius anima DEVS sit propiti- us) diutius nobiscum ipsi deliberauimus, quis nam pro istius loci commodo & dignitate, in locum aemortui sufficiens esset, expensisq; & benè ponderatis.

Elogia Abbatum Tinecensium,

deratis rationum omnium momentis in eam tandem sententiam descendimus, ut Venerabilem STANISLAVM SVLOWSKI Canonicum Cracouicensem secretarium nostrum supremè suspiciendo, & ex illius loci, Deuotionumq; Vestrarum usu, gerendo huic muneri maxime idoneum esse, atq; in Conuentu isto, eligendo ABBATI destinato, proponendum Deuotionib; Vestris atq; commendandum iudicauimus; id quod, cum presentibus nostris literis, tum per Nuntios Nostros, Venerabiles SIMONEM RVDNICKI Maiorem Regni, & IOANNEM KVCZBORSKI Scholasticum Gnesnensem, Secretarios nostros facimus, benigneq; Deuotiones vestras requirimus & hortamur, ut hunc & non alium, in ABBATEM suum TINECENSEM elegant seu postulent, electumq; seu postulatum, nobis intiment ac presentent. Est hic vir, cum vetustâ claraq; generis nobilitate insignis, tum suis, & Maiorum, propinquorumq; in Nos & Rempublicam meritis, fide præterea, & in rebus gerendis dexteritate, usu, prudentiâ, & diligentia atq; adeo, doctrinâ, pietate, integritateq; singulari conspicuus, ob easq; causas nobis valdè gratus: quo commodiorem etiam Deuotionibus vestris futurum speramus, atq; confidimus, Deuotiones vestras, pro suâ erga nos fide & obsequio, nobis in eo, non autem in quopiam altero eligendo, studium suum esse probaturas: quod nobis valdè gratum & ad faciendam erga Deuotiones vestras propensionem nostram, percommodum fuerit. De cætero Deuotiones vestrae suprascriptis Nuntiis nostris plenam fidem habebunt, in suisq; precibus & sacrificijs nos ipsos, Regnum hoc, & publicas eius actiones DEO Optimo maximo commendabunt, quibus continua Diuina gratia incrementum exoptamus, & Regiam nostram gratiam deferimus. Datum Cracouia Die xx Mensis septembris. anno Domini 1604. Regnorum nostrorum, Poloniae xvii, Sueciae xi. SIGISMUNDVS REX. Quibusquidem lectis literis, Conuentus Fratrum pro veteri regulariq; consuetudine, præmissis ad Diuinissimi Spiritus conciliandam presentiam, solitis deuotionibus, adhibitisq; iis omnibus quæ circa Electiones Canonicas iura disposuerunt, & quæ Regula S. BENEDICTI de eligendo ABBATE præscripsit, usuq; tanti temporis introduxit, ad locum Capituli, unâ cum Ablegatis Regijs & Loccoordinarij descendendo, ALBERTVM BARANOWSKI Præpositum Koscielnensem Ordinis & Conuentus TINECENSIS Professum natalium genere, & merito, virum eximium, concordibus suffragijs, nemine discrepante, omnes pariter elegerunt. Quem cum Serenissimo Regi approbandum, confirmandumq; additis prelixis supplica-

plicationibus commendarent presentarentq̃, multorum etiam virorum ordinis senatorij accedente rogatu, adduci se Rex non est passus, ut à proposito animi decreto quidquam concederet. Itaq̃ post multa inaniter tentata, postq̃ plures, ad Pontificem, Rotamq̃ Cardinalium super negotijs Regularium prepositorum, supplicationes incassum porrectas, cum frustra Leges, Jura, Privilegiaq̃ compellarentur per nostros, Arcus **TINECENSIS** obseratam sexcenti pedites benè aperuerunt portam, **SVLOVIVS QVE** in possessionem Monasterij est introductus; sub cuius primum ingressum, hæc insuper cauillatio in Monachos sparsa fuit.

Quid iuuat ut Monachus iactet sua Iura, libellos,
Principis arbitrio fortius ecquid erit?
Quem **DEVS**, atq̃ volet **REX** vobis ponitur Abbas,
Regibus atq̃ **DEO** quisq̃ jubesse solet.



S T A N I S L A V S
S V Ł O W S K I,

Commendatarius Primus.

A B B A S LIX.



TANISLAVSVLOVVSKI, Canonicus Cracuiensis, Secretarius Regius, & Salis Fodinarum Praefectus, **SIGISMUNDI** Regis fauore, primus omnium numeratur, cuius tutelæ ac patrocinio **TINECENSE** domicilium committeretur. Is splendore natalium, & morû elegantia cultissimus, postquâ in Aulâ Cardinalis **RADIVILI** plures exegisset annos, ad Regiam transiuerat: in quâ grauioribus negotijs Regio nomine curandis adhibitus, pro insitâ

sibi prudentiâ dexteritateq; ac singulari in Regem beneuolentiâ, omnia cum laude temperabat. Itaq; Rex perspecta eius sapientiâ & probitate, ut eum quam obstrictum sibi haberet, eiusq; consuetudinem sapius degustaret, consilijs verò & opera in rerum difficilium procuratione vteretur, eundem ABBATIA TINECENSIS primum Administratorem renunciauit. In qua administratione, nihil curæ & sollicitudinis omisit, quo commissam sibi domum instaurare, atq; adeo exornare posset, & pristinæ maiestati restituere. Quocirca, templi nauim maiorem, vetustate squalentem & subobscuram, à fundamentis erigere decreuerat, magnamq; vim materiæ, ad eum effectum præparari curabat; & alia multa similia, ad decus Cœnobij, cogitatione religiosâ facere conabatur; cuius tamen magnanimos conatus, euentus nullus excepit, quia mors in ipso apparatu & molimine rerum, insperatè hominem aggressa, letaliter oppressit. In aulis dum ageret, egregiæ conuersationis & morum insigni commendatione acceptus, in intimam Virorum Principum familiaritatem irrepebat, quam illi non mediocriter augere videbatur. illa eius singularis humanitas & in omnes liberalitas promptissima, quâ omnes conciliabat, qui eius contubernium fidenter conuenissent. Decessit Cracouiæ, anno 1618. Nonis Januarij, sepultus TINECIÆ, ante maius Altare: Præfuit annis vndecim.

*Clara domus meritis tibi clara potentia rerum est,
SVLOVI? quis te prendere claustra iubet.
Accipe sacratam votis Patrum accipe vestem
Ni facis, ingenuum pernego te esse Patrem.*



STANISLAVS LVBIENSKI,

Commendatarius II.

ABBAS LX.



TANISLAVS LVBIENSKI, Episcopus Luceoriensis, & Regni Poloniae Procancellarius, quis & quantus fuerit, tametsi praesens non ignoret aetas, posteros tamen, haec nostra legentes, subibit penitus noscendi illum cupido. Genus ei vetustum & nobile, vulgo *Pomianum*: Patre SVENTOSLAO LVBIENSKI, & Matre Barbarâ de Zapolice, sorore consobrinâ MATTHIAE PSTROCONII Episcopi, Vladislaviensis, natus: sub quorum cura domestica, usque ad id tempus aetatis, quod, literis capeendis idoneum est, habitus, ipsique quâ Siradiæ, quâ Calissii, prompto semper & facili ingenio haustis, Iuris patrii notitiam in Castro Lenciciensi acquisiuit, & postmodum PSTROCONII auunculi, domesticae institutionis non modo alumnus, sed adiutor laborum fuit. In regiam hinc euocatus aulam, scribendisque Regio nomine literis adhibitus, apud PETRUM TILICIVM Episcopum Cracouiensem Curiae Cancellarius & Archidiaconus Cracouiensis, mox Regens Regiae Cancellariae, egregiam operam suam omnibus excellenter probavit. Auctus vero liberalitate Regis ABBATIÂ TINICENSI, honoris adepti, simulque oneris suscepti rationes, seriâ mente expendens, non fuit contentus opimos Coenobij redditus annis percipere singulis, nisi Spartam quam nactus erat ornaret, & labores sumptusque in reparandis vetustorum aedificiorum ruinis, strenue impenderet. Proinde exolutis debitis per suum antecessorem immediatum contractis, fabricam Ecclesiae TINICENSIS, quam antecessor iactis fundamentis, mortuus prosequi non poterat, ipse magnâ alacritate animi aggressus, felici studio ca-

ptum compleuit opus: prout teſtatur in frontiſpicio Eccleſiæ Cæ-
 nobialis, Inſcriptio præliminaris huiusmodi, *Templum hoc Regij*
Cænobij DEO Optimo Maximo, Sanctiſſimæ Virgini Matri, & Principi-
bus Apoſtolorum Sacrum. Dirutis vetuſtate corrupti adificij parietibus, no-
 uâ formâ, nouo tholo, noua porticu, noniſq; turribus & ſacellis ad latera
 adiectis ac erecto frontiſpicio, *STANISLAUS LÛBIENSKI ABBAS*
TINECENSIS ſtruxit, ornavit, longèq; auguſtius reddidit, Anno Chri-
 ſti 1622. *SIGISMUNDO* Tertio Polonia & Suecia Regi, Vita & im-
 perium: Regiæ eius ſoboli felicitas: Patriæ chariſſima tranquillitas & con-
 cordia. Conſummato autem opere Eccleſiæ Tinecenſis, auctæ per
 ſe & innouatæ, vt ab eius ſtudio reliqua conſecta haberentur, de-
 dicari eam idem procurauit, teſtante Publicâ eiudem Eccleſiæ ſeri-
 pturâ, quæ ſic habet. Anno Chriſti 1622 die VIII Menſis Maj, Diuo
STANISLAO Sacra. Templum hoc magna ex parte collapſum, &
 per Illuſtriſſimum & Reuerendiſſimum Dominum *STANISLAUM LÛ-*
BINSKI ABBATEM reſtauratum, formis, columnis, & capellis nouis
 auctum & exornatum, Illuſtriſſimus & Reuerendiſſimus D. *MATTHIAS*
LÛBIENSKI Dei & Apoſtolica ſedis gratia Episcopus Chelmenſis,
 ex admiſſione Illuſtriſſimi & Reuerendiſſimi Domini *MARTINI SZ-*
SKOWSKI Episcopi Cracouiensis conſecrauit & dedicauit, in honorem
 Dei omnipotentis & B. V. MARIE, ſub nomine Principum Apoſtolorum
 Beatorum PETRI & PAULI. Altaria item minora ſeptem, Primum,
 ſub nomine Luſtus B. Virginis & S. *STANISLAI* Episcopi & Mar-
 tyris, ac S. *Uſula* & ſociarum eius. Secundum in honorem Sanctiſſimæ
TRINITATIS & Beatiffimæ V. MARIE, ac omnium Sanctorum.
 Tertium in honorem Sanctorum Confeſſorum *BENEDICTI, CAROLI,*
IGNATII, Quartum ſanctis Virginibus, *SCHOLASTICÆ, BARBA-*
RÆ, TERESIÆ. Quintum ſub titulo Sanctæ *CRUCIS* & *ANDRÆ*
 Apoſtoli & Sancti *HIACINTHI.* Sextum titulo Diuæ *ANNÆ* auia
 Saluatoris noſtri. Septimum Diui *ADALBERTO, VENCESLAO,*
 & *CASIMIRO* ſacrum. Hec omnia altaria, reconditis in ijs diuerſorum
 Sanctorum Reliquijs idem Illuſtriſſimus & Reuerendiſſimus D. Episcopus
 Chelmenſis conſecrauit, dedicauit. Dedicationis verò dies anniuersaria
 feſta celebrabitur, iuxta veterem huius Eccleſiæ conſuetudinem Dominica
 Prima poſt feſtum Sancti *Franciſci* Confeſſoris. Non ſolius verò Eccleſiæ
 ſtructuram, Lubienius æternâ memoriâ digniſſimus Heros promo-
 uit

vit, Cænobij etiam maiorem partem, submotis ædificijs ligneis, muratam à fundamentis erexit: puteum intra mediam Arcis TINECENSIS aream in petra exscindi curauit; bona nonnulla per antecessores alienata, iure vindicauit; neq; his demereri Tinecenses suos contentus, cum partem notabilem prouentuum in restaurandis ruinis expendisset, se quoq; ipsum Ordini Nostro contradere & sacramento Religionis Benedictinæ per expressam professionem obligare induxerat in animum, iamq; Habitum religionis deferre, & Breuiario Monastico vti consueuerat: verùm desideria eius, secreta REGIS SIGISMVNDI destinata morabantur, qui vltro apud sedem Apostolicam effecerat, vt LVBIENIO vicaria Abbatix Tinecensis cura, quinquennio amplius continuaretur. Interea REX iudicij sui staterâ diu examinatum STANISLAVM LVBIENIUM ad Episcopatum Luceoriensem promovendum sedi Apostolicæ nominauit: eundemq; iam Episcopali dignitate conspicuum, nouo iterum honore auxit, Procancellariatu Regni ad eum delato: quem ille non amplius triennio, cum Administratione simul Abbatix Tinecensis, sustinuit: quippe desideranti se ab aula subducere, totamq; operam in gerendo Antistitis munere ponere, voto potiendi, opportunam facultatem Plocensis Cathedra tunc vacua, & in Procancellariatu IACOBI ZADZIK prudentiæ fama, in Administratione vero TINECENSIS ABBATIÆ HENRICI FIRLEY meritum, successorem dedit. Attamen post abdicatam TINECENSIS Cænobij administrationem LVBIENIVS, nihil de pristino amore erga TINECENSES remisit, imò ad extrema vitæ tempora solito eos animi beneficio est prosecutus, duoq; argentea candelabra testamento addixit, vt quos semel intra cordis sinum receperat, eosdem & in morte perpetuâ beneficiorum prosecutione accumularet. Reliquæ insignes eius virtutes, & præclara de Ecclesia DEI & republica merita, diserto eloquio inter Vitas Plocensium, Episcoporum & inter doctissima eius Opera Antuerpiæ impressa, recensentur. Fatale verò heroicorum eius facinorum impedimentum, scilicet Mors inuida Varlauiæ Comitiorum causa, degentem aggressa est, per suum satellitium, languorem nempe corporis insolitum, quo sex ante supremum diem Mensibus correptus, seq; ad vltimum certamen Viscouiæ præparans, die sexta Aprilis,

de more quidem languidus, cætera, nulla noua ægritudine tentatus, recitatis pro morè Ecclesiasticis præcibus Matutinis sequentis diei, momento temporis, animi corporisq; viribus destitutus, adstantibus viris religiosis quos semper retinuit, Anno salutis 1640. ætatis 67. sine cruciatu sensuq; doloris placidè obdormiuit. Cuius supremis MATTHIAS frater eius maior natus, tunc Vladislauensis Episcopus & postea Regni Primas, in Cathedrali Plocensi honorem habuit & corpus tumulo commendauit. Postulatus est in Ab: Tinec: Anno 1618. die xi. Iunij. Resignauit eand: Abb: Anno 1627. itaq; Præfuit annis nouem.

*Salue Mecenas indulgentissime salue
 Delicium sacri præsidiumq; chori.
 Mania, Tempia, Patres, vnâ te voce saluant,
 Es verus meritis, & pietate Pater.*



HENRICVS FIRLEY,

Commendatarius III.

A B B A S LXI.




ENRICVS de Dombrouica FIRLEY, IOANNE Supremo Regni Thesaurario Patre, natus, ita à puero sanctissimis moribus imbutus fuit, vt peragratis locis illis in quibus acutiora gignuntur ingenia, ac demum sacris initiatus, ad sublimes dignitates & gradus quosq; obtinendos, illustri familiæ suæ debitos, innata virtute sibi ascensum comparârit. Referendarius Regni constitutus, hoc officium multis & arduis expositum laboribus, ad eò impigrè & integerrimè exercuit, vt eius grauissimum iudicium, in rebus tractandis summam pruden-

prudentiam, pietatem in DEVM, amorem in patriam, obseruantiam erga Principem, in omnes comitatem insignem, cuncti amplissimis laudibus deprædicauerint. Exinde regimini TINECENSIS ABBATIE admotus, in ea administranda, talem se exhibuit, vt pro eius defensione ac ornamento multa egregie præstiterit: ac inprimis religiosorum mentæ & communibus vsibus addendo quædam bona prouidit liberalius, eosq; loco fratrum perpetuo coluit, nullumq; etiam de minimis è catu Cænobij ad propriam audientiam admisit, cui introeunti non assurrexisset, & sellâ oblatâ, eundem sedere prius iussisset, quam loquentem audisset. neq; hac solum gratissima vrbanitate morum, Tinecensium animos demulcebat, multa ille ad sacrarij apparatus ex propria gaza liberaliter contulit, multa ad ornatum templi & parietum venustatem conducentia præstitit, propter quod celeberrimam nomini suo famam æternum comparauit. Dumq; in oculis Regni, in Aula Regis, inter multiplices publicas curas versatur laudabiliter, ad Episcopatus Premisliensis euectus culmen, vt ex eo, veluti è specula eminentiore, virtutes eius clarius & amplius diffunderentur. vt non abs re, gratulari quis valeat SIGISMUNDO REGI, gratulatione pari quâ Imperatori Theodosio quondam de euecto ex Iudice seculari ad Episcopale fastigium Diuo Ambrosio, gratulabatur vniuersa Ecclesia, quod tales Iudices Curie & Regni constitueret, qui Episcopali munere digni essent. Jam vero HENRICVS Sacro Presbyteratus initiatus Ordine, incruenti sacrificij solennes primitias, festo die S. ANNE, in frequenti gratissimorum hospitem conuentu, in Ecclesia TINECENSIS deuotissimè celebravit: neq; multo post, spatium videlicet Mensium quinq;, ibidem præsentibus multis Illustrissimis viris in Episcopum solenniter consecratus est: ad hos autem tam augustos diuinofq; explendos actus, TINECIAM sibi selegerat, quod religione loci, fratrumq; præsentia, vehementius se hinc per-moueri detineriq; quàm alibi asseueraret. Sed cum ad eum maioribus prærogatiuis ornandum, æquè diuina prouidentia, ac Principis beneuolentia feliciter se inclinarent, vltro delatam ad se Cathedralam Posnaniensem non potuit non admittere, ne caelesti Numini, & terreno Principi ingratus videretur, neue repugnaret amicissimorum sibi fautorum votis. Hinc Premisliensi & Tinecensi administra-tione

Elogia Abbatum Tinecensium,

tione dimissâ, cum HENRICVS ad Cathedram Posnaniensem splendidum ingressum molitur, præter spem omnium, podagræ acutissimis exceptus doloribus, in alteram translatus est vitam. Tertio Nonas Decembris Anno 1635. Præfuit Monasterio Tinecensi annis sex. In cuius Leopardum gentilitium, in maiori porticu eiusdem Cænobij depictum, Carmen hoc appositum legitur.

*Vt potis est, retinere feras Leopardus odore
Sic HENRICE tuo proficis ingenio
Quin varium virtute magis superas Leopardum
Attrahit ille feras, tu bonitate homines.*



CAROLVS FERDINANDVS PRIN: POL:

Commendatarius IV.

A. B. B. A. S. LXII.



CAROLVS FERDINANDVS SIGISMVNDI tertij Poloniæ & Sueciæ Regis filius, Vladislai quarti, & IOANNIS CASIMIRI Regum Poloniæ Frater, Augusti Ferdinandi Cæsaris Nepos, Opoliensis & Ratiboriensis Dux, Poloniæ & Sueciæ Princeps, rogatu Vladislai Regis, & Comitiorum generalium Regni laudo consensuque, cum Episcopatu Plocensi TINECENSIS ABBATIÆ administrationem Sexennio possedit. Vbi, cum subinde in personâ suâ, & cum aulæ frequentia demoraretur & ageret, periucundum & deuotum morem habuit, Religiosorum conuentum adire, grauiorum Patrum cellas inuifere, vnumquemq; è Monasterij cætu benignius affari, & omni-

& omnibus paratissimum animum multaq; clementiâ temperatum abunde contestari. Apud Regem fratrem, & in Comitij Generalibus, TINECENSIS Cœnobij Patres pro vindicandis aliquibus bonis iure contra detentores agentes percommode & cum effectu adiuvit, estq; tutatus. Liberalitatis præterea suæ non levia documenta apud eosdem reliquit, argenteum opere elegantissimo Reliquarium, Casulam ex veste attalicâ holosericâ pretiosiori, & alium, templi ornatum, regiæ magnificentiæ donaria. Suscepit Cœnobij regimen anno 1635, & dimisit illud anno 1641. Princeps Naturæ, Fortunæ, & Animi bonis, si quis vîpiam cumulatissimus, in quo redituua illa CAROLI BOROMÆI sanctitas (quem nomine & exemplo reddebat) pari pietatis cultu resplendebat; & qui in tam summo fortunæ & honorum fastigio consistens, non magnus magis, quam bonus audire desiderabat, dualq; res inter se diuersissimas, Potentiam & Modestiam insigni temperamento commiscebat.

*Has etiam rupes, hæc limina sacra CAROLVS,
Lustravit Princeps per benefacta potens,
Aurea testantur summum ornamenta favorem,
Principis est virtus sic placuisse DEO.*



PETRVS GEMBICKI,

Commendatarius V.

A B B A S LXIII.

PETRVS GEMBICKI, veteri & illustri Natęciorum, gente oriundus, in Regno Poloniæ omnes honores, & munerum publicorum gloriôsè confecit gradus. REGE SIGISMUNDO Tertio, primùm Secretarius, dein vtriusq; Cancellariæ Regens fuit. post Sigismundi decessum, à VLADISLAWO quarto

quarto in Secretarium Regni Maiorem adlectus, statimq; ad FERDINANDVM Imperatorem II. ablegatus, armorum ferale inter Christianos Principes odium, conciliatis Regum animis sedare adlaboravit. quâ perfunctus legatione, in castris ad Smolenscum, & in Prussicâ expeditione contra Suecos ad latus VLADISLAI REGIS, comes perpetuus & consiliarius adfuit: vbi & pace cum hostibus conclusâ, Procancellariatum Regni, & Præmissiensem Episcopatum, fidissimi erga Principem obsequij præmium, reportavit. Tunc & ABBATIÆ TINECENSIS procuracionem prouentulq; obtinuit, quos integro biennio, per suos administratos, absens ipse toto interea tempore, ex re suâ & commodo, collegit & aggregauit. Post obitum verò Thomæ Zamoscij viri illustrissimi, Supremus Cancellarius Regni, ac tandem Episcopus Cracouiensis creatus, partâ apud omnes ingenti sibi gloriâ, liberatâ submontanæ rebellionis periculo patriâ, templo Cathedrali arâ maiori exornato, Diaccesi bonis legibus excultâ, sub tempus Sueticæ in Poloniam irruptionis, Ratiboriæ Anno 1659. vitæ finem accepit. In administratione TINECENSI biennio præfuit. In eius gentilitiam Fasciam, & Tinecensis Monasterij petrosam situm, carmen.

*Hanc super, erecta & quæ sunt altaria Diuûm
Petram, habuit PETRVS nomine GEMBICIVS
Felicem vitam, vitam mortalibus agris
Quæ inspirare potest, mitibus auspicijs.*



IOAN.

IOANNES CAROLVS
KONOPACKI,

Commendatarius VI.

A B B A S LXIV.

IOANNES CAROLVS Comes à Konopat KONO-
PACKI, omnes illas virtutes, quibus illustrissimi
sui Maiores Comites à Konopat, non in Regno so-
lum Polono, sed in toto Christiano orbe, gloriose
floruerunt, veluti debitum certum & liquidum, abs-
se ipso solebat exigere. Elucebat in eo NICOLAI ac GEORGII,
aut & tritavi, in consilijs dandis prudentia atq; auctoritas; eluce-
bat MATTHIÆ Patris, & Abavi eiusdem virtutis & nominis, mo-
rum & honorum hæreditaria possessio, quam & in Palatinatu, &
in Episcopatu Culmensi, simili exitu probauerunt. Inerat illi præ-
terea, incredibilis in litteras propensio, magnarumq; Scientiarum,
cognitio tanta, vt in omnibus tam luculenter excelluerit, quibus
singulis, totum vitæ cursum impendere, perquam operosum esse,
etiam laboriosissimi viri iudicarunt. Promptum enim & docile
nactus erat Diuinâ benignitate ingenium, quod tamen impensè &
anxiè in nobilissimis Academijs omni genere Artium excoluit.
Porro peregrinationes non ad luxuriosam curiositatis nundinationē
sed ad augendam industriam, suscepit: linguas verò Europæas,
non solum ad vsum, sed etiam ad excellentiam didicit: vt in omni-
bus non disertus tantum interpret, verum etiam eloquens habe-
retur Orator. Quid dicam de effusâ liberalitate, quam in litera-
tos viros exprompsit, quos non solum in familiam suam, sed etiam
in intimos animi recessus admittere solebat. Loquuntur illius ma-
gnificentiam, Doctorum virorum quæ sparsa sunt in vulgus enco-
mia clarissima; deprædicant pietatem, Religiosorum virorum asce-
teria sanctissima; celebrant beneficentiam, collegia sacer-
dotum

dorum frequentissima; quæ ille heroicâ magnificentiâ dotauit, impensis honorificis adauxit, Maiorumq; suorum gloriam felici imitatione propagauit. Verum **TINECENSI** Canobio aduersans fortuna eam felicitatem inuidit, quando **KONOPATCIUS** pro suis amplissimis in republica promeritis, **TINECENSIS ABBATIE** primum auctus redditibus, ipso in limine beneficiorum, quibus suæ curæ Tinecenses commissos, cumulare decreuerat, semestri inter eos solummodo exacto spatio, decretoriam mortis accepit sententiam: nam vii. Kal. Quintilis cum plausu omnium Tineciam deueniens, insequenti festo Principum Apostolorum, Sacrosanctarum Missarum solennia publicè celebrauit, casulamq; culti operis, in qua sacris operatus est, arram suæ propensionis primam, **TINECIE** est elargitus. Nulla postmodum, per hos sex menses, intercessit dies, quâ, vel sua præsentia in communi refectorij mensâ non recrearet fratres; vel ad Abbatiale triclinium aliquos non vocaret, ubi magna semper beneuolentiæ suæ exhibuit argumenta. Multa certè amplissimus Heros, & egregia moliebatur consilia, quibus Ordinem **BENEDICTINVM** in hoc Sarmatico solo antiquitate defessum subleuare, & **TINECENSES** ascetas, in ora Varmiensis nouiter implantare, statuerat. Verum hæc eo disponente, & ad capeffendam Episcopam Varmiensem, paulo ante sibi delatam, ingressum adornante, cum solennis Octauæ immaculatè conceptæ Virginis Matris ferias, singulari cum deuotionis affectu, & sensu interioris lætitiæ, perdius inter gelidas brumæ sæuientis auras, in templo continuo ageret, & Nouem Dies ante Natalem **CHRISTI** Solennibus Antiphonis ab Ecclesia notatos, ex usu aliarum Pro-uinciarum Concionibus, Officijsq; alijs Diuinis celebraret, ardenti febre correptus, intra septem dies, extinctus est **TINECIE**, horâ antelucanâ tertriâ, die planè eò quo ei *Breue VRBANI VIII. Pontificis* ad Varmiensem Episcopatum consequendum Româ allatum, fuit. Fuit tamen singulare Dei hoc beneficium, quod cum tam graui morbo affligeretur, ut simul & cum fatali clymaacterico anno, quæ attigerat 63. cumq; febre ardentissimâ atq; hentericâ leuitate intestinorū colluctaretur, seq; iam regere, neq; è lectulo erigere posset, tamen cum aduenisset tempus Sacratissimæ Eucharistiæ sumendæ, subito vires diuinitus certè recuperauit, è lecto surrexit, vestes sumpsit, sacram

fina-

sinaxim supplex adorauit, & in hospitium cordis sui deuotissimè suscepit. eoq; genere mortis, ex hac vitâ discessit, quo suus olim antecessor, STANISLAUS HOSIUS Episcopus Varmiensis, S. R. E. Cardinalis, ad immortalitatem emigrauit. Et ille quidem ex hoc Eurippo curarum mortalium, ad illam quietem translatus est, quâ Beatæ mentes æternum perfruuntur; sed nobis tamen, grauissimum mærorem, tristeq; sui desiderium reliquit. Dolebant tum, non magis dominum, quam patrem, lugebantq; domestici, quos singularibus beneficijs fouebat, & exemplo pietatis ad imitationem, incitabat. Dolebant patronum viri quiq; docti, quos præmijs singularibus erigebat, multosq; in meliori fortunæ Theatro collocare destinabat. Dolebant diuersi Religiosorum Ordines, quos eximiâ humanitate & liberalitate, vsq; ad vltima tempora vitæ, continuo prosequebatur. Sed cum multis ille flebilis occidisset, nulli flebilior quam Tinecensibus, quos vnice diligebat, & quàm habuerit, carissimos, non solum literis amantissimis, sed etiam sacris ornamentis eisdem collatis, breui regiminis tempore, abundè comprobauit. Quem indubitato eximia pietas cælo reposuit, & ad immortalitatem prouexit perennem; in qua manet securitas sine metu, voluptas sine fastidio, sine fine æternitas, quam iste Antistes integerimus, vt quidem piè credimus, propter merita in Ecclesiam, patriam, & Principem fidelissima & amplissima, atq; ob eas virtutes quibus Diuina indulget fauetq; benignitas, est consecutus. Corpus eius in medio Odi TINECENSIS, in magno Regni Procerum numero & præsentia, post longas elogiorum eius & meritorum enarrationes, honorificè conditum, piè in Domino requiescit. Obijt xi. Kal: Ian: Anno 1643. In Mænia eius, quæ stemmate hæreditario præfert, Epigramma.

Omnibus humanus, clemens, sapiensq; fuisti

Magne Comes vitâ, moribus, ingenio.

Hunc tibi non Virgo straxit Tritonia murum

Sed pietas, candor, religio, alma fides

ANDREAS LESZCZYNSKI,

Commendatarius VII.

A B B A S LXV.

PAstore populorum à Deo non solum dari, sed etiam singulari quadam curâ & cælesti benignitate nutriri, prudens censuit antiquitas. Sed neque solum, diuinæ nutritionis illis præstari grâtiâ verum etiam, à primo nascendi initio, per bonam indolem & naturam ante alios laudabilem, instillari quasdam virtutum inchoationes & semina, quibus ad communem vtilitatem maturissimè adulescant. Id quidem non sine magna ratione, ita oportere fieri arbitrati sunt? quod enim futurum est cum ætate magnum, magnis quoq; consurgere debet incrementis: sicut in molem operi profecturo, non parua à peritis architectonicæ viris, fundamenta & bales substruuntur. In LESZCZYNSIO tam benigna & auspicata à prima statim ætate eluxit indoles, vt non modica, magnarum à seipso suscipiendarum cum ætatis progressu, dederit indicia profectuum. Qui heroicarum virtutum à Deo sibi insita semina, suscepto ab adolescentiâ studio & continua exercitatione, aluit; Scientiarum optimarum disciplinis, per florentissima Italæ gymnasia, quæsitis, propagauit; & ad summum Honoris fastigium, principemq; in republica dignitatem, exemplo & imitatione, VLADISLAIÀ Leszno Supremi Cancellarij Regni, patris sui, fortunatè produxit. Diversos verò honorum gradus, cum oblatos modestè susceperet, & susceptos prudenter administraret, ex administratis autem plausus & approbationes ordinum Regni, mereretur; cum Episcopatu Camenecensi, TINECENSIS Cœnobij Administrationem possedit. Vbi superiorum ABBATIA eiusdem Administratorum, præstantissimos emulari conatus, ad promouenda, & facta

& facta tecta templi, & Monasterij ædificiâ conseruanda, certa prædia ABBATIALIA, huic muneri addixit, destinauitque; suamq; in reliquis erga Conuentum beneuoli animi significationem, sapius comprobauit. Nec dubium erat, quin rationes TINECENSIVM amplificasset si longiorem moram apud eos fecisset. Verum, biennio solum in TINECENSI administratione exacto, Procancellariatu Regni & Culmensi Episcopatu adauctus, dimisit TINECIAM. Ad quem postmodum, CASIMIRVS REX, postobtenta Regni gubernacula, supremam legum custodiam, & Magnum Cancellariatum detulit. In quo officio LESCZYNIUS, Regis gratiâ vsus prosperè, ab eodem Gnesnensem Archiepiscopatum accepit, & tandem vitæ finem sensit, anno 1659. TINECIÆ præfuit annis duobus, videlicet anno 1644. & anno 1645.

Eloquio, meritissq; potens, LESCZYNIUS auxit,

Mania Canobij munere magnifico.

Officio verè Pater, humanissimus ille est

Quem solidi lapides, munificum esse probant.

STANISLAVS PSTROKONSKI,

Commendatarius VIII.

A B B A S LXVI.




EX illustri Buzeniorum domo ortus, Maiores suos suis virecibus euocauit de busto; & imagines manesq; avo- rum in laudem animauit. A primâ iuuentâ honestissimis literarum studijs imbutus, in patru sui MATTHIÆ PSTRO-

CONTI, Vladislaviensis Episcopi disciplinâ, plurimum profecit. Deia ad exteras missus terras, ingenium quod solers & acutû sorte nascendi ei obuenerat, egregiâ inter exteros velitatione, singulariter exacuit, & idiomatibus vicinorû perceptis, redux in patriam Principi VLADISLAO, & aulae regiae, aliquanto tempore egregiè comprobauit. Verum STANISLAVS, in illâ aulicorum facilitate ac licentiâ, modestissimè se gerens, & religiosam frugalitatem ac continentiam potius, quàm mundi blandicias aulaeq; lenocinia sectans, perfectionis desiderio, institutum Societatis Iesu expetiit; ad quod admissus, in eiusq; institutione præclarâ persistens, egregios solidæ pietatis & doctrinae progressus, in breui acquisiuit. Jamq; à susceptâ religione pluribus annis inter sodales degens, nihil, æquè in votis habebat, quam latere & nesciri; verum ipsius insignis vitæ probitas, & doctrinae præstantia, à multis perspectæ ac collaudatæ, rurius eum, VLADISLAI REGIS obsequiis implicuerunt. Qui PSTROKONIVM olim inter ephabos adolescentem regios, ab egregiâ compositione morum sibi commendatum, & in paucis earum habebat, eundem iam magni nominis Theologum factum, quàm proximum, sibi, & à sacris confessionibus Patrem, conscientiaeq; consultum, habere exoptabât. Neq; PSTROCONIVS, pro insitâ sibi in Principem sui peramantem obseruantia, seruitium suum tamen arduum ac multum honorificum, requirenti VLADISLAO, non obsequendum putauit. Caterum Rex, ne tantus vir, religiosæ interuentu obedientia, à suâ consuetudine quandoq; diuelleretur, Regiâ auctoritate perfecit, vt PSTROCONIVS ad fasces Pontificios à se destinatus, ab imperio Societatis in toto absolueretur. Itaq; candidatum Senatorij Ordinis, Plocensis Præpositura excepit, ex quâ ad Chelmensem infulam fecit gressum, per grata videlicet Principi obsequia sua, & merita, iter faciens, ad tam altos honores; à quibus ambiri longè gloriosius putauit, quàm ambire, soliusq; honesti cupidus fanerator, eo ad rempublicam consilio accessit, quo à magnis Maiorum suorum nominibus, non recederet. Cumq; Rex VLADISLAVS, pro mensurâ regiae liberalitatis suæ, magnis honorum & bonorum accessionibus arbitrum conscientia suæ cumulare, in animo fixum haberet; quamprimum LESCZYNIUS, TINECENSI gubernationi nuntium remisit, REX PSTROCONIO eandem tenendam,

dam, tuendamq; commisit. In cuius possessionem PSTROCONIVS admissus, administrationem suam ab vniuersali totius congregationis TINECENSIS visitatione auspicatur; quâ peractâ, Capitulum habuit, corrigendis nonnullis vlibus, quos inuiles inter visitandum in cætu Monachorum repererat, apprimè consentaneum. Domus TINECENSIS, eo Rectore, multis ac nobilibus ædificijs enituit. Templum arâ maximâ eleganti, aureisq; ornamentis conspicuendâ, & tabulis egregij artificis manu depictis, nobilitatum. Sacratio adiectus calix aureus, quem PSTROCONIVS ex auro quidem MONASTERII ante conflato, sed exquisitâ admirabiliq; arte de nouo elaboratum, & multis aureis auctum, expensis suis TINECIÆ procurauit. Constat etiam, eundem sacras vestes contulisse, & alia quædam in Cænobio fieri præcepisse, quæ hodieq; ibidem conspicimus. De cætero, PSTROCONII regimen apud TINECENSES, duo maximè dolendi casus, acerbum reddidère. Iussu regio, apprehenderat PSTROCONIVS TINECENSIVM administrationem, non expedito Breui Romano, cumq; in creditâ sibi domo, Monasticæ disciplinæ bono, & subditorum profectu, nec non rei familiaris curiosâ inspectione, perquam anxie & sollicitè omnia lustraret, & vñtata aliter ordinaret, aliqui ex alumnis in itâ defectione Romam contenderant; hinc plurimi conatus inanes adhibiti vtrisq; cum ingenti peculij damno, & iacturâ boni nominis, & gratæ tranquillitatis. Aliud funestum malum, eo Præstide, calamitosæ TINECIÆ, pariter & vniuersæ euenit Poloniæ, dum ab vnâ parte Regni, Cosacorum seditionis flamma, sanguinarijs Scytharum telis obarmata; ab alterâ Moschi rabiosus populus & fædisfraga arma; à reliquis lateribus, Suecorum irruptio, & Rakocianæ phalanges, miseram opplessent & inuasissent Poloniam: tunc vniuersali incendio, vti omnium fortunæ sunt euersæ, sic & TINECIA, ab nefarijs grassatoribus expilata, flamma & ferro excisa, ab incolis extitit derelicta. Demigrarant fratrum alij alio, PSTROCONIVS administrator in Vngariam secesserat; vbi duos prope agentem annos, mors præualidè aggressa, xv. Kal. Iulij, Anno 1657: annis maturum, non incautum, sed in ipso exitu, piè diuinæ voluntati obsequentem interceptit. In administratione ABBATIÆ TINECENSIS, permansit annos duodecim. In Rosam eius stematicâ allusio

*Squalorem veteremq; ſitum Pstrokonivs alto
Altari abraſit iuſſit & eſſe nouum.*

*Aurea vaſa dedit, calices reparauiſt ab auro
Qui Roſeus fuit, en aureus eſſe volet.*



M A T T H I A S P O N I A T O W S K I,

Commendatarius IX.

A B B A S LXVII.



Vod olim Plato in partem felicitatis prudenter numerabat, *Rectè ſapere*: felices ac beatos prædicare ſolitus, quibus in vltimâ etiam ſenectute illud contigiffet: hoc ipſum PONIATOVIO à primâ ætate diuinitus conceſſum, in omni vitâ perpetuum fuit ac ſtabile. Verùm, ſacratiore & veriore religione imbuti homines, PONIATOVII felicitatem, non inde potiſſimum metiuntur, quod optimè ſenſerit, ſed quod ea ipſa, quæ Deo authore mature diſcerat, opère ac vita complexus ſit; nullamq; ætatis partem, perfectæ virtutis actionibus officiſq; expertem, traduxerit. Ex nobili & vetuſta, in Tetrarchia Siradienſi PONIATOVIORVM familia natus, ab egregia animi indole, multo etiam nobilior: ludicris puerorum ſtudijs, ſubductum infantix tempus, ſerio literarum cultui ſepoluit. Inde, vnâ cùm annis, prudentiæ quoq; adoleſcente progreſſu, legum patriarum cognitioni & peritiæ, ſtudium operamq; nauauit. Mox generoſis incitamentis ad heroica facta impellenti ſe Deo, & voluntati inclinanti propriæ, viamq; ad militarem palæſtram, Nobiliſſimi Polonæ conſuetam exercitationem, præmonſtranti, prom-

promptissimo animo est obsecutus. Hinc contra Moschum tumultuantem, & in prouincias atq; arces iuris Polonorum, infestis signis influentem, SIGISMVNDVM tertium Regem Poloniae, ad bellum proficiscentem, comitatus, grauioribus pro patria, & Regia Maiestate periculis, pectus suum offerre, & vel oppositu laterum suorum, si quid sacro intenderetur discriminis capiti, auertere non formidauit. Ab obitu verò SIGISMVNDI Regis, cum nouam fortunam sœdisfragus Moschus tentare ausus esset, & quâ armis, quâ exterorum præsidijs instructissimus, Smolensci deditionem vrgeret, vim & machinas vrbi & castro admoueret, VLADISLAVS quartus inter paucos fortunatissimus Regum, ne qua nomini Polono inureretur nota, citato gradu, neq; adeò magno (vt temporis arcta ferebat necessitas) comitatu, ad coercendam & castigandam hostis perfidiam abiit; quem secutus alacriter PANIATOVIVS, omnia armorum & periculorum incommoda, tam diu sustinuit, quamdiu contra hostem est dimicatum. Fuit verò illud præ cæteris, in PANIATOVIO eximium magnanimitatis experimentum, in hostico solo, alieno tempore, hieme summa, inimico & tempestuoso caelo, ad omnem aëris inclementiam obdurari, ventis & imbribus obluèti, extrateli iactum non esse, flammantes ab hostibus supernè immissos expectare globos, & in horas de vita & capite decertare. Hæc tamen tam graua, tam formidanda, hostis, caeli, atq; soli incommoda, vicit & perfregit; vt vitâ etiam & sanguine, pro salute patriæ velle se litare, clarissimè demonstrarit. Proinde, stetisse tum pro nobis belli fortunam: contra hostem, etiam de caelo fuisse dimicatum, castra eorum, armis, commeatu, milite instructissima, inusitatâ formidine compleri; admiratus esset: viditq; extractos e suis cauernis, illos olim Gyganteo fastu inflatos Sehinos, cum signis suis ad pedes Victoris Regis abiectos, libertatem & vitam, lacrymis obortis, sublati in cælum manibus, flagitare. Pacatis autem rebus Smolensci, cum aliquid respirandum esset, rursùm in Prussiam, ad furorem Sueci sedandum, VLADISLAVM itidem secutus, eadem insuperabilis animi exhibuit documenta: nihilq; planè accidisse poterat, vel in opere arduum, vel in bellis acerbum, quo non se promptè & hilariter, PANIATOVIVS pro salute carissimæ patriæ impenderet. Hac cunctem viâ, magniq;

itineribus ad immortalitatem, & ad decus nomini suo parandum contendentem, diuinæ bonitatis impulsus, aliò perduxit: ætate iam ac deuotione maturior, multis annis sonoras inter buccinas apud castra traductis, seruata tamen semper ab omni alienarum rerum cupiditate, innocentia animi, de repente sagum militare, Clericali permutauit toga: ac deinceps Cracouiensi Annistiti, PETRO GEMBICIO adhaesit, à quo ob eius virtutis famam, & præclaros pro republica susceptos labores, tum ob sanguinis coniunctionem, summo in honore est habitus. Hinc Decanatum Cracouiensem, vacantem tum per cessum fratris sui, eidem PONIATOVIO PETRVS contulit, & apud PSTROCONIVM ABBATIAE TINECENSIS Administratorem, effecit, quod PONIATOVIVS, ab eo in Coadiutorem ABBATIAE sit assumptus. Actandem CASIMIRVS Rex, sub tempus Sueticæ irruptionis, benè cognita erga se MATTHIAM PONIATOVII fide & obseruantia, eundem Regentem Cancellariae esse iussit, quo cum suis vsibus, reipublicæ commodis proximiorum haberet; neq; multò post, Referendarium Regni fecit, videndo hominem ad omnes ciuiles actiones idoneum, & omni honore dignissimum iudicando. Quod ille munus vti honorificum, ita multis difficultatibus semper implicatum, ea fide, diligentia & sollicitudine exercuit, vt nec labor, nec vigilantia, nec fidelitas maior, ab eo requirerentur vnquam. Ille solus nonnunquam res varias, & tum recenti bellorum turbine, distractas sustinebat, ille responsa, communes rationes, & publica negotia, eâ facilitate ingenij & iudicij grauitate, expediebat, vt ab omnibus vir optimus, & iustitiæ obseruantissimus, haberetur, neq; ad tantam actionum molem deportandam, vnius viri vires, atq; opes animi in se continere, à multis crederetur. Et PONIATOVIVS quidem, taliter in castris reipublicæ, in aula Regia, & in officijs regni versabatur, hæcq; erat actionum eius forma & modus viuendi. Cæterum in administratione TINECENSIS ABBATIAE quæ egerit, vel quæ agenda cogitauerit, paucis attingere libet. De obitu apud Vngaros PSTROCONII vbi cognouit, adscitum se olim ab eo in Coadiutorem, cum futura successione ad præfecturam eandem agnoscens, sui muneris partes esse reputauit, vt monastico regimini manus ad moueret. Quare Pastorem se, ac ducem Religiosorum circumspectens, ad onus

ad onus profectò laboriosissimum, & ad vitam superiore multo perfectiorem, non verò ad animi remissionem ac delicias, vel certè ad solos prouentus demetendos, vocatum se intellexit: cum quoq; omnes ingenij atq; industriæ neruos, in procuranda sui gregis salute & commodis, intendit. Ac quoniam Rectoris innocentia, atq; integritas, continendis in officio subditis, reuocandisue ad sobrietatem ac temperantiam, conducit plurimum: eximia probitatis opinionem (quà priuatæ vitæ integritate, *TINECENSIVM* animos imbuerat) clarioribus virtutum exemplis, maiorem in modum stabilivit. Ergo, animi ac morum candore singulari, eximia pietate, charitate benignissima præditus, omnes sui muneris partes ac numeros insigniter expleuit. Religiosos omnes, atq; Domini Tinecensis subditos & clientes, (quos filiorum loco paternâ beneuolentiâ complectebatur) humanitate, patrocínio, liberalitate perpetuo erexit ac fouit. Ac inter publicas functiones & curas, officij quod Monasticis rebus, virisq; debebat, retinentissimus fuit, accuratq; claustralium Moderatoris vigilantiam, cum perfecti Consiliarij regij, sollicitudine ac integritate, ad mortem usq; indefesso studio copulauit: se ipsâ testatus, quantopere obligationis suæ non immemor fuerit, & quam arduam & difficilem rem, regere animas Monasticam religionem professas, ætinauerit, quarum commodis & vlibus, vel inter assiduas grauissimi muneris occupationes, seruire non intermisit. Quo grauius ac damnabilius, delinquere quoddam administratores appareat, qui suscepti regiminis onus, nullius præterea publicæ procurationis laboribus impediti, remissè oscitanterq; curant, vel (quod adhuc dolendum magis) solis temporalium fructibus intenti, spiritalium nullam curam habent, neq; animas assè pluri faciunt, neq; Deo ludici, rationem quampiam de concredita sibi familia, aliquando reddendam esse, suspicantur. *PONTA TOVIS* trienniali spatio, quo *TINECENSEM* domum est moderatus, accuratâ legum Monachicarum custodiâ & ad mores sibi datâ imprudenti inspectione, Prælati vigilantis officium impleuit; beneficentiam autem in eo comprobauit, dum rem familiarem per Sæcos euersam, restituit, & auxit, ædificia Arcis, hostili sublata gne in parte curauit, subditis *ABBATIALIS* iuris, in publicis exactionibus & militaribus

statiuis, ære proprio iuuit; & præter hæc, multa ille **TINECIA** facere proposuerat, si fata permisissent. Quem annis iuxta ac laboribus fessum, occulta primo febricula pertentauit dies aliquot, ex quâ, viribus destitui se aduertens, postquam vltimæ voluntatis suæ optata consignauit proposita, in supremo spiritu constitutus, memor commendati sibi **TINECENSIS** domicilij, eiusdem sodalibus, quartam partem fructuum ad se iure pertinentem ipso, contulit ultionè: & dato vltimo mæstis adstantibus vale, pie in Domino decessit, Decimo sexto Kalendas Martij, anno à **CHRISTO** nato, 1660. Cum tres solum annos **TINECIA** præfuisse. In Sreniaua cruce signatam, familiæ **PONIATOVIO**VM tesserâ, votiuum carmen, viuenti adhuc, & primo anno regiminis, subeunti porticum Cænobij, à religiosâ communitate acclamatum dictumque.

*Aureus æthereis fluuius delabitur oris
Cruxq; salutare emicat inter aquas.
Aurea iam nobis cum flumine secula current
Deq; crucis signo defluet ipsa salus.*



**HIERONYMVS
LVBOMIRSKI,**

Commendatarius X.

A B B A S LXIIX.



ENERIS **LVBOMIRSCIANI** claritatem, qui perspectam non habeant, puto non multos in Polonia reperiri: eò minus laborandum mihi, ut Illustrissimæ Familiæ totam ab stirpe seriem reperam, & clarissimo rerum ab eâ gestarum soli, facces adij-

ees adijcere contendam. Quod tantum ad HIERONYMUM, Prælatus
TINECENSIS res pernoscendas necessarium videtur, hic memora-
bo. GEORGIUM SEBASTIANUM Comitem in Wisnicz & Iarostavv,
LVBOMIRSKI, Sacri Rom: Imp: Principem, Supremum,
Regni Poloniae Mareschalcum, & Exercituum Generalem Cam-
pi Ducem, Generalem Minoris Poloniae, Cracouiensem Chmielni-
centem, Nisinensem, Perestlauiensem, Casimirensem, & Olsinen-
sem Praefectum, HIERONYMVS Patrem habuit, Heroem nomine,
virtute, & exemplo maximum. Matrem verò Ligezanam ex illu-
stri pariter & antiquâ familiâ progenitam, fæminam illius aui fa-
cile principem, Eâ itaque natalium torce donatus, cum ad eos ata-
tis annos, qui primarum literarum capaces existunt, peruenisset,
priuato aliquamdiu magisterio institutus domi, publicis postea
Scholis est adhibitus: emensisque pro dignitate rei, & bonitate
ingenij, literarum politorum studijs, Praeceptorum sollicitudinem,
in se, vel literis vel probis moribus informando, industriâ ac indole
propriâ superauit. Cuius ingenio velificando sapientissimus Pa-
ter, adiunctis eo nomine grauius viris, ad exterar eundem Natio-
nes splendidè expedit. vbi is, magnorum Virorum consuetudi-
ne vtens, tantum moribus linguisque peregrinis, detulit, vt studia
politorum literarum, magno animo, fructuq; non dispari prosecu-
tus sit: ex quibus eam sacrae eruditionis copiam congescit, quæ lon-
gæuam deinceps vitam eius insigniter exornare, & complurium
Reipublicæ commodatum, esse possit instrumentum. Jam ve-
rò, anno CHRISTI 1660, fatis præcepto PONIATOVIO TI-
NECENSIS Monasterij administratore, TINECENSE regimen, Sere-
nissimo Rege instante, & Pontifice annuente, HIERONYMVS est
commendatum. Quem sublimem delatum ei in ipso ætatis flore ho-
norem, sincerâ animorum nostrorum, consensione gratulamur,
eamq; spem boni successus habemus, quod munus in se receptum,
cum dignitate Ordinis BENEDICTINI, & fructu TINECENSIVM
sit administraturus, ac expectationi de se conceptæ satisfactorus.
Quod profecto videtur polliceri, stirpis illius senatoriae læta indoles,
& animus ad magna natus, educatio accurata, bonitas ingenij, mores-
que placidissimi. quin hoc ipsum iam debemus fateri omnes, qui
cum nouimus intimus, talem illum ad gubernandum TINECENSE
Monaste.

Elogia Abbatum Tinecensium,

Monasterium attulisse animum, iudicium, auctoritatemque, ut
nullum ei Ecclesiasticæ vitæ ornamentum, diuino aspirante fauore,
breui defuturum, merito sperare possimus.

*Ad sublime vocat te, sanguine ductus auito,
Magnus Aui splendor, magnus honosque Patris.
Vindice te, nostris spes imminet optima rebus,
Nam patriæ vindex te Domus alta tulit.*

*Laudemus Viros gloriosos, & Parentes nostros in ge-
neratione suâ Eccl: 44.*



HISTO.

HISTORIAE
MONASTERII
TINECENSIS
LIBER. II.

In quo,

SCRIPTURÆ,

Priuilegia, & dispositionum
variarum in MONASTERIO TINE-
CENSIS factarum Notæ, Instrumen-
ta, & Tabulæ, ex Archiuo
eiusdem desumptæ,
continentur.

P R Æ F A T I O.

BVLLE Summorum Pontificum, Regum Diplomata, Conciliorum Decreta, Tabulæ Principum Virorum, & vetera monumenta literaria, sunt documenta & indicia præteriti æui, illiusq; antiquitatis superatæ certa vestigia, ex quibus vsum moremq; priscum fas est cuiq; faciliter coniecturare. Ad declarandam itaq; MONASTERII TINECENSIS, siue nobilem illam & excellentem gloriam, siue notabilem & variam mutationem, quam frequens temporum alteratio inuexit; ex Archivo Vetusso eiusdem Domûs, quasdam Chartas, è tenebris ad lumen reuoco, bonâ fide desumptas, vt ex ijs luculenter prudens aduertat lector, quales successus TINECENSIS MONASTERII fuerint, quibusue momentis & dispendijs, ab illo prioris dignitatis & eminentiæ fastigio declinavit, & quàm crebrò fors versabilis in rebus eius permutandis colluserit. Hoc verò Historiæ, cuiuscunq; officium proprium esse intelligo, vt rerum gestarum memoriam referat, exitus actionum & causas proponat, sitq; testis temporum, vitæ memoria, magistra veritatis. Quod totum liquidò ex subiectis Chartis colligere, de TINECENSI MONASTERIO quicunq; poterit; vbi quis status retroactis temporibus loci eiusdem fuerit, quid ætas parentum parturiuerit, quantas subierit TINECIA immutationes vel certè imminutiones, sexcentorum annorum intervallo, quibus Numinis beneficio à primâ sui origine perstat, ex inspectione membranarum istarum luculenter habetur.



S C R I -



SCRIPTURA I.

SVMMARIVM.

Anno 1105.

ÆGIDIVS TVSCVLANVS EPISCOPVS,

Calixti II. PP. per Poloniam Legatus.

1. *Assentiente BOLESŁAO KRYVOVS TO Duce Poloniae & Radost*
Episcopo Cracouiensi, Monasterio Tinecensi confirmat omnes tenutas & census.
2. *Duodecim marcas argenti, pro pana Homicidij facti a subditis soluendae Monasterio*
statuit.
3. *Villas 42. cum suis hominibus, & consuetis laboribus recenset.*
4. *In furto deprehensor, debere tres vrnas mellis Monasterio pro pana dare, determinat:*
5. *Tinecense Monast: esse omnino liberum docet, cuius iurium inuasores, ingressu Ecclesia*
arceat.

Ex Archiuio Tinecensi, Armariolo sub litera A. num: 2.




IN nomine Patris & Filij & Spiritus Sancti. Omnes fideles Christianos, qui DEI & proximi dilectionem habere noscuntur, Sanctam ac Venerabilem Christi Ecclesiam, fideli reuerentia concedet augere, & Monasteriorum quieti, summam cum deuotione, tam in temporalibus quam in spiritualibus prouidere. Ne Religiosorum virorum quies, aliqua interueniente controuersia disturbata, æternæ dulcedinis suauitatem degustare, & sanctæ deuotioni, (pro vt saluti eorum expedit) insistere nequeant. Qua propter ego ÆGIDIVS Tusculanus Episcopus, S. R. Ecclesiæ Cardinalis & D. Calixti PP. per Vngariam & Poloniam Legatus, Sanctæ Tinecensi Ecclesiæ. [consentiente Gloriosissimo Polonorum Duce Bolesłao, & filio Vladislao, & Episcopo Cracouiensi Radosto,] quicquid eadem Ecclesia, in prædijs, & foris, & tabernis, & macellis, & quod Polonico more, *pomoche* dicitur, siue omnem censum quali vel quocumq; modo vulgariter nuncupetur; 2. & Duodecim marcas argenti pro occiso homine soluendas, si in-

ter homines Ecclesiæ Tinecensis (quod absit) eueniret: quæ omnia eidem Ecclesiæ, à VLADISLAVO REGE, & IVDITHA REGINÀ concessa esse, præfatus Dux testabatur, & à se, & ab omnibus auis, præuicq; suis reuerenter custodita, Apostolica Authoritate, Decretali concessione firmamus, quicquid habet & tenet, vel futuro tempore iuste acquisierit. 3. Id est *Tinecensem* villam, cum transitu naturali, & vna taberna, secundà vltra fluium, cum voto Ducis, Duodecim marcarum argenti, & tribus poledris, singulis annis & omnibus ministris, [Curia Regis competentibus cum omni castellatura] ab omnium impedimento defensis, tam piscatoribus, lagenarijs, quam cocis & camerarijs, piscatoribus, & pecorarijs, & omni consistentiâ, munitis. Villam *Lantiki* cum adscripticijs. Villam *Kasow* cum adscripticijs. Villam *Czutom* cum smardonibus; sub vna circuitione *Woyow* cum piscatoribus, *Ninieć*, Priuit artifex lagenarum & doliorum. *Pradnik* cum vna taberna, cuius hæredes *Mars* & *Ratey* tres scotos soluentes: quæ villæ ab omni sunt pensione Ducis immunes. Duo macella in *Cracouia*. In *Sidzina* quatuor furouice, & duæ tabernæ, & *zamar*, de vna quaq; sartagine & *dedina*. *Horowice*. Villa. *Radzieszow* Villa cum mellificio & venatione. In *Bitom* targovve, duæ tabernæ. In *Sienior* nouum targovve, vna taberna, vnum macellum. *Stekleczy*, *Gruszow*. Ad magnum *salem*, quatuor targovve, & quatuor tabernæ, & petinæ & qualibet septimana tres alueos, & quantum *fredne*, & septem pro lignis. *Lapska* & cum *Koianow* & *sale* & seruo *Zulit*, & fratribus eius. Regina *Iuditha* contulit Tinecensi Ecclesiæ *Xiegnice* cum taberna, & seruis *Sokol* & filijs eius, *Nedamir*, & *Milu*, *Zylza*. In *Dolány* camerarij *Moris*, *Tuor*, *Petrus* cognominatus *Zrobadlo*, *Damian* in littore *Vislæ*. Camerarij in *Kargow*, *Sulek* piscator. In *Powozon*, *Zera* cum fratribus. *Tuchon* heredes *Medvvet*, *Rzech*, *Mich*, *Woian*. *Zdánouice* villa, *Pozrogis*, *Misley*, *Brzestryk*, *Paleta*. *Vnochowice* villa, *Vnoch*, *Graza*, *Carbella*, *Zbos*, *Chorela*. *Bezdechowice* villa, *Vnik*, *Gostenta*. *Smepetnice* villa, *Novvomyśl*. *Chrochowice* villa, *Grod*, *Warga*, *Zulod*, *Młodós*, *Wisetrop*. *Siebnia* villa, *Graza*, *Gnievvan*, *Deborzyn* villa, *Reueza*, *Mloka*, *Dobrosta*. *Similno* villa, *Serokina*, *Negrod*. *Pomezow* villa, *Neguz*, *Wewvoz*, *Rodesa*. *Ceciorowice* villa, *Gnievvoni*, & *Granzonis*, *Matchina*, *Vnemyśl*, *Zdyvvi*. *Tarnowek*, *Pilzno*, *Myksofowice*, *Zdebudzy*, *Neroda*, *Nedosa*, *Reposh*. *Lube*. *Okulice*. *Fabry* in *Dunáiecz*, *Dominæ* *Iudith* homines, *Radesa*, *Nemoy*, *Zduta*, *Radek*. *Vnesfik* villa, *Zdymier*, *Drogota*, *Zydes*, *Lesteka*, *Tesslora*, *Vfuzel*. *Zobálíce* villa, *Miley*, *Stron*, *Bota*. *Kleczy* villa, *Stroy*, *Pivvona*, *Krasika*, *Vnes*, *Krafek*, *Negan*, *Zglon*. *Brestek* villa, *Banc*, *Rados*. Hi omnes homines, cum Villis in *Kneznic* pertinentes, Ecclesiæ Tinecensi tributum, & stozam, cum *Pomocne*, soluunt; Curiam sepiunt *Dominorum* suorum cum plantis, in longitudine octo vlnarum; Duas Domos quolibet anno faciunt quatuordecim vlnarum; quilibet ipsorum quinq; capetia metere, & ad horreum deducere, & quilibet quinq; currus seni falcare, & adducere singulis annis tenetur; currus in Tineciam ducere quoties.

quotiescunq; opus fuerit, Decimas triturare, & ad claustrum deducere, quolibet anno tenetur; quatuor diebus omni anno arare, & erpicare, vbi vicinior Curia fuerit; item de qualibet Curia quolibet anno, Vrna mellis, & quatuor asperio-
li, Monasterio supra dicto cedent de ipsis hominibus. 4. Et si quis ipsorum in furto deprehensus fuerit, tres urnas mellis pro pœna soluet, si in pœna sex marcarum manserit, urnam mellis soluet. Statio prima Abbati apud ipsos, Secunda Præposito, Tertia Tribuno, Quarta Tributario. Item, quicquid eisdem præcipitur, laborant. Opatovviec, quod REX BOLESŁAVS, cum foro & taberna & transitu nauali, & voto Duodecim marcarum singulis annis, & duabus tabernis in Vislica, Ecclesiæ Tinecensi contulit, cum hominibus Rak, Chrost, Branto, Duran. Harum Villarum Decimas & omnium quæ à religiosis viris collatae sunt, rogatu Ducis BOLESŁAI, Radoſtus Episcopus eidem Ecclesiæ contulit. 5. Tinecense vero Cænobium omni modo liberum esse Apostolica Autoritate decernimus, saluo tamen honore & reuerentia Cracouiensis Ecclesiæ, ac Domini Radoſti, suorumq; successorum: scilicet vt nullus Dux, Episcopus, Marchio, Comes, Vice Comes, nulla persona magna vel parua, Ecclesiam Tinecensem moleſtare, vel de prædijs & decimis Ecclesiæ aliquid subtrahere præsumat. Quisquis autem huius nostræ paginæ violator extiterit, vel de Ecclesiæ rebus, aliquo conamine quidpiam auferre voluerit, à liminibus Sanctæ Ecclesiæ, & omnium Christianorum fidelium consortio separatus, ac viuifico Corpore & Sanguine Domini Nostri IESV CHRISTI segregatus, iram omnipotentis DEI, & maledictionem Sanctorum omnium incurrat, & sit anathema, maranata, & cum Iuda traditore in die iudicii portionem accipiat. Qui verò custodierit, & DEI Ecclesiam non moleſtauerit, benedictio quam promisit DEVS diligentibus se, in eum descendat, & cum fidelibus omnibus vitam æternam possideat. Amen. Acta sunt hæc, Anno Incarnationis Domini, Millesimo Centesimo Quinto, Indictione XIII. Epacta III.

sub BOLESŁAO Duce, in Ciuitate Cracouiensi, annuente ipso Duce & Episcopo Radoſto, coram his testibus, Scarbimiro, Woyſlao, Poſligo, Andrea Sulek cum filio Martino, Brandota, Dungos.



S C R I P T V R A II.

S V M M A R I V M.

Anno 1220. Mai, ii.


H O N O R I V S PP. III.

T*inecense Monasterium in Protectionem sedis Apostolica suscipit, & à benefactoribus collata ei bona, confirmat.*

Habetur in Archiu: Tinet: sub litera C. num: 2.



HONORIVS Episcopus servus servorum DEI. Dilectis filiis Abbati & Conuentui Monasterij de Tincia, salutem & Apostolicam benedictionem. Sacrosancta Romana Ecclesia deuotos & humiles filios, ex assuetæ pietatis officio, propensius diligere consuevit, & ne prauorum hominum molestijs agitentur, eos tanquam pia mater suæ protectionis munimine confouere. Eapropter dilecti in Domino filij, vestris iustis postulationibus, grato concurrentes assensu, personas & Monasterium vestrum de Tincia, cum omnibus bonis quæ in præsentì tempore rationabiliter possidet, aut in futurum, iustis modis, præstante Domino poterit adipisci, sub Beati PETRI & nostram protectionem suscipimus, specialiter autem prædia, & alia bona tam à Principibus, quàm ab alijs Christi fidelibus piâ vobis liberalitate concessa, sicut ea omnia iustè ac pacificè possideris, vobis & per vos, eidem Monasterio autoritate Apostolica confirmamus. & præsentis scripti patrocinio comunimus. Nulli ergo omnino hominum liceat, hanc paginam nostræ protectionis, & confirmationis infringere, vel ei ausu temerario contraire. Siquis autem hoc attentare præsumpserit indignationem Omnipotentis DEI, & Beatorum PETRI & PAULI Apostolorum eius, se noverit incursurum. Datum Viterbij, V. Idus Maij, Pontificatus nostri anno quarto.



S C R I.

S C R I P T V R A III.

S V M M A R I V M.

Anno 1229. Maij, 26.

G R E G O R I V S. PP. IX.

1. *Monasterium Tinecense protectione Sedis Apostolica communit, utq; in eo perpetuū temporibus institutum Regula S. BENEDICTI obseruetur, statuit.*
2. *Octoginta duas villas in specie enumerat, Censūs & Decimas ex diuersis oppidū & villū proprio nomine expressis recenset, Capellas Canobio subiectas describit, nauia, fora, tabernas, macella, Canobio seruientia confirmat.*
3. *Decimas ex Nonalibus in hereditate Canobij consurgentes, eidem Canobio transcribit.*
4. *Clericos & laicos, Tinecia recipi posse in Monachos, docet.*
5. *Monachos Tinecenses sine licentia Abbatiū alibi teneri non posse edicit.*
6. *Interdicto generali in Prouincia posito, Diuina celebrari posse Tinecia, declarat.*
7. *Sepulturam cuiq; volenti liberam in Ecclesia Tinecensi concedit.*
8. *Abbatem Tineensem, vnanimi Fratrum voto, secundū Regulam S. BENEDICTI eligendum esse, & non aliter ordinat.*
9. *Gratias & libertates Ordini Benedictino, à Romanis Pontificibus concessas Tinecensi Monasterio communicat.*
10. *Iniquos bonorum Monasterij detentores, vel alios temerarios vexatores, tertio commo-nitos si non desistant, vel ablata, non reddant, excommunicat.*

Habetur in Archiu Tinec: sub lit: A. num: 1.



REGORIUS seruus seruorum DEI. Dilectis filijs LUTFRIDO Abbati Monasterij Tinecensis, fratribus cū præsētibz quā futuris, Regularem vitam professis, in perpetuam rei memoriā Religiosā vitam eligentibus, Apostolicū conuenit adesse præsidiū, ne fortē cuiuslibet temeritatis incursum, aut eos à proposito reuocet, aut robur (quod absit) sacrae Religionis infringat. Eapropter dilecti in Domino filij, vestris iustis postulationibus clementer annuimus, & Monasteriū S. PETRI de Tincia, in quo Diuino estis mancipati obsequio, sub Beati PETRI & nostra protectione suscipimus, & præsēntis scripti priuilegio communimus. I. Inprimis siquidem statuentes, vt Ordo Monasticus, qui secundum DEVM & Beati BENEDICTI Regulam in eodem loco institutus est.

esse dignoscitur, perpetuis ibidem temporibus inuiolabiliter obseruetur. Præterea, quascunq; possessiones, quæcunq; bona, idem Monasterium impræsentiarum iuste ac canonicè possider, aut in futurum concessione Pontificum, largitione Regum vel Principum, oblatione fidelium, seu alijs iustis modis, præstante Domino poterit adipisci, firma vobis vestrisq; successoribus & illibata permaneant in quibus hæc proprijs duximus exprimenda vocabulis. 2. Locum ipsum in quo præfatum Monasterium situm est, cum omnibus pertinentijs suis, & de Rutki, de Kalsovv, de Culovv, de Woykovvo, de Prædnik, de Chorovvicè, de Radeffovv, de Steklec, de Grusovv, de Lapczyca, de Kneznicy, de Podolan, de Čargovv, de Pouezovv, de Tuchovv, de Zdanovvice, de Vnechovvice, de Bezdechovvice, de Cvvetpnice, de Crochovvice, de Sebna, de Deboryn, de Smilno, de Povvocovvo de Cekouice, de Tarnovvo, de Pilzno, de Myslošovv, de Lube, de Vkolice, de Dunaiesz, de Vnesice, de Cobalice, de Kledyti, de Brestek, de Opatovviec, de littore Vislæ camerariorum, de Biden, de Lantkovvice, de Bycyna, de Grodec, de Czundenka, de Luezany, de Stradovvo, & de Goreslauice, villas, cum Ecclesijs, hominibus, decimis, mellificijs, tabernis, venationibus, iuribus, piscationibus, tributis, Stroza, pomocne, krovvne, & cum omnibus alijs pertinentijs earundem. Villas etiam de Dubrovna, de Orechouo, de Skavva, de Czernichouo, de Woslovvice, de Ceteiouice, de Pisary, de Grodesovv, de Wilkovvice, de Babice, de Villa antiqua, & de villa noua, de Opatkovvic ad magnum sal, de Balice, de Sulistreiouo, de Maceiouo, de Suetice, de Trudnouice, de Chrustonouice, de Bozanovvo, de Podluze, de Grodina, de Petrkouice, de Vruty, de Petrkouo, de Igomolia, de Chmielinet, de Charuino, de Sulislauice, & de Woycehouo, cum decimis & alijs pertinentijs omnibus earundem. Ecclesiam quoq; de magno sale, & Cellam S. LAURENTII ante Kalisz, cum omnibus pertinentijs suis, & S. NICOLAI, & S. GEORGII Cracouiæ Capellas cum pertinentijs suis. Decimas villarum, de Orloua, Dubroua, Chodebandz, Serlicko, Wirzbica, Zablocie, Sukouo, Ostrava, Lanchaty & Golkouice; ac decimas de sortibus in Kozle pertinentibus ad Castellaturam de Raciborz, circa Rybnik, quas Venerabilis frater noster LAURENTIVS Vratislaviensis Episcopus, de assensu Capituli sui, Monasterio vestro piâ liberalitate concessit, prout in literis inde confectis plenius continetur. Decimam de Sucovv, & decimam duorum Mielec, annum redditum duodecim marcarum argenti & trium poledrorum, à quodam BOLES LAO Duce Poloniæ vobis concessum; naualem transitum fluminis Vislæ iuxta vestrum Monasterium, libertatem quam claræ memoriæ BOLES LAVS REX Poloniæ, & IVDITH REGINA vxoreius vestri Monasterij Fundatores concesserunt villis & hominibus vestris: duo macella in Cracouia, redditus salis quos habetis in villis de Sidzina, & de magno sale: duas tabernas & ius fori in Bytom; in Sievvior nouum forum, vnum macellum, & vnam tabernam in Lapczyca liberum forum & tabernam: vsum venandi in Wisloka & Besada Opatovva; torum insuper, tabernam & transitum naualem in Opatovviec, & duas tabernas in Villi-

in Vislicia; vsum quoque flumij qui skavina vocatur, tam in piscationibus quam etiam in castoribus, cum pratis, vineis, terris, nemoribus, viuagijs & pascuis, in basso & in plano, in aquis & molendinis, in vijs & semitis & omnibus alijs libertatibus & immunitatibus suis. 3. Sane Noualium vestrorum quæ proprijs manibus aut sumptibus colitis & de vestrorum animalium nutrimentis, nullus à vobis decimas exigere vel extorquere præsumat. 4. Liceat quoq; vobis Clericos, vel laicos liberos & absolutos, è seculo fugientes, ad conuersionem recipere, & eos absq; contradictione aliqua retinere. 5. Prohibemus insuper, vt nulli fratrum vestrorum postfactam in Monasterio vestro professionem, fas sit sine Abbatibus sui licentia, nisi arctioris Religionis obtentu, de eodem loco discedere, discedentem verò absque communi literarum vestrarum cautione, nullus audeat retinere. 6. Cum autem generale Interdictum terræ fuerit, liceat vobis clausis ianuis, exclusis excommunicatis & interdictis, non pulsatis campanis, suppressâ voce diuina officia celebrare. Chrisma verò, oleum sacrum, consecrationes altarium, seu basilicarum, ordinationes Clericorum qui ad Sacros Ordines fuerint promouendi, à Diocesano suscipietis Episcopo, siquidem Catholicus fuerit, & communionem sacrosanctæ Romanæ sedis habuerit, & ea vobis voluerit sine prauitate qualibet exhibere. Ad hæc nouas & indebitas exactiones ab Archiepiscopis, Episcopis, Archidiaconis, Decanis, alijsque omnibus Ecclesiasticis secularibusue personis, à vobis omnino fieri inhihemus. 7. Sepulturam quoque ipsius loci liberam esse decernimus, vt eorum deuotioni & extremæ voluntati qui se illic sepeliri deliberauerint (nisi fortè excommunicati vel interdicti sint, aut publici vlturarij) nullus obstat: saluâ tamen iustitia illarum Ecclesiarum, à quibus mortuorum corpora assumuntur. Decimas præterea & possessiones ad ius Ecclesiarum vestrarum spectantes quæ à laicis detinentur, redimendi & legitime liberandi de manibus eorum, & ad Ecclesias ad quas pertinent reuocandi, libera sit vobis de nostra autoritate facultas. 8. Obeunte verò te nunc eiusdem loci Abbate, vel tuorum quolibet successorum, nullus ibi qualibet subreptionis astutia seu violentia præponatur, nisi quem Fratres vnanimi consensu, vel fratrum maior pars consilij sanioris, secundum DEVM & Beati Benedicti Regulam prouiderint eligendum. Paci quoq; & tranquillitati vestræ paterna in posterum solitudine prouidere volentes, auctoritate Apostolica prohibemus, vt infra clauturas locorum seu grangiarum vestrarum, nullus rapinam seu furtum facere, ignem apponere, sanguinem fundere, hominem temerè capere vel interficere, seu violentiam audeat exercere. Præterea omnes libertates & immunitates à prædecessoribus nostris Romanis Pontificibus Ordini vestro concessas, nec non & libertates & exemptiones secularium exactionû à Regibus & Principibus vel alijs fidelibus rationabiliter vobis indultas, auctoritate Apostolica confirmamus & præsentis scripti priuilegio communimus. Decernimus ergo vt nulli omnino hominum liceat præfatum Monasterium temerè perturbare, aut eius possessiones auferre vel ablatas retinere, minuire, seu quibuslibet vexationib; fatigare, sed omnia integra conseruentur eorû, pro quorû gubernatione &

sustentatione concessa sunt vñibus omnimodis profutura: salua sedis Apostolicæ auctoritate & Diæcesani Episcopi Canonica iustitia & in prædictis Decimis moderatione Concilij Generalis. Si qua igitur in futurum Ecclesiastica seculariue persona, hanc nostræ constitutionis paginam sciens contra eam temere venire tentauerit, secundo teritiõe commonita, nisi reatum suum congrua satisfactione correxerit, potestatis honorisque sui dignitate careat, reamq; se Diuino existere iudicio de perpetrata iniquitate cognoscat, & à sacratissimo Corpore ac Sanguine DEI & Domini Redemptoris nostri IESV CHRISTI aliena fiat, atq; in extremo examine districtæ vitioni subiaceat. Cunctis autem, eidem loco sua iura seruantibus, sit pax Domini nostri IESV CHRISTI, quatenus & hic fructum bonæ actionis percipiant, & apud districtum Iudicem præmia æternæ pacis inueniant. Amen.

Ego Gregorius Catholica Ecclesiæ Episcopus.

Ego Thomas tit: S. Sabinæ Presb: Cardin:

Ego Bartholomæus tit: S. Pudentianæ Presb: Card.

Ego Sigenbaldus tit: S. Laurent in Lucina Presb: Card.

Ego Stephanus S. MARIE trans Tiber: tit: S. Calix Presb: Card.

Ego Ortho SS. Sergij & Bachi Diaconus Card.


Ego Romanus S. MARIE in Cosmedin Diacon Card.

Ego Ægidius SS. Cosmæ & Damiani Diacon Card.

Ego Petrus S. Georgij ad velum aureum Diac: Card.

Ego Reginaldus S. Eustachij Diaconus Card.

Datum Perusij, per manum M. Martini S. R. E. Vice Cancellarij, VII. Kal: Iunij, Indictione II. Incarnationis Dominicæ Anno M. CC. XXIX. Pontificatus verò D. Gregorij PP. Noni, Anno tertio.



S C R I P T V R A IV.

S V M M A R I V M.

IOANNES DLVGOSVS Maior CANONICVS GRACO:



Emporis. anteaçti non ignobilis scriptor, HISTORIÆ POLONÆ. Tom: I. lib: 3 in CASIMIRO I. de Monasterio Tinecensi hæc habet. Et licet Monasterium Tinecense centum & amplius villis à CASIMIRO Primo Polonorum Rege fuerit dotatum, in quadraginta tamen villis, tunc eidem à primario suo Fundatore Ca-

re CASIMIRO REGE donatis, nequitia & auaritia humana, negligentia in-
super Præsidum diminutum fuit.

Idem Dlugosus circa Annum Domini 1448. rogatu & amica inuitatione Illustrissimi
Heroti Sbignei Olesnicij Cardinalis & Episcopi Cracouiensis, Inuentarios Ecclesiarum tam
secularium quam Regularium intra Diocesim Cracouiensem consistentium scripsit, qui
Tinicensis Monasterij iura, Priuilegia, redditus & cetera ad illud pertinentia, speciali Tra-
ctatu pertexens, sub finem descriptionis, singulare Perergon habet, sub hoc titulo.

Villæ quas Monasterium TINECENSE habet in
Priuilegijs Summorum Pontificum descriptas,
& non habet illas in possessione. &
consequenter ponit.

*Woykowo, Pentkow, Chorowice, Nieprzesna, Gniowice cum suis pertinentijs, Szcz-
klec, Kieszkowice, Grusow, Podolany, Rudno.*

*Szemychow villa, habens Parochialem Ecclesiam, cuius proprietates ad Mona-
sterium Tinicense de iure pertinet, quam Spytek de Melsztyn, Palatinus Craco-
uiensis de Domo Lelivva, per vim abstulit, & à Monasterio Tinicensi alienauit,
& parum superuiuens in bello per Alexandrum Witoudum Litvvanæ Magnum
Ducem contra Tartaros circa fluuium Worzkla acto, Anno Domini M. cxcviii.
interfectus, iustoq; Dei iudicio amisit propria, qui occupauerat aliena.*

*Vnehouice, Strzegoszyce, Bezdziechowice, Lankorz, Cziepetnik alias Sniepetnica, Sze-
bnie, Grocholice, Thurza, Schebnia, Ciekline.*

*Dambrowna; vtraque, & tertia Dambrowna, Notandum quod Albertus
Tinicensis Abbas & Conuentus, Anno Domini 1287. Idus Maij, cum
Paulo Episcopo Capituloq; Cracouiensi fecerunt commutationem Decima-
rum: & receptis ab Episcopo & Capitulo Cracouiensi Duabus Decimis ma-
nipularibus, in vtraq; Lencze, villis videlicet in terra Zatorienfi & in
castellanatu Cracouiensi, sub Parochia de Radziszovvka vvola, & in villâ Zorzovv
sub Parochia de Skavvina, etiam in terra Zatorienfi, sitis; & pro decimis Nouali-
um in Syluis Monasterij per quoscunque excolendorum, dederunt Episcopo
Cracouiensi Decimas manipulares in villis videlicet triplici Dabrovvna prope
Lelovv sitis, quæ tum ad proprietatem Monasterij Tinicensis pertinebant: item
Decimas manipulares in villis Byczyna in Castellanatu de Chranovv, & Gorella-
vvice, de Castellanatu Wislicienfi sitis, quas etiam villas *Byczyna & Goreslavice*
& earum proprietatem quam tunc Abbas & Conuentus Tinicensis habebant, præ-
fato Episcopo Paulo, & sub Episcopatu Cracouiensi, donatione perpetua dona-*

runt & resignarunt, de quo, in Monasterio Tineensi habetur ipsius Pauli Episcopi & Capituli Cracouiensis Privilegium

Olpiny, Smilno, Czchow, Pomoczno, Stroze, Bezdechowice, Tarnowek, Pilsno, Myslofowice.

Wolowice, villa sub Parochia de Czerniechow sita, cuius proprietates olim pertinebat ad Monasterium Tineense, sed cambita est & data Monasterio in Zvierzyniec Sanctimonialium Ordinis Præmonstratensis pleno iure, & cum scultetia in Kolbark, pro villa *Liszki*, quam etiam nunc tenet pleno iure Monasterium Tineense.

Dunaiecz. Czobalice. Byden.

Lanskouice, villa sub Parochia de Wirzbica in terra Teshinensi propè Ostravam oppidum.

Byczyna villa sub Parochia de Slavkov sita, cuius proprietates etiam nunc ad Episcopatum Cracouiensem pertinet, vnà cum Decima manipulari. Quam Alb rtus Abbas & Conuentus Tineensis, similiter & villam Goreslavice in Vilicienii castellanatu sitam, cum Decima quoque, cum essent ambæ de eorum proprietate; pro decimis in vtraq; Lencze & Zorzovv, tunc mensæ Episcopalis, Anno Domini 1287. & pro Decimis Notarii in quâ in sylvis Monasterij Tineensis per quoscunq; excoluntur confurgentibus, commutarunt cum Paulo Episcopo Cracouiensi de consensu Capituli sui.

Czyndenka. Stradowo. Orzechowo. Czeteiowice.

Pisary, hæc villa iam in rerum natura esse desisse, quoniam in agris eius, & Duplicis Babice videlicet Nouæ & Antiquæ locatum est oppidum Skavvina, & agri earum in Aduocatum & in Plebanum & in oppidanos Skauinenses distributi.

Babyce Duplex Noua & Antiqua hæc vt dixi sunt depositæ, & agri earum distributi in Aduocatum, Plebanum, & oppidanos Skauinenses.

Magnum sal alias *Wieliczka. Grodzeshowo. Balyce. Szulistrzeiowo. Macieiowo. Trodnouice. Grusczonouice. Podlancze. Grodzina. Piotrkowa. Igotomia. Chelmiec. Carniow. Szulislauice. Woczechowo* cum Decimis,

Ecclesia de magno sale.

Ecclesia S. ANDRÆ ante Cracouiam, hæc dudum à proprietate & possessione Monasterij Tineensis alienata est, & creatum est ex ea Monasterium insignis Ordinis S. CLARÆ in quo circiter sexaginta Virgines, Castitatem & Regulam S. FRANCISCI professæ, inhabitant.

Ecclesia S. NICOLAI ante Cracouiam, hæc sub regimine, Matthiæ Abbatiss, & de eius totiusq; Conuentus Tineensis consensu, à proprietate & iure patronatus Monasterij Tineensis, Anno Domini 1400. abstracta est, &

Vniuersitati Cracouiensis studij perpetuò incorporata, regitq; illam vnus ex Doctoribus, per alios Doctores & Magistrós, vacatione occurrente, presentatus.

DECIMÆ & ALII PROVENTVS,

Ad Monasterium TINECENSE olim spectantes.

Ex Authentico Libro Beneficiorum Diacefis Cracouiensis.

Ortowa.

Pilzno, oppidum Regium. In quo lanci, & quilibet soluit pro Decima Monasterio Tinecensi per latos grossos; Summa, sex marca & quatuordecim grossi cum medio, latorum grossorum.

Dambrowa.

Szlotowa villa sub Parochia de N. sita, in qua sunt lanci, & quilibet soluit Monasterio Tinecensi pro Decima Lat. gros. Summa, quatuor marca cum media lator. grossor.

Szulacow.

Zheronice. villa sub Parochia de N. sita, in qua sunt lanci cmetonales & quilibet soluit Monasterio Tinecensi pro Decima lat: gros. Summa tres marca lator, grassor, & nouem grossi lati.

Wirzbica.

Strzegoczyc alias *Strzygoczyc* villa sub Parochia de N. sita, cuius heres &c. in qua sunt lanci cmetonales, & de omnibus soluitur & conducitur Decima manipularis & canapalis pro Monast: Tinecensi, præter vnum campum de quo cedit pro Episcopatu Cracouiensi. item taberna, item prædium.

Zablocie.

Moszczany villa sub Parochia de Zagorzany sita, cuius heres &c. in qua sunt lanci, & quilibet soluit Decimam pecuniam pro Monasterio Tinecensi.

Zirkowo.

Plawna villa sub Parochia de N. sita, in qua sunt lanci cmetonales & quilibet soluit pro Decima grossos, summa octo grossi & vna marca communis pecunie

Ostrawa.

Thurza villa, in qua sunt lanci cmetonales, & quilibet soluit pro Decima Monasterio Tinecensi latos grossos, summa, vna Sexagena latorum grossorum.

Lancbath.

Bogunowice Villa sub Parochia de N. sita, in qua sunt lanci cmetonales, & quilibet soluit pro Decima Monasterio Tinecensi latos grossos, summa, vna marca, & decem scoti latorum grossorum.

Golezowice.

Swianczany villa habens in se Ecclesiam Parochialem, cuius hæres Spytek Melsztynski, in qua sunt lanci cmetonales, & quilibet soluit pro Decima Monasterio.

Privilegia Monasterij Tinec:

sterio Tinecensi, summa, vna marca, minus medio quarto grosso communis pecuniæ Decimæ de sortibus in *Kozle*, pertinentibus ad Castellaturam de Racibor circa Rybnik, quas Laurentius Episcopus Vratislaviensis de consensu Capituli sui pia liberalitate Monasterio Tinecensi perpetuo donauit, prout in suis literis latius continetur.

Ospiny. villa sub Parochia de *Svvienczany*, cuius heres *Spytek Melsztynski*, in qua sunt lanei cmetonales, & quilibet soluit pro Decima Monasterio Tinecensi latos grossos, Summa, duæ markæ latorum grossorum.

Zukow.

Krzyz villa sub Parochia de N. sita. in qua sunt lanei, & quilibet soluit Monasterio Tinecensi pro Decima, summa, Vna marca communis pecuniæ:

Mielec duarum villarum.

Duodecim Marcarum Argenti, & trium poledrorum, Annuus reditus, per *Boleslaum Ducem Poloniae*, Monasterio Tinecensi concessus. sed is census seu reditus dudum abstractus & abolitus est.

Naulum in *Vista* iuxta Monasterium Tinecense quod claræ memoriæ *Poloniae Rex Boleslaus & Iudith Regina* Monasterio concesserunt.

In *Cracouia* duo macella.

In *Sidzina* reditus salis.

In magno sale, duæ tabernæ, & quadraginta markæ argenti vsualis, & quadraginta modij salis per *Zuparios* soluebantur: & *Lescio Dux Cracou: Sendomin: & Siradien:* Anno 1288. confirmauerat suis literis, quas habet monasterium.

Donationem vero harum 40. marcarum, & salis, fecerat *Conradus Dux Cracouien: & Lenciciensis Luitfrido Abbati* anno 1242.

In *Bitom* ius fori, sed hactenus non habet, quia dudum abstractum est.

In *Sievvior* nouum forum, vnum macellum, vna taberna, omnia à præfato Monasterio alienata sunt.

In *Lapczyca* liberum forum & taberna, sed *Bochnensis* oppido fundato, perierunt propter vicinitatem.

In *Vistoka* & *Bela* & *Opatouia* vsus venandi.

In *Opatovviec* naulum in *Vista*, forum & taberna. item naulum in fluuio *Dunaiecz* & *Vista*, vbi sibi inuicem miscentur.

In *Wislica* oppido regio, duæ tabernæ quæ hodie non habentur.

Vsus fluuij *Skauina* in piscationibus & castoribus.

Jaworze, villa sub Parochia de N. sita, in qua sunt lanei cmetonales & quilibet soluit Monasterio Tinecensi latos grossos.

Iurczyce, villa sub Parochia de N. sita in terra *Zatoriensi*, cuius hæres *Petrus Iurczycki*, in qua sunt lanei cmetonales sex, de quibus soluitur & conducitur Decima manipularis pro Monasterio Tinecensi. Iam vero notandum est, quod

quod Anno Domini 1625. R. D. Ioannes zerzynski Canonicus & Officialis generalis Cracouiensis excommunicarat Dorotheam Przerebska possessricem villa Turczyce propter retentam Decimam Conuentui Tinecensi, & iure compulsa pro retentis, florenos 64. dederat, pro futuris vero annis ratione Decima post araturas cmetonum quotannis daturam se ad vita sua tempora Marcas Decem submisit. videatur contractus in Actis Monasterij.

Polianka, in terra Zatorienfi sub Parochia de N. sita, cuius hæres Petrus Turczycki de domo & familia &c. in qua sunt lanei cmetonales, & quilibet soluit pro Decima Monasterio Tinecensi per Decem grossos communes.

Lincze Primum, villa in terra Zatorienfi sub Parochia de Wolia Radziczowska, in qua sunt lanei de quibus soluitur Decima manipularis.

Lincze secundum, villa de qua soluitur Decima manipularis Tinecensi Monasterio.

Mnykow, villa sub Parochia de Morawvica sita, cuius hæres Martians Frykacz de domo Accipitrum, in qua sunt lanei cmetonales, item taberna, item hortulanæ, de quibus omnibus soluebatur olim Decima manipularis Ecclesiæ in Morawvica, sed Abbas Tinecensis Andreas Ozga de domo Ravvicz, acquisiuit eam iure ordinario de laneis qui iacent post fluuium.

Siercza villa, de ea in libro Beneficiorum lege copiosius: De qua ex Actis Terrestribus Cracouiensibus id quoque noueris.

Obligatio Conuentui Tinecensi, Censui Annuo per tres Marcas in perpetuum in bonis vil-
lae Siercza. Nobili Nicolaus de Siercza, tres marcas censui latorum grossorum Pragensium, monete Polonicae consueta singulis annis continuis euntibus ad quodlibet festum S. MARTINI de eadem hereditate Siercza, Venerabili Domino Stanislao Abbati & Conuentui ipsius de Tin-
cia in perpetuum obligauit se soluturum. Actum Cracouie feria secunda proxima ante festum
S. GREGORII. Termini sunt continuati & alij positi in quinque septimanis, videlicet
Feria secunda in crastino Sanctæ TRINITATIS Anno Domini 1434.

Klecze, villa Monasterij Tinecensis habens in se Parochialem Ecclesiam S. LEONARDI, matricem illius, quæ est in Brzostek, & vtraq; vnum habet Plebanum. In quâ sunt quatuor lanei cmetonales, in eâ parte, in quâ sita est Ecclesia, ex quibus soluitur Decima pecunialis pro Monasterio Tinecensi, estq; ibi vna Taberna eiusdem Monasterij, habens agros & soluens censum Monasterio. In alterâ parte villæ Klecze, sunt duo prædia militaria Czurylonum, de armis.

Korczaki: sunt etiam ibi cmetones, ad prædictos milites pertinentes, & tam milites, quam cmetones eorum, decimant Ecclesiæ in Klecze. Sed

hanc partem, Anno Domini 1370. mortuo CASIMIRO II Poloniae

REGIS, præfati milites, & eorum parentes, violenter Monasterio abstulerunt, & detinent iniuste occupantq;.

S C R I P T U R A V.

S V M M A R I V M.

Anno 1242.

C O N R A D V S D U X.

Alueum salis ex fodini Velicensis, pro singulis angarijs Tinecensi Monasterio confert, cum ea obligatione ut cereum perpetuo in Ecclesia Tinecensi ardeat, & Religiosi eiusdem loci Anniversarium pro anima Zenomilli filij eius absoluant, atq; diebus singulis unam Missam Defunctorum perpetui temporibus legant.

Habetur in Archiu. sub lit: I. num: 15.

Rex magnus & terribilis, cuius venti imperio obediunt atq; mare, disposuit pia miseratione, quod omnes stabimus ante tribunal ipsius, recepturi prout in corpore gesserimus siue bonum fuerit siue malum & ideo oportet nos diem iudicii extremæ, misericordie ope ius præuenire, ac æterno um contemplatione, seminare in terris, quod reddente Domino cum fructu multiplicato colligere debeamus in cælis, si mam spem fiduciamq; habentes, quod qui par est seminat, parces & metes, & qui seminat in benedictionibus, de benedictionibus metes vitam æternam. Et quamvis bonorum nostrorum non egeat Deitatis plenitudo, necesse est tamen, ut de his quæ nobis pro tempore sunt concessa, Diuinæ Maiestati ob remedium animarum nostrarum aliquid impertiri, cum ille pro nobis tradiderit semetipsum hostiam Deo in suauitatis orem. Eapropter Nos Conradus Dux Cracouiæ & Lanciciæ, vniuersis Christi fidelibus præsens scriptum inspecturis duximus elucidandum, quod in remissionem peccatorum nostrorum, ac ob remedium & redemptionem animæ carissimi filij nostri Zenomilli, & nostrorum Parentum qui nos præcedentes diem clauserunt extremum, ac totius nostræ posteritatis, Ecclesiæ Tinecensi contulimus alueum salis ad magnum sal, vulgariter Zodia nuncupatum, cuius pensionem angarijs, Cracouienses olim percipiebant. Stantes cum Honorabili Patre Abbate Ludfrido & Conuentu Tinecensi, ut de prædicti alvei pensione, Ecclesia Tinecensis cereo competenti per singulos annos, diebus ac noctibus, omnibus horis ac momentis, illuminetur sine omni intermissione. In quolibet vero Anniversario iam dicti filij nostri, præfatus Abbas, & tota

& tota Fratrum & Sororum Congregatio, ad hoc se & suos successores deuotè perpetuò obligarunt, quod in omni Annuiuersario singulis annis, in ipsorum Monasterio quotquot fuerint Sacerdotes, Missas pro Defunctis celebrabunt, Diaconi autem & Subdiaconi & omnes alij in inferioribus ordinibus constituti, nec non & Moniales omnes quæ fuerint literis imbutæ, apud omnium Conditorem remedium supradictorum animabus implorantes, Psalteria legendo transcurrent. Hoc excepto, quod in quolibet die per singulos annos vna Missa dicetur pro Defunctis in Ecclesia Tinecensi, in qua Filij nostri prædicti memoria principaliter debet haberi. Refectionem etiam in Annuiuersario, Fratres & sorores facient cæteris, in signum memoriæ, notabiliorem & solenniorem, pauperesq; pascent iuxta modum suæ possibilitatis. Vt autem Fratres & Sorores Domûs sæpèdictæ excitentur maiori deuotione ad hæc exequenda, eis donauimus captionem castorum per omnes possessiones, quæcunq; sunt ex causa donationis, exemptionis, seu commutationis Ecclesiæ Tinecensi conquestæ. adiicientes, quod in hac venatione nullus omnino eos ausu temerario aut aliquo impedimento molestare præsumat, sed ita liberè venentur, prout Ducis Castorarij primitus securè venabantur. Verùm quia memoria humanæ fragilitatis scrupulo obliuionis, & senij maturitate citissimè exterminatur, ideo necesse est ea quæ legitimis actibus celebrantur, scripti intitulatione totaliter memoriæ commendari, ne in posterum peruersorum credulitate in dubium reuocentur, præsentem paginam vt nulla possit tergiversatione violari, filiorum nostrorum Boleslai Malouia, Casimiri Cuiavia, Ducum; Semouiti nostri filij iunioris, nec non & filij nostri Boleslai Ducis Sendomiriæ gratuito consensu ad hoc accedente, munimine nostrorum sigillorum, decreuimus roborari; præcipientes nostræ posteritati, quatenus hanc donationem inuiolabiliter studeant obseruare. Si quis autem eam in aliquo voluerit perturbare, Diuinæ animaduersionis incurrat maledictionem. Ad maiorem verò rei euidentiam, testes fecimus subnotari, quorum nomina sunt hæc. Comes Mistud Castellani: Cracou: Bogussa Palatin: Lencicien. Sudo Palatin: Sendom. Sbi-slaus Castellani: Spicimirien. Vlodimirus frater eius, Deslaus filius Pred-uogij, Florianus Tribunus Cracou: Vomanger Thesaurarius, Alexius Subcancellarius, Fulco Præpositus de Grodziec &c. Datum in Tinec, in die Diuisionis Sanctorum Apostolorum, Idus Iulij, per manum Cancellarij Volimiri, Anno gratiæ M. CC. XLII.

SCRIPTURA VI.

SUMMARIUM.

Anno 1250.

VLADISLAVS DVX OSVECIMEN: &c.

Paterno amore in filium suum Vlodimirum Monachum Tinecie factum permotus, Monasterio Villam Laczany cum omnibus attinentijs donat; simulq; eius latifundia & limites definit. Præterea Decimam partem prouentuum ex Riczow perpetuo iure confert, liberamq; in sylua concedit incisionem, & Ducalia onera in Radzieszon & Zórzow indulget.

Habetur membran. in Archiu. sub litera R. num: I.



Nnomine Domini Amen. Præclara & magnifica Principum firmavit autoritas, vt omnia & singula rerum, gesta; hominum, quæcunq; aguntur in tempore, ne simul volubilitate temporum accrescente, pereant cum tempore, vigore perpetuæ firmitatis gaudere cupientes, literarum apicibus, paginarum testimonio & appensione sigillorum fulciantur. Hinc est, quod Nos VLADISLAVS Dei gratia Dux Osuecimensis notum facimus omnibus & singulis tam præsentibus quam futuris præsentium notitiâ habituris; Paternæ pietatis seruire moti, filiali; zelo amoris fauciari, atq; mercedem æternæ retributionis consequi cupientes, Nostro filio tum dilecto VLODIMIRO Religioso Ordinis Sancti BENEDICTI de Tinecia iam professo, villam nostram super ripam Viñæ iacentem Laczany dictam, damus appropriamus & incorporamus. Rdo. Pri. Dño. Danieli Abbati Tinecensi cum suo Conuentu habendam, possidentem vtifruendam æternè & in æuum, cum omni iure superiori & inferiori, ac dominio Ducali prout soli tenuimus, nihil pro nobis penitus & nostris successoribus iuris aut dominij reseruantes: & cum omnibus syluis, rubetis, nemoribus, pratis, pascuis, piscinis, piscinulis, stagnis, aquis currentibus & non currentibus, censibus, obuentionibus, dationibus, laboribus, seruitijs omnibus, & singulis vñibus, fructibus, & quibuscunq; vtilitatibus alijs. Et quia iam nominata villa, pariter & insimul cum cæteris circumadiacentibus villis nostris, videlicet Riczow, Polovvie, nobis ex antiquo laborabant, & seruiebant indiuisim, atq; vno eodemq; iure fruebantur ex antiquo, vnde ad vitandam & fugiendam occasionem omnem iurgiorum, altercationum, & controuersiarum, seu quarumcunq; aliarum inestationum quæ sæpius inter homines

mines & præsertim cmetones in vicinitate residentes oriri solent, decernimus & mandamus, atq; iussimus, præfata bona seu hæreditatem Łaczany sic nuncupatam, à cæteris villis Ducatus nostri & dominiorum subditorum nostrorum omnium & singulorum, præfata villæ circumquaq; adiacentium limitibus granicierum, scopulorum atq; signorum communiri & pacificari atq; disungi: incipiendo à superiori parte currentis fluij Viślæ, super cuius ripam mandauimus facere scopulum primum, in quo salicem plantare instituimus? à quo eodem primo & principali scopulo, nec ad dexteram nec ad sinistram declinando itur vsq; ad torrentem, vulgariter *Strumien* qui de Riczovv fluit, iuxta ostensionem & apparentiam signi vulgariter *ciofna*, à præfato verò torrente rectè eundo non hinc inde declinando, vsq; ad angulum Ministerialis nostri in Polovvsie qui vocatur *Lopuse*, per cuius medium transeundo recto tramite vsq; ad fluuiolum qui dicitur *Czarnina* stagnum novum in sinistra habendo ad vndecim passus, vocatur *Kraczaion*; à *Czarnina* similiter eundo versus *Chrastovvice* vsq; ad trans. tracturam alias *za prezentoka* vsq; ad eandem Viślæ ripam ad quercum qui vocatur *Michałovv Dob* in quo vltimum & finale signum alias *ciofno* factum est. Tandem in præfatis villis videlicet Riczovv & in Polovvsie, ob maiorem dilectionem & memoriã spiritualis eiusdem filij nostri Vlodimiri, superius tacto Dno Abbati & Conuentui successoribusque eorum, conferimus, donamus, Decimam partem omnium censuum, prouentuum, quibuscunq; nominibus censeantur, ad nos pertinentium; & in sylvis liberam secaturam lignorum, & roborum ad ædificandum quantum necesse fuerit; Nos interim & successores nostros, nec non incolas in præfatis villis pro tempore existentes ad soluendum ea, sub Censuris Ecclesiasticis, & æternæ damnationis, submittimus & obligamus. Item etiam Villas nostras, videlicet *Wola*, *Radziezovv*, & *Zorzovv* iacentes in confinijs Ducatus nostri, eidem Abbati, suo cum Conuentu damus & incorporamus similiter, sicut & Łaczany, cum pleno iure superiori & inferiori, nihil omnino excipiendo aut reseruando pro nobis & posteris nostris in æternum. Datum in Osuiecim, ipso die

Sanctissimæ TRINITATIS, Anno Domini M. cc. l. in præsentia Præclarissimi Ianussij Ratiboriensis, Ducis fratris germani nostri, ad hoc specialiter vocati & rogati, & aliorum multorum fide dignorum. In quorum omnium testimonium, Ducalis Maiestatis nostræ sigillū duximus compositenter fieri appendendum.

S C R I P T V R A VII:

S V M M A R I V M.

Anno 1258. Mai, 21.

BOLESŁAVS PVDICVS DVX CRACOV:

Abbati & Monasterio Tinetensi pro terra in qua nunc Clepardia constructa est, dat vicissim iure perpetuo partem silue Tinecia adiacenti, & terram vacantem circa Brzostek & clausuram in fluuio Visla, & Villam Gosturm.

Ex Archiu: Tinecen: Armar: sub signo W.



IN nomine Domini Amen. Bona fide contractus celebratus inter homines mortales, ideo ad memoriam perpetuam redigitur in scriptis, ne ea quæ facta sunt per concordiam quasi dato libello repudiij, per discordiam iterato valeant suscitari. Nos igitur Boleslaus Dei gratia Dux Cracouiæ & Sendomiriæ, præfens instrumentum inspecturis notum facimus, quod Domino Bolesborio Abbati Tinecensi & Cœnobio eiusdem loci, pro cōmutatione terræ quæ circa Ecclesiam Beati Floriani eidem Monasterio pertinebat, quam Civitati Cracouiensi & hospitibus loci prædicti adiunximus, donauimus partem boræ contiguam possessionibus claustrimemorati, quam partem per Ioannem Militem nostrum heredem de Lipno certis terminis distinximus. Insuper dedimus terram quandam vacantem in villa quæ dicitur Brzostek, quæ Castellaturæ de Woynic pertinebat; & clausuram super Vislam, cum villa quæ Gosturm nuncupatur, liberè & omni contradictione non obstante. Et hæc omnia contulimus iure hæreditario possidenda, in recompensationem terræ supradictæ: Saluo etiam iure Molendini & tabernæ, quæ ab antiquo in Cracouia Domus iam dicta possedit. Ut igitur in præmissis nulla dubietas posteris oriatur, ista sigilli nostri autoritate communiuimus, præsentibus testimonium laturis, quorum ista sunt nomina, Dominus Fulco Cancellarius, Sulez quondam Castellanus Vislicienlis, Dobeslaus Castellanus de Chranovv, Ianussius Camerarius Ducissæ, Slava pincerna de Sarnovv, Albertus subagazo.

Sendomirien: Sobeslaus Canonicus Sendomirien: Ecclesiæ, Albertus,

Iuo, Capellani Curie. Datum in Zavvichost per manum Tuardoslai

subcancellarij, Anno Domini M. cc. LVIII. XII. Kal. Iunij.

(Locus + Sigilli.)

S C R I

S C R I P T V R A V I I I .

S V M M A R I V M .

Anno 1268.

V L A D I S L A V S D U X O P O L I E N S I S .

Villas & prouentus ac immunitates per anteriores Duces concessas Monasterio Orto-
uensi Ordinis S. BENEDICTI confirmat in solidum: & hoc ipsum Monasterium sub-
mittit Abbatis Tinecensis iurisdictioni, quoad visitationem, Abbatis electionem, Fra-
trumq; ibi degentium omnimodam dispositionem.

Ex Moniment: ad Abbat: Orto: spectantib: desump.

IN nomine Domini Amen. Quoniam ea quæ acquirun-
tur in tempore, intempore pariter elabuntur; Canonica sancit authoritas,
vt acta mortalium, scriptorū seu testium assertione communita, apud po-
steros robur & vigorem obtineant firmitatis. Hinc est, quod Nos Vla-
dislaus Dei gratia Dux Opoliensis, notum facimus tam præsentibus quam futuris,
præiens scriptum inspecturis, vota, quæ sine prauitate ritè ac prouide per no-
stros prædecessores piæ recordationis sunt facta, in donatione Capellæ de Orlovia
& villarum, cum omnibus suis pertinentijs ac vtilitatibus, nec non libertatibus
earundem, rata habentes ac beneuolè acceptantes: Fratribus Ordinis S. BEN-
EDICTI, secundum suorum continentiam priuilegiorum a nostris Prædecessoribus
eisdem concessorum, fauorabiliter duximus innouanda. Videlicet, Sal-
per totum, cum Dobrowa & pratis omnibus, Chotebanz, Wirzbica,
Zablocie, ad salem tabernam totaliter, ac in tribus villis Szutovvo,
Sierliczko, Ostravva, & infra scriptis villis, quicquid fuerit siue in
Curia Ducis, siue ubicunq; non alio, nisi ad prædictam Ecclesiam omne
iuramentum pertinebit. Item vt nullus audeat de omnibus villis eidem Ecclesiæ
pertinentibus, aliquem hominem citare ad aliquod castrum, nisi coram
Duce, vel fratribusdicti Ordinis ibidem manentibus: & quicquid super ipsorum
homines Dux iudicauerit vel ipsi, siue trecentas, siue sex marcas, siue duodecim, siue
etiam quinquaginta, cum toto pomocne, piscatoribus & venatoribus, supradicti
Fratres iurè & perpetualiter obtinebunt. Volumus insuper ob salutem animæ
nostræ, nostrorumq; peccatorum remissionem pietatis fructum amplificare, quod
si aliquam expeditionem in Ducatu nostro vel extra fieri contingat, præfati Ab-

Privilegia Monasterij Tinec:

bas & Fratres eiusdem Ecclesiæ, ab omni turbatione, datione, contributione, re-
 leuamine & seruitio sint liberi, & perpetuis temporibus exempti. Abbas verò di-
 ctæ Ecclesiæ Orlouiensis, in omnibus iuribus & libertatibus Ecclesiæ, eodem
 iure fructur in Ducatu Opoliensi, quo & Pater Abbas Tinecensis cum Ecclesia
 sua gaudet in Ducatu Crâcouiensi. Item quod in Natiuitate Beatissimæ Virgi-
 nis, annis singulis, quicumq; hominum siue domesticorum siue etiam aliorum,
 ad eandem Ecclesiam causa deuotionis, vel mercimonij, vel cuiuspiam rei vene-
 rint, triginta dies plenâ gaudeant libertate, nec aliqua vexatione seu
 comprehensione valeant impediri. Ad hæc etiam, alias libertates eidem Eccle-
 siæ, & Fratribus dicti Ordinis per nostros, prædecessores concessas, fideliter &
 deuotè adimplere cupientes, pro nobis & nostris posteris in perpetuum confir-
 mamus. ea tamen conditione apposita, quod Abbas Tinecensis, cum sui con-
 sensu Capituli & successoribus se nobis & nostris posteris infallibiliter obligabit,
 Abbatem & Conuentum sui Ordinis ponere in Orliua clauistro honesto & Con-
 uentui apto, vbi eidem Abbati & Fratribus collocandum videbitur, secundum
 quod exigit Ordo ipsorum & Monastica disciplina. Ipse autem Pater Tinecen-
 sis quicumq; fuerit, visitandi, corrigendi excessus, alienandi & assignandi Fratres,
 constituendi & confirmandi electum Abbatem de Tinecia vel de ipsa domo, seu
 etiam electum cassandi, plenam habebit potestatem tam in capite quam in
 membris. Et vt supra his, nulla de cætero quæstio oriatur, vel ambiguitas emer-
 gat, præsentem literas Sigillo nostro duximus roborandas. Datum in Czêladz Anno
 Domini M. CC. LXIIX. Pridie Idus Iunij. Præsentibus his domicellis, Miesco-
 ne, Casimiro, Boleslao, & Præmyslao, ac Comite Mroczkone Palatino, nec non Notario
 nostro Gothardo: Comitibus quoq; alijs, Ioanne Iudice, Sulcone Castellano de
 Chranovv, Simone de Srinava, & Fratribus Hermanno & Otthone
 Fratribus etiam Lectoribus Paulo & Socio eius Damiano de
 Ordine Fratrum Prædicatorum, & alijs quam pluri-
 mis fide dignis. (Locus & Sigilli.) Per
 manus Gothardi Not: Curiz Ducalis.



SCRI-

SCRIPTURA IX.

SUMMARIUM.

Anno 1286.

LESCO NIGER DVX CRACOV:

1. Forum iudicandi causas hominum intra Dominium Tinecense consistentium, Abbati confirmat, simulq; ius venandi seras.
2. Iure perpetuo donat Monasterio onera Regalia, exactiones indulget, ciuitates sub Iure Teutonico erigi permittit, libertatibus priuilegiat, & potestatem Iudiciariam ab eis exerceri vult.
3. Scultetos esse iudices ordinarios in bonis Monasterij; & supremum causarum Iudicem Abbatem esse declarat.
4. Terminos quarundam villarum definit, & subditos ab arcensibus laboribus absoluit.

Habetur membran: in Archiv: sub litera A. n. 6.

IN nomine Domini Amen. Quoniam secundum DEI liberalitatem, bono operi dux mercedes debentur, vna æternalis, alia temporalis. Hinc est quod Nos LESCO DEI gratia, Dux Cracouiæ Sandomiriæ, & Siradiæ, notum facimus tam præsentibus quàm futuris, 1. Priuilegia Antecessorum Nostrorum vidisse, quæ Abbas Domus Tinecensis habet, iudicare in hominibus suis ascripticijs vel liberis, causas subsequentes, *Mech, Kig, Sedmnadeste, Pednadeste, Glowa, Zaglowa, Secgrüen, Chansba, Nestane, & Trifla*, etiamsi per ipsos Antecessores nostros aliquis sit constitutus, vel etiam causa aliqua ducta sit ad ipsorum curiæ cognitionem iudicij & examen, nullus alter quam dicti Cænobij Abbas solutionem recipiet pro se, & nullus Baro, vel Officialis cuiuscunque sit dignitatis. Insuper in eisdem Priuilegijs vidimus, dictum Abbatem ius habere venandi omnes feras in hereditatibus iuis. 2. Nos verò vt ipsorum vestigia (vti deuotus filius Ecclesiæ) imitemur, ob salutem animæ nostræ & etiam parentum nostrorum, hanc nostram gratiam decreuimus faciendam perpetuò, videlicet quod in villis ipsius Abbatis indulgemus, *vaccam, ouem, Stan: Strozam*, quod pro nobis recipi dignoscebatur. Item, de speciali nostra gratia, quamcunq; *Ponotane*, vel qualiscunque Exactio per nos vel posteros nostros in terra ponetur, dictus Abbas in villis suis recipiet pro se. Etiam de speciali nostra gratia damus eidem Abbati, vbicunq; voluerit in bonis suis castra, ciuitates, villas.

villas, Iure Teutonico locare, damus sibi & successoribus suis plenam & liberam facultatem, eximentes ipsos homines qui locati fuerint, ab omnibus pensionibus, exactionibus, & etiam ab omnibus suris Polonici consuetudinibus, nobis seu Baronibus nostris cuiuscunq; dignitatis fuerint, reseruatis: ita vt in foro earundem ciuitatum, seu villarum, macella, tabernas, cameras vel menfas vbi panis venditur, & calciparias, liberè concedimus construendi. Causas quoq; potestate sui iudicij ciues, nec non & villani, leues & arduas iudicabunt, reos criminis & maledicos, qui reperti fuerint, pro qualitate cuiuslibet nominis culpæ debite puniendo.

3. Addimus etiam quod incolæ ipsarum locationum, ad nullum iudicem, vel qualemcunq; officialem nostræ Terræ, citari debent, vel coram ipsis respondere, nisi ad suum Scultetum. Similiter in villis Polonicalibus homines ascripticij vel liberi, ad nullius præsentiam debent citari, nisi Abbatis; excepta Hereditaria quæstione pro qua non aliter citabuntur nisi per Literam nostro Sigillo sigillatam.

4. Quarum Villarum nomina, licet non omnium proprijs vocabulis duximus exprimenda, videlicet *Tincia* in qua Monasterium situm est, *Opatkowice, Sldzina, Gólikowice, Bukowe, Radziechow, Pekary, Ponozonicy, Czernichow, Łaczany, Wozniki*: ex villæ cum omnibus circumiacentibus syluis, mellificijs, venationibus, piscatorijs, pratis, pascuis & nemoribus pertinent ad Abbatem & Monasterium Tinecense. Gades vero *Tincia* ex vna parte *Vistæ* vsq; in *Rudno*, & alia parte in *Scauinam* & *Scauincam* vsq; ad metam *Vngariæ* procedunt: gades vero *Łaczany* incipient à *Vistâ* & vsq; ad *Scauam* extenduntur. Absoluimus etiam dictarum villarum cmetones, ab ædificatione omnium castrorum & ciuitatum, excepto castro *Cracouiensi*. In cuius rei testimonium & perpetuam memoriam, ne malorum hominum suggestione, nostra donatio postmodum à successoribus nostris valeat violari, præsentem paginam sigilli nostri munimine duximus roborandam. Anno Domini 1286. præsentibus his *Sulcone Castellano Cracouiensi, Comite Suantoslao Castellano Vissiciensi, Comite Laurentio Iudice Cracouiensi, Comite Nicolao Succamerario, Nicolao subiudice, & Domino Procopio Cancellario nostro*



S C R I

S C R I P T U R A X.

S V M M A R I V M.

Anno 1287.

PAVLVS PRZEMANKOVIVS EPISC: CRAC:

Cum Abbate & Conuentu Tinacensi commutationem Decimarum se fecisse testatur: scilicet pro Decima Lincensi & Zorzouensi quas Canobio cessit, accepit a Conuentu Duas villas iure hereditario cum Decimis similiter, preterea ex alijs tribus villis itidem Tinacensium, Decimas manipulares. in rem Episcopi vtilissima permutatio, sed damnosa Monachis.

Habetur in Archiv: sub litera N. num: 2.



Nomine Domini Amen. Cum obliuio per successum, gestorum excludat memoriam, solers hominum prouidentia, quæ futuros exitus rerum metitur, sua gesta scripti tenore, perenni memorie recommendat, vt ipsa corporis oculus per chartæ speculum mentis oculo repræsentet. Pröinde tam præsens ætas nouerit quàm futura, quod Nos Paulus Dei gratia Episcopus, totumq; Capitulum Ecclesiæ Cracouiensis, Religiosi Viri D. Alberti Abbatis Tinacensis nec non Canonici Cracouiensis, Matthiæ Prioris, Chrisani Præpositi, Ioannis Cancellarij, totiusq; Conuentus Fratrum & Monachorum Canobij prædicti precibus inclinati, propter eorum commodum & vtilitatem, talem facimus cum eisdem commutationem & donationem irrevocabiliter, merè & spontè. Tradimus eis Decimas de his villis sitis in Castellatura Cracouiensi, scilicet in Lencze & in Zorzow cum earundem adjacentijs & adjacentibus araturis, prout mensæ Episcopi Cracouiensis decimabant seu poterant decimare, eis & eorum Canobio sine vlla diminutione perpetuò possidendas: adijcientes & addentes dicto iure & permutatione perpetua eis, omnes Decimas in eorum omnibus syluis, post omnimodam araturam, quæ in eorum syluis de terra per quoscunq; excoletur & per quæcunque fuerit extirpari seu poterit extirpari de nouo. Ipsi autem D. Abbas vna cum Fratribus suis, mensæ nostræ Episcopali pro iam dictis Decimis, quæ eis plus commodæ existunt, donauerunt dicta permutatione iureq; præfato has Decimas, videlicet de Dubrowno tribus eorum villis quæ iacent prope Lelow, & de Byczyna hereditate ipsorum iacente in Castellatura

SCRIPTURA XIII.

SUMMARIUM.

Anno 1311.

VLADISLAVS ŁOKTICVS REX POLON:

Cum diuersis bellis distinetur, Cracouiensis Magistratus Urbem Boleslao Duci Opoliensi tradidit, cuius prasidiarios ex Vrbe Lokticus facile eiecit, auctores vero defectionis boni sui priuauit. Ex villis quoque hereditarijs Monasterij Tinecensis, iuste rebelles proscriptis, siquidem bona Domus Tinecensis à Regibus collata, Regum protectionis & dispositioni subsunt, nec possunt ijs inuitis insitijue alienari cuiquam.

Habetur in Archiu: sub litera O. num: 1.



N nomine Domini Amen. Iustitia est, ius vnicuique quod suum est tribuens, ingratos obedientia puniendo, bene meritos vero beneficijs perpetuis multipliciter premiando. Ideo Nos VLADISLAVS Dei gratia, Cracouia, Sendomiria, Siradia, Lancicia, Cuiauiarq; Dux, ad notitiam, memoriam, & testimonium perpetuum, omnium presentium & futurorum volumus deuenire: quod propter demerita, publica periuria, traditiones, prodiciones, commissiones criminis laesa Maiestatis, quas ciues ciuitatis nostrae Cracouiensis nefandissime in Nos haeredes suos, ac gentem Polonicam atrociter perpetrarunt, tradentes Ciuitatem dictam Principibus peregrinis, euellendo & exterminando nos suos veros & legitimos Dominos & haeredes, & maxime Zurdmanus de Pisary, Kaszow & Smierdzaca; Ioannes de Radeszovv & Wola; Iacobus & Pacoldus de Koianovv & Pradnik, de Kryvva, Dubrovva Sculteris Heinza de Naczer, & alij suos in Pradnik mansos habentes; Henricus Aduocatus Cracouiensis in Wilkovv, & omnes alij quicunq; habent bona mobilia & immobilia à Monasterio Tinecensi: Eisdem iustitia exigente, de maturo consilio nostrorum Baronum & haeredum ipsorum, Nomine Domini inuocato, omnibus possessionibus, praedijs, iuribus, redditibus, sculterijs, priuilegijs libertatibus, gratijs, confirmationibus, donationibus, bonis emptitijs & quocunq; titulo acquisitis à quocunq; , à nobis nostrisque praedecessoribus sub quacunq; forma verborum; & specialiter à Monasterio, Abbatibus & Conuentu Tinecensi, praedictis, Ordinis S. BENEDICTI Diocesis Cracouiensis: ex nunc sententialiter & perpetuo exui-

mus,

mus, priuamus, nudamus, & pronuntiamus publicè, fore priuatos & nullius momenti, propter dicta scelera existere penitus vel vigoris: & reducimus dicta bona plenè & integrè, ad ius & proprietatem cum omni iure & Dominio ad Monasterium & Conuentum Tinecensem: excludimus prædictos scultetos, & hæredes ipsorum à dictis bonis, & omni actione & accessu pronuntiando inhabiles, peruiros, & perfidos nunc & semper: & facimus Monasterium & Conuentum scultetiarum, bonorum, & omnium iurium ipsorum veros Dominos & Hæredes. Quicunq; autem venerit contra præsens nostrum Priuilegium, & quotiescunque, Duas Marcas Auri nobis pro pæna, & tertiam Monasterio dicto soluat & soluere teneatur, Priuilegio nihilominus semper in suo robore permanente. Actum apud Doblicz in castris, Anno Domini Mccexi in die Beati Thomæ Apostoli. præsentibus fidelibus nostris Voytecho Palatino, Prandota Castellano, Smilone Iudice,

Sudone Dapifero, Paulo Thesaurario, Dobeslao Agazone, Sendomiriensibus,

Ioanne de Brzesko Castellano, Floriano Succamerario Cracouiensibus.

Derscone dicto Celma de Lonina, Ioanne de Czechovv Castellano, & alijs pluribus fide dignis ad hoc rogatis & specialiter

vocatis. In cuius rei testimonium, Scripto præsentì,

nostrum sigillum fecimus appendi. Datum per

manus Sdeslai Præpositi Beati FLORIANI,

& nostri Subcancellarij Cracouiensis.



SCRIPTURA XIV.

SUMMARIUM.

Anno 1320.

VLADISLAUS ŁOKTICVS REX POLON:

Concordiam inter Abbatem Tinecensem & Iacobum Succamerarium Sendomiriensem, dimissionis Castri Goleß & villarum quarundam Monasterij per vim à Iacobo possessarum occasione factam, suo Diplomate ratificat, adiuncta vadio, in defectu non partitionis promisso, per fideiussores omnino exoluendo.

Habetur in Archiuo Tinecen: sub litera K. num: 7.

In no-

Privilegia Monasterij Tinec:

4. Villas Cœnobij nonnullas specificat, in quarum possessione non sumus modo.
 5. Incolis novis qui se de recenti locauerint in hereditate Cœnobij, libertatem ad certos annos indulget.

Habetur in Archiv: sub litera L. num: 1.



Nomine Domini Amen. Cum secundum Divinam auctoritatem, omni operi bono, duæ mercedes debentur, vna temporalis & alia æternalis. Nostri Prædecessores, sicut Excellentissimæ memoriæ Rex Boleslaus extitit, & Iudith Regina, nec non illustis memoriæ Dux Boleslaus Patruus noster, & alij quam plures; Monasterium Tinecense pia deuotione ac sincera charitate sunt vtroq; brachio dilectionis amplexati; quod ex eo patet, quoniam multis gratiarum beneficijs, libertatumq; munificentijs idem Cœnobium dotauerunt & sublimauerunt: veluti ex Privilegijs dictorum sæpius visis patet manifestè, quibus non modicè idem Cœnobium extitit roboratum. Quorum vestigia Nos LESCO DEI gratia Dux Cracouiæ Sendomiriæ & Siradiæ, studiosè vt concedet & salubriter prosequentes, cum omnia ritè ac laudabiliter fecerint, nec non etiam Statuta & Donationes (maximè quæ pijs locis sunt datæ ac donatæ) eorum ampliare potius quam diminuere volentes: insuper nostrarum desolationem terrarum, [quæ gladio inimicorum Crucis, sunt desolatæ nostris exigentibus peccatis, & inconcussa lignonibus & aratris, sanguineq; innocuo contaminatæ iacent incultæ,] alijs hominibus & agricolis replere, nec non reformare cupientes, vt rursus Catholica Ecclesia & Christianus populus succrescat, ac succedat in DEI laudem, nostrumq; seruitium ac vtilitatem, Abbati & Fratribus Monasterij Tinecensis qui inibi habitant, in vinea Domini Sabaoth laborantes, cui nos specialiter tenemur providere & prodesse, cum simus eius verus hæres & specialis Dominus, hanc nostram gratiam decreuimus faciendam; videlicet, 1. Quod in bonis & possessionibus ipsorum, villas infra nominatas habitas, vel in territorijs, eorum habendas, in campis, agris, syluis locandi, aquas quoq; in vsum proprios conuertendi, ciuitates etiam vbi visum fuerit extruendi, iure Teutonico, plenam liberam damus & concedimus facultatem: quibus scilicet ciuitatibus macella, tabernas, cameras ad pannum, mensas panis, & calciparias, focum argenti examinandi causa, & cætera sine quibus ciuitas non potest stare: Villis autem singulis, vnam tabernam, & vnum macellum damus, licentiam extruendi, eximendos ab omnibus pensionibus, seruitijs, solutionibus, consuetudinibusq; iuris Polonici, nobis seu Castellanis vel Palatinis aut quolibuscunq; officijs de iure vel de facto spectantibus. 2. Insuper addimus quod incolæ quicunq; locati fuerint in villis præfati monasterij, aut Ciuitatibus præsentibus, sicuti est Opatovviec, & futuris adhuc locandis, nec ad Castellannum aliquem aut Palatinum vel qualemcunq;

cunq; Officialem nostrum citari debent, siue coram ipsis respondere, nisi ad suum Scultetum. Ad Nos autem non aliter citabuntur, nisi per literam nostro sigillo communitam, in causa tantummodo, quam Scultetus non potest definire: qui tamen scultetus coram nobis vel nostris Iudicibus, suos villanos vel Cives suo iure iudicabit: sed Sculteti coram nobis, iure Teutonico respondebunt. Et cum tota ciuitas vel villa vniuersaliter citata fuerit proprijs nominibus hominum suppressis, tunc tantummodo duo cives Seniores seu villani cum suo Sculteto coram nobis compareant suo iure responsuri; quicumq; autem nominati fuerint in citatione, debent comparere. 3. Pœnas verò condemnationum paruas & magnas nihil excipiendo, Abbas præfati Monasterij recipiat & conuertat in sui Monasterij utilitatem. Ipsi verò Sculteti causas potestate sui iudicij leues & arduas iudicent, reos criminis & maledicos qui intra eorum metas reperti fuerint, p. o qualitate cuiuslibet noxiæ culpæ debitè puniendo. 4. Quorum igitur nomina locorum & villarum licet non omnium proprijs vocabulis duximus in præfati declaratione, quæ quidem sunt. Grodziec, Czulow, Radeszow cum suis pertinentijs, Pentkow, Bukow, Wilga, Golikowice, Sierca, Bozanow, Lapczyca, cum Koianow, Nepresna, Wilkow in Castellano Cracouiensi, Xiaznice cum suis pertinentijs, Vkolice, Petrkowice cum Vruty, Opatowiec in Castellano Wislicienfi, Rudno, Tuchow, Birowka, Siedlisce, Babinowice, Gromnik, Cieszkowice, Polanka, Siemichow, Cchow, Pilzno, Strzegoczyce, Deborzyno, Kamiénica, Brzostek, Kleczy, Viazd, Kraiowice, Lancorz, Warzyce, Siebnie, in Castellano Voyniciensi, Vnesco, Ceklino, Swepetnica, Olpiny, Stroze, Bezdechowice, Turza, Zborowice in Castellano Dobycyensi. 5. Quicumq; verò locati fuerint vel incolæ, super hæreditariis nominatis, à primo die locationis triginta annis super syluis, duodecim annis super mericis vel quæretis, octo annis super campis gaudeant omnimoda libertate. Si quis autem hanc nostram & condignam donationem infringere ausu temerario voluerit, nobis pro pœna vnâ marcâ auri, Castellano, Palatino, Iudici Cracouiensibus, vnâ marcâ argenti persolvere teneatur. Vt igitur hæc illibata & inuiolata perpetuòq; permaneant, præfatus scriptum præfato Monasterio traditum nostri sigilli robore fecimus communitum.

Acta sunt hæc Cracoviæ Anno Domini M. CC. LXXXVII. præfatis personis quorum hæc sunt nomina, Comes Volce Castellanus, Comes Petrus Palatinus, Comes Laurentius Iudex, Comes Nicolaus Thaurarius, Comes Nicolaus Succamerarius, Comes Nicolaus subiuuex

Cracouienses. Datum per manus

Philippi Subcancellarij Cuius
nostræ.

Privilegia Monasterij Tinec:

de Chranow, ac de Goreslauice villa eorum quæ iacet in Castellæ
 curæ Vislicienſi: inſuper iplas hereditates Byczynam & Goreslauice quæ ad ipſo-
 rum ius & ad proprietatem Monasterij pertinebant nobis & menſæ noſtræ Epi-
 ſcopali donauerunt merè & ſpontè, perpetuò & irreuocabiliter
 habendas & tenendas. Vt igitur hæc vniuerſa & ſingula perpe-
 tualiter perſeuerent, præſentem paginam noſtro ſigillo no-
 ſtriq; Capituli duximus roborandam. Actum Cra-
 couiæ, Anno Domini M CC. LXXXVII.
 Indictione XV. Idus Maij.



S C R I P T V R A XI.

S V M M A R I V M.

Anno 1288.

LESCO NIGER DVX CRACOV:

Quadrageſima marcas argenti & totidem ſalû modios, ex Velicenſibus ſodini ad Mo-
 naſterium Tinecenſe ex antiquò ſpectantes, perpetuò ratificat, & tempus exigenda ſo-
 lutionis determinat, paſſq; in negligentes Zuparios decernit.

Ex Archiu: ſub litera I. num: 16.



IN nomine Domini, Amen. Ea quæ aguntur, vel
 ſunt in tempore, ſimul labuntur cum tempore, niſi fuerint
 hominum & ſimonia, vel literarum memo. & commendata.
 Nos Iohannes I. Dux Cracouiæ, Sendomiriæ
 & ſc. in hiſc volumus vniuerſis & preſentibus quam
 futuris, & quos præſens ſcriptum deueniet, quod ea marcas
 ſal in Dominio Cracouiæ, inuenimus quadrageſima marcas
 argenti vſuales, & quadrageſimo modios ſalû pertinere & proſpecte ad vium &
 vtilitatem Monasterij Tinecenſis, quod centis temporibus debebant Zuparij
 quicunq; Zupam tenebant ibidem; Quod factum pium & honeſtum nos ſincera
 complectentes deuotione, ratum habentes atq; firmum, ſicuti à Prædeceſſoribus
 noſtris

nostris perpetuum extabat, ita perpetuo confirmamus. Sancientes & tempore solutionis lucidius declarantes, ne pro defectu salis aut argenti debiti, & tempore suo non erogati, in prædicto nostro Monasterio fiat perturbatio Dei famulis, qui pro pace terræ, nostræq; salute non cessant Dominum exorare. nam præfati Cænobij Fratres sæpè venerunt ad nos conquerentes, quod eis sal non daretur & hoc per negligentiam vel avaritiam Zupariotum. Nos ergo paci & tranquillitati Fratrum consulere cupientes, volumus & statuimus sub pænâ vnius marcæ auri nobis applicandæ, quod ante diem PHILIPPI & JACOBI Apostolorum, Zuparij in Magno sale Abbati Tinciensi viginti marcas argenti currentis, & iterum ante diem Beati MAURITII viginti marcas persolvere teneantur. qui sineglexerint, in die Beati FLORIANI & Beati MICHAELIS nobis vnam marcā auri, & Succamerario vnam marcā argenti pro pænâ dare teneantur: Sal verò sub eadem pænâ, ante diem S. ANDRÆ Apostoli omni septimanâ vnum modium quamdiu durat, debent expedire. In cuius rei testimonium prælibato Monasterio præsentem paginam tradimus nostri sigillimunimine roboratam. Actum Cracoviæ, anno Domini M. CC. LXXXVIII præsentibus

his, quorum hæc sunt nomina, Comes Sulco Castellanus, Comes Petrus

Palatinus, Imramnus Venator; Nicolaus Succamerarius, Nicolaus

Thesaurarius, Nicolaus Subiudex Cracovienses. Datum

per manus Domini Philippi Subcancellarij

Curæ nostræ.



SCRIPTURA XII.

SUMMARIVM.

Anno 1288.

LESCO NIGER DVX CRACOV.

1. Post barbaricam desolationem Polonia, concedit Monasterio Tinecensi, in proprijs bonis, Villas & oppida sub lure Teutonico locare. eximendo eas ab omni pensione.
2. Iudicandi homines intra possessiones Monasterij habitantes, non alios Officiales Prouincia, sed scultetos Abbati ius plenum habere.
3. Penas omnes condemnationum iudicialium Abbati soluendas statuit.



In nomine Domini Amen. Vniuersis tam presentibus quam futuris presentes literas inspecturis pateat manifeste. Quod cum Nobilis Vir Iacobus Miles & Succamerarius noster Sendomiriensis, Filius quondam Alberti Militis Palatini nostri ibidem, dicti de Zmigrod, fuisset ad instantiam Venerabilis & Religiosi Viri Domini Michaelis miseratione Diuina Abbatis & sui Conuentus de Tinecia Excommunicationis sententia innodatus, propter quoddam Castrum quod Golefz vulgariter nuncupatur, & propter quasdam villas, possessiones, & bona, dicto Castro adiacentia; quæ villæ & bona ad Dominum Abbatem & suum Conuentum immò ad dictum Monasterium in Tincia de iure ab antiquo pertinent; quas villas, possessiones & bona, idem Iacobus de Facto occupauerat non de Iure. Et cum inter eosdem Abbatem suumq; Conuentum ex parte vnâ, & Iacobum reum ex alterâ, super prædictis villis, possessionibus & aliis bonis, ad dictum D. Abbatem & suum Conuentum pertinentibus, discordia litis & dissensionis materia aliquantulum viguisset; tandem D. Abbas cum suo Conuentu, & Iacobus, sæpediti, volentes discordijs, litibus & dissensionibus omnibus supradictis finem imponere, ad pacisq; deuenire ac perpetuæ concordie vnionem, in Nostra VLADISLAI Dei gratia Regis Poloniae præsentia personaliter constituti, mediantibus Viris Nobilibus Nauoio Castellano & Petro Vexillifero Cracouiensibus, ac Thomislao Palatino Sendomiriensi, nostris fidelibus ordinatoribus huius facti, taliter concordarunt. Quod idem Iacobus prædictum Castrum Golefz & Villas infra scriptas, videlicet Kraiovvice, Warzyce, Lancorz, Czeklino, & hereditates in Becensi territorio situatas, videlicet Stroze, Suepetnica, Zagorzany, Viazdovv, dictas, ac omnes alias & singulas possessiones & bona per eum occupata, fassus est & publicè recognouit, ad dictum D. Abbatem & Conuentum de Tincia immò ad ipsam Monasterium ab antiquo, Iure hereditario pertinere; promittens idem Iacobus fide data & sine scrupulo omnis doli, ac sine læsione, tam hominum quàm bonorum prædictorum, & aliorum bonorum Ecclesiæ & Monasterij Tinecensis, difficultateq; & occasione qualibet procul motis, eidem D. Abbati & suo Conuentui seu Domui, prædictas omnes villas, possessiones & bona, ex nunc restituere in integro, nec ipsum D. Abbatem & suum Conuentum aut Domum de Tincia de cætero in perpetuum in dictis villis & possessionibus, ac in bonis alijs omnibus Ecclesiæ Monasterij Tinecensis, aliquatiter impedire, sed potius adiuuare, & in omnibus in quibuscunq; poterit defendere. Præter Castrum Golefz, quod infra gres annos debet construere ex promisso, & duas villas, scilicet Kraiovvice & Warzyce [exceptis Decimis quæ Domino Abbati prædicto & suo Monasterio ex nunc cedent] debet tenere, de eiusdem D. Abbatis & sui Conuentus gratia speciali, ita quod elapsis tribus annis, quæ ab hodierna die debent computari, duæ villæ prædictæ Kraiovvice & Warzyce non deterioratæ sed melioratæ, occasione qualibet non obstante, per Iacobum memoratum

ratum aut suum successorem debent D. Abbati & suo Conuentui aut Monasterio in Tincia restitui, supradictis. Cæterum si infra tres annos prælibatos ipsum Iacobum, dictum Castrum Golez destruere, vel etiam de hoc seculo decedere contingeret, tunc dictæ duæ villæ Kraiouiçe & Warzyce statim post destructionem Castri eiusdem, vel etiam post mortem Iacobi ipsius, ad præfatum D. Abbatem & suum Monasterium sine difficultate qualibet redire debent liberè & quietè: ita quod nullus de cætero, quam D. Abbas cum suo Conuentu & Monasterio ipsas duas villas, nec non alias villas & possessiones superius scriptas & bona tenendi & de eis disponendi vt sibi videbitur habeant potestatem. Quibus sic peractis Nobiles Viri fideles nostri Nauoius Castellanus & Petrus Vexillifer Cracouienses, pro ipso Iacobo in omnibus & singulis articulis suprascriptis per ipsum Iacobum fideliter & inuiolabiliter adimplendis, fideiusserunt & se voluntariè sub pœna Centum marcarum grossorum Boëmicalium obligauerunt in hunc modum, videlicet, quod quandoq; ipse Iacobus suum promissum in prædictis omnibus vel aliquo prædictorum violaret, tunc ipsi fideiussores sui scilicet Nauoius Castellanus quinquaginta marcas grossorum, & Petrus Vexillifer alias quinquaginta marcas grossorum Boëmicalium infra quatuor septimanas, ab illo die computando, quo dictum promissum suum præfatus Iacobus in aliquo violaret, ex promisso & ex ordinatione, qualibet occasione remota soluere tenebuntur & debent D. Abbati de Tincia & suo Monasterio supradictis, Iacobusque sæpè dictus sicut prius cadet in Excommunicationis sententiam ipso facto: quâ pœna soluta vel non soluta, ordinatio & concordia prædicta semper in sua sicut prius permaneat firmitate. In cuius rei testimonium & euentiam clariorem, Sigillum nostrum & nostrorum fidelium videlicet Nauoiij Castellani, & Petri Vexilliferi prædictorum, ac Thomislai Sendomiriensis Palatini qui fuerunt mediatores & ordinatores huiusmodi concordie, nec non Spitconis Cracouiensis Palatini, ac præfati Iacobi sigilla præsentibus sunt appenta. Actum & datum Cracouiæ in Vigilia Beatæ

MARGARETHÆ Virginis & Martyris. Anno Domini

Mcccxx. præsentibus fidelibus nostris. Philippo Can-

cellario, Predpelcone Castellano & Petro Iu-

dice Posnaniensibus, & Suentoslao

alijsq; pluribus testibus

fide dignis.



S C R I P T U R A XV.

S V M M A R I V M.

Anno 1346. Septemb: 26.

C L E M E N S P A P A VI.

AD petitionem Abbatis Tinecensis, constitutionem BENEDICTI Papa XII. quâ Mendicantium Ordinum Fratres ad Monasticos Ordines, Nigrorum præcipue & Cisterciensium transire prohibet, ex Registro Constitut: eiusdem Pontifici describi iussit. Iam vero hæc BENEDICTI Duodecimi Constitut: habetur, in Bullario Romano tom: 1. sub Bened: XII. Constitut: 1.

Ex Archiv: Tinecen: sub litera C. num: 28.



CLEMENS Episcopus Servus Servorum DEI. Ad perpetuam rei memoriam. Tenorem quarundam literarum, felicis recondationis BENEDICTI PP. XII. Prædecessoris nostri, in Registro ipsius prædecessoris repertum, ad dilecti filij Abbatis Monasterij Tinecensis Ordinis S. BENEDICTI Cracoviensis Diæcesis, supplicationis instantiam, de Registro ipso de verbo ad verbum transcribi & præsentibus annotari fecimus, qui talis est. BENEDICTVS Episcopus Servus Servorum DEI, ad perpetuam rei memoriam. Regularem vitam professis, sic expedit subtrahi omnem inquietudinis &urbationis materiam, quod in contemplationis suauitate quiescere valeant, & tranquillum Domino reddere famulatum. Cum igitur ex eo, quod professores Ordinum Mendicantium, ad Monachorum Nigrorum & Cisterciensium Ordines consueverint plerumq; transire, multas in dictis Ordinibusurbationes, infestationes, molestias, damna, & scandala prouenisse experientia doceat manifestè: Nos his ex debito Pastoralis officij, pro futuro tempore occurrere cupientes, de consilio Fratrum Nostrorum decreuimus, Ne quis cuiusvis Ordinis Mendicantium professor, ad aliquem dictorum duorum Ordinum quoquomodo transire valeat, sine Romani Pontificis licentiâ speciali, plenam & expressam faciente, de constitutione huiusmodi, mentionem: non obstantibus Privilegijs Apostolicis quibuscunq;, concessis in contrarium dictis Ordinibus Mendicantium, seu eorum Prælati, aut aliquibus eorundem, ut quo ad hoc, nullius sint & existant, prout ex nunc decernimus, firmitatis. Nulli ergo omnino hominum liceat hanc paginam nostræ

nostræ institutionis infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, & Beatorum PETRI & PAULI Apostolorum eius, se noverit incursum. Datum Auenione, IV Nonas Iulij, Pontificatus nostri anno primo. Cæterum ut earundem literarum tenor prædictus sic insertus, omni modum rei seu facti certitudinem faciat, Apostolicâ autoritate decernimus, ut illud idem robur eamq; vim eundemq; vigorem dictus tenor per omnia habeat, quem haberent Originales literæ supradictæ; & eadem prorsus eidem tenori fides adhibeatur, quodcumque & ubicunque, siue in iudicio vel alibi, ubi fuerit exhibitus vel ostensus, ut eidem fletur firmiter in omnibus sicut eisdem Originalibus literis staretur si forent exhibitæ vel ostensæ, per hoc nullum ius alicui de nouo acquiri volumus, sed antiquum tantummodo conseruari. Nulli ergo omnino hominum liceat hanc paginam nostræ constitutionis & voluntatis infringere, vel ei ausu temerario contraire.

Si quis autem hoc attentare præsumpserit, indignationem Omnipotentis DEI & Beatorum PETRI & PAULI Apostolorum eius se noverit incursum. Datum apud villam nouam Auenionensis Diæcesis,

VI. Kal. Octobr. Pontificatus nostri anno tertio. Rigaldus.

P. de Mennaco.

S C R I P T V R A XVI.

S V M M A R I V M.

Anno 1354.

Decretum Graniciale per Commissarios Regios pro parte Monasterij Tinēcensis factum & latum; in quo triginta & aliquot villa Monasterio Tinēcensi vii hereditarie illius, adiudicantur. Ex quibus quidam enumerati villi, vix tres modò possidet Monasterium, reliquas Donatarij Regij gratiosa tenent, vel eas, in hereditates proprias certi Nobiles conuerterunt.

Habetur in Arthiu: sub lit: A. num: 20.



In nomine Domini Amen. Quoniam ea quæ aguntur in tempore, ne simul labantur cum tempore, necessarium & dignum est, ea literarum apicibus & testium solennitatibus perennare. Proinde tam præsens ætas noverit quam futura, quod Nos Hermanus

Y

Terra

Terrarum Cracouiæ & Sandomiriæ Procurator Generalis, Andreas Succamerrarius & Ioannes Subiudex Cracouienses, per Illustrē Principē Dominum Casimirum Regem Poloniæ, (ad preces Venerabilis viri Domini Ioannis Abbatis Tinecensis inclinati) ad sylvas in Castellania Cracou: circa Wisłokam fluuium iacentes, & ibidem ad earum hæreditates, & Baronum, Militum, terrigenarumq; suorum gades limitandas, & rem veritatis discutiendam specialiter deputati; tunc etiam inter Dominum Abbatē Monasterij supradicti, gades publicè & solenniter, cum gadibus terrigenarum (vt supra præmisimus) inter eorum hæreditates cèlebrantes: Considerantes verò & inuestigantes per viciniam circumiacentem, verā solennemq; prout consuetudo Terræ & Ius ad hoc requirebat seu requirit, hæreditates, cum vicinia cuiuslibet hæreditatis deputatæ personaliter circumdantes, & limites earum percipientes, per indicationem & publicam viciniæ dictæ ostensionem, nec non priuilegiorum suorum antiquitus super eis concessorum præsentationem, vijs, fluuijs, angulis, debitisq; signis quæ inter hæreditates iustè & dignè reperiebantur; pro tunc etiam inuestigauimus, inuenimus, & ad rei veritatem, more consueto reduximus, limitantes. Primo itaq; Przeczycā, Iodłowā, Pasiecznā, Iaworze, Klecze, Kamienicā, Libertas Blasconis, Skorowā, Libertas Martini, Ianuszkowice, Gogolowā, Libertas Ioannis, Kolaczycē ciuitas, Libertas Satconis, Kluczowā, Brzyska, Libertas Melesconis, Targolza, Łaki, Kobyle, Swiepietnica, Ołpiny, Libertas Ianusconis, Libertas Timkonis, Turza, libertas Grasconis & Ciniconis, etiam tres libertates in Rzępnik, Chansba, Boguniowice, Siemiechow, dimidiam partem villæ in Sieklino, dimidiamq; villam in Mieszna, & libertas quæ propè Tarnówek iacet; omnes villas supradictas vt præfertur, per viciniam cuiuslibet hæreditatis deductas & adiudicatas publicè, adiudicamus Diuinā gratiā suffragante non alicui nisi Monasterio Tinecensi: Et in posterum per Dominum Regem cum suis Baronibus, imposuimus finem præmissarum Terrarum, hereditatum iam dictarum, cum omnibus proventibus, vtilitatibus & iuribus, ac etiam suis gadibus, sicuti sunt in suis metis sitæ & distinctæ, Monasterio supradicto pertinere, & omnibus alijs quibuscunq; silentium de eisdem imponentes. Actum & datum Cracouiæ, in autumno sub Anno Domini 1354. in Aula Domini Regis, specialiter præsentibus suis Nobilibus strenuisq; Militibus, qui tunc ibidem ad gades nobiscum equitauerunt, Pośnano Konarski de Samboczyn, Clemente dicto Gedezye, cum Michaelē suo fratre, Segneo Przposito S. MICHAELIS in castro Cracouiensi, Dobeslao de Lasow, & Dyrskone Kawarsciano de Trzebnica, hæredibus, ac etiam, quam pluribus fide dignis nobiscum tunc ibidem in limitatione dicta constitutis.

S C R I P T V R A XVII.

S V M M A R I V M.

Anno 1354.

CASIMIRVS MAGNVS REX POLONIÆ.

Concordiam, qua inter Ioannem Abbat: Tinec: & Eustachium Castellatum Lublinensem fuit facta, confirmat: ubi Abbati & Monasterio oppidum Kolaczyc cum villis specificationis adiudicat, Castellano vero oppidum Pilzno & Strzegoczyc per modum amicitie compositionis & permutationis attribuit.

Habetur in Archiv: sub litera K. num: 9.

In nomine Domini Amen. Protestationes Principum ideo conquiruntur, ne id quod ritè fit & rationabiliter celebratur, procedente tempore per quempiam malitiose irritari possit & iniuriose violari. Hinc est quod Nos CASIMIRVS DEI gratia Rex Poloniæ, nec non Terrarum Cracouiæ, Sendomiriæ, Si-radæ, Lanciciæ, Cuiaviæ, Pomeraniæq; Dominus & hæres, ad notitiam & testimonium omnium tam præsentium quam futurorum, harum serie literarum volumus deuenire. Quod cum inter Venerabilem virum F. Ioannem Abbatem ac Religiosos fratres ipsius Conuentus Monasterij Tinecen: ex vna, & Nobilem virum D. Eustachium Lublinensem Castellatum parte ex altera, super iuribus & limitationibus bonorum seu possessionum infra-scriptarum, videlicet oppidi Kolaczyc, Sandkowa wola, Brzyska & Masleskowa wola, quarum idem Eustachius à multis retroactis temporibus possessionem habuit corporalem, exorta fuisset materia quæstionis; cumq; pro parte dicti Abbatis & Conuentus agebatur, quod prædicta bona & possessiones in quibus dictus Eustachius sibi ius proprietatis & dominij vendicare videbatur, fortius & potius ad dictum Tinecen- sic Monasterium debeant spectare & pertinere, hoc ipsum per Priuilegia prædeces- sorum nostrorum videlicet claræ memoriæ Domini Boleslai Regis Poloniæ, & Domini Lesconis Ducis Cracouiæ, ac per viciniam seu Oladam notabiliter demon- strando: Nos itaq; cognito æquitatis iudicio, volentes finem controuersijs & litibus imponere, causam huiusmodi mediantibus nostris Baronibus duximus ter- minandam, in hunc modum. Primum namq; per amicabilem compositionem, pronuntiauius decernentes, quod sæpèdicti, Abbas & Conuentus, nomine sui

Y 3 Mona-

Privilegia Monasterij Tinec:

Monasterij prædicti, hæreditates seu villas supradictas, videlicet oppidum Kolaczy-
ce, Sandkowa wola, Kluczowa wola, Brzyska, & Masleskowa wola, in Distric-
tu Becensi ex utraq; parte fluij qui *Wistoka* vulgariter nominatur consistentes, cum
omnibus & singulis vtilitatibus, censibus, fructibus, redditibus, & prouentibus, in
siluis, boris, campis, rubetis, agris prætis, pascuis, aquis ac alijs vniuersis quæ sunt
vel esse poterunt in eisdem, prout ab antiquo in suis limitibus sunt distinctæ, de-
beant perpetuis temporibus obtinere ac possidere, & ad ipsum Monasterium per-
tinere pacificè & quietè, perpetuum silentium dicto Eustachio, & suis legitimis
successoribus, super prænominatis hæreditatibus, imponentes. Denum verò vt
præmissa litigia & controuerſiarum concertationes, pro commodo partis vtriusq;
ſopiantur, circumferentijs præmissarum hæreditatum rationabiliter limitatis, bona
seu hæreditates, videlicet oppidum Piſſno, & Strzegoczycze, quæ ad dictum Mo-
nasterium Tinecense pertinebant à tempore quò non extat memoria, eidem Eu-
stachio & suis legitimis successoribus perpetuo cesserunt, per modum amicabilis
compositionis & permutationis (vt est præmissum) & legitimè deuenerunt cum
omnibus & singulis vtilitatibus quæ in terra & aqua sunt vel esse poterunt quo-
modolibet in eisdem, prout dictus D. Abbas & Monast: Tinecense ipsas hæ-
reditates Piſſno & Strzegoczycze in suis circumferentialibus granicijs distinctas,
temporibus suis tenuerunt & possederunt, & prout in Privilegijs Scultetorum, di-
ſtarum hæreditatum, de extensione longitudinis quæ vulgariter *Druz* nominatur,
& latitudinis mensurata plenius continetur. Præterea quæcunq; vltra dimensio-
nem camporum & siluarum per contiguitatem ad bona Tinecensis Monasterij
protensa fuerint, idem Monasterium in perpetuum possidebit & habebit, impe-
dimento sæpediti Eustachij & suorum successorum penitus quiescente. Quam-
quidem ordinationem & compositionem per Barones nostros vt præmittitur sic
ritè & rationabiliter factam, de solita nostra Regiæ Maiestatis benignitate,

pro parte D. Ioannis Abbatis & ipsius Monasterij Tinecensis sæpedito-

rum gratuito confirmamus & approbamus, harum quibus sigil-

lum nostrum est appensum testimonio literarum. Actum


Cracouiæ in die B. Dionysij sub anno Domini Mccccliv.

præsentibus his testibus Imramo Cracou: Ioanne

Sendomiriensi Palatinis. &c. Datum per

manus D. Sbignei Cancellarij Curie

nostræ Cracouiensis.



S C R I

S C R I P T V R A XVIII.

S V M M A R I V M.

Anno 1362.

CASIMIRVS MAGNVS REX POLONIÆ.

Abbatis & Fratrum Tinecensis Sodalitij erga se affectum promptissimum expertus, vicissim condonat eū Stationes pro Rege seruientes de Opatowiec, tum octo villarum specificatarum cmetones, à laboribus, conspationibus, & alijs pensionibus Regi debitis, absoluit; insuper octo Scultetos eorundem & duos Nobiles pro Arcis Tinecensis custodia eligendos, ab expeditione bellica tunc indicta eximit.


Habetur in Arch: Tinec. sub lit: H. num: 2

IN nomine Domini Amen. Ad perpetuam rei memoriam. Consueuerunt alta Regum & Principum consilia, æquo iustitiæ moderamine habito, suos sequaces & maximè Spirituales ac Religiosos viros, apud Deum humiles ac deuotos exoratores ipsorum, præclara benignitate & inclytâ suâ clementiâ tueri & remunerari. Proinde Nos CASIMIRVS Dei gratiâ Rex Poloniæ, vniuersarum terrarum Russiæ, nec non terrarum Cracou: Sendom: Lancic: Pomeran: &c. Dominus & heres. Significamus tenore præsentium quibus expedit vniuersis præsentibus & futuris præsentium notitiâ habituris, quod Venerabilis Vir Dominus Ioannes Abbas Monasterij Tinecensis, Confessor Noster specialiter nobis carus, euntibus nobis & properantibus ad bellum contra quosdam nobis rebelles Ruthenicos & Lituanicos exercitus, inuadentes stationes terrarum nostrarum, à nobis postulatus & rogatus, vt suâ ex parte aliquali certâ summâ pecuniæ succurreret in tam repentino motu; qui fidelissimè ad obsequia nostra conflans argentum, & margaritas Ecclesiæ suæ impignorans, (prout experti sumus in & post) nullo homine sciente præter suos Fratres Viros Religiosos, anhelando & desiderando à nobis fauoribus & gratia nostrâ se amplecti; subuenit nobis Duobus millenarijs Marcarum monetæ Polonicae. Proinde Nos habita consideratione diligenti, & ponderatis huiusmodi suis gratuitis correlatiuis erga nos beneficijs, assensuq; Consiliarium præhabito super recompensatione & remuneratione ipsi D. Abbati cum Fratribus suis, præstandâ; cum à nobis id petant, & propter DEVM humiliter supplicent, vt sibi concederemus & daremus, labores quos

Privilegia Monasterij Tinece

quos habemus super omnes cmetones ipsius Monasterij, & maldrata, stationes & aduersiones alias podvvody in omnibus ciuitatibus & Villis ipsius Monasterij. Quod quidem eorum petatum nobis illicitum & graue factu videbatur primò, nihilomin⁹ tamen, ne per nos tristari & fauore gratiæ nostræ frustrari viderentur, & pro sua speciali consolatione & orationib⁹ Fratrum ipsorum pro nobis semper Omnipotentē DEVM, exorantiū, & ob spem æternæ retributionis, de gratia speciali Maiestatis nostræ super Opatovvici stationem cum auectione videlicet podvvody, tum cmetones octo villarum eiusdem Monasterij, vt sunt Xiżnice maiores & minores, Mo-drzany, Piotrkovvici, Vrzuty, Opatkovvici circa Proszovvici, Charvvini, & Wilkovv, ab omnibus laboribus & maldratis alias vulgariter Sep, & quibusvis solutionibus ad nos de iure seu de facto pertinentibus; etiam adiungendo ad hæc, Octo Scultetos seu Aduocatos, & duos Nobiles vicinos, quos à nobis sibi donari rogauerant & absolui ab expeditione bellica præsentem in terras Ruthenorum facta, pro tuitione & defensione sui castri Tiniec quos sibi placuerit: primò ac principaliter ad laudem omnipotentis DEI, & ob reuerentiam Gloriosæ Virginis **MARIÆ** Matris eius benedictæ, ac Beatorum Apostolorum **PETRI & PAULI** in quorum laudem sæpeditum Monasterium est fundatum, nec non ipsi Domino Abbati & Fratribus qui fuerint pro tempore perpetuis temporibus damus, tradimus, conferimus & donamus, annectimus, appropriamus, & incorporamus, renuntiantes omni iuri, & proprietati, & dominio, quod nobis quouis ingenio competere poterat, vel nostris Successoribus competere. In quorum omnium euidentiam & testimonium perpetuæ firmitatis, præsens Privilegium nostræ donationis, sigillo nostræ Maiestatis iussimus communiri subappenso. Datum Cracouiæ in Octaua Epiphaniæ Domini, sub Anno eiusdem Mccclxii. præsentibus his testibus Ioanne Castel: Cracou: Ioannē Decano Cracou: Cancellario, Predborio Capitano Cuiaviensi, Bodzeta Procuratore Generali, Predborio de Brzezie & Andrea dicto Mylska, & alijs quam pluribus fide dignis, per manus Domini Cancellarij nostri.

Scriptum per me Nicolaum Bœ-mum Notarium Curia, & Canonicum Ecclesiæ Visliciensis.



SCRIPTURA XIX.

SUMMARIUM.

Anno 1408.

IOANNES FREQUENTINENSIS EPISCOPVS.

Sacri Palatii Apostolici Causarum Auditor, à Gregorio PP. XII, causa inter Mscislaus Abbatem Tinicensem ex vna, & Nobiles Armigeros, videlicet Albertum Iudicem, Nicolaum Czay Subiudicem, Tamkonem Camerarium, Terra & Distriktus Sendomiriensis: Ioannem Iudicem Terra & Distriktus Cracouiensis, Ioannem Militem de Russia, Petrum Biel Armigerum, Diacesis Cracouiensis, parte ex alterâ specialiter Iudex deputatus: hic, cum Mscislaus Abbas vna cum suo Tinicensi Conuentu, prefatos Nobiles, propter violentam occupationem, & iam ab annu triginta iniustam detentionem villarum Monasterij Tinicensis videlicet Klecze, Blaszkowa, Bukowa, Januszkowice, Gogolowa, Glinnik, Siedliska, Brzeska, Mala, Gorzeiowa, Smarzowa, Dobrowa, Kamienica, Skorowa, per eosdem vsurpatarum; tunc ob iniurias diuersas suo Conuentui subditisq, eius graui cum incommodo suo ab illis illatas, ad Curiam Romanam facilius iustitie consequenda obtentu, euocasset: vigore Commissionis, in causa huiusmodi rite procedens Iudex prefatus, adhibitis omnium terminorum obseruationibus, citationibus, libelli oblatione, & alijs in Iudicijs seruari solitis, dum citati Nobiles, in nullo terminorum tam per se, quam per suum plenipotentem satisfacere curarent, ob suam multiplicem contumaciam, in scriptu tandem latâ sententiâ eosdem excommunicat, & ordinato processu per Diocesim Cracouiensem, & alias vbilibet, pro excommunicatâ, à clericis denuntiandos in Ecclesijs, auctoritate apostolica mandat. Cuius Instrumenti, Excommunicationis, copias ob eius prolixitatem & in legendo moram describere hic piguit: habetur nihilominus authenticum in membrana grandiori descriptum, & seruatur in Archivo Tinicensi sub litera K. num: 1.



Interim qualis euentus vltior litis prefatæ extiterit, ignotum manet; nam ex villis præactis pro quarum vindicatione laborauit Mscislaus, non nisi quatuor nunc in possessione sunt Monasterij, reliquæ à diuersis Nobilibus possidentur. Fuit vero violentissimum in Polonia illud tempus, à Natiuitate CHRISTI circiter anno 1370. & infra, quo passim seculares in bona Ecclesiasticorum grassabantur: eius calamitatis Mat: Miechouita suorum Chronicorum libro IV. capite 31. ita meminit. Temporibus Regi Ludouici, nulla stabilitas, nullæ iustitia in Regno Polonia fuit, bona pauperum rapi-
bantur.

bantur, negotiatores ac viatores spoliabantur, Prelati ac Nobiles cum suis rebus, equis & supellestili de Regno captiuati educebantur, exactiones sepe numero contra pacta & promissa Regis, tempore coronationis facta, exigebantur, sed Prelatis resistentibus, raro soluebantur. Iniuriam passi pro complemento iustitie in Vngariam currebant, quos Rex ad Reginatam Genitricem suam, & viceversa Regina ad filium Regem Ludouicum remittebat: interim vero & literis Regis apportatis, qua ex Cancellaria Regis graui pecunia redimebantur, Capitanei minime parebant, proprijs duntaxat commodis incumbendo. Et reuera per annos Duodecim, quibus Ludouicus, Poloniae praefuerat, ingens semper malorum cumulus Polonos oppresserat cum enim in ipso primo Regni limine, ob condonatas Opoliensi Duci plures ciuitates, Polonorum odia incurrisset, relicto Regno in Vngariam Ludouicus secesserat, ne tamen Regno vltro se abdicasse videretur, Matri suae Elisabeth, Poloniae regimen commiserat. Quare, absente Rectore, summis quibusque facinoribus ingens spatium concessum; perniciosum legum silentium, insueta antea latrocinia, impotens, quae exterorum Vngarorum, quae domesticorum Nobilium, dominatus; ingentibus malis docuerunt, quantum momenti Regnis adferat, Regalis praesentia. sub eundem calamitosi temporis decursu, quemadmodum aliae in Regno Ecclesiae, non modica sentiebantur damna, ita infestius Monasterij Tinecensis villae & praedia a Nobilibus impetebantur vicinis, qui grauiter ferebant tot fortunas Claustro obtigisse.

S C R I P T V R A XX.

S V M M A R I V M.

Anno 1424. Ianuarij, 20.

CONCILII GENERALIS BASILEENSIS.

BVLLA, ad Archiepiscopum Gnesnensem, Episcopum Cracouiensem, & Abbatem Clarotumbensem, supplicante Abbate & Monasterio Tinecensi, directae, in qua.

1. Lateranensis Concilij, Sententia Excommunicationis in seculares Principes exigentes taillas & collectas ab Ecclesijs & viris Ecclesiasticis, inducitur.
2. Eiusdem Concilij Later: decisio: Quod inconsulta sede Romana subsidia Reipublica concedi a Clero non possint, nec debeant.
3. Eiusdem Concilij: cap: 4. Non minus. decretum quo statuitur, transgressores Constitutionum.

stitutionum Concilij, si permaneant in Excommunicatione & decedant, etiam Successores eorum in eodem officio & potestate, manere Excommunicatos donec satisfaciant.

4. Constitutiones Honorij III. Pont: adicitat.

5. Leges à Friderico I. Romanor: Imper contra impugnatores libertatis Ecclesiasticae latas renouat, ubi praedictus Imperator, Statuta & Ordinationes quascunq, contra Ecclesia & Ecclesiasticorum libertatem à quacunq, Potestate per Imperium Romanum latas, irritat, & aboleri de legum Codicibus iubet, leges sic iniurias imponentes, iurisdictione exuit, & mille marcis auri mulctat.

6. Iudices qui secundum has leges iudicarent, infames denunciat, iudicata rescindit bona eorum à quocunq, diripi posse sinit.

7. Qui bona Ecclesiarum occupant, ut tripliciter refundant, & banno irremissibiliter subiacent.

8. Si per annum Communitas, vel persona, in Excommunicatione inordecascat, banno subist.

9. Ne Clerici ad Iudices Seculares trahantur, alias iudicatum non tenere & Iudicem potestate esse priuatum.

10. Iudices si nolint Clericis iustitiam administrare, iurisdictionem amittant.

11. Carolus IV. Roman: Imper: Vndecim leges ibi expressas, & Ecclesiasticae immunitati multum aduersas, irritat & cassat, easq, tolli de luce mandat.

12. Presbyterum capiens, mutilans, vel incarcerans est infamis, nec locum in Consilijs habet.

13. Honorius PP. hortatur, ut istae leges Imperatorum in Ecclesijs & Synodis publicentur.

14. Bonis Monasterij Tinecensis à pleriq, Contributiones fuisse impositas docet, & quia non erant persolutae, Monasterij possessiones esse inuasas & occupatas.

15. Concilium, Executores praesentis Statuti monet, ut Monasterium Tinecense defendant, Concilij Constitutiones publicent, contemptores earum excommunicent tamdiu, donec ab exactionibus talibus desistant, occupata bona restituant, & iuramento confirment se in posterum similia non commissuros.

16. Si inuasores iurium Monasterij adiri personaliter non possint, per affixionem Citationum in loco publico, in ius vocandos esse, taliq, processu Citatos, omnino teneri & archari.

17. Haec Bulla exhibita fuit primò Sbigneo Archiepiscopo Gnesnen: tum Friderico Cardin: & Archiep: Gnesnen: Abbati quoque Clarotumb: vti ex susceptu colligitur.

Habetur in Archiuo Tinecen: sub litera C. num: 1.



acro sancta Generalis Basileensis Synodus in Spiritu Sancto legitime congregata, Vniuersalem Ecclesiam representans, Venerabilibus Archiepiscopo Gnesnensi, & Episcopo Cracouiensi, ac dilecto Ecclesiae filio Abbati Monasterij Clarotumbae propè Cracouiam Ordinis Cisterciensis Salutem ac Omnipotentis Dei benedictionem. Ad compescendos conatus zelarios

nefarios peruersorum, qui personas & loca Ecclesiastica, super bonis & iuribus suis offendere, ac multiplicibus perturbare molestijs non verentur, tantò magis per Sacrum Generale Concilium deest opportuno remedio providere, quantò per amplius turbationes huiusmodi & molestiæ in Diuinæ Maiestatis offensam, nec non libertatis Ecclesiasticæ redundare dispendium, dignoscuntur. Dudum siquidem cum in diuersis Mundi partibus, Consules ciuitatum & Rectores, nec non alij qui potestatem habere videbantur, tot onera frequenter imponderent Ecclesijs, vt deterioris conditionis factum sub eis Sacerdotium videretur, quàm sub Pharaone fuisset, qui Legis Diuinæ noticiam non habebat, quique omnibus alijs seruituti subactis, Sacerdotes & possessiones eorum in pristina libertate dimisit, & de publico eis alimoniam ministravit. 1. In Concilio Lateranensi, Ecclesiasticæ immunitati providendo, sub Anathematis districtione prohibitum extitit, ne Consules, Rectores, aut alij prædicti, Ecclesias & viros Ecclesiasticos tailijs seu collectis, aut exactionibus alijs aggrauare præsumerent, transgressores & fractores eorum præcipiendo Anathematis sententiæ subiaceret, donec satisfactionem impenderent competentem. 2. Et etiam deinde in Generali Concilio editum fuerat, quod si Episcopi fortè cum Clericis simul, etiamsi tantam necessitatem vel utilitatem inspicerent: vt absq; vlla coactione ad releuandas communes utilitates vel necessitates, vbi laicorum non suppetere facultates, subsidia per Ecclesias laicis ducerent concedenda, minimè super hoc consulto Romano Pontifice; concessionem & sententiæ quæ à talibus, vel de ipso um mandato forent promulgata, essent irritæ & inanes, nullo vnquam tempore valitura. 3. Ac etiam in ipso Generali Concilio decretum extitit, illum, qui infra tempus sui regiminis, propter fractionem Constitutionis vel sanctionis huiusmodi, sustineret anathema, tanquam post illud non esset ad satisfactionis debitum compellendus, nec non ipsius successorem qui non satisfaceret infra mensem, manere Ecclesiasticâ censurâ conclusum, donec satisfaceret competenter, cum succederet in onere qui substitueretur in honore. 4. Postmodum verò fel: rec: HONORIUS PP. III. Rom. Pontifex attente considerans. 5. quod quondam, FRIDERICVS II. olim Romanus Imperator, tunc sub obedientiâ & deuotione S. R. Eccl: persistens, ad laudem Ecclesiæ & Sacri decus Romani Imperij cupiens, vt expurgatis quibusdam erroribus & iniquis statutis penitus destitutis, de cætero Ecclesiæ & Ecclesiasticæ personæ, plena vigerent quiete & securâ libertate gauderent, ac piè & iuste attendens, quod quorundam peruersorū iniquitas adeò abundauerat, vt non dubitarent contra Ecclesiasticam disciplinam & Sacros Canones, statuta sua compingere aduersus Ecclesiasticas personas & Ecclesiasticam libertatem; Edictali lege huiusmodi statuta iniqua irritauerat, & præceperat irrita nuntiari & omnia statuta & consuetudines, quæ Ciuitates & loca, Potestates vel Consules, aut quæcunq; aliæ personæ contra libertatem Ecclesiæ, vel personas Ecclesiasticas ac bona huiusmodi

huiusmodi edere aut seruare tentarent, contra Canonicas vel Imperiales sanctiones, de ipsorum Capitularibus infra duos menses post ipsius legis publicationem penitus aboleri facerent, & si de cetero talia attentarent, illa ipso iure decreuit esse nulla, & eos sua iurisdictione priuatos; nec non locum vbi talia deinceps præsumpta fuissent, Banno mille marcarum auri, Fisco Imperiali præceperat subiacere. 6. Potestates verò, Consules, Statutarij, & Scriptores Statutorum prædictorum, nec non Consiliarij locorum ipsorum, qui secundum statuta & consuetudines memorata iudicarent, ex tunc essent ipso iure infames, quorum sententias & actus legitimos statuerat aliququaliter non tenere: quodq; si per annum præfatarum Constitutionum inuenti forent contemptores, bona eorum per totum Imperium mandauit impunè ab omnibus occupari, saluis nihilominus alijs penis contra tales in eisdem Generalibus Concilijs promulgatis, 7. Et insuper voluit idem tunc Imperator, quod nulla Communitas vel persona publica vel priuata, collectas seu exactiones, angarias vel perangarias Ecclesijs, vel alijs pijs locis, aut Ecclesiasticis personis huiusmodi imponere, seu inuadere Ecclesiastica bona præsumerent, quod si secus facerent, & requisiti ab Ecclesia vel Imperio, huiusmodi emendare contemnerent, tripliciter refunderent, & nihilominus Banno Imperiali subiaceretur, quod sine satisfactione debita nullatenus remitteretur. 8. Statuit insuper, quod quæcunq; Communitas vel persona, per annum in Excommunicatione propter libertatem Ecclesiæ violatam persisteret, ipso iure similiter dicto Banno Imperiali subiaceret, à quo nullatenus extraheretur, nisi prius ab Ecclesia beneficio absolutionis obtento. 9. Et insuper ordinauerat, ne vllus Ecclesiasticam personam in Criminali quæstione vel Ciuili, ad iudicium seculare trahere præsumeret, contra easdem Canonicas sanctiones & Constitutiones Imperiales, quod si secus faceret, actor à suo iure caderet, & iudicatum non teneret, & Iudex ex tunc iudicandi potestate priuatus, 10. quodque Iudices temporales qui Clericis & personis Ecclesiasticis iustitiam denegare præsumerent, te tiò requisiti, suam iurisdictionem amitterent. 11. Et deinde ad audientiam Diuæ memoriæ Caroli IV. etiam Romanorum Imperatoris semper Augusti deducto, quòd nonnullæ seculares personæ in Potestatibus & Officijs publicis constitutæ, videlicet Duces, Marchiones, Comites, Barones, milites & alij Domini temporales, nec non Consules ciuitatum, oppidorum, villarum & locorum Rectores, in diuersis Prouincijs eiusdem Imperij, Dei timore postposito statuta singularia & iniquas ordinationes, motu proprio, de facto, contra ipsas personas Ecclesiasticas & Ecclesiarum libertates, & eorum Priuilegia condiderant, illisq; de facto & publicè utebantur, contra Canonicas & legitimas sanctiones; vt potè quod nulla bona temporalia in potestatem Ecclesiasticam transferrentur; & ne Clerici in Sacris Ordinibus constituti ad agendum & testificandum in Ciuilibus & maximè in pijs causis aliquatenus admitterentur; quodq; Excommu-

nicati laici & publicè denuntiati, in Ciuili foro minimè repellerentur; & insuper prædicti Domini temporales, Consules ac Rectores, per secularem p testatem res & bona Clericorum occuparent, arestarent, & oblationes Christi fidelium minuerent atq; restingerent, exactores & tailias indebitas, de bonis & redditibus Ecclesiarum exigere & extorquerent; possessiones Ecclesiarum & personarum earundem deuastarent incendijs & rapinis; Contractus inter Clericos & laicos factos legitimè, ad libros Ciuitatum, villarum & locorum prædictorum inscribere & sigillare recusarent; donataq; & legata ad fabricas & Ecclesiarum stru-cturas, contra Prælatorum voluntatem & aliorum quorum intererat, temerè vsurpare p asumerent; ac in fraudem & odium clericorum, de bonis etiam & rebus eorundem Clericorum, quæ non causa negotiationum sed pro eorum proprijs vsibus, per eorum terras ducebant seu duci faciebant, teloneum exigere ac recipere non verebantur; & confugientes ad Ecclesias & eorum cimiteria de inde extrahere contra Canonicas & Imperiales sanctiones huiusmodi præsumperant & præsumebant. Idem Carolus Imperator tanquæ Christianissim^o Princeps volens in præmissis prouiderè de remedio salutari, etiam de quorundam Ducum, Principum, Comitum, Baronum, militum fideliumq; aliorum Sacri Imperij sæpè dicti consilio, Authoritate Imperiali, quæcunq; statuta ac consuetudines prædicta, tanquam per Canonicas & Ciuiles sanctiones expresse reprobata cassauit, irritauit & annihilauit, ac cassa, irrita, nullius esse voluit rōboris vel momenti: præcipiens sub Imperiali Banni pæna, vniuersis & singulis Principibus & Dominis temporalibus, Consulibus, Potestatibus & alijs in officijs publicis in eodem Imperio constitutis, quatenus ex tunc ipsorum Statuta & Ordinationes, sicut in præiudicium Ecclesiasticæ libertatis edita fuerant, omninò reuocarent & de luce tollerent, quodq; secundum ea non iudicare t amplius, nec sententias dictarent, aut eiudem in iudicio vel extra iudicium quomodolibet pro se & contra eandem Ecclesiasticam libertatem potirentur. 12. Pronuntiauit insuper & eadem decreuit auctoritate, quatenus quicunq; laicus cuiuscunq; statûs aut conditionis existeret, ausu Sacrilego & propria auctoritatis audaciâ, Sacerdotem vel Clericum secularem vel Religiosum diffidaret, prosciberet, captiuaret, spoliaret, occideret, mutilaret aut in carcere detineret, vel huiusmodi maleficia perpetrantes scienter receptaret, vel eis fauorem præstaret, præter pænas à Sacris Canonibus & legalibus sanctionibus in tales inflictas, eo ipso redderetur infamis & omni honore priuatus, nec ad placita vel consilia Nobilium admitteretur quouis modo 13. Hortans insuper in Domino & requirens Ecclesiasticos Prælatos, in illis partibus in quibus committerentur talia constitutos, vt legem Imperialem huiusmodi per eorum Ecclesias & Synodos publicarent, ne transgressores huiusmodi per simulatam ignorantiam suam valerent in hac parte malitiam exulare, prout in Constitutionibus & Sanctionibus Conciliorum, & Honorij prædictorum ac Imperia

Imperialibus præfatis plenius continetur. 14. Cum autem sicut lamentabili querela, Dilectorum Ecclesiæ filiorum Abbatibus & Conuentus Monasterij Tinecentis Ordinis S. BENEDICTI Cracoui: Diocesis, nuper accepimus, quomodo nonnulli Principes, Duces, Barones, Communitates & alij seculares & Potestates, earundem Constitutionum & Sanctionum Canoniarum legalium forsân ignari, contra ipsos Abbatem & Conuentum communiter vel diuissim forsân, taillias & gabellas, ac alias exactiones illicitas hactenus extorserint, & adhuc extorquere nituntur, ac etiam bona Abbatibus & Conuentus prædictorum communiter vel diuissim inuaserint, arestauerint, occupauerint, detinuerint, & suis vsibus applicauerint, nec non occupare, inuadere, arestare, detinere, ac eadem suis vsibus applicare similiter defacto præsumant, in animarum suarum periculum, nec non Abbatibus & Conuentus præfatorum, non modicum præiudicium atq; damnum. 15. Nos in præmissis, dictis Abbati & Conuentui, de opportuno remedio providere volentes, Discretioni Vestræ tenore præsentium in virtute S. Obedientiæ districtè præcipiendo mandamus, quatenus vos vel duo, aut vnus vestrum, per vos vel alium seu alios, præfatis Abbati & Conuentui Tinecensi contra quoscunq; transgressores & violatores Constitutionum & Sanctionum earundem, cuiuscunque status, dignitatis & excellentiæ fuerint, efficacis defensionis auxilio assistentes, non permittatis eos contra Canonicas & legales sanctiones & constitutiones huiusmodi indebitè molestari, nec non easdem Constitutiones & Sanctiones, vbi & quando expedire videritis, solenniter publicantes, faciatis transgressores & violatores huiusmodi, si & prout iustum fuerit, ac vbi & quories expedierit, tamdiu Excommunicatos, anathematizatos, publice nuntiari, donec ab earundem taillarum, collectarum, impositionum, & quarumlibet extorsionum, nec non bonorum Abbatibus & Conuentus huiusmodi inuasionem, arestationem, occupationem, detentionem & applicationem omnino desistant; nec non etiam efficaciter restituant eisdem. (Abbati & Conuentui occasione præmissorum per eos communiter vel diuissim) læsis seu grauatis, taillias, gabellas, & exactiones ipsas, ac etiam bona ipsorum, Abbatibus & Conuentus arestata, occupata, detenta, & applicata communiter vel diuissim, ipsis quæ vel per se vel alios, illo prætextu quomodolibet receperint, imò verius temerè & illicitè vsurpauerint, à se liberè omninò relaxent; ac in manibus vestris iurauerint, quod de cætero talia non committant, & ea committentibus non præstent auxilium, consilium vel fauorem; contradictores per censuram Ecclesiasticam & alia iuris opportuna remedia compescendo, inuocato ad hoc si opus fuerit auxilio brachij secularis. 16. Cæterum, si forsân huiusmodi transgressorum aut violatorum, vel ea fieri mandantium, ipsiq; consentientium seu dantium illis, per se vel alios, directè vel indirectè, publicè vel occultè, consilium, auxilium, vel fauorè, præsentia pro monitionib; & requisitionib; per vos de ipsis fiendis tutè, securè, vel commodè haberi nequiret, Nos vobis Monitiones & requisitiones

Privilegia Monasterij Tinec:

quisitiones huiusmodi ac citationes quaslibet, per edicta publica in locis affigenda publicis, de quibus sit verisimilis coniectura quod ad notitiam dictorum citatorum & monitorum huiusmodi peruenire valeant faciendi plenam & liberam concedimus tenore presentium facultatem: Volentes quod monitiones, requisitiones & citationes huiusmodi, perinde ipsos citatos, requisitos & monitos vt præmittitur ardeant, ac si ipso facto, & insinuatè, præsentialiter & personaliter extitissent citati. Non obstantibus piæ memoriæ Bonifacij PP. VIII. quib⁹ cauetur, Ne aliqui extra suam ciuitatem vel Diœcesim eorundem nisi in certis exceptis casibus & in illis, vltra vnam dietam à fine suæ Diœcesis ad iudicium euocentur, seu ne Iudices extra ciuitatem & Diœcesim in quibus deputati fuerint contra quoscunq; procedere, aut alij vel alijs vices suas committere, seu aliquos vltra vnam dietam à fine suæ diœcesis eodem trahere præsumant; dummodo vltra duas dietas aliquis auctoritate presentium non trahatur, ac de personis vltra certum numerum ad iudicium non vocandis, quam alijs Constitutionibus Apostolicis contrarijs quibuscunq;, aut si alicui communiter vel diuitem à sede Apostolica indultum existat, quod interdici, suspendi vel excommunicari, vel extra certa loca ad iudicium euocari non possint per literas Apostolicas, non facientes plenam & expressam ac de verbo ad verbum de indulto huiusmodi mentionem. Datum Basileæ, XIII. Kalendas Februarij Anno à Natiuitate Domini M. ccccxxiv. Ioan: de Sconsene triginta soldrino.

P. de Vitedono cor.

Sacrosancta
Generalis Synodus
Basileensis.

Brunet. mpa.



S C R I

SCRIPTURA XXI.

S V M M A R I V M.

Anno 1456.

CASIMIRVS III. REX POLONIÆ.

1. Privilegia, donationes, exemptiones, literas omnes à prædecessoribus suis Regibus & Ducibus Polonia, Tinecensi Monasterio concessas confirmat in solidum.
2. Oppida & villas in quarum reali pro tunc possessione fuit Monasterium enumerat.
3. Enumeratas villas ex iure Polonico in Ius Magdeburgense in toto transfert, earumq; incolas apud solos Scultetos iudicari debere statuit.
4. Scultetis plenam potestatem Criminales iudicandi causas ratam facit, à quibus si prouocari deberet, ad solum supremum Iudicem Monast: Tinec: prouocandum esse decernit.

Habetur in Archiu: Tinec: sub litera A. num: 15.



IN nomine Domini Amen. Ad perpetuam rei memoriam. Nos CASIMIRVS Dei gratia Rex Poloniæ, nec non terrarum Cracouiæ, Sendomiriæ, Siradiæ, Lanciciæ, Cuiaviæ, Magnus Dux Lituaniæ, Pomeraniæ, Russiæ, Prussiæ, Dominus & heres. Significamus tenore præsentium quibus expedit vniuersis, præsentibus & futuris harum notitiam habituris. Quod quamuis subditorum nostrorum petitiones licitas & honestas, ad gratiam exauditionis admittimus, illas tamen seruentiori zelo, decretis nostris perennamus, quæ Sacrarum ædium & piorum vsuum redolent commodum & profectum. Oblatam igitur Maiestati nostræ pro parte Venerabilis ac Religiosi Matthiæ Abbatis, Canonici Ecclesiæ Cathedralis Cracouiensis, Fratrumq; Religiosorum. Conuentus ac Monasterij Tinecensis deuote nobis dilectorum, recepimus petitionem in se continentem, vt de nostra innata Regiæ dignitatis benignitate, ipsius Monasterij iura, libertates, immunitates, donationes, dotationes & exemptiones, quas à felicis recordationis Regibus & Ducibus Poloniæ prædecessoribus nostris habent & obtinent, confirmare, ratificare, & approbare dignaremur. Nos verò prædecessorum nostrorum vestigijs, qui dictum Monasterium Tinecense, in remissionem suorum criminum, ac ob salutem animarum, pijs elemosynis dotauere inhærentes, supplicationiq; tanquam rationabili, iustæ ac honestæ, dictorum Abbatis & Fratrum, zelo deuotionis permolliti anhuentes, volentes & diem extremi iudicii pijs & benignis operibus præuenire, de nostra certa

scientia & voluntate, præhabita sufficientissima deliberatione, animo beneuolo, & consilio nostrorum Consiliariorum ad id accedente, memoratis Matthiæ Abbati, Fratribusq; Tinecensis Conuentus, Monasterij quæquæ, ac ipsorum iura, libertates, immunitates, literas, & priuilegia ecclesiastica & secularia, quæ à Diuina memoriæ Regibus ac Ducibus Poloniæ prædecessoribus nostris, veris & legitimis heredibus, super quæcunq; bona & libertates habere dignoscuntur, sub quibuscunq; datis in vita ipsorum, iuste & rectè emanatas, quas & hic habere volumus pro insertis, in omnibus earum punctis clausulis, capitulis, conditionibus, positionibus, articulis vniuersis, ratificamus, innouamus, gratificamur, approbamus, & præsentis scripti patrocinio confirmamus, decernentes ipsa robur perpetuæ obtinere firmitatis. 1. Et quia per diturnum fluxum temporis, nonnulla bona, hereditates, ac villæ, de possessionibus dictorum Abbatis & fratrum Conuentus Tinecensis exciderunt, quædam verò post donationē ipsi Monasterio factā sunt plantatæ & nouiter erectæ, quarundā verò villarum nomina in priuilegijs prædecessorum nostrorū contenta ac designata, sunt immutata: Ne igitur temporis successu, dictum Monasterium Tinecense aliquibus subiaceat grauaminibus, oppressiōibus, seu damnis, bona, oppida, hereditates, ac villas infra scriptas, Tiniec, Pickary, Cieiowice, Roczna, Smierdzoca, Liszki, Kaszow, Nowa wies, Przeginia, Czarniechow, Rybna, Czufow magna, Czufowek parua, Baczaczyn, Grodziec & Regulice propè Tenczyn, skawina oppidum, Sztimbork, Sidzina, Boianowice, Bukowice, Zorzow, Radzielzow, Bronacowa wola, Powozowice, Laczany, Opatkowice super Vilga fluuium, Golikowice, Siercza, Bodzanow, Lapczyca, Koianow circa Bochnia, pogwizdow, Mniszkowice, Rudka, Kargow propè Radšovv, Opatkovvice sub Melztyn, Viazd, Zdania, Ohoynik, Babioniovice, Siedliszka, Melsna, Luboszoſſa, Dobrowka, Tuchovv oppidum, Gromnik, Golanka, Zborovvice propè Cieszkovvice, Kvviatonovvice, Zagorzany, Demborzyn, Kamienica, Zagorze, Kavveczyn, Brzostek oppidum, Januszkovvice, Brzostkovvska vſſola, Klecze, Brzeska, Klodavva, Viazd, Wroblowva, Lipnica, Baczal, Golez castrū, Kolaczyce oppidū, Kraiovice, Bryty, Warzyce, Niepla, Chrzastovvka, Bi. ovvka, Czelusnica, Vnieszcz, Pradnik circa Cracouia, Wilkovv, Charvvin, Wegrzynovvice, Opatkovvice propè Proszovvice, Szvancice, Opatkovvice circa Scarbimiriam, Opatkovvice propè Andrzeiovv, Modrzany, Dolany, Okulice, Xieznice magna, Xieznice parua, Opatovvices oppidum, Piotrkovvice, Vrzuty, quæ in terris Cracouiensi, Sendomiriensi, Becensi & Osuecimensi, siue Zatorienſi, ac earundem districtibus locata ac locatas, sita ac sitas, in quorum impræsentiarum prælibati Abbas & sui Fratres Conuentus Tinecensis duntaxat, sunt reali & actuali tenuta ac possessione, memorato Monasterio adiungimus, appropriamus, incorporamus & inuisceramus præsentibus, per ipsum Abbatem & Fratres eiusdem Conuentus, tenenda, habenda, possidenda, & vſſuenda perpetuis temporibus ac æternis. 3. Quæ quidem supra scripta bona, villas, oppida & hereditates prout in suis metis & graniciibus longè

longè latè & circumferentialiter sunt limitata & distincta, de Iure Polonico & quouis alio, in Ius Teutonicum quod Magdeburgense dicitur transferimus tenore præsentis perpetuo duraturo; remouendo ibidem omnia Iura Polonica, modes & consuetudines vniuersas, quæ ipsum Ius Teutonicum plerumq; consueuerunt perturbare. Eximimus insuper & perpetuo liberamus omnes & singulos incolas cmetones & quosuis oppidorum & villarum prædictarum inhabitatores, ab omni iurisdictione, iudicio, & potestate, omnium Regni nostri Dignitariorum, officialium, Palatinorum, Castellatorum, Iudicum, Iubiudicum, Succamerariorum, ac ipsorum ministerialium, vt coram ipsis aut ipsorum aliquo, pro causis magnis siue paruis puta furti, incendij, sanguinis effusionis, & membrorum mutilationis, & alijs quibuscunq; enormibus excessibus, citati minimè respondeant, nec aliquas pænas soluere teneantur, sed tantum prædictorum oppidorum, ac villarum incolæ, coram suis Aduocatis, Scultetis, ac Iudice dicti Monasterij Tineccensis, qui pro tempore fuerint: Aduocati verò & Sculteti, & hoc si in reddenda iustitiæ plenitudine fuerint negligentes ac remissi, coram Iudice dicti Monasterij Tineccensis, non aliter quàm suo Iure Teutonico Magdeburgensi prædicto, de sa querulantibus respondere sint astricti. 4. In causis autem Criminalibus vel Capitalibus, Aduocatis vel Scultetis oppidorum vel villarum prædictarum, in graniciebus suis, iudicandi, sententiandi, puniendi, corrigendi, condemnandi plenam damus & concedimus omnimodam potestatem ac facultatem præsentium per tenorem; prout hoc ipsum Ius Teutonicum Magdeburgense in omnibus suis articulis, capitulis & punctis postulat & requirit, harum quibus sigillum nostrum præsentibus est subappensum testimonio literarum. Datum Cracouiæ feria quarta proxima post festum S. FRANCISCI Confessoris Anno Domini M cccc Lvi.

præsentibus ibidem Rdo in Ghro. Pre. Dno. Thoma Dei gratia Episcopo Vendenfi, Magnificis & Generosis, Ioanne de Czyzovv Castellano & Capitaneo, Ioanne de Tenczyn Palatino, Creslao de Kurozvranki Castellano Lublinensi, Creslao Woyfczyk de Svvoyca Succamerario, Nicolao Chomstovvski Tribuno Cracouiensibus. &

alijs quampluribus testibus circa præmissa

Datum per manus Venerab: D. Ioannis

Lutkonis de Brzezic V. I. Doct:

Archidiaconi Gnesnensi Sacri

Pal: Apost. Causarum Auditoris & Regni Pol:

Vicecancellarij sin-

cere nobis

dilecti.

A a a

S C R I

SCRIPTURA XXII.

S V M M A R I V M.

Anno 1482.

Doctores & College Academiae Cracouiensis, submissionem faciunt Abbati & Monasterio Tinecensi de censu quotannis soluendo ex laneo Promnicensi, deq. oneribus persolvendis, & honore D. Abbatis praestando, ratione illius agri, in cuius possessione ijs conditionibus conservatur Praepositus, S. NICOLAI.

Ex Archivo Tinec.



Nomine Domini Amē. Ad perpetuā rei memoriā, Nos Stanisla² de Brzezyny Canon: Eccl: Colleg: S. FLORIANI, & Rector; Ioannes de Olsviecim Theologus, & Custos eiusdem Ecclesiae, Sacrae Theologiae Professores. Clemens de Piotrkovv Decretorum Canonica, Ioannes de Regulis Medicinae, Doctores; & Martinus de Casimiria Artistica, Decani Facultatum & Magistri Artium, totaq; Vniuersitas Studij Cracouiensis. Vt charitatis bonum, quae omnium virtutum mater est, cum decore bonarum virtutum augeamus, & in ea proficiamus, & scandalis, dissensionibusq; omnibus viam praeccludamus, statuimus & in animis nostris diu deliberantes disposuimus, cum Rmo. Patre Venerabilibusq; & Religiosis Viris, Dominis Andrea Abbate, Ioanne Priore & Custode, Iacobo clauigero & Praeposito Infirmorum, Ioanne Vicepriore, Gregorio Thesaurario, ceterisq; Patribus ac Fratribus Venerabilis Conuentus Monasterij Tinecensis Ordinis S. BENEDICTI Diocesis Cracouiensis, Statuere & firmare pacem perpetuam, & fœdus ipsius firmiter & irrefragabiliter obseruandum, sub conditionibus & clausulis infra scriptis. Inprimis statuimus & sancimus hinc inde, quod Laneus siue Ager, quem olim Stanislaus Bukay Cmero de Pradnik testamentaliter & irreuocabiliter legauit pro Ecclesia Parochiali Sancti NICOLAI extra muros Cracouienses, in antea & in perpetuum iure perpetuo & irreuocabili pertineat & spectet ad ipsam Ecclesiam & Rectorem qui pro tempore fuerit: quodq; Plebanus agrum illius lanei liberè & quietè iure perpetuo possidebit, arabit, colet pro se & Ecclesia sua, siue dabit colendum cui voluerit, absq; prauiudicio Monasterij Tinecensis, cum consensu Abbatis & Conuentus tunc praesidentis. Item plebanus S. NICOLAI occasione fructuum dicti lanei siue agri, soluet praefato Monasterio Tinecensi censum annualem

Item singulis annis pro festo S. MARTINI debitum, more aliorum Cmetonum lanealium. Item, omnia onera iuxta consuetudinem hereditatis Pradnik & aliorum Cmetonum feret & soluet, in nullo penitus se eliberando extra consuetudinem predictam: quodq; iudicijs Magnis & Paruis intererit, per se vel per alium, locum suum scabinalem locando homine bono & bene possessionato, & ius villæ prædictæ habente: & quod deferre debebit honori Domini Abbatis Tinecensis. pro tempore existentis & Successorum suorum, subditum ipsorum se recognoscendo. Casu autem, quo præfatus Plebanus fortasse contumax seu rebellis esse voluerit, & onera prædicta ferre noluerit, & soluere seu subire renuerit; ex tunc Dominus Abbas prædictus poterit per se, vel per alium officialem suum quem placuerit, prædictum Plebanum pignora in laneo prædicto, quem debet locare homine & pecoribus, perinde ac si ipse Dominus Abbas seu officialis suus ad hoc deputatus, ingressus fuerit domum seu fundum alicuius alterius cmetonis seu rustici præfati Monasterij. Statuimus etiam quod præfatus ager siue laneus censeatur Iuris Ecclesiæ præfate Sancti NICOLAI, quem deinceps vnumus & incorporamus, annectimus & perpetuo inuisceramus Ecclesiæ illi, cum omnibus & singulis suis obuentionibus, vtilitatibus, agris, pratis, campis, pascuis, arcæ & dependentijs connexis singulisperpetuo habendū vendendū commutandū, & in vsus beneplacitos conuertendum proutq; alias sibi, Domino Plebano & Successoribus suis, vtile & commodum visum fuerit, nostro tamen consensu ad id accedente. In cuius rei testimonium sigillum nostrum appendi iussimus. Actum & datum Cracouiz Die Mercurij sexta Martij, anno Domini 1482.



SCRIPTURA XXIII.

S V M M A R I V M.

Anno 1560. Nouemb: 3.

ABBAS ET CONVENTVS TINECENSIS.

Magistris & Doctoribus Collegij Maioris in Alma Vniuersitate Cracouiensi, Canonice-
tum S. GEORGII in Arce Cracouiensi cum Prabenda ad eundem Canonice-
tum ex antiquo spectante, villâ Bronowice & sorte seu medietate alterius villa Reaska;
insuper & huius Collationis seu Patronatus in posterum ad eundem Canonice-
tum presentandi, perpe-

perpetuū futurū temporibus dant, donant & conferunt, cum omni iure & proprietate quam Monasterium habuit, presentandi, fructus præbende illius percipiendi, & alienandi vel commutandi pro beneplacito suo.

Habetur Instrumentum Donationis, in Archiv sub lit: S. num: 6.

Ioannes Lovczovvski Divina patientia Abbas Tinecensis, Andreas Brzechwa Prior Sacri Conventus in Tiniec Præpositusq; infirmorum, Stanislaus Subprior, Hieronymus Krzyzanowski Cancellarius, Nicolaus Zakovvski & Stanislaus Thesaurarij & cæteri omnes eiusdem Conventus Fratres. Manifestum facimus tenore præsentium vniuersis & singulis quorum interest & intererit præsentibus & futuris; quoniam Nos singularem benevolentiam atq; officia prompta Academia Cracouiensis, præsertim verò Doctorum & Magistrorum Collegij Maioris erga nos nostrumq; Conuentum videntes, eorum item inopiam quā circa Mensam premuntur expendentes, volentesq; & benevolentiam illis mutuam reddere, & inopiam illorum pro nostra facultate subleuare, promptioresq; atq; paratiores ad studia publica propaganda, remq; publicam literariam [quæ est fundamentum Religionis & Ecclesiæ Catholicæ] ornandam reddere, quam pleriq; rebus necessarijs quærendis occupati, aut negligentius tractant, aut omninò, non sine incommodo iuuenturis studiosæ (quæ est seminarium Ecclesiarum) deserunt. Constituimus Canonicatum in Ecclesia Diui Georgij in Arce Cracouiensi, eiusq; Præbendam Bronovice nuncupatam, vnā cum medietate seu sorte integra in villa Rzeska ad eundem Canonicatum pertinente, nostros etiam prædecessores qui suā liberalitate Academiam dictam & ornarunt & auxerunt imitantes, in perpetuum Doctoribus & Magistris Collegij siue Domus Maioris dare atq; donare, melioremq; in vsum quam hactenus erat, & in vtilitatem publicam conuertere. Igitur capitulariter congregati, benè deliberati, bonā ac honestā ratione adducti, de vnanimi consensu deq; scientiā certā ac voluntate nostra, dictum Sacerdotium, Doctoribus & Magistris Collegij Maioris tantum, in Academia Cracouiensi, dare & donare decreuimus, prout ex nunc damus & donamus, perpetuā ac irreuocabili donatione supranominatum Canonicatum Ecclesiæ S. GEORGII in Arce Cracouiensi & Præbendam eius seu villam suburbanam Bronovice, vnā cum medietate seu sorte integrā in villa Rzeska ad eundem Canonicatum pertinente, meri iuris, dominij, proprietatis ac possessionis nostræ, cum omni iure, dominio, proprietate ac superioritate nostra, cum omnibus agris cultis & incultis, pratis, syluis, pascuis, venationibus, colonis, cmetonibus, scultetis & Aduocatijs, earumq; potestate eximendi, redimendi, alienandi & in meliores vsus conuertendi, cum hortis, hortulanis, aquis, piscinis, aquarum decursibus, cum curijs, prædijs, eorumq; ædificijs, cumq; omnibus fructibus, censibus, laboribus, oneribus, redditibus ac vtilitatibus, quæ nunc

nunc sunt & in futurum humanâ industria adinueniri poterunt. Et insuper cum Iure Patronatus seu Iure conferendi & præsentandi ad supradictum Canonicatum & Præbendam; quod quidem Ius omne in eisdem Doctores & Magistros Collegij Maioris transferimus, transfundimus, & plenariè illis conferimus, nihil iuris, dôminij & proprietatis, pro nobis & nostris successoribus Abbatibus ac Fratribus Conuentus nostri Tinecensis, relinquendo ac reseruando, ita longè latè & circumferentialitèr, quemadmodum prædictæ villæ Bronovice & Rzaska in suis metis, limitibus, & finibus se extendunt, tenen: haben: possiden: vti fruen: non requisito etiam successorum nostrorum Abbatum & Conuentus consensu ad meliorem conditionem & euidentem vtilitatem Collegij Cracou: dand. donand: venden: commut: & in meliores vsus prout eisdè DD. Maioris Collegij Doctorib: & Magistris melius & vtilius videbitur expedire conuerten. Quod autem attinet Ius Patronatus & conferendi dictum Canonicatum & Præbendam, illud sic vt suprascriptum est, damus donamus & conferimus inperpetuum donatione perpetua dictis DD. Doctoribus & Magistris, vt manus nobis & successoribus nostris claudamus, omni nostro Iuri quod nobis comperebat, renuntiantes, & illud in eisdem Doctores & Magistros transfundentes, vt cumprimus & quotiescunq; in posterum hunc istum Canonicatum & Præbendam per cessum vel decessum Rdi. Dni Alberti Kliovvski Canonici Cracouiensis, moderni eiusdem Canonicatus possessoris, siue ex quacunq; alia causa vacare contigerit, iidem Doctores & Magistri in omni vacatione valeant ad illum, vnum è gremio ac è cætu suo Doctorem aut Magistrum in eadem Academia præsentem & personâ suâ præsentialitèr manentem ac residentem, & labores solitos in ipsa Academia per se, & non per substitutos, obeuntem ac docentem, Rmo. in Chro. Pri. Dno Episcopo Cracou: moderno & pro tempore existenti, aut eius in Spiritualibus Vicario & Officiali, seu alteri ad id potestatem habenti præsentare tanquam veri, legitimi, ac indubitati Patroni & Collatores. Quod quidem Ius Patronatus dictorum Canonicatus & Præbendæ, supramemoratis Doctoribus & Magistris quantum in nobis est incorporamus, iuriq; & immunitati Ecclesiæ per Loci ordinarium adscribi petimus & consentimus, hac lege & conditione adiecta vt quisquis is fuerit præsentatus & institutus ad dictos Canonicatum & Præbendam, fructus ac redditus ex eis prouenientes non vnus solus habeat ac sibi ipsi vsurpet, sed potestas ista disponendi eisdem redditus penes Communitatem Collegij præfati Maioris semper remaneat perpetuò & in æuum. In cuius rei testimonium præsentès literas nostras, manibus nostris subscripsimus, & sigillis nostris appentis obsignauimus, etiam cum testimonio Notarij publici infrascripti. Datum in Conuentu nostro Tinecensi Die tertia Nouembris, Anno Domini M. D. LX. præsentibus circa præmissa Venerabilibus Valentino à Gembokie Decano Sandecensi, Alberto Wedrogoyski Plebano Samogosteni. Generosis Nicolao Poplavyvski Capitano Scavi-


Privilegia Monasterij Tinec:

Seauinensi, Petro Sulovvski, Stanislao Rzychovvski Capitano Tinecensi. No:
bilibus Gasparo Srzeniavva, Valentino Gruszczyński, &c.

Ioannes Lovvczovvski Abbas Tinecensis mps.

Andreas Prior & Præpositus.

Hieronymus Krzyzanovvski &c. Et ego Gregorius. Nicolai de Gostini
Clericus Diocesis Plocensis Sacra. author: Apost: Notar: publ: quia prædictæ
Donationi &c.



S C R I P T V R A XXIV.

S V M M A R I V M.

Anno 1560. Nouemb: 5.

DOCTORES ACADEMICI COLLEGII MAIORIS CRACOV.

1. In contubernio dicto Ierusalem, habitationem cum fornace liberam, studenti in Academia Fratri Monasterij Tinecensis, in vim mutua beneuolentia donant.
2. Eundem Fratrem liberum à sexagena faciunt, imò decem grossos in septimanam eidem inscribunt & sumptum in Promotione Academicâ necessarium pollicentur.
3. In Monasterio Tinecensi Docenti Magistri, rationem in vocatione ad Collegium, Vniuersitatem habituram spondent.
4. Transgressores huius pacti obligatorij, vocandos esse in ius & cogendos ad seruandum omnia.

Habetur authent: in Archiv: Tinec: sub litera S. num 7.



Præpositus, Doctores, & Magistri Collegij Maioris Cra-
couiensis. Significamus tenore præsentium vniuersis & singulis
præsentibus & futuris, quorum interest & intererit. Quoniam
nos singularem beneuolentiam & amorem Rmi Pris. Diuina pati-
entia Abbatis Tinecensis Ioannis Lovvczovvski totiusq; eius Con-
uentus in nos nostramq; Academiam expendentes, volentesq; mu-
tuam illis beneuolentiam & gratitudinem declarare, legitime & debite per
Præpositum Domûs conuocati, maturâ deliberatione vsi, statuimus & conclusi-
mus, vt vni ex Fratribus dicti Conuentus Tinecensis habitationem liberam ab
omni-

omnibus oneribus, quæ haberet caminum vel fornacem in Contubernio Ierusalem demus & assignemus, & apud Vniuersitatem oblineamus, vt consensu eius eam habitationem Frater Tinecensis Conuentus liberam semper habeat, vt sua studia com nodè tractare possit. 2. Sitq; à solutione sexagenz, quæ ratione ingressus datur, liber, atq; à quibusuis propinis. Habeat præterea ex nostris prouentibus grossos Decem in singulas septimanas pro subsidio & victu commodiore. Sumptum item ad promotionem Gradus Baccalaurei & Magisterij, vt à nobis habeat, vel grâti & sine impensa promoueatur, nos nostrosq; Successores bona fide obligamus & obstringimus curaturos. 3. Promittimus præterea & obligamus fidem nostram, si quem Magistrum R. D. Abbas & Conuentus ad docendum Fratres in Conuentu habuerit, eius labores nos reputaturos tanquam si in Vniuersitate laborauerit, & in Vocatione rationem nos eius habituros. 4. Quod si aliquid ex ijs neglexerimus aut implere non curauerimus, tum dictus Conuentus Tinecensis nobiscum & cum nostris Successoribus apud Rectorem Vniuersitatis agat, qui si remissior & negligentior fuerit in nobis nostrisq; successoribus ad præmissa præstanda cogendis, ex tunc dictus Conuentus Tinecensis apud loci ordinarium eiusque Officium iure agat, ac suum ius & promissa sub Censuris Ecclesiasticis à nobis & successoribus nostris, cum damni & impensarum æstimatione petat. In quorum omnium robur & fidem, sigillum nostrum appendimus, manibusq; nostris subscripsimus. Datum Cracouiæ in Collegio Maiori, Die quinta Nouembris Anno Domini MDLX. præsentibus Nobil: Lucâ Skarzynski, Melchior Rayski, Nicolao Iasienski, Stanisla Boniecki, & alijs pluribus fide dignis.

M. Iacobus Gorski Præpositus s. m. p. a.


M. Michael à Wislica S. T, Prof. Custos Ec: S. Flor: Consiliarius Domus Iunior m. p.

M. Albertus Leopoliensis Maioris Collegij Consiliarius Iunior m. p. a.

Respice Domine de sanctuario tuo super Domum istam in sempiternum.

Deuteron: 26. V. 15.





HISTORIAE MONASTERII TINECENSIS LIBER. III.

In quo,
DISTINCTIONES III.
Continentur.

I. De SCVLTEIS & Emphyteutis Monasterij
Tinecensis.

II. De Communicationibus Spiritualium operum, & Priuilegiorum, quas habet Tinecia cum diuersis Ordinibus, & Monasterijs.

III. Distinctio, 1. Antiquiores quasdam Tinecium Consuetudines: 2. Sanctorum Reliquias in Ecclesia eiusdem Monasterij asseruatas: 3. Præcedentium Monachorum loci eiusdem literarios labores: 4. Nec non Particularia Monasteria à Tinecensi regimine dependentia, recenset enumeratque.


(S)(+)(S)

P R A E F A T I O.



Næ illi laborem vtilem suscipiunt, qui vel Historias integras scribunt, vel Historiarum fragmenta & Notationes corradunt. Non enim sine causa, à M. T. Cicerone, Historia, cuius beneficio res gestæ è tenebris in lucem proferuntur, & antiquorum hominum facta, ad posterorum notitiam perveniunt, testis temporum, lumen veritatis, vita memoriæ, morum magistra, & nuntia vetustatis, appellata est. Porro nescire, quid acciderit antequam natus sis, eodem Cicerone teste, hoc est semper esse puerum. Quæ sane infantia prouecta, in rerum præteritarum ignorance consistens, in annosis viris, ab Isaïâ Propheta 65. 20. meritò deridetur. *Puer annorum centum morietur.* qui scilicet tanto temporis spatio, in incunabulis annorum venabatur, & præterita ignorabat, vel scire negligebat. Laudatur verò in sacris eloquijs, qui scit noua & vetera, qui ob longam præteritorum annorum notitiam, senili prudentiâ viget, & grandæuam iudicij caniciem secum circumfert, tot annorum effectus homo, quot sæculorum gesta animo suo fideliter est complexus. Neque verò solum, ad iucundam animi oblectationem, rerum variarum multiplex cognitio est acquirenda, verum etiam, ad morum vitæ emendationem, plurimum confert rerum præteritarum narratio. Dum enim exemplis propositis, quid bene quid malè gestum, & quis euentus quamque actionem consecutus sit, perspicuis verbis ostenditur, prudens cautusque lector efficitur, ut & quid fugere debeat, facillimè per seipsum cognoscere atque intelligere queat. Quare operæ præritum me facturum putauì, si res gestas Maiorum nostrorum, qui in hoc Sarmatico Tinecensi Archicænobio, per sexcentos annos conseruati sunt, posteritati ætatiq; venturæ, tanquam in tabulâ depictas, proponerem, easque ab obliuione & interitu vindicarem, neque pietatem, labores, & industriam, plurium virorum grauissimorum cum annis elabi, & in æternum obliterari permetterem. In quo genere studij, meo quidem experimento, non minimam partem consecutus sum, qui tertium hunc librum Historiæ Tinecentis laboriosè contexui, in quo iacturam honorum Monasterij, multasque alienationes & distractiones in possessionibus, cum graui damno peractas, destitui; antiquorum Monachorum nostrorum nullas industrias, & labores scripturarios extuli, sacra duorum pignora recensui, loca particularia Tineciæ incorporata descripsi, veteres consuetudines nostratium fideliter explicauì. Quamuis autem tertius iste liber propriè analécta dici debeat, quod multas materias in se contineat, quas distinctis paragraphis breuiter explicatas ante oculos ponit, omnes tamen ad clariorem notitiam

Tinecensis Domûs optimè deseruiunt, neque solum auditu iucundæ, sed etiam scitu parutiles & necessaria in eo recensentur.



DISTINCTIO I.

In qua,

DE VASALLIS ET SCULTETIS, MONASTERII TINECENSIS.



Ceterum ex illâ, quam diuersa Priuilegia Archiui Tinecensis testantur, tam copiosa bonorum affluentia, & amplissima ditiois patrimonio; partim Scytharum, Vngarorum, & Russorum vastitate atq; incendijs, partim ciuiliū bellorum calamitatibus, partim confiscationibus Regum subsequētiū & comitiū arrestis, partim potentiorum vi ac rapinis, partim venditionibus, commutationibus, & alienationibus per Antistites & fratres præcedentes factis, partim Aduocatorum & scultetorum multiplicatione & super bonis Monasterij frequenti inſessione: non nisi permodica portio præſentes Canobij Tinecensis fortunâs constituit. Quamuis hæc ipsa prouentuum intra mediocritatem mensura, dum per ministros spectatæ probitatis atq; industriæ procuratur, necessarijs sumptibus, alendæ Monachorum familiæ, hospitum suscepcioni, infirmorum in domestico nosocomio curationi, & pauperum magno quotidie numero, tum peregrè, tum vicina ab vrbe Cracouia, tum ex oppidis & pagis confluentium, subleuandæ indigentia, tolerandis, vt cunq; sufficiat. Porro alias voragines & incommoda quæ magnam bonorum Monasterij partem absorpserunt, dolenter in præſenti ſileo, scultetorum solummodo in bonis nostris exiſtentium inanem & damnosam multiplicationem, expendere propositum in hoc tractatu habeo: quorum prædia, villæ & prouentus, si mensa Canobiali vel Abbatis (quemadmodum ius Canonicum & Regni statuta disponunt) applicarentur, aliquot milium accessione res vtrorumq; locupletarentur. De quorum quidem scultetorum Origine, obligationibus & correctione breuiter pertractabo, vt cuiq; constare possit qualiter in vsum laudabiliorem & regularem præſenti tempore scultetia reduci debeant.

*Quæ origo Scultetorum in bonis Monasterij
Tinecensis.*

Apod Theutones antiquissimus fuit estq; adhuc scultetorum vsus, qui & Aduocati, & vasalli, interdum & emphyteutæ & feudatarij, dicuntur reputanturq;. tametsi in propria significatione iuris Saxonici loquendo, Scultetus is sit propriè, cui officium iudicis in villa subdelegatur, estq; verè præfectus rusticorum, qui etiam in legibus pedaneus dicitur, sine quo legitimum iudicium Saxonicum minime exerceri potest. Vasallus verò & feudatarius germanè est miles, cui collata aliqua bona Regni vel Principis ad vitæ tempora, vel certè ad stirpis eiusdem successionem, ex quibus seruitium Patrono præstare obligatur. Aduocatus item propriè, vel ille qui consilio in causa aliqua adest, vel qui præficitur iudicio municipali, qui etiam Burgravius nonnullis dicitur, iusq; dicit cum Sculteto villanis. Emphyteuta autem qui sub certo censu, vel aliquo obsequio, bona alicuius possidet, quæ ex radicibus elaborauit & ex incultis fructifera reddidit. Verùm in hoc rigore significationis non sumuntur apud nos nomina huiusmodi, præsertim ex suppositione Tinecensium, qui omnes perinde aduitales vsufructuarios, bona Monasterij & Abbatiz ex liberalitate Abbatibus & Conuentus tenentes, Scultetos seu Aduocatos in Priuilegijs quæ elargiuntur, scribunt, nuncupantq;. Sunt verò Sculteti Tinecensis Abbatiz aliqui illustres & primi in Regno Ordinis, aliqui ex Equestri genere, nonnulli fortis inferioris plebeiz, quorum aliqui integras quæstuosas & secundas villas, aliqui dimidiatas cum certo subditorum numero possident. nonnulli prædia cum agris fructuarijs, tabernas & molendina magni emolumenti sortes & ex quibus fructus notabiles habent, in suum vsu fructum collata administrant. De horum primâ origine vt edoceam: magnam inprimis apud Benedictinos olim per Germaniam vasallorum & feudalium bona habentium copiam extitisse, qui tam ex præcellenti & superillustri Principum, Ducum & Comitum familia & Ordine, quam ex mediocri Baronum, Equitum vel infimo plebeiorem gradu numerabantur. Cum enim amplissimas possessiones & plurima dominia Monasteria possiderent, eorumq; Abbates inter Proceres Romani Imperij primi haberentur, & Principum titulis prærogatiuisq; gauderent & insignijs vterentur, ad maiorem dignitatis suæ conseruandæ splendorem, Aulæ suæ Officiales ex Principibus id vltro ambientibus & Dynastis constituebant, quibus in vim gratificationis conferebant feuda, aduocantias dabant, vt sibi magis obnoxios suisq; vsibus commodiores redderent & paratiores efficerent. Huius rei argumentum habemus apud Bucelinum in Aquila Imper-

Imperijs, in qua Abbatum quorundam Sacri Romani Imperij Principum maiestatem describens, Officiales eorum primæ classis Duces enumerat: ac præsertim de Sanga lentii. Campidonæ, Einsledensi Monasterijs hæc inter cætera habet. Solum inquit Diui Galli Monasterium, clientum Principum Comitumq; cateruas totas numeravit, amplissimis per Sueuiam, Heluetiam, Rhetiam, Alsatiam, Brisgouiam possessionibus, in Proceres Germaniæ feudi titulo ac iure collatis, ut plurimi plurimum vsq; hodie obnoxij, fateri cogantur etiam inuiti, fortuna sua initia ab eiusmodi feudis dimanasse, quorum tamen maiores sæpè pessimè meriti, pessimè ingrati, ut & hodie multi, gratiam in debitum verterint, eosdemq; euerfos sæpè voluerint, quibus in omni posteritate nepotum obligatissimi tenerentur. Habuit Monasterium idem præter clientes feudatariosq; alios quamplurimos, Dapiferos, hereditarios Duces Sueuiæ, Vice dapiferos, Dynastas de Bichelsee; Camerarios Barones de Regensberg, & horum vice, Equites Glasburgios: Pincernas, Comites de Hoenberg, & sub his, Equites Landeccios: Mariscallos Comites Zolleranos, & ab his secundos, Dynastas de Mammerthofen.

Officiales verò Campidonensis Abbatis & Monasterij ibidem hos apponit. Campidona Dapiferum habuit Ducem Bauariæ, Pincernam, Ducem Saxonie, Mariscallum, Comitem Montfortium, Camerarium Comitem Nellenburgum.

Officiales Einsledenses istos. Einsledense Monasterium Aula præfectum habuit, Comitem Habsburgium, pro cuius muneris mercede, acceperat à Monasterio in feudum Dominium Kyenberg. Mariscallum, Comitem Raperswillanum; Dapiferum, Baronem Wedischueilium. Pincernam, Baronem ab Uster, Sellarium, Baronem de Regensberg; Culina præfectum, Baronem de Kempten; Præfectum Eherlibacensem; Comitem de Thengen; Camera Præfectum, Baronem de Hobenklingen; Præfectum Superiori & inferiori Marchæ, Comitem Tockenburgium; Præfectum per Brisgauiam & Orstnauigiam, Baronem de Gostenstein; Præfectum San Geroldinum Comitem de Montfort, postea de Sulz Comitem Blumenecium. Quibus succenturiata Nobilitas, & ipsa vice præfectorum munia gessit, Aula quidem Equites de Wolron, postea de Schelenberg, Mariscalli Nobiles de Vrieken, Dapiferi Equites de Humprechtikon, Pincerna nobiles de Liebenberg, Sellarij Equites de Knonow, Culina nobiles Meiffij de Tiguro, alijsq;

Et tandem idem Buccelians omnium loco, solius Monasterij Augiæ Diuitis feudatarios, tam Principes, quam alios illustres & prænobiles homines cum suis Armis gentilitijs subiungit; ut quanta pars Nobilitatis Alemanicæ, vni huic Cœnobio, vel solo temporalium bonorum vsu & respectu obligata fuerit, demonstraret. Ponit itaq; syllabum Clientum & feudatiorum Monasterij Augiæ Diuitis ad Rhenum infra Constantiam consulentis; vbi Archiduces Austris quatuor numerat, scilicet, Rudolphum, Fridericum, Albertum & Leopoldum qui feuda ab Augiensibus acceperant; numerat Henricum Ducem Saxonie, Duces Brunsvicensæ, Sueuiæ Zaringie &c. numerat diuersos Comites 30. Barones 46. Equites 50. Nobiles 200. de nomine & cognomine, eiusdem Monasterij Vassallos, quorum signanter nomina in monimentis Augiensium descripta esse commemorat: ut planè nullum vnquam.

Distinctio I. de Scultetis Monasterij Tinecen:

vnquam Regum seu Caesarum, tantum Equestris Ordinis Procerum, numerum fuisse sciamus, quantum re ipsa Magnus Archidux noster BENEDICTVS aluerit: *ut nemo*, inquit idem Bucelinus, *nisi cecus atq; impius queri possit, tantas tam bene merito atq; Magistro insuper Hospitalitatis Ordini opes obligisse.* Hæc Bucelinus præfato libro. Cuius argumento inducor ipse fortiter, facile ut credam, Abbates Tinecentis Monasterij, ex Burgundico Cluniacensi canobio, & genere Alemanico, à prioribus Monasterij nostri erectione delectos ut plurimum & in Poloniam missos, Abbatum Principum Germaniæ facta, ambitiosa æmulatione imitari voluisse, & multos Aduocatos feudatarios de Ordine Equestri adlegisse sibi, eisq; non modicam partem bonorum canobij contulisse, eo potissimum fine, ut & Officiales Aulae ministrosq; ex eis haberent, & eorum frequentia in foro & publica Regni luce stiparentur, hostilesq; si insurgerent grassationes, Arces monasterij ab iisdem Aduocatis defenderentur. Pro cuius rei assertionem, plurima Archiui nostri Privilegia in promptu habemus, quale est anni 1383 in Armariolo sub litera N. n. 18. & 19. ubi Ioannes Abbas Tinecentis, Nobili sculteto in Moderowka, hæc munia obsequiosa præscribit. *Scultetus seruiet nobis in equo cum balista, dum expeditio fuerit generalis, vel dum nobis necessitas fuerit, debet seruire & venire ad nos ad castrum nostrum Goleß. Cimetones etiam nostros iuxta Theutonicum l. Maydeburgense ipse iudicabit. Citatus vero, coram nullo alio respondebit, nisi coram nobis & nostris septem iuratis scultetis in castro Goleß. citariq; debet per literas nostro annulo signatas, &c.* Illud quoq; CASIMIRI Magni Privilegium quod habetur in Armariolo sub litera H. n. 2. datum Abbati Tinecenti, in quo Nobiles aliquot in gratiam Abbatis à generali expeditione bellica per Regem absoluntur, ut Abbati præsto adessent in præsidio Arcium & totius viciniæ defensione.

Quamquam & alias causas, Scultetos & Aduocatos instituendi in bonis Cænobijs, maiores nostros habuisse prudenter coniecturamus: cum enim Polonia, diuersos Principes à morte Diui Stanislai haberet, & sicut corpus Sancti Præsulis in partes plurimas concisum fuerat, ita regnum Poloniæ in multos Ducatus Dynastiasq; distractum & diuisum esset, tunc pluribus suis Tetrarchias gubernantibus & inter se ut plurimum dissidentibus Principibus multiplicia è vestigio mala & clades innumeræ Poloniam inuaserant: cuius Prouincias immani feritate incursantes Russi, Scythæ, Litavi, Germaniq; & igne eas deperdentes, ad magnam vastitatem & desolationem pagi oppidaq; Regni & accolarum eius redacta fuerunt. inter quæ Tinecentis Monasterij amplissimæ possessiones, cum simili incursione, terræ coarctatæ existerent, & diu incultæ iacerent, pace tandem reddita & bellis finitis, ut rursus nouis coloniis inædificandæ & excolendæ traderentur, Abbatibus consilium iustumq; visum fuit: ab ijs itaq; diuersis emphyteutis campi & pagorum combustorum areæ, sub certa pensione annuâ, ad directi dominij contentationem, collatæ, nouis coloniis, ædificijs, & hominibus cum tempore sunt adimpletæ. Hoc idem loquuntur Privilegia Archiui nostri circa annum 1250.

data

data sub BOLESŁAO Pudico, pro quo adhuc iuvene, cum HENRICVS Barbatus DVX Vratislaviensis tutorio nomine Poloniam administraret, Ius Theutonicum introduxerat, & Sculteros Aduocatosq; vt iuxta leges Germanorum, in oppidis & pagis Polonicis iura exercerent, instituerat: quod ipsum Pudicus postmodum confirmauit, eiusq; successor ad falces Lesco Niger eadem Iuris Theutonici prerogatiua, ornata oppida perpetuo esse voluerunt, & praesertim urbem Cracouiam, cuius regimen ciuibus nationis Germanicae commiserant, ex ea potissimum ratione, quod contra Conradum Ducem Masouiae, arcem Cracouiensem & fidem integram sibi conseruassent. Quod genus regiminis & iudiciorum more Theutonum dicendorum, cum Abbatibus Tinecensibus ex Germania vel Gallia vt plurimum illo tempore oriundis, placeret magis, quam Ius Polonicum, vniuersae villas omnes & oppida ex Iure Polonico in Ius Theutonicum, assensu Regum ad haec obtento, intra Dominium Tinecense transtulerunt. atq; inde in bonis Monasterij Aduocatorum & vassallorum numerus excreuit copiosus.

S. II.

Quae sunt obligationes Scultetorum & Vassallorum.

Sicut vetus habet paræmia. Quod datur beneficium propter officium, sic Sculteti fructibus Ecclesiae inaniter non essent sustentandi: qui ratione Sculterialis subiectionis, seruitia suis Patronis exhibere, eorum iussis obedire, & canonem proportionatum annis singulis in signum recognitionis directi dominij numerare tenentur. Id colligitur ex Priuilegijs Archiui nostri, in quibus legimus, qualiter oppida & pagi Tinecensium, ex Iure patrio Polonico in Ius Theutonicum transferebantur, simulq; autoritate Regia, a iurisdictione officialium Regni & Regionum, subditi Monasterij eximebantur, neq; ad vllum alium Iudicem citandi declarabantur, nisi ad suos Scultetos; quibus Ius omne & iurisdictionem vniuersas & singulas causas criminales & civiles inter homines adscripticios & liberos in villis & oppidis Tinecensis Monasterij habitantes, decidendi, iidem Reges & Principes conferebant & addicebant. videri potest Priuileg: sub lit. A. n. 6. Lesconis de anno 1286. & sub litera L. n. 1. anni 1288. & Præmissi Regis sub litera A. n. 7. anni 1290. & Casimiri Magni litera A. n. 12. anni 1358. & Casimiri Tertij sub eadem litera A. n. 15. anni 1456. & aliorum Principum permulta Diplomata, quibus olim Monasterium Tinecense decoratum fuit. Verum & præter monumenta Cœnobij nostri, ipsa Statuta Regni & sanctiones G. nera-

Distinctio I. de Scultetis Monasterij Tinecen:

les, naturam & obsequia Scultetorum sufficienter descripserunt; adeatur Herbur-
tus tit. Scultetus. vbi Casimirus Rex anno 1368. Vislicia, constitutionem huius-
modi protulit. Cum officium Scultetorum semper existat seruile, & ad nutum Domini-
rum suorum stare & facere, iure teneantur: indecens est ut maiores & potentiores perso-
nae in Scultetia aliquas, praeter Dominorum voluntatem assumantur. Idcirco fuit visum no-
stris Baronibus, ut nullus Miles aut alius quicumq; Illustris emat aut acquirat sibi, in aliqua
villa Scultetiam, praeter illius villa Possessoris, siue Domini, siue Patroni voluntatem. fa-
ctam autem emptionem contra hoc statutum, decernimus irritam & inanem. Eandem
obligationem Scultetorum ex antiquo usu inductam, quod scilicet Sculteti esse de-
beant villae illius in qua degunt directores & procuratores, idq; tam quoad cor-
rectiones & iustitiam inter subditos mutuò conseruandam, quam etiam quoad la-
bores & obsequia Curiae & praedio Domini, certis diebus à subditis praestanda;
insuper & circa alios proventus ex fructibus villae Domino cumulandos & colli-
gendos tenentur esse Sculteti occupati & omnino inuigilantes, clarè colligimus
ex Constitutionibus Synodalibus lib. 3. tit. de emptione & venditione: c. 1. §. 2.
vbi Scultetorum munus & partes istae assignantur. *Experientia certè adidicimus, quod
ex pluralitate Scultetorum frequenter contingit bona Ecclesia desertari. Statuimus ut in bo-
nis Ecclesiae quibuscunq; vnus Scultetus duntaxat, qui bona regere valeat, habeatur. Si au-
tem Scultetus plures filios habuerit, eo decedente, potior filius ad regendam Scultetiam eliga-
tur, qui fratribus iuxta taxam Scultetiae, de certâ pecunie quantitate, secundum quod quemq; pars
pecunia contingit, soluere in certo termino per Dominum villae statuto, sit adstrictus. Aliâ, si soluendo
non fuerit, alteri extraneo, de consensu tamen Domini omnes fratres ex tunc eandem scultetiâ, infra
spatium vnius anni, vendere inexcusabiliter teneantur.* Iam verò, quod in suos Scultetos &
vassallos Patroni, & Domini Collatores, ius temporale & largum dominium ha-
beant, eosq; in sua potestate continere debeant, nec non, quod eorum sint Ordini-
narij Iudices, deq; Scultetorum causis, ad Patronos cognoscere pertineat, Cano-
nista ex Rescriptis Pontificum demonstrant. Nihilominus & Statutum Regni Po-
loniae conditionem Scultetorum decircinat, nihilq; eos in bonis Scultetialibus fa-
cere posse, absq; consensu Dominorum suorum, edocet. Ex quibus dedititius eo-
rum status & seruitio subiectus colligitur.

§. III.

*An Sculteti Spiritualium in Regno Poloniae,
seruitium bellicum facere teneantur?*

IN Statutis Regni nostri, & Constitutionibus Generalibus, ab Herburto col-
lectis, legitur Sanctio, titulo De Scultetis, ut omnes Spiritualium & Secu-
larium Sculteti militent; quam legem CASIMIRVS REX Anno 1368. Vi-
slicia

Alicia in hæc verba pronuntiasse scribitur. Quia onus, præsertim quod omnes tangit, inter plures diuisum facilius deportatur: quapropter statuimus, quod indifferenter omnes Sculteti tam Spiritualium quam etiam secularium personarum, iuxta ipsorum facultates, ad quamlibet expeditionem nobiscum transire teneantur. Ibidem habetur Sigismundi Constitutio anno 1538. sub hoc tenore verborum: Visum est, ut si probatum fuerit, Scultetos Spiritualium teneri ad expeditionem bellicam, Sculteti eorum sint obligati deinceps nobiscum in bellum proficisci, præter eos, qui Priuilegijs essent ab expeditione exempti & liberati. Quæ Priuilegia Domini Spirituales in Synodo proxima, postquam præterita (propter mortem Domini Archiepiscopi) effectum sortita non est, se recensere promiserunt, & illa postmodum in Conuentu Generali Regni proximè post Synodum futuro exhibebunt, ut ex illis fiat cognitio, de immunitate Scultetorum seu Aduocatorum, vel obligatione ad præstandam & sustinendam bellicam expeditionem. Apponitur & Augusti constitutio, Petricouia in anno 1550. facta, huiusmodi: Quia ubi est maior hominum copia, ibi viuentior: renouando antiqua statuta, statuimus ut ex Scultetis & Aduocatis, bellicum seruitium fiat: idq; tam ex eâ, quæ possidentur ab ipsis, quam ex hâ quæ exemptæ sunt. Nihilominus in futuro Comitibus, Spirituales hoc docere debent, an Sculteti vel Aduocati eorum, à bellico seruitio liberi sint, iuxta Statutum anni 1538. quod quidem si non fecerint, ex tunc scultetia & Aduocatie eorum ad perfectionem bellicam iam tenebuntur & erunt obligata.

Quibus Constitutionibus, ut sunt allegata ita præsuppositis; quæritur, An ex realem effectum aliquando sortita fuerint in Regno nostro, vel utrum Ecclesiasticos (dato quod iuste fuerint) ligent in præsentî; Ad cuius quæstionis solutionem, sciendum omnibus inprimis cupio, quod ea consuetudo ubiq; gentium, in omni natione & populo etiam barbaro, à iure Naturali orta semper floruerit, quia in vnaquaq; republica, aliqui homines cultui Diuino dicati fuerint, siue interea cultus veri DEI apud eos seruaretur (vti apud Hebræos, de quibus Regius Vates occinit Notus in Iudea DEVS, quasi apud eos solos DEI cognitio veri tantummodo haberetur) siue idololatræ essent, & opus manuum humanarum, lignum vel lapidem ritibus DEO debitâ percolerent, siue aliud quodpiam Numen ceremonijs latriæ p.osequerentur: ij omnes superum obsequio addicti sacratiq; homines, sicuti publicis omnium alebantur stipendijs, sic à vulgaribus & communibus excepti fuerint seruitijs, quo commodius litarent Numini, & publicæ rei superos redderent studiosos. Hoc idem factum in Polonia, quæ postquam lumen veræ fidei sub Miecislao Primo indepta est, statim Numini vero sunt immolati Dij falsi, & ex aris eorum, igne concepto, Polonia à superstitione gentilicis expiata fuit. In qua Miecislauus tot basilicis ad cæli inuidiam magnificè erectis, Principatuq; in duos Archiepiscopatus distributo, septem Episcopatibus Religionis maiestatem auxit, & pro victu necessario Cleri, Decimos frugum manipulos, sacrum scilicet tributum cælo, cleroq; concessit. Concessit pariter sacris ipsdem DEO hominibus immunitatem omnem, quod pretium maius Polonæ

libertati faceret; eosq; à bellico exemit seruitio, vt sola prece & hostijs incruentis, hostium furorem & sitim sanguinariam restinguerent. Laicos verò Sarmatas suos, Neophytas & tyrones Orthodoxiæ, vt scirent cui gladios suos ferrent, docuit, vt quoties sacer Euangeliorum codex volueretur, gladium vnusquisq; vibraret, quò omnem perfidiam mactare se velle protestaretur, & ferreum murum pro fide Christi fortes Polonos, pectus habere hoc pacto comprobaret. Ipsissimus successor Miecislai, Boleslaus Chrobry primus Rex Polonorum, cum Statum Militarem & Ecclesiasticum legibus ordinaret communiretq; vt fuit pietati & Religioni apprimè deditus Princeps, sic stabiliendæ reipublicæ gratiâ, Cælitibus inprimis detulit, hanc potissimam sui Regni dotem existimando, Religionem procurare, & fidem promouere. Cui facilius amplificandæ, Spirituales & Ecclesiasticos viros, prouisionibus Regijs bene auctos, & honoratos, ab omnibus oneribus, expeditionibus & seruitijs publicis liberos esse voluit. Quod ipsum succedentes quoq; Principes, qualis fuit Boleslaus Pudicus, Venceslaus Bôemus, Casimirus Magnus, Zemouitus Dux Masouiæ, de statu Ecclesiastico iudicarunt & ordinarunt: ne & ipsi iugum cum secularibus ferant, & eorum subditi ab omnibus oneribus publicis & seruitijs perpetuò exempti conseruentur. fas enim est, imò & necesse, vt cum Clerici seruitio Diuino mancipati, in laicis cognitionem Dei eiusq; venerationem promouent, & pro illorum salute peruigilant, pro ipsis vicissim excubias militares profani obeant & onus belli expediant, iuxta illud:

Presbyteri labijs orant, laiciq; laborant,

Plebs, dum pro populo Presbyter orat, arat.

cum initiati, supremæ Diuinæ Maiestati Sacra dant, & eius ministerio detinentur, æquum est vt mutuam à subditis suis operam accipiant, & seruitio competenti vicissim honorentur; quo expeditius faciatissimo munere perfungantur, & vitam transigant mortalem; in quo genere plurimum haberent incommodi, si eorum cliques, Sculteti, & vasalli, bellicis seruitijs implicarentur, & ad alia onera ferenda compellerentur.

Sed hic erumpet immunitatis Ecclesiasticæ grassator, & Casimiri Magni constitutionem plenis buccis crepando detonabit, teneri nimirum Spiritualium Scultetos ad militare seruitium, quod iunctis omnium viribus tractandum est, vbi vniuersorum fortunæ periclitantur. Huic respondeo, fuisse sub Casimiro Magno in maximo periculo constitutos Polonos, quos Lithuani, Russi, Scythæ passim infestis agminibus adoriebantur & assultibus bellicis diuexabant, ad quorum incursiones arcendas vimq; propulsandam, omnes edicto Regis ad generale bellum conuocabantur Poloni, hoc tamen Regium mandatum, ad Realem executionem non fuit tunc deductum, neq; Spiritualium Sculteti militarunt, quia fortitudine & alacritate Nobilitatis Polonæ, ferocitas hostium incursantium egregè compressa & edomita fuit, illeq; publici belli vrgentis casus, facilem expeditionem habuit. Casum verò extremæ necessitatis hic quoq; excipimus, qui si

qui si ingrueret, quemadmodum omnes etiam plebei, rustici & oppidani, viri-
 quique ad defensionem patriæ tenerentur, ita & spiritualium subditi, & fortè
 ipsimet spirituales suorum laterum obiecti, furorem hostilem retundere obliga-
 rentur. Quod etiam Romanos olim obseruasse legimus, apud quos sacrifici &
 mystæ habebantur immunes à belli necessitate, si tamen Gallica obsidio Urbem
 premeret, illi quoque excubias agere & stare in vigilia Urbis obstricti erant. Præterea
 Panicus ille casus & formido vniuersalis, quæ circa annum Domini 1475 omnes
 quidem Europæos non mediocriter corripuerat, quando Casam Turca expugnauit,
 sed præ cæteris maiorem metum incuiderat Polonis, quo hostili potentie ad se
 faciliorem credebant accessum: ac proinde maturo consilio, insultum præueniendo
 hostis, ex senatus consulto apud Polonos statutum fuit, ut omnes ad vnum ad
 arma euocarentur, simulque acclamatum fuit, ut & spiritualium vasalli in aciem
 descendere non aberrarent: illo tamen articulo temporis, non fuit ventum ad
 prælium, quia Turca contra Poloniam ne quidquam tunc attentauit. In reliquo,
 istæ constitutiones, quæ Scultetos spiritualium ad bellicas expeditiones accin-
 gunt, desumptæ sunt ex anteriori statuto Przylusci, quod receptum non est,
 quia ab homine suspectæ fidei congestum fuit: neque posteriora hæc Statuta Her-
 burci ex illo volumine Przylusci magna ex parte transumpta, aliquo comitio-
 rum Decreto sunt adhuc approbata, ac proinde ambiguas constitutiones plera-
 que continent quæ in praxi nunquam obseruantur. In contrarium verò, anti-
 quissimam immunitatem bellicæ expeditionis spirituales sapientius demonstrarunt,
 quæ libertate etiamnum fruuntur, nec cogi possunt, ut vel ipsi, vel eorum subditi
 huic oneri subiecti esse debeant. Et si verò crebrius Præsules Regni nostri, ex
 mera in rempublicam liberalitate & verò amore, manipulos militum conducto-
 rum, & vexilla cataphractorum ad castra reipublicæ præiudicando. In cassum
 coactè sed vitro præstant, ne quidquam immunitati præiudicando. In cassum
 itaque scultetos spiritualium Statistæ ad bellum obarmant, qui ratione eorum bo-
 norum quæ habent ab Ecclesijs, seruitia Ecclesijs & suis Patronis & non alteri
 cuiquam exhibere de iure adstringuntur. Hoc autem munus eundi ad bellum,
 & proprii pectoris oppositu, pro salute patriæ onus dimicandi cum hoste, est
 opus peculiare Nobilitatis Polonæ, quibus Priuilegia libertatis idcirco sunt con-
 cessa, ut semper in armis sint, facturi bellum quod fors obtulisset. Clarissime de
 hoc bellico seruitio, quod Nobilitati incumbit, Ludouicus Rex edisserit; cui Ia-
 giello subscribendo, opus proprium eorum esse ait, *metas seu granicies Regni nostri
 Nobiles ab insultu hostium propriis sumptibus tueri debent & omni modo obligantur.* CASI-
 MIRVS quoque Iagiellonides id oneris eidem Nobilitati adscribit, *Nobilitas inquit
 sui proprijs cernicibus à casibus bellicis Regnum nostrum defendere est adstricta.* Frustra
 itaque spiritualium vasalli, tali classico ad prælia euocantur, cum ex vi feudi Ec-
 clesiastici alijs seruitijs vacare sint obligati. Nihilominus alio titulo, nempe
 quæ Nobiles, & propria insuper bona terræ habentes, ad communem expeditio-

rem belli cum alijs Nobilibus, parati esse debent Sculteti, sed non quâ Sculteti, prout clarè iam est demonstratum. Poterit etiam legi Andreas Lipscius, Decadis qq. publicare quest: 7.

S. IV.

Virum hoc tempore sint commoda vel certè incommoda & damnosa Monasterijs, Scultetia?

Quidquid fuerit retroactis temporibus, cum in Polonia vsus adhuc Iuris Theutonici seruaretur per villas, tunc Sculteti bono regimini pagorum intendendo, & querelas subditorum dijudicando, Curiaq; Dominorum suorum diligentiam habendo, aliquo modo fructus suos fecisse & contritijs seritijs gratias tam largas commeruisse non inficiamur. Cæterum hac nostra ætate, vbi forma iudiciorum Regni, in omnibus pagis seruatur, & incolis villarum à Præfæctis iura dicuntur, Vassalli & Sculteti nostri haud tantum otiosi sunt, quin imo onerosi, qui subditis in vicinia existentibus, non leues sæpe iniurias inferunt, eorum agros per sua animalia depascendo, sylvas excindendo, & alijs incommodis eisdem diuexando. Vel certè, qui Vassallis Tinecensibus patrocinari cupit, ostendat quæso, quo nam genere seruitiorum suorum, tantum beneficium quod ex bonis Ecclesiæ percipiunt, vel leuiter promereantur? ego verò nulla eorum merita, quibus tantas gratias exmerito consequantur, hætenus inuenire possum: scio nonnullos eorum, mille florenos & amplius, annui prouentus ex possessionibus Monasterij percipere, qui tamen, vel pileum in signum subiectionis & gratitudinis deponere coram Abbate Patrono & Conuentu grauantur, multo minus obsequio aliquo vtili & percommundo ob gratiam Monasterij facto, mereri assolent. Canonis quoq; pensionem leuiusculam, decem vel triginta ad summum florenorum extradere si compellantur vel potius submisisse exorentur, hoc ipsum fastidiosè perinuiti faciunt, insignè suum in Monasterium beneficium exaggerando cuius fortunas hoc pacto locupletarent. Benè itaq; primariæ, in republica dignitatis homo, inutilem Scultetorum Tinecensium cateruam perpendens, qualiter illi amplios redditus possidendo, nullo officij munere eos compensarent, suafurum se Administratori Abbatiæ & Conuentui receperat, vt tales damni gerulos, voragines Ecclesiasticæ substantiæ & Monasterij forices à pascuis Ecclesiæ postmodum arcerent, tam bonos bolos patrimonij Ecclesiastici, inutilibus personis non amplius conferendo. Satiùs verò, Abbati suadebat idem, mil-

le flo-

se florenos mercedis promerita in annum aulico numerare, qui administer sit victus quotidiani & famulus ad iussa præstanda, qui latus heri stipet & deducat euntem, qui stipendium trimestre mereat & in dies ministret Domino, quam ignavis & umbraticis his hominibus prædia & villas conferre, in quibus ceu cochleæ abscondant & retinent sese tãciti, publicum fugientes, & nil minus cogitantes quam suam obligationem, quæ eos feudi nomine & beneficij à Monasterio accepti, seruos suorum benefactorum constituit. qui aliam certè quàm deberent, præferentes mentem seq; absolutos, in sorte & pago Ecclesiæ, Dominos æstimantes, faciunt cuncta pro libitu, contractus de re Ecclesiæ faciunt, inscribunt pensiones, ius aduitale vendunt, & de alieno passim nundinantur: iamq; in tantum eorum abusus processit, vt si arte aliqua consequantur Sculteriam hodie, cras eam alteri vendant; quemadmodum nuper rapacitæ aliqui & aulici accipitres in bonis Tinacenensium processerunt, qui omnino ignoti, non solum vilius meriti homines apud nostrates, post obtentas & artibus quæsitæ Sculterias, è vestigio easdem aliquod millibus florenorum alijs vendiderunt, rursus intenti in omnem occasionem ipsi, si qua forte nouiter alterius Aduocatiæ consequendæ hæretur occasio, quales aucupes plures de nomine recenserem, qui prædas ex bonis Tinacenensium non postremas egerunt. Iam autem hi qui nundinatione tali, bona mercati sunt ab illis, pretium suum id tantum reputantes quod exoluerunt, titulo iustæ emptionis bona se acquisisse dicunt, in eisq; ceu in proprijs dispositiones innouant, nihil interim Tinaciæ se debere clamantes, vt qui non gratis sed pecunijs comparauerint bonum, illudq; tanto peculio sint nundinati sic beneficium amittit officium, gratia ingrata, sic plurima Cœnobij alienantur bona, quæ à famelicis harpyis hoc actu dilacerantur. Quod vrinam attentæ mentis consideratione expendant Rectores nostri, qui per suam incuriam & vituperabilem conuiuentiam, tantam bonorum Ordinis euerfionem ab alijs perpetrari sinunt, qui indignis patrimonium CHRISTI prodigunt, quod sacris tantum vsibus impendendum foret. contra tales Religiosorum Antistites, Decretum est Sacræ Congregationis Concilij, Urbani VIII. iussu editum anno 1624. De rebus regularium non alienandis, cuius copiam ex impresso huc transcribo.

Sacra Congregatio Cardinalium Concilij Tridentini Interpretum, rerum experimento edocta, quantum Religiones accipiant detrimenti ex bonorum immobilium & pretiosorum mobilium distractionibus, quas crebrò faciunt Regulares Apostolicis Priuilegijs innixi, ac proinde operæpretium putans illorum facilitatem aliqua ratione compefcere, Speciali Sanctissimi D. N. iussu, Generalibus & Provincialibus Capitulis vel Congregationibus, Abbatibus Generalibus & quibuscunq; alijs superioribus Regularibus cuiusvis Ordinis, congregationis, societatis vel instituti, intra fines Europæ existentibus, omnium rerum & bonorum immobilium, ac pretiosarum mobilium, alienationem, omneq; pactum per quod ipsorum dominium transfertur, census perpetuos seu vitalitios, hypothecam, locationem, & conductionem ultra triennium, concessionem in feudum vel emphyteusim, præterquam in casibus à iure permissis, fieri perpetuo prohi-

prohibet atq; interdict, absq; ipsius Congregationis Concilij expressa licentia in scriptis & grati concedenda, sub pena priuationis omnium officiorum qua tunc obtinebunt, vocisq; actiua & passiva, ac perpetua inhabilitati ad illa in posterum obtinenda, quam ipso facto, absq; alia declaratione incurrant; sublata etiam Generali & Protectori illam moderandi aut relaxandi facultate; panu nihilominus Apostolicarum Constitutionum & praesertim felic: rec: Pauli II. que incipit, Ambitiosæ, in suo robore permansuri. Alienationes vero, pacta, census, hypothecas, locationes, conductiones, & concessionem quascunq; contra huiusmodi prohibitionem faciendas, Sanctitati sue autoritate, ipso iure nullas atq; irritas decernit. Non obstantibus Constitutionibus & ordinationibus Apostolicis in fauorem quarumcunq; personarum atq; Ordinum, tam Mendicantium, quam non mendicantium, militiarum, etiam S. Ioan: Hierosolimitani, Congregationum, Societatum, ac alterius instituti, etiam necessario & in indiuiduo exprimendi, Monasteriorum, Conuentuum, Collegiorum, Domorum, ac locorum Regularium quorumcunq; nec non illorum, etiam iuramento, confirmatione Apostolica vel quauis alia firmitate roborati, Statuti vel Consuetudinibus etiam immemorabilibus, exemptionibus quoq; indulti & priuilegiu, sub quibuscunq; tenoribus & formis, & cum quibuscunq; etiam derogatoriis derogatoriis, alijsq; efficacioribus & insolitis clausulis, nec non irritantibus Decretis, etiam motu proprio & ex certa scientia, ac de Apostolica potestate plenitudine, aut alias quomodolibet etiam per viam communicationis seu extensionis concessis, & iteratiu vicibus approbati & innouati; etiam si pro illorum sufficienti derogatione de illis eorumq; totu tenoribus ac formis, speciali & indiuidua ac de verbo ad verbum non autem per clausulas generales idem importantes, mentio seu quauis alia expressio habenda & aliqua alia exquisita forma seruanda esset, tenores huiusmodi presentibus pro expressis habentes, quibus, quo ad ea que presenti Decreto ac prohibitioni aduersantur, illis alias in suo robore permansuri, specialiter & expresse Sanctitati sue autoritate derogat, ceterisq; contrariis quibuscunq;. Datum Romæ die VII. Septembris 1624. Cosmus Cardin. de Torres. *Asper.*
Fagnanus S. Congr: Secr.

Sunt præterea multæ grauissimæ Inhibitiones Religiosorum Prælati intantæ, De rebus Ecclesie non alienandis: Constitutionum Synodaliu Prouinciæ Polonæ lib 3. tit. de reb: ecc: non alien. descriptæ, ex quibus Petri Gamrati, Petricouia, anno 1542. factam additare placet. Cum pleriq; Abbates, Prapostiti, & Abbatissæ, villas & bona Monasteriorum suorum, & Iuspatronatus Ecclesiarum hactenus alienarunt, seu in emphyteosim conceperunt, extra causam eidentu utilitati, absq; consensu Episcopi loci: Decreuit hæc Synodus, vt Dni Lociordinarij, autoritate eiusdem Synodi, citra omnem moram, que periculosa est, decernant monitoria contra tales Abbates, Prapostitos, & Abbatissas, vt infra terminum vnus anni, totaliter omnia alienata recuperent. Quod si lapso termino non recuperauerint, autoritate presentis Synodi per Ordinarios à Pralaturis & officijs suis deponantur. Et si deinceps quispiam ipsorum huiusmodi alienationes facere presumpserit, statim ab officio & pralatura deponatur: talisq; alienatio sit nulla ipso iure. Videri poterit simile interdictum.

dictum c. Abbatibus. 12. q. 2. & ambitiosa. in extrauag. d. t. Eiusd. m. centuræ & rigoris, habetur eod: lib: & tit. Ioannis Przerembski Varlauiz Synodalis sanctio. Et quoniam alienationes seu dilapidationes bonorum Monasteriorum, eo vsq; proceſerunt, vt etiam verendum sit. ne penitus per huiusmodi alienationes bona Monasteriorum sensim pereant, & à proprietate Monasteriorum recidant: Sacra hæc Synodus, inherendo antiquis constitutionibus & Synodalibus Statutis, decreuit, ne Abbates & Prapostiti, similiter etiam Abbatissa & Priorissa cum Conuentibus suis, aliquas venditiones donationes, concessiones, locationes quasq; & quosuis alios contractus, permutationes, vel alterius cuiusquam denominationis aut emphyteosis, etiam prætextu euidentis vtilitatis Ecclesie, sine consensu RRmorum DD. Lociordinariorum, ac suorum Capitulorum, Metropolitanarum & Cathedralium Ecclesiarum, sub pena depositionis & alijs penis iurū faciant: alienata verò, quasq; viâ superius descripta, iuxta Statuta priora, ad decursum vnius anni, à quibuscunq; personis, tam Ecclesiasticis quam secularibus iuridico Processu, vel alia quacunq; honesta ratione euincant, vsuiq; & possessioni pristina Monasteriorum restituant. Alioqui si negligentes infra hoc tempus in recuperandis bonis ipsis Monasteriorum fuerint, de diligentissq; sui legitimi Dnos Lociordinarios non docuerint, tunc iidem Dni Lociordinarij ad depositionem talium iuxta Statuta Prouincialia procedere teneantur. consulatur etiam Clement. 1. tit. de reb: ecc: n. Alien.

Cumq; humanæ adinventiones argutæ sint ad palliandos errores & defectus, quos in contractibus committere solent viri Ecclesiastici tam Regulares quam etiam Clerici seculares, qui bona Ecclesiarum ne videantur alienare, ea locare ad multos annos alijs. & conducere solent; ex quibus locationibus verissimè compertum est, hæc damna ipsissima sequi quæ Constit: Synodal: libro 3. tit. de locato & conducto Drzeuicij Pragmatica detestatur, cuius sunt ea verba. Quam damnosa sint locationes seu Arende bonorum Ecclesiasticorum, & quam pernicioſa existant, experientia rerum magistra est. Ideoq; Sancta Synodus priores recensendo constitutiones, ne huiusmodi bonorum Ecclesiasticorum, ex quacunq; causa, sub penis dudum ob eam rem constitutis, locationes seu Arende, præsertim secularibus fiant, Constitutione hac prouidet, penas in tales qui præuarearentur & contrarium facerent, duplicando.

Plurima insuper in corpore Constitut: Synodal: habentur Decreta; de alienationibus bonorum Ecclesie non faciendis, inter quas alienationes comprehenduntur etiam censetur, sylvarum deuastatio, quarum conseruationi in tanta desolatione merito prospiciendum sit. Similiter Aduocatiæ seu Sculteriæ ne immeritis & pueris conferantur, neq; mansi vltra numerum in originalibus literis expressi augeantur, nec summæ nouiter inscribantur, sed vt per quantam partem omnino extenuentur, neq; cmetones addantur, aut Sculteris, à seruitijs antiquitus impositis, libertas & exemptio concedatur. De quibus, legatur in volumine Constitutionum Prouinciæ Polonæ.

*In quo, Monasterij possessiones è manibus Vasallorum
& Scultetorum necessario esse vindicandas,
ostenditur.*

Satis superq̃, præsentī de Scultetis Disquisitione, demonstratum esse arbitror, Scultetos & Vasallos nostros, Tinecensi Monasterio, non modo inutiles, infructuosos, & otiosos esse, sed etiam incommodos, & Monasterij prouentus inaniter & illicite depascentes, imò rebelles, & ob suam Nobilitatem, seruitia ratione Scultetiarū debita, & subiectionem totaliter detrectantes: ac proinde ex bonis & possessionibus Monasterij, omnium rectè sentientium iudicio, submouendos esse necessario, fit manifestum. Hoc iura, & leges quæ Sacra Ecclesiasticæ, quæ etiam Ciuiles Politicæ Regni nostri, euidenter docent. Ac imprimis, solennis est illa Vladislai Iagielonis Regis Poloniæ, Vartæ, anno 1423. lata Constitutio, quæ habetur in Statutis, tit. de Sculteto inutili ac rebeli, apud Herburtum tenoris eiusmodi. *Inutilem Scultetum Dominus in hereditate habens, aut rebellem, Dominus potest recipere Scultetiam suam, & vendere; qui si emptorem non habuerit, nec habere poterit, tunc ille hares cum dicto Sculteto, debent & tenentur accedere ad iudicium Terreſtre, & recipere duas eligendo personas sagaces, neutri partium suspectas, qui valorem Scultetia ad summam taxantes vnā, eidem Domino seu heredi soluere nuntiabunt: & sic Dominus soluat taxā illā pecuniā pro se Scultetiam obtinebit.* Quæ sanctio cum sit iuri naturæ & rationi humanæ maximè consona, æquum est, vt diligenter circa inutiles parasitos istos, in praxi obseruetur, quos qui in bonis Ecclesiæ tenendos & fouendos censet, perinde sapit, ac ille qui gliribus annonam clarigitur, cum tamen id suprema Ecclesiæ authoritas prohibeat, & minacibus decretis præcipiat, vt bona spiritalium in damnum Ecclesiæ & ministrorum eius, à possessione & vsu Ecclesiæ alienata, omnibus modis repetantur & vindicentur.

Quod & in illa celeberrima Prouinciæ Poloniæ Synodo, Varſauia, sub Wezyk Archiep. ad 13. Nouembris, anno 1634. peracta, prudentissime constitutum, capitulo 12. statutorum eiusdem legitur. *Vt Scultetia & Aduocatie in bonis Ecclesiæ certū pecuniarum summā onerata, quamprimum libera ad Ecclesiam redeant, statuitur, vt in Priuilegijs de nouo super eas concedendū, quarta pars summa principalis detrahatur, ita vt cum ad quartum possessorem venerint, summa totaliter extincta esse censeatur, prout etiam in Scultetijs Regalibus iure Regni obseruatur.*

Porro bona regalia, qualiter etiam quondam dispersa & à multis distracta fuerint, & quomodo ad vsum Regiæ Camere postmodum deuenerint, in statutis Regni,

Regni, titulo, Bona regalia legimus, vbi Alexander Rex, Petricouix anno 1504. cum Procerum & Patrum Regni assensu statuiffe, in hæc verba scribitur, Quoniam de bonis mensæ Regali, status Regius etiam consuevit specialem habere prouisionem, & illi non habitū, necessariū status Maiestati Regia publicū auxiliū deberet sustentari; tot verò onera in Regno contingunt ferenda, vt etiam publicū auxiliū impossibile esset satisfacere. Proinde Statui Regio prouidendo & necessitatibus occurrentibus, vt successiue euinci omnia valeant bona mensæ Regia, statutum est, & per Maiestatem Regiam approbatum esse debet, quòd bona Regalia dum eximentur, vel si quopiam modo deuoluentur ad Regiam Maiestatem; amplius non impignorabuntur, neq; donabuntur, per Maiestatem Regiam, nisi in Generali conuentione pro reipublicæ necessitate Consiliarij consentirent obliganda, donanda vel inscribenda. Præterea quòd Regia Maiestas nemini amplius ad summas priores, in bonis Regalibus adscribit quicquam; & si inscriptionem fieri coningat, etiam in Generali conuentione Dominij Consiliarijs consentientibus: nihilominus perpetuò obseruandum decretum sit, quòd nemini aliqua bona Mensæ Regali Maiestas Regia debet inscribere, absq; conditione extenuationū. qui verò contra præsens Statutum pecuniam super bona Regalia dederit, ille perdet & honorem & pecuniam quam habet inscriptam. ecce correctio prioris abusus, qui irrepperat ad prouentus Regios, vbi nimia largitione priorum Regum, successoribus plurimum detractum imminutumq; fuit. Pari ergo immò potiori modo, Monasterijs eorumq; Præsulibus procedendum est, cum Donatorijs, Vassallis, & Sculteris, intra possessiones Monasterij latitantibus, super quos inuigilandum est serio, vt summæ si quæ eisdem inscriptæ supersunt, extenuentur; quæ etiam cassari omnino deberent & annihilari, si bona & villæ deterioris conditionis nunc, quam antea fuissent, si syluæ deuastatæ, ædificia corrupta, subditi dilapsi per incuriam, vel iniuriam, & grauiamen Donatariorum inuenirentur: in quo euentu, Summæ, directo Domino & hæredi essent applicandæ, ad bona & possessiones sic per vassallos desolatas, rursus reparandas instaurandasq; qui modus procedendi, cum inutilibus eiusmodi affectis, bonum Monasterij promouenti & ruinam euerfionemq; bonorum eiusdem consideranti, vti rationabilis, sic factu videretur non arduus, modò zelus adesset conseruandæ CHRISTI substantiæ & patrimonij Religiosorum defendendi. Cæterum, antequam hæc tinea & toredo sacra infestans. de bonis Ecclesiæ eradi vel expelli poterit, singularis inspectio super sortes infeudatas adhibenda est, cogendi etiam feudales ad obsequium, summæ inscriptæ examinandæ, & vel extenuandæ prout de iure spirituali & Ciuili, vel extinguendæ, si iustitia suaserit, ob damna sortibus illata: seruandam insuper per omnia illam esse Constitutionem, quam in Prouinciali Synodo Bernardus Matcieiouis Cardinalis & Archiep: Gnesnen. Petricouix anno 1607. tulit. Sculteris & Minera ferraria, plerumq; Nobilibus in ius aduitalitium conferri solent, qui postmodum Priuilegio Nobilitati, iurisdictionem Ecclesiasticam detrectant. Proinde Statuitur, vt in posterum, cum Contractus huiusmodi locationum in casibus à iure permissi tantum faciendæ.

ciendarum initi fuerunt, non prius illū Priuilegium à Capitulo tradatur, quam coram Abbate Castrensis renunciauerint Priuilegio fori quoad illam Scultetiam & Mineram: tum re cessante illorum Iure aduitalitio, quarta pars summa pecuniaria, siue ex literis Originalibus, siue ex taxa Commissariorum prouenientiu, detrahatur, & extinguatur: qui etiam Scultetii ab oneribus & seruitijs in literis Originalibus expressis non eximantur, nec eū Aduitalitates dua, marito & vxore exceptu, concedantur: Habetur in Statutis Synod: Macieiou: tit. de bon: eccl. non alien: §. 2. Legatur & Andreas Lipscius Decade qq. publicar. quæst: 7. num. 12. 13.

§. VI.

*In quo Syllabus Tinecensium Scultetiarum
proponitur.*

IN triplici differentiâ collocandas esse Abbatia Tinecensis Scultetias existimo, quædam enim illarum insignes prouentus & census pingues habent, nonnullæ tenuiores paulò, nobiles tamen & ex quarum obuentionibus competenter Aduocati sustentari valent, aliæ deniq; pro ratione agrorum non tam vberitim donatarijs fructificant, commodæ nihilominus sunt & quæ arrident possidentibus vt potè gratis datæ & sine onere. Hinc aliqui, titulo Aduocatiæ integras villas, cum toto colonorum numero & vlu omnimodo possident, aliqui dimidiatos pagos cum suis Cmetonibus & agrorum lancis habent, aliqui prædij solummodò & mansis terræ cultis, cum tabernis, molendinis, nemoribus & similibus rebus, ex quibus eos lucrī bonus odor afflat, incubant. Suntq; talium usufructuarius qui Vasalli seu Sculteti apud nos dicuntur, nonnulli Illustres & Magnifici, Nobiles reliqui, paucis exceptis fortis plebeis, qui etiam ipsi inuiciles Monasterio se exhibent, rebus eius & substantia vtendo, euidenti suo commodo, nullo fructu Cænobij. Quorum nominibus citandis parco in præsentī, ne id contumeliæ ducant sibi; cum eius ingenij & moris sciam esse homines, qui fortunas suas sibi ipsis adscribant, quasi ex proprio sufficientes sint, cum tamen sufficientia & census eorum, ex bonis Ecclesiæ habeat incrementum. Iam verò ex hic suppositis, censūs amplioris & reddituum maiorum Scultetias villasq; intelligendas esse, quæ prioribus locis ponuntur, reliquas ex consequenti pro ratione vectigalium rei familiaris & prudentiæ domesticæ, calculandas esse.

Scultetia Tinecenses.


In Choynik & Babice.

In Birowka & Nieplā.

In


In Kolanow.
In Siedliska & Luboszo.
In Kłodawa.
In Kwiatońowice.
In Rybna.
In Bączal.
In Kolaczyce.
In Czeluńnica.
In Mniszkowice.
In Pogwizdow.
In Okulice.
In Modrzany.
In Lipnica.
In Viazd.
In Dobrowa.
In Zagorze.

Sunt præterea & aliæ ordinis inferioris Scultetiae, in Lyszki, in Karwin,
in Kaszow, in Nowawies, in wola Radziszowska, &c. &c. quarum possessores,
meminisse suarum obligationum Scultetialium ex animo opto.



DISTINCTIO II.

In qua Participationes bonorum operum, & Communicationes Priuilegiorum, & indulgentiarum, quas habent Tinecenses, cum alijs Religionibus & Monasterijs, ex authenticis literis desumpta, inducuntur.



Scito esse thesaurum ingentis æstimationis, huiusmodi literas gratiosas: quarum pretium ut omnes pensi habeant, breuem Analysis vice proloquij instituendam censeo. Ac imprimis sciendum esse 1. insinuo, quod duobus modis possumus alijs nostra suffragia applicare, iuxta doctrinam D. Th. in 4. d. 45. q. 2. art. 1. secundum duplicem valorem; Meritorium scilicet & satisfactorium, quem in se habent quælibet bona opera, 1. per modum meriti de congruo, seu per modum imperationis, meremur nobis vel alijs seu impetramus, aliquod bonum quasi præmium operis quod dicitur meritorium. Vnde eo ipso quod aliquis est peculiari modo membrum alicuius Religionis per literas fraternitatis, merita illius Religionis valent apud Deum, ut ratione illorum conferat illi aliqua bona, peculiari auxilio, tanquam membro talis Religionis. 2. possumus applicare suffragia per modum satisfactionis, dando nimirum satisfactionem in dictis bonis inclusam, pro penis debitis alienis peccatis.

Sciendum 2. ex D. Th. opusc. 6. verb. *Sanctorum communionem*, & alijs DD. quod duobus modis potest quis mereri ex opere alterius meritorio. 1. ratione Vnionis in charitate, quam habent inter se iusti, iuxta illud psal: 118. *Particeps ego sum omnium timentium te.* & illud Symboli, *Communionem Sanctorum.* Est enim vna omnium fidelium Vniuersalis Ecclesia, charitate coniuncta, quæ est societas & amicitia spiritalis. Vnde sicut in societate temporali, de lucro vnus participant cæteri, ita in amicitia spiritali. quare existens in mortali, licet excommunicatus non sit, non est particeps alicuius boni, quod fit in Ecclesia per Vnionem: cum enim sit membrum præcisum à corpore, non potest recipere influentiam ab anima. 2. modo, potest quis mereri ex bono opere alicuius, ratione specialis intentionis ipsius orantis aut Prælati applicantis illi talia bona, ratione cuius, etiamsi peccator sit, potest participare multa bona ex gratiâ & liberalitate Dei prouenientia, uti ex sententia D. Augustini, propter orationem. Stepha.

Stephani saluatus est Paulus. Et talis participatio specialis plus prodest quam illa generalis. Tum ratione maioris coniunctionis; plus enim semper meremur nobis, & nobis magis coniunctis, quam alijs. Et sicut magis commendatum habemus, specialiter ab amico commendatum, quam si solum generaliter commendatur; quia specialis commendatio efficaciorum affectum ostendit: ita & hic. Tum ratione strictioris promissionis; unde sicut seruus multorum, plus acquirit illi Domino cui nominatim stipulatur, quam alijs, quia obligatio illi in solidum queritur: similiter si iussu vnus Domini, vel ex re ipsius, seruus multorum acquirit, illi specialiter acquirit: ita in proposito. Quare multum interest recipi ad participationem alicuius Religionis, siue sic receptus sit peccator, quia tunc sit particeps propter intentionem, qui non erat propter vnionem: siue sit iustus, quia tunc dupliciter participat.

Sciendum 3. quod applicatio bonorum operum ad alterius satisfactionem, tripliciter fieri potest. 1. in singulari, vt cum priuatus bona sua, etiam quibus indiget, alteri determinatæ personæ applicat. 2. in specie, vt cum Prælatus Religionis admittit aliquem ad participationem bonorum, quæ fient in futurum in illa communitate vel religione. 3. in generali, vt cum Papa satisfactionibus quæ Christo & Sanctis superfluent, & in thesauro Ecclesiæ conseruare suere, aliquid alicui applicat. His præmissis.

Colligitur, posse Prælatos Regulares concedere deuoti amici & benefactoribus literas fraternitatis, seu participationes omnium bonorum, quæ sunt in communibus sibi commissis. Probatur tum ex c. nullam. 18. quæst. 2. vbi dicitur, quod tota bonorum monasterij administratio ad Abbatem pertinet, & penes Abbatem residet. quæ verba, non solum de bonis temporalibus, sed etiam de bonis spiritualibus debere intelligi docent passim DD. Tum ex Priuilegio Urbani V. quod refert Casarub. in compen. verb. *indulgentia quoad seculares.* num. 6. vbi concedit, quod Generales & Prouinciales possint communicare suffragia, indulgentias, orationes, & alia bona spiritualia benefactoribus Ordinis. Tum quia possunt fideles omnes, sua opera bona peculiariter alijs communicare. Et quia quilibet est Dominus suarum satisfactionum. Et quia id videtur docere Scrip: ad Gal: 6. *Alter alterius onera portate,* & Iacob 5. *Orate pro inuicem vt saluemini.* Ergo & Religiosi idem possent, nisi obstaret votum Obedientiæ, per quod se arbitrio suorum Prælatorum submisserunt. Ergo dicti Prælati, per dictum votum, acquirunt eam potestatem super actiones Religiosorum, quam ipsimet Religiosi habuissent, quo ad actiones meritorias & satisfactorias superabundantes & communes, si tale votum non fecissent. Ergo possunt dicti Prælati, prædicta suorum opera spiritualia cui voouerint applicare, sicut & bona temporalia ex charitate alicui communicare.

Quæres 1. Quibus personis huiusmodi literæ fraternitatis conceduntur à Prælatis? R. illis personis de quibus habent relationem, quod sint deuoti Ordinis & benefactores. Unde si in aliquo cesset ista causa finalis, quia scilicet non sit beatus.

Alij enim benefaciunt
eibus & eleemosynis suis Religiosorum paupertatem sustentando. Alij eis be-
neficiunt, ab iniurijs defendendo, à calumnijs liberando, de eis semper bene lo-
quendo, reuerentiam illis exhibendo, &c. Alij iura eorum tuentur & insulen-
tant in iudicio, vt Aduocati, procuratores. Alij illis benefaciunt officium Me-
dici, chirurgi &c. in eorum fauore gratis præstando. isti omnes possunt ad par-
ticipationem admitti. Quod si postquam sunt admissi, cessent à beneficentia an-
te frequentata impendendâ, dummodo non cessent ab alijs gratijs, vt v. g. qui
ad paupertatem redactus non facit eleemosynas, sed tamen bene loquitur de illis
Religiosis vel alio modo est ipsis commodus, non desinit participare de dictis bo-
njs. Nihilominus id quoq; verum est, si Prælati velint aliquem non benefacto-
rem ex mera charitate ad participationem admittere, id poterit; sicut enim po-
test largiri rem temporalem, ita & spirituales poterit ex sola charitate. Reputantur etiam inter benefactores Ordinis & Monasteriorum, Parentes secundum
carnem, fratres & sorores, vniuersorum de Ordine Fratrum & Monachorum, erga quos vt affectum charitatis Congregationes Religiosorum testarentur, ad par-
ticipationem omnium bonorum quæ sunt in Ordine illo, eosdem cognatos ad-
miserunt.

Quod autem ad participationem Privilegiorum spectat, hoc generaliter ob-
servandum est, quod Privilegium concedens communicationem Privilegiorum &
Indul-

Indulgentiarum, intelligitur de concessis, non de concedendis, nisi expresse dicatur: & de actu valentibus tantum; tamq; de concessis à Papa quàm de acquisitis consuetudine præscripta.

Iam verò in specie Ordo S. BENEDICTI gaudet omnibus privilegijs & gratijs omnium Congregationum eiusdem Ordinis, vt Casinensis, Cisterciensis, Monzifferati, Vallisoletanæ &c. idq; ex concessione EVGENII IV. Bulla 5. in Bullario. IULII II. SIXTI V. Bulla 21. & 23. LEONIS X. Bulla 37. quæ est pro toto Ordine BENEDICTINO. Supra hæc, Casinensis Congregatio participat omnium Ordinum Mendicantium privilegia ex Constit: PII V. Est etiam magna quædam concessio GREGORII XIII. Cisterciensibus data, in qua illis omnium priorius Ordinum Mendicantium & non mendicantium communicat privilegia & gratias, easq; tam concessas quàm etiam concedendas cuicunq; Ordini & pijs locis, dummodo sint in vsu & Tridentinis Decretis non aduersentur. Totus proinde Ordo S. BENEDICTI eodem privilegio gaudet. Consequenter & Tinecensis Monasterij Fratres, etiam absq; his specialibus communicationibus, quas ex Archiuo produco, participant Privilegia Congregationum totius Ordinis BENEDICTINI, & aliorum omnium Ordinum, tam Mendicantium quàm non Mendicantium.



SCRIPTURA

SUMMARIVM.

Anno 1391.

Confraternitas cum Benedictinis Lubinensis Monasterij, seu litera gratiosa quarum vigore Tinecenses participes sunt operum ab eis pie factorum, & defuncti suffragia referunt a signata.

Habetur in Archiu: sub lit: T. n. 2.



Venerabili in Christo Patri, Domino Mscislao Abbati, totique Conuentui Monasterij Tinecensis Ordinis S. BENEDICTI Gracou: Diœc: F. Thomas Diuinâ miseratione Abbas Monast. Lubinen: Ordinis eiusdem, Diœcesis Poseniensis, benignas ac deuotas in Christo orationes, cum incremento salutis, pariter & honoris. Attendentes vnâ cum Conuentu nostro, deuotionem & affectum vestrum, piâq; dilectionis fauorem, quem pridem ad nos per F. Pau.

Es

Distinctio II. de Communicatione bonorum operum.

Paulum vestri Oznobij Prof: per vestras Patentes literas, fraternitatis mutuae amorem in se continentes, amorosè transmissistis; Nos quoque eandem fraternitatem renouare & charitatiuè approbare cupientes, damus & concedimus vobis plenam ac omnimodam fraternitatem & participationem omnium bonorum, quæ in præsentî per nos fuerint facta & per subiectos nobis, ac successores nostros videlicet in Missis, vigilijs, orationibus, eleemosynis, ieiunijs, & alijs operibus & exercitijs spiritualibus, quæ Diuina clementia per nos ac fratres nostros dignabitur operari vsq; ad consummationem seculorum. Hæc insuper adijcientes, vt postquam alicuius de Monasterio vestro obitus nobis fuerit nuntiatus, ex tunc nos tenebimur, Vigilijs cum nouem Lectionibus pro Abbate, & pro quolibet Fratre Conuentuali, solennitè in crastino Missam decantantes, pro remedio animæ ipsius dicere & complere. Harum, quibus nostrum & Conuentus nostri sigilla sunt appensa, testimonio literarum. Actum & datum in Monast: nostro die B. Lucie Virginis sub Anno Domini M. cccxci.

Hac communicatio meritoriorum operum & suffragiorum, à Lubinensi Conuentu capitulariter est rursus approbata, innouata, reasumptaq; die 30 Maj 1628, & ad Tinecense Monasterium, in forma patenti ad rei memoriam, transmissa. cuius authenticum habetur in Archiv: sub litera T. num 10.

S C R I P T V R A II.

S V M M A R I V M.

Anno 1453.

Confraternitas cum Religiosis Ordinis S. FRANCISCI de obseruantia, in vita pariter & in morte, quam Beatus Ioannes Capistranus instituit.


Habetur in Archiv: sub litera T. num 3.



Venerabili in Christo Patri & Domino Matthiæ Abbati Monasterij Tinecensis Ordinis S. BENEDICTI Cracouiensis Diocesis, pariterq; Priori, Subpriori, totiq; Conuentui eiusdem Monasterij, insuper & familiæ eiusdem Conuentus, Ordinis Seraphici Patris nostri S. FRANCISCI benefactoribus deuotissimis: F. Ioannes de Capistrano eiusdem Ordinis minimus & indignus Hæreticæ prauitatis Generalis Inquisitor, cum oratio-

orationum suffragio salutari, omnium incrementa virtutum. Quamuis ex charitatis debito omnibus teneamur, illis tamen longè amplius obligamur, quorum dilectionem certis beneficiorum indicijs frequentius experimur. Proinde vestra Deuotionis sinceritatem attendens, quam ad nostrum & præfati P. N. S. FRANCISCI geritis Ordinem, veluti clarâ experientia cognoui, dignum putavi & diuinæ acceptabile voluntati, vt ab ipso Ordine prærogatiuam sentiatís spiritualium, gratiarum. & quòd nudi temporalibus bonis, charitatis vestrae subsidijs dignam rependere vicem nequaquam temporaliter valemus, spiritualibus nihilominus beneficijs, prout in nostris apud Dominum Deum nostrum seruamus desiderijs, compenlare spiritualiter affectamus. Ea propter ego qui specialem autoritatem habeo recipiendi quoscunq; deuotos nostri Ordinis, ad confraternitatem FF. Minorum de obseruantia nuncupatorum, & Sororum Minorissarum, & S. Clarae seu Sancti Damiani de obseruantia nuncupatarum, & eorum qui de Pœnitentia tertij Ordinis dicuntur, in partibus cismontanis, Vos Venerabilem Patrem D. Mitthiam Abbatem Monasterij Tinecensis supratactum, totumq; Conuentum, atq; familiam eiusdem Monasterij, nec non Animas vestrorum defunctorum, ac omnes pro qui^o intenditis, ad Confraternitatē nostrā & ad vniuersā & singula nostræ Religionis suffragia, in vita recipio pariter & in morte. plenam vobis participationem omnium charismatum & spiritualium bonorum, videlicet Missarum, orationum, suffragiorum, officiorum Diuinorum, ieiuniorum, disciplinarum, pœnitentiarum, peregrinationum, inspirationum, prædicationum, lectionum, meditationum, contemplationum, obseruantiarum, deuotionum & omnium aliorum, spiritualium bonorum, tènore præsentium gratiosè conferendo, quæ per Fratres nostros & dictorum Ordinum sorores, nec non aliorum de Pœnitentia siue de tertio Ordine Beati Francisci in partibus cismontanis degentes, operari & acceptare dignabitur clementia Saluatoris. Addens insuper de dono & gratia singulari, quod cum Diuinæ placuerit voluntati de exilio instantis miseriæ vos vocare, vesterq; obitus multo (annuente Domino) tempore differendus, nostro fuerit Capitulo nuntiatus, idem volo vt pro vobis fiat officium, quod pro Fratribus nostris defunctis, recitatis ibidem annuatim ex more, per totum Ordinem fieri consuevit. Valeat feliciter vestra deuota & seruens charitas in CHRISTO IESV Domino nostro in æternum Amen. Datum in ciuitate Cracouiensi Quartadecima die mensis Octobris, Anno Domini M. CC. CLIII.

Hanc Communicationem R. Lucas Commissarius FF. Minorum de obseruantia nuncupatorum, in partibus Prœuincie Polonæ de anno 1503 rursus insintrauit. habetur sub T. n. 6.



S C R I P T V R A III.

S V M M A R I V M.

Anno 1516.


Confraternitas cum Cisterciensibus Monasterij Claretumba in vita
& in morte.

Habetur in Archiv. sub litera T. n. 7.



Euerendo in Christo Patri Dño. STANISLAO BARA-
NOVSKI Abbati Tinecensi, eiusq; toti Conuentui Ordinis S.
Benedicti Diœcelis Cracouiensis Fr: Ioannes Abbas totusque
Conuentus Monasterij Claræ tumbæ alias in Mogila Ordinis
Cisterciensis & Diœcelis Cracouiensis salutem in Domino &
spiritum pietatis votis sedulis promereri. Cum gratiarum
cœlestium plenitudo, quæ ab immensâ elementia Redemptoris
copiosius in deuotos seruos Dei diffunditur, omnibus partienda sit & communi-
canda, illis abundantiori pietate largienda est, qui terrenis illecebris abdicatis,
in custodiendis præceptis Diuinis, secundum gratiam à Domino datam, inuigi-
lant incessanter: vt sic multiplici Sanctarum orationum ac piorum suffragiorum
præsidio adiuti, & hic augmentum gratiæ, & in futuro vitæ æternæ præmium
facilius pariter consequi valeamus. Et quia humilis Deuotio vestra satagit Fra-
ternitate nobiscum vniri, nobisq; votiuum existat, non in incertum currentibus,
sed ad brauium felicitatis æternæ festinantibus opem ferre, quantum nobis ex alto
& eiusdem Ordinis nostri gratia datur, vestræ humili & deuotæ petitioni annu-
entes, de vnanimi omnium nostrum consensu vobis, & cuilibet vestrum, succes-
soribusq; vestris, damus & conferimus plenariam perpetuamq; Confraternitatis par-
ticipationem; vtq; omnium Missarum, Diuinorum officiorum, ieiuniorum, elee-
molynarum, obseruantiarum, abstinentiarum, pœnitentiarum, disciplinarum, cæ-
terorumq; quorumcunq; bonorum quæ per Nos & successores nostros pietissi-
mus DEVS de sua ineffabili misericordia & gratia operari dignabitur, ex nunc &
in antea participes sitis in vita pariter & in morte. Et ne in officijs cõiunctæ
Confraternitatis nostræ, ex neglectu & incuria cuiuspiam, Fratres vitæ functi
priuentur suffragijs, volumus & præsentibus nos sub pœna excommunicationis
obligamus, quam ipso facto si non expleuerimus incurremus, vt cum Diuinæ pla-
cuerit voluntati quis Fratrum vestrorum morte interceptus fuerit, atq; de exilio
huius

huius miseræ vocatus, dieq; obitus sui nobis commonstratus extiterit, pro tali pietatis officia peragere, Duas videlicet Missas quilibet sacerdos, vnamq; in Conuentu cum Obsequiis decantandâ, subgradus quilibet Psalterium vnum, & ceteri cætera, quæ ex C. solvere obligantur. Harum literarum vigore manibus in rei testimonium sigilla nostra sunt subappensa.
Datum in supradictonostro Monasterio Clara tumba,
Quintadecima die mensis Septembris Anno
Domini, M. D. XVI.



SCRIPTURA IV.

S V M M A R I V M.

Anno 1633.

Confraternitas cum Franciscanis Conuentualibus in vita & in morte.

Habetur in Archiv: sub lit: T. n. 10.

Rater Ioannes Baptista Berardicellus Larenensis Artium & Sacræ Theologiæ Doctor, vniuersi Ordinis Min: Conuent: S. Francisci Apostolica author. Vicarius Generalis; Dilectis Religionis nostræ amicis & benefactoribus RR. Patribus & Fratibus Conuentus Tineensis Ordinis S. BENEDICTI Professis, charitatis & pacis abundantiam. Franciscanam Religionem nostram in altissimâ paupertate fundatam, secularium contemptu rerum stabilitam, soliusq; inopiæ & egestatis diuitem atq; opulentam, considerantes Summi optimiq; Pontifices, eam singulari complexi sunt beneuolentiâ (Urbanus V. præsertim) ideoq; amicorum & benefactorum piæ munificentia, temporalia referre minime posse arbitrati, vt eorum beneficia terrena cælestibus, transitoria perpetuis, deficientia permanentibus gratiis & indultis, quibus eadem Religio ditatur & decoratur compensare valeret, Apostolica concesserunt liberalitate: ne videlicet eorum pietas debito careret prouentu, & nostra paupertas notam subiret ingritudinis. Nos igitur eiusdem Religionis per Diuinæ clementiæ & Apostolicæ sedis gratiam ministri & dispensatores effecti, piæ cuiusmodi concessionem non melius aut di-

Distinctio II. de Communicatione bonorum operum.

gnius quàm in vos & familiam vestram collocare existimantes, quorum in Religionem nostram non mediocri cernitur deuotio, multaq; in dies exuberat beneficentia, idcirco vos inter amicos nostros beneuolos, & benefactores præcipuos adnumeramus & adscribimus, atq; de Beatissimæ V. MARIE eiusdem Religionis perpetuæ protectricis, Sanctiq; Patriarchæ nostri Francisci, necnon Sanctorum Confessorum Bonauenturæ Ecclesiæ Doctoris, Antonij Patauini, Ludouici Episcopi, Ludouici Regis, Berrardini, Didaci, Iuonis, & Elzearij; Sanctorum Martyrum, Berardi, Petri, Accurtij, Adiuti, Othonis, Danielis, atq; sociorum, Sanctæ Claræ Virginis, vtriusq; Reginæ Elizabeth, cæterorumq; Duorum qui ex hac nostra Franciscana militia triumphant in cælis coronati, certissima confisi intercessione, Apostolicaq; vt præfertur nixi autoritate, omnia merita quæ sacrificijs, officijs, ieiunijs, vigilijs, orationibus, peregrinationibus, disciplinis, lacrymis, macerationibus, prædicationibus, confessionibus, studijs, meditationibus cæterisq; pijs operibus quæ obedientia, castitate, paupertate reliquisq; Regularibus virtutibus adiutricibus per vniuersum Orbem Fratres & Sorores nostri Ordinis (Deo promouente & consummante) feliciter consequentur, vobis cum in vita tum in morte participanda vltro communicamus & libenter impartimur. Summum omnium retributorem DEVM accuratioribus precibus exorantes, vt vos triumphantium Franciscanorum palmis & trophæis laureare dignetur, quos militantium patronos & amicos adoptamus & exoptamus. In Nomine Patris & Filij & Spiritus Sancti Amen. Datum in Conuentu Calissiensis 20. Septembris Anni Domini 1633.



S C R I P T V R A V.

S V M M A R I V M.

Anno 1638.

Confratria & Communicatio Privilegorum, Indulgentiarum, aliorumque quorumlibet bonorum spiritualium in Ordine Carmelitarum Discalceatorum Congregationis S. Eliæ, conceditur Tinectensibus à Generali eiusdem Instituti.

Habetur in Archiuo sub lit: T. num: 13.

ERater Philippus à Sancto Iacobo Fratrum Carmelitarum Discalceatorum Congregationis S. ELIÆ Præpositus Generalis, Admodum Reuerendis Patribus & Fratribus Monasterij Tinectensis in Regno Poloniae Ordinem S. BENEDICTI Professis, æque præsentibus ac futuris in Domino Salutem. Cum Salutis nostræ auctor IESVS CHRISTVS, præsentibus discipulos & nos abentes imitatores suos erudiens, singulari fraternæ charitatis præcepto obstrinxerit, ut scilicet diligemus alios quemadmodum ipse dilexit nos; & tanto magisterio, & instituto nostro, valde consentaneum est, ut salutis proximorum operam similem ei, quam Redemptor noster nauauit, impendamus. Cum verò ipse sic nos dilexerit, ut labores, dolores, operaq; sua omnia in salutem nostram, cum infinito merito ac satisfactione dixerit, nullum eius imitandi modum similiorem inuenire posse videmur, quàm si è pijs laboribus & operibus nostris, quæ ex ipsius munere præstamus, & spiritualibus bonis quibus ex ipsius thesauro fruimur, partem aliquam proximis tribuamus. Quapropter nos, qui (licet immeriti) prædictæ Congregationi præsumus, & bona eius augere ac in alios, (iustis de causis) deriuare debemus, confisi meritis & precibus Beatissimæ Virginis Mariæ Matris DEI & nostræ, cui specialiter famulamur, ac eius Sponsi Sanctissimi Ioseph, nec non Sanctorum Prophetarum ELIÆ & ELISÆI Patrum nostrorum, Sanctorum ANGELI & ANASTASII Martyrum, ALBERTI & CYRILLI Confessorum, ac S. TERESSIÆ Virginis, Matris nostræ, & aliorum Sanctorum atq; Sanctarum Ordinis nostri, & omnium Sanctorum atq; Sanctarum DEI, vos peculiari charitatis significatione complectentes, ad participationem omnium Privilegorum, Indulgentiarum, precum, ieiuniorum, disciplinarum, peregrinationum, piorum operum, aliorumq; quorumvis bonorum spiritualium totius nostræ Congregationis admittimus: precamurq; Diuinam bonitatem, ut vos per hoc nostrum

ministe-

Distinctio II. de Communicatione bonorum operum.

ministerium, prædictorum bonorum cum prouentu multo consortes efficiat. Datum
Romæ in Conuentu nostro Sanctæ MARIÆ de Scala, die xx. Mensis
Maij 1638. Frater Philippus à Sancto IACOBO Præposi-
tus Generalis. Frater Alexius à Sancto ALBER-
TO Secretarius.



SCRIPTURA VI.

S V M M A R I V M.

Anno 1650.

Confraternitas cum alma Congregatione Casinensi, qua Perusij in Capitulo Generali
Tinecensibus Priuilegiis suorum & Gratiarum communionem indulsit.

Habetur in Archiv: sub litera T. n. 11.

DON: ALOYSIVS à Venetijs Abbas Præsiciens Generalis
cæterique Definidores Congregationis Casinensis alias Sanctæ Iu-
stinæ de Padua Ordinis Sancti BENEDICTI: Illustrissimo ac Re-
uerendissimo Domino, D Stanislao de Buzenin Pstrokonski Epi-
scopo Chelmensi ac Abbati Administratori Venerabilis Monasterij
Tinecensis, eiusq; Monachis præsentibus ac futuris, Dilectis in Domino, salutem.
Religionis zelus, eximiumq; Regularis obseruantie desiderium, ac sinceræ deu-
otionis affectus, quibus in Domino erga nos & Congregationem nostram flagrare
comprobamini, promerentur, vt nostram quoque erga uos dilectionem ac mu-
tuam charitatem, propensiori ac peculiari argumento demonstramus. Quapro-
pter Diuinâ confisi pietate, authoritateq; à Sacrosanctâ Apostolicâ Romanâ sede
concessa, Vos in communionem omnium Priuilegiis & Indulgentiarum tam
Spiritualium quam temporalium admittimus, ac libenti animo recipimus, Mo-
nasteriumq; vestrum tanquam ipsius nostræ Congregationis germanum ac de
gremio nostro, vosq; tanquam confratres ac filios agnoscentes, nostrâ quoq; Mo-
nasteria, vbicumq; locorum, vestris semper commodis referata ac paratissima esse
volumus, quorum precibus apud Altissimum nos pariter commendatos fore confi-
dimus. In quorum fidem has nostras præsentis fieri, nostriq; soliti signi appen-
sione muniri iussimus. Datum in Monasterio nostro Sancti PETRI de Perusio.
in Capitulo Generali ibidem celebrato, Anno redemptionis humanæ MDCL. Die VIII.
mensis Mai.

Don: Gregorius ab Aretio Scriba Capituli Generalis mps.

SCRI-

SCRIPTURA VII.
SUMMARIUM.

Anno 1658.

Confraternitas cum Benedictinū Vngaria in vita aq̃ue ac in morte: vbi & Priuilegiū
eum communicatio aseritur.

Habetur sub litera T. n. 12.

IN nomine Sanctissimæ & indiuiduæ Trinitatis Amen.
ANDREAS PLACIDVS Magger Archiabbas Sancti MARTINI
in sacro Pannoniæ monte, Ordinis S. BENEDICTI, Sacræ Cæ-
sareæ Regiæq; Mts Consiliarius, Frater Ladislaus Prior F. Ioane
Subprior, cæteri; Patres & Fratres eiusdem Conuentus Sancti
Martini Professi; omnibus & singulis præsentis literas lecturis,
cælestis gratiæ amplitudinem & nostræ beneuolentiæ studium. Cum iam opi-
ficio Diuino, post nouellam Ordinis nostri in Regnum Vngariæ reductionem, iu-
stus Archicænobiij nostri personarum omnipotenti DEO (sub vexillo Patriarchæ
nostri Diui BENEDICTI) famulantium excreuerit numerus, messis & vindemiæ
nostræ tam temporalium quam Spiritualium gratiarum & quorumcunq; Priuile-
giorum, alios etiam eiusdem germinis nostri Benedictini, Venerabiles Conuentus
de Regno Poloniæ participes facere decreuimus. Vt itaq; & nostrorum præmi-
orum fulgor, eorum aduinculis magis clarescat, & robur vnionis sacre ad tole-
randas quascunq; aduersitates in mutuâ societate consolidetur, Cænobijs Regni
Poloniæ, nempe insigni ac Regali Monasterio Tinecensi, Sieciechouienſi, Calui
montis, Lubinensi, Mogilnensi quoq; & Plocensi, ac eorum singularibus personis,
& locis Particularibus, Præposituris, Ecclesijs atq; Capellis, Gratias & Priuilegia
nostra qualiacunq; tam à Sancta Sede Apostolica, quam à S. Stephano Rege
Fundatore nostro, alijsq; Serenissimis Regibus nobis indulta, insuper & ab inclyta
Congregatione Casinensi nobis specialibus literis communicata, fraternè impar-
timur & libenter communicamus, iuxta literas Casinenses, tenoris talis. Reue-
rendissimis in Christo Fratribus Abbati & Conuentui Sancti Martini de Sacro
monte Pannoniæ, Aldenulfus Dei Gratia Casinensis Electus, & vniuersus Sacri
Cænobiij Casinensis Conuentus, sic Marthæ ministerium exercere, vt pars optima
non depereat Mariæ. Regina virtutum charitas, quæ omnibus virtutibus velut
quibusdam pretiosis coloribus, veterem hominem renouat, omni nobilitate no-
bilio

Distinctio II. de Communicatione bonorum operum.

biliior, miro modo & disgregatos ac intercapedine locorum disiunctos, radijs quibusdam copulat & coniungit, & homines diuersi generis quasi dispersiones Israelis ad vnum ineffabili vnione reducit, vt idem sit Deus & Pater omnium, diues in omnes qui inuocant illum. Quæ licet varietate delectabili omnium electorum, corda deauret & ornet, in se tamen, per amorem tanquam pia mater, colligit vniuersos. In cuius aureis fimbrijs, nos qui sumus in fine seculorum vna vobiscum adscripti, secundum quod Apostolica tradit autoritas. in ea fide quæ per dilectionem operatur, & Monasticæ Religionis obseruantia quâ nos Eximius Pater Benedictus instruxit, idem cor & animum gerimus, & pro vobis tanquam pro nobis Regi Regum Domino supplicamus. in quo non melius tantæ virtutis impleri constat præceptum, quàm vt exhibeamus proximo, quod nobis secundum Deum volumus exhiberi. Proinde vestram Fraternitatem propensius exoramus, quatenus post Martinum vestrum; nostrum in vestris pectoribus habeatis Benedictum, quia Benedictus noster vestro Martino detulit, cum eius Oratorium in nostro Monasterio fabricauit. simul etiam in vestris orationibus & beneficijs spiritualibus nostri memoriam habeatis, quia quantum nobis licet, vos participes fecimus orationis & Spiritualis benedictionis, vt quibus vna est interris Religionis professio, eisdem sit in cælestibus, Diuinæ laudis iugis & miranda confessio. Statuimus enim vt annis singulis in festo Conuerſionis Sancti Pauli vestri memoriam solenniter faciamus, quam pro nobis & fratribus nostris & vobis etiam fieri humiliter peroptamus. Datum in Sacro Monasterio Casin: vñ. Kalendas Februarij anno à Domini natiuitate 1212. Volumus itaq; per hanc Sanctam vnionem, omnium Priuilegiorum & gratiarum participationem atq; communicationem, sicut ipsorum nobis Monasteria, sic nostrum quoque Cœnobium ipsis semper referatum fore, nec pro hospitibus sed pro domesticis Dei, tanquam vnus Patris filios in suis liminibus adinuicem habere & haberi. Vt autem ex hac vnione sancta, non tantum nobis superstitibus temporalia sint aliqua solatia, verum vt æterna quoque defunctis fratribus nostris communium suffragiorum nostrorum fiant remedia, deuotè statuimus & pollicemur, nos pro omnibus Cœnobiorum illorum in Domino demortuis fratribus, ac si pro nostris genuinis, quamprimum insinuatum habuerimus Altissimo supplicatuuros, idem ab ipsis confidentius nobis etiam fieri expostulantes, In quorum fidem præsentis manibus nostris subscriptas sigillo nostro communiri fecimus. Actum in Archiecœnobio nostro Sancti MARTINI è sacro Pannoniæ monte, die decima mensis Septembris Anno Domini 1658.

ANDREAS PLACIDVS Magger Archiabbas Sancti MARTINI Ex: Ladislaus Prior & totus Conuentus.

DISTINCTIO III.

In qua particulares quædam Tinecensis Monasterij, Antiquorum consuetudines recensentur.

Tinecense Monasterium, postquam singulari beneficio Casimiri Primi Regis Poloniæ assurrexit, amplissimæ & sanctitatis opinione celeberrimæ Congregationi Cluniacensi incorporatum, ipso sic Rege volente, unitumq; fuit. Et quemadmodum primi noui Cœnobij incolæ ex Cluniacensi asceterio vocati, Tineciæ confederant, sic omnem viuendi rationem & religiosæ conuersationis modum, qui in obseruantia Cluniacensi vigeat, hic quoq; sectabantur. Eratq; ea consuetudo per annos prætertrecentos à primâ fundatione continuo obseruata, vt & Abbates ex solis Cluniacensibus Tineciæ ordinarentur, & Statuta illius loci, cum triennali visitatione, ritusq; Ecclesiastici, & claustrales mores iidem qui Cluniaci hic quoq; perennarent. Extat huius rei in nostrâ Bibliothecâ documentum euidentissimum membraneus vetustus liber, in quo Antiquæ Ordinationes Cluniacensium pro vsu Monasterij Tinecensis descriptæ continentur; quas in publicam proferre lucem hoc loco statueram: sed cum extinctam, & iam in aliam commutatam Congregationem Cluniacensem cognouerim, eiusq; obseruantias veteres in ritus diuersos transiisse legerim, superuacaneum tandem censui Antiquarijs relationibus chartas onerare: maximè cum Tinecenses à multis annis à regimine Cluniacensi (quod & ipsum iam ab annis centum est immutatum) defecerint, nullamq; ad illud in præsentem relationem agnoscant, & alijs legibus in facto temperentur: tum quod recentiora statuta ad obseruandum Regularibus, Pontificum auctoritate nuper decreta, pro priscis illis obsoletis hoc loco inserere satius existimem: tum etiam ex ea causa vetustas Maiorum ceremonias & priscam deuotionis formam prætermisi, quod emendationibus nunc fruamur Rubricis Breuiarij circa Diuinum officium recitandum in Choro, & Missalis præscripto circa Sacrosancta altaris mysteria debitè conficienda, de quibus rebus, multus est ille Antiquarius codex.

Ne tamen vniuersam Antiquitatis memoriâ posthabuisse videar, quam Venerandam æterna lex sanciuir, simulq; vt aliquorum deuotioni erga priscos Maiorum nostrorum laudatissimos mores, & piæ eruditioni nec condemnandæ quorundam auiditati noscendæ res veterum, satisfaciam, Statuta Antiqua palympega, quæ & pietatem priorum referunt, & moribus probis non obsunt, ex illis veteramentis, legentium oculis subijcio nonnulla.

S. I.

Consuetudines festiue Monasterij Tinecensis.

Friuola & illiberales Consuetudines istæ Maiorum nostratium, quæ geniales hilaritates festis diebus seruari solitas memorant, ne cuius iam sorte videantur, eius censuræ contemperandæ gratiâ, & genio velificando pauxillum hæc breuiter subinfero. Non solum ob honorem Martyrum, qui primâ honore affecti sunt, eorumq; Natale celebratum, verum etiam Confessorum, ac Ecclesiarum Encaniorum, fuerunt acta conuiuia. ob quam rem, *festiuare, & festiuâ*, pro conuiuari & conuiujs dicimus, quia consuetum erat Diebus Festis conuiuia agere. Quæ causa extitit, cur Concilia prohibuerint Quadragesimæ tēpore, Sanctorum festa. vel certe Octauas eorum venerari, ipsaq; in aliud tempus reiecerunt, ne solitis conuiujs, Quadragesimæ rigor violaretur. Nefas quippè erat, festis diebus ieiunium obseruare. Atq; inde est, quod S. Gregor. lib: 2. dial c. 1. refert, in Paschalis solennitatis die, Presbyterum quendam longius manentem Dei monitu Sanctissimo Patri Benedicto in specu. Sublacensi degenti, alimenta quæ sibi ad festum diem Presbyter parauerat detulisse, & ad conuescendum Sanctum inuitasse, hacq; ratione persuasisse, *Hodie Resurrectionis Dominica Paschalis dies est, abstinere tibi minimè congruit, quia & ego ad hoc missus sum, ut Omnipotentem dona Dei pariter sumamus.* Ob eandem causam magnus ille Pontifex Remigius, legauit supremis tabulis, fertilem vineam nepoti suo Agatimero, eâ conditione, ut is eiusq; successores, annum sacerdotibus Laudunentibus in B. MARIE celebritate, instruerent epulum.

Eulalius etiam Atonnæ Ecclesiæ Presbyter, cum sacerdotes & Clericos, in festo S. Vitalianæ conuiuio excipere vellet, eiq; vinum deesset, miraculosè ipsi vinum fuit, Sanctæ istius beneficio, inueniendi tributa facultas. quod testatur posteritati Gregorius Turonensis, nostri quoq; Ordinis decus, & scriptor nobilis reliquit. Qui etiam lib: 2. de miraculis S. Martini cap: 16. testatur, cum Bellouacum quandoq; peteret, ac in vado Ligeris constitisset, audisse se à nauclero, quod cum is in Epiphaniarum festo nihil haberet quod solito lautius epularetur, conuersus ad Beatum Martinum hoc modo ipsum orauit, *Oro Sancte Martine vini consequendi mihi copiam facito, nec patiari me egere alijs hilariter conuiuantibus.* quò dicto, piscis ingens de flumine exiliuit, quem nauclerus accipiens, vini habendi modum est assecutus, & cum domesticis benè resectus fuit. Quæ miracula confirmant, conuiuia festis diebus fieri consueta, Deo ingrata haud existere: ac ut talia, Carolus Magnus ea Cænobitis, præcipuis anni festis concessit; sigillatim verò, in celebritate Titularis sancti, Dedicationis, & Patroni Ordinis fieri posse.

posse indulgit. Nec non Ranco ex Ordine S. BENEDICTI Aruernensis Episcopus, Roberto Abbati Calæ Dei indulgit, ut is cum sex Monachis, totidemq; Conuersis, eiusq; successores, die solenni Assumptionis B. MARIÆ, splendidius in Refectorio conuiuarentur. Sed & Sancti Illidij Cænobitæ, festis, Natiuitatis Domini, Paschæ, & Pentecostes à Domnis, Abbate, Decano, ac coquinæ officarijs, quatuor fereculis reficiebantur, quod ius, Supremus Parisiensis Senatus, ipsis ac cæteris eodem iure gaudentibus, astruxit. teste Sauaro & Ioan: à Bosco Cælestino, Biblioth: Floriac: fol: 390. Atq; hoc sermonis præambulo, veluti scuto, tutandis vñibus Maiorum nostrorum præmissio, ipsos Vñs recenseo.

1. D. Abbas huius Tinecensis Monasterij, Fratribus in communi Refectorio, bona prandia & solito melius instructas collationes, tenetur istis exhibere diebus. in peruigilio Natalis Domini, & in ipsa die Natiuitatis D. N. atq; in die S. STEPHANI, & in Epiphania Domini, similiter in festo Purificationis & Assumptionis Beatæ Virginis, item Dominica Ramorum, & in Cæna Domini, pariter Dominica Resurrectionis & Pentecostes, & in festo Omnium Sanctorum. Quibus diebus dandum est vinum in Cyathis solitis, & quatuor de carnibus fereculis, si ea die carnes comedantur, alias pisces cum pipere & croco atq; elixi. Iam autem Exhortatorius ad pietatem religiosam sequendam sermo, his ipsis diebus fieri debet mane in Capitulo per Abbatem vel per Priorem.

2. Ad Abbatem quoq; pertinet, in Solemnitate S. Patris BENEDICTI, & Sanctorum Apostolorum PETRI & PAULI, hospites conuiuio liberalius excipere, & elemosynam aduenis egentibus conferre.

3. In festo S. STEPHANI, Conuentus totus, Abbati festa Natalitia Domini, & anni noui cum nato Christo exorti, auspiciū gratulari tenetur: vbi Prior & duo præcentores amicti sacris penulis, & tres Clerici superpelliceis quoq; induti, reliquis ordine præcedentibus Fratribus, composito agmine Abbatis stibam intrabunt, ibiq; faustis appreciationibus mutuò institutis, D. Abbas strenx loco Patribus dabit marcas tres, & Fratribus vnam marcā, insuper cænam hilarem.

4. idem Abbas, in festo Natiuitatis Domini, dabit Presbyteris Monasterij, ex veteri consuetudine, marcas viginti, pecuniæ vsualis, quod donarium ab antiquo Capellæ maioris vocatur. In die quoq; Paschatis alias Viginti marcas, quæ Capellæ minoris dicuntur, iisdem Patribus conferet more solito. De expensis verò marci Priori constare debet in quos vsus ea fuerint dispensandæ.

5. idem Abbas erit astrictus, de vestimentis prouidere Fratrum, quibus flocos seu togas ex rascia conficiendas curabit, tunicas verò alternis annis dabit, in æstate ex mûchaiero, in hyeme ex panno.

6. Panem & ceruissiam ad vñm communis mensæ Fratrum, Abbas per suos prouisoires ministrare sufficienter obligatur.

7. Quilibet Tinecensis Monasterij Prior erit simul & Custos, habebitq; prouisoribus Custodia & sacre supellectilis, censum de villa Sidzina, censum

Distinctio III. de Veteribus Consuetudinibus Tinecensium

marcarum quatuor ex Sierczá, de Golikowice & de Przeginia census : ex Zozow Decimam prædialem & cmetonalem, Decimam ex oppido Scauina, & canonem à sculteto in Rybna.

8. Ad mensam Fratrum & coquinam Cænobialem ista villa ex antiquo spectant, Rączna, Smierdzica, Ieżierzány, Kostrzec, Łączány, Powozowice, Szamborek, Opatkowice, Promnik, Węgrzynowice. Præterea Decimæ omnes quæ Monasterio Tinecensi seruiunt, percipiuntur pro coquinæ Monasterij vsu. Quarum villarum & Decimarum dispositio, & fructuum in rem communitalis accommodatio, ad Priorem Monasterij & Cellerarium spectat.

9. Prior Kalendis Ianuarij die religioso Circumcisionis Domini, omnis boni gratiâ pro toto anno capiendi, hilarem mensam auctis cibis potuq; aliquantum, exhibebit fraternitati communi. eritq; hæc strenua Prioris, ad cuius vsuram & participium, Dominus etiam Abbas per duos grauiores Patres inuitabitur.

10. Dominica Septuagesimæ pinguis curabit Conuentui prandium Prior; similiter Dominica Quinquagesimæ, & ferijs secundâ & terciâ post eand: Dominicam, hilaria Fratribus permittet modesta.

11. Feria secunda Dominicæ Resurrectionis, cum ouo Paschali, haustum vini ultra ordinarium, ex ordine longo curabit Prior Conuentui.

12. Solenniores refectiones ad prandia ministrabit Prior, in festo sui Patroni quem nomine præferet, Dominica primâ Aduentus, in festo S. MAURI, S. STANISLAI, & in Anniversario Dedicationis Ecclesiæ Cænobialis, item Dominicis diebus qui primò eueniunt post quatuor anni tempora.

13. Quibus diebus initia harum Scripturarum legentur, 1. Regum, Sapientiæ, Iob, Iudith, portio specialis pro collatione super dabitur. item qua die inchoabitur in Aduentu, & Sapientiæ, dimidium portionis consuetæ de vino detur.

14. In festo S. MARTINI, Infirmarij præpositus ex redditibus Apothecæ conuiuium lautius Conuentui procurabit, ad quod & D. Abbas inuitandus erit, mutæ beneuolentiæ confirmandæ ergò. idem Infirmarius pro hyeme melotas ouinas nouas seu pelliceas emet Patribus, & fratribus antiquiores detritas distribuet.

15. Cellerarius etiam Monasterij, extraordinarias recreationes Patribus & Fratribus ter in anno procurabit, semel ante Purificationem in Ianuario, & bis in autumno sub tempus colligendorum fructuum ex pomarijs Monasterij.

Hæ sunt interim veteres Consuetudines Cænobij Tinecensis quæ reparandis corporis virib⁹, augendæq; charitatimutæ inter Fratres subinde obseruabantur, quarum vix aliquæ iâ sunt in vsu, cū planè ad mutationē Abbatû Tinecensiu, omnia in Conuentu sint immutata. Atq; hic cauillatores aulici & seculares nonnulli, quibus volupe est Monachorû facta per fumos vendere iustissimè corripiedi essent, qui fictum quoddam vastæ capacitatis vitrum gloriosum in gaza Tinecensi recondi, certoq; hilariorum tempore in commune proferri, quo in ordinem perbibere omnes sole-

rent

rent ineptissimè fabulantur; sed hominum scurrili ludificatione grauitas religiosa non est cur debeat commoveri. cum id lippis tonsoribusq; sit notum, populares nostros dum plures adunati affatim tubercinantur, etiam ipsis colendis superis solere obrectare. Interim missis his festiuioribus, ad seria deueniamus.

§. II.

Constitutiones serie Monasterij Tinecensis ex veteri M. S. desumptæ.

I Auctoritas Diuinæ legis nos admonet, vt in domo Domini, quæ est Ecclesia fidelium, vnusquisq; pro viribus sibi collatis, aliquid offerre Domino studeat, pro quo in æternitate præmium recipere possit. Quocirca Beatus Hugo Cluniacensium Abbas vi. non modo in Monastica religione, verum etiam in Diuinis officijs prouehendis vigilantissimus, cum communi Fratrum consilio decreuit, vt in die sancto Pentecostes Hymnus, *Veni creator Spiritus*, ad Horam Tertiam decantetur (qui videlicet antea minimè canebatur) quò eiusdem sanctissimi Paraclyti uisitatione compungi, amore inflammari, & gratia illustrari mereamur. Vtq; huic tam saluberrimæ orationi, bonum elemosynæ suffragetur, constituit, vt ipso die abundans resectio à Cellenario pauperibus de pane, vino, & carne exhibeatur, quorum tantus debet esse numerus, quot Fratres fuerint in Conuentu.

2. Decretum etiam ab eodem B. Hugone est, vt officium Defunctorum Generale annis singulis feria v. infra octauam Pentecostes fiat, pro omnibus fidelibus defunctis in cæmeterijs nostrarum Ecclesiarum quiescentibus; idq; eodem fieri debet modo, quo in die solennis Commemorationis omnium Defunctorum secundâ Nouembris.

3. Statutum item, vt pro omnibus vtriusq; sexus parentibus vniuersorum fratrum Congregationis Cluniacensis, Anniuersarium defunctorum ritu solenni in vigilia Conuersionis Sancti PAVLI celebretur.

4. Per quatuor hebdomadas Aduentus Domini, ieiunabunt Fratres, neque recreatio concedatur ijs, his ipsis diebus.

5. Per totum annum, ferijs quartâ, sexta, & Sabbatho ab esu carniū abstinēbunt; volumus autem pro ferijs secundis ieiunio Ecclesiæ non præuentis, cum hoc Monasterio esse dispensatum.

6. Quotidie binæ missæ decantentur, hoc custodito vt semper Votiuū de Beata insuper legatur.

7. Matutinum officium quotidie decantari debet, vti & reliquæ Horæ diurnæ.

8. Silentium.

Distinctio III. de Veteribus Consuetudinibus Tinecen:

8. Silentium in refectorio & in dormitorio perpetuò teneatur.
9. Ad cellas Fratrum, seculares ingredi non permittantur.
10. Quicquid à communi Fratrum mensa ciborum superfuerit, pauperibus distribuatur.
11. In Cæna Domini, duodecim pascantur pauperes, & cum eleemofyna dimittantur.

12. Statutum quoq; legitur in anno 1200. iv. Kal: Nou: ne in Domibus Conuentualibus Cluniacensis Ordinis, in quibus disciplina regularis non obseruaretur, aliqui ex seculo ad Nouitiatum reciperentur, per triennium immediate ab anno præmemorato sequens, quo ad Visitatio generalis per Monasteria singula absoluta esset.

Reliquas Ordinationes cum iam exoleuerint, missas facio: quarum loco Clementis PP. viii. Constitutiones pro Regularibus editas, substituere decreueram, verum typhothetarum tarditate in opere expediendo deterritus, commodiori occasione eadem reseruo, Syntagmata reliqua ad finem perducendo.

§. III.

In quo Sanctarum Reliquiarum in Monasterio Tinecensi asseruatarum Catalogus continetur.

Magnus is est thesaurus Monasterij nostri, pretiosior omni lapide pretioso, illustres exuuiæ Sanctorum Christi Martyrum, Confessorum, aliorumque Diuorum, qui Deo pleni fuerunt; particulæ scilicet ossium & corporum, quas, Sancti sese impendentes & super impendentes pro gloriâ amplificandâ Diuinâ, alterâ iam sui nobilissimâ parte, Animâ scilicet cælo recepti, alteram adhuc partem, ad vsque vniuersalis resurrectionis tempora, terrestribus incolis concedentes, in mundo dereliquerunt. Hi cælites, quorum sacra pignora in Tinecensi seruantur Archisterio, specialiter quasi eidem loco obligati videntur, pro tam diuturno hospitio, proq; cultu & honore sibi impenso: atq; vt gratiam Tineciæ cumulatam redderent, apud supremi Numinis benignam exauditionem, ita firmiter teneo, pro conseruatione & incolumitate eiusdem loci continuò supplicando, eundem efficacissimè non cessant commendare. Ad quorum cultum in Religiosis pectoribus amplius succendendum, æternæ memoriæ gratiâ, breuem istarum Sanctarum Reliquiarum olim Tineciæ depositarum Catalogum subijcio.

Ligaua

Lignum vite.

De columna CHRISTI.

De veste inconfusa.

De carcere Domini.

De sepulchro CHRISTI Domini.

De Mensa Dominice cene.

JANUARI.

Die, 9. S. Secundi Mart:

16. S. Marcelli PP. & Mart:

19. S. Pauli primi eremite.

20. SS. Fabiani & Sebastiani Martyrum.

21. S. Agnetis Vir: & Mart:

22. S. Vincentij Martyris.

30. S. Martine Virg: Mart:

FEBRUARI.

Die, 1. S. Ignatij Episc: Mart:

2. S. Fortunati Martyris de digito.

5. S. Agathe Virg: Mart:

6. S. Dorothee Virg: Mart:

9. S. Apollonie Virg: Mart:

15. S. Faustini Mar:

17. S. Maximi Martyris de capite; & S. Secundini Martyris, etiam de capite.

24. S. Matthee Apost:

26. S. Alexandri Episc: & Confes.

MARTII.

Die, 8. S. Felicitatis Vidue & Mart:

10. SS. Quadraginta Martyrum, particulæ infig:

12. S. Gregorij PP. Conf: Eccl: Doct:

13. S. Theodore Virg: & Mart:

15. S. Longini Mart:

21. S. P. BENEDICTI Abbatis.

23. S. BENEDICTI Monachi & Martyris.

APRILIS.

Die, 14. S. Tiburtij Mart:

16. S. Optati Mart: de brachio:

23. S. Georgij Mart: & S. Adalberti Episc: & Mart:

28. S. Didimi Mart: de femore.

30. S. Petri Mart:

MAYI.

Die, 1. SS. Philip & Iacobi Apostol:

2. S. Sigismundi Regis Martyris.

4. S. Floriani Mart:

8. S. Stanislai Episc: & Mart:

12. S. Pancratij Mart:

22. S. Helenæ Virg:

31. S. Petronillæ Virg:

JUNI.

Die, 4. S. Quirini Mart:

9. S. Primi Martyris.

11. S. Barnabæ Apost:

15. S. Viti Martyris.

22. SS. Decem millium crucifixorum in monte Ararath.

29. S. Petri Apostoli.

30. S. Pauli Apostoli.

JULII.

Die, 10. S. Marini Mart:

13. S. Margarethæ Virg: Mart:

17. S. Alexij Confes: & Marcellianæ Virginis.

19. S. Santuli Martyris.

22. S. Mariæ Magdalene.

24. S. Christinæ Virg: Mart:

25. S. Iacobi Maioris Apost: & S. Christophori Martyris.

26. S. Anne Matris V. B. MARIE

29. S. Marthæ Virg.

A V G V S T I

- Die, 1. S. Sapientiae Virginis.
 2. S. Stephani PP. & Mart:
 4. S. Dominici Confess:
 6. S. Xisti PP. & Mart:
 10. S. Laurentij Mart:
 20. S. Bernardi Abbatis:
 24. S. Bartholomaei Apost:
 28. S. Augustini Episc: & Conf:

S E P T E M B R I S.

- Die, 16. S. Euphemiae V. & Mart:
 20. S. Eustachij Mart:
 21. S. Matthaei Apost: & Euang:
 22. S. Mauritij Mart: & S. Innocentij Martyris, de brachio.
 27. S. Leontij Mart: de brachio, SS. etiam Cosmae & Damiani MM.
 28. S. Venceslai Mart:
 30. S. Sophiae Viduae.

O C T O B R I S.

- Die, 5. S. Placidi Mart:
 7. S. Birgittae Viduae.
 15. S. Hedwigis Viduae.
 18. S. Lucae Evangelistae.
 21. S. Ursulae & Sociarum Virginum & Martyrum.
 22. S. Cordulae V. Mart:
 26. S. Euaristi PP. & Mart:
 28. S. Simonis Apostoli.

N O V E M B R I S.

- Die, 11. S. Martini Episc: & Conf:
 12. S. Bricciji Episc: & Conf:
 19. S. Elizabeth Viduae.
 25. S. Erasmi Mart: & S. Catharinae Virginis & Mart:
 30. S. Andreae Apostoli.

D E C E M B R I S.

- Die, 4. S. Barbarae Virg: Mart:
 6. S. Nicolai Episc. Conf:
 7. S. Ambrosij Episc: & Eccl. Doct:
 13. S. Lucia V. & M. item S. Othiliae Virginis.
 21. S. Thomae Apostoli.
 25. S. Anastasiae Virg: & Mart:
 26. S. Stephani Prothomart:
 28. SS. Innocentium capita, brachia costae; & dentes.
 31. S. Paulinae Virg: & Mart: item S. Silvestri Papae Conf:

Iam autem quorum dies celebratis ignorantur, eorum tamen sacri cineres & ossium partes venerabiles, habentur Tineciae, isti sunt-

Sancti cuiusdam ignoti Martyris.

- S. Adeodati Martyris,
 S. Renati Martyris.
 S. Benignae Virginis & Martyris.
 S. Tarfillae Virginis & Martyris.

Præter has enumeratas Sanctorum Reliquias, habentur Tineciae, aliae quoque permultae suis dispositae loculis, verum, incertum ex qua ratione, nominibus, schedulisq; quas prætulisse videntur, prorsus destitutae. Habentur insuper & illa sacra, fideiq; indubitatae Caelitum lipsana, quæ Romæ, in anno iubilæi magni, 1650. Illustrissimus & Reuerendissimus D. Stanislaus Pstrokonski Episcopus Chelmenfis, Abbatiae Tinecensis pro tunc administrator conuenerat: quæ quidem, insequentibus annis

anno 1657. per Suecos infestas deprædationes agentes in Polonia, disiecta & male tractata fuerunt, dum ea cum alijs eiusdem Episcopi pretiosioribus nonnullis rebus, Tineciæ, in secretiori cellarij angulo caute deposita & muro obducta reperissent. hæc tamen postmodum, à Religiosis diligenter collecta, suisq; recondita thecis (inter quæ Trium Sanctorum Innocentium ossa habentur) in sacrario Tinecensi pie asseruantur. Iam verò isti, quorum nomina hic scripta sunt, omnesq; alij innominati Sancti, quos solius Altissimi sapientia plenius nouit, intercedant pro nobis ad Dominum.

S. IIII.

In quo, de veterum agitur Monasterij Tinecensis Fratrum, studio literario, & manuali in describendis libris labore.

Transacti temporis, Historiam Tinecensium prosequenti mihi, occurrit speciosa narratio, de Antiquorum Monachorum laudatissimo studio, quod in describendis variorum Authorum libris, passim impendebant. Cuius rei supersunt documenta non pauca, quæ insignem laborem commonstrant, præclara scilicet & antiquissima exemplaria, tomique grandes, egregiâ subtilitate Monachorum conscripti, qui in Bibliotheca eiusdem Cænobij diligentissimè adusq; conseruantur.

Atq; vt libros chorales, vastissimæ figuræ & modi, nec non ponderis ab vno viro valido, vix vnus exemplaris ferendi suppare, in spatiosis & latis membranis, literis trabealibus Lombardicis olim descriptos, & iucundâ initialium, literarum ad modum lati palmi, vel potius sesquipedalium deauratione venustos, præteream, quos verè libios elephantinos, à magnitudine operum, elegantî scriptione & auripicturâ admirandos, & vix reperiundos alibi existimauerim similes, qui etiam à frequentibus domi nostræ hospitibus, videndæ antiquitatis percupidis, dum reuerenter voluuntur, laudantur copiosè; hoc addito; non facile in alijs librarijs similia opera repertum iri, quæ vetustas temporum, ætati nostræ transmisisset. Hæc volumina, quanquam præsentî tempore apud nos iam non habeantur ad vsum, cum aliorum recentium librorum modernæ necessitati & sacris ritibus seruientium, in promptu copiam habeamus, nihilominus solius honestæ oblectationis ergo, asseruanda cuncti iudicant, ex quorum inspectione, Antiquorum Monachorum memoranda studia, & honestissimorum laborum occupationes claustrales, faciliè perspiciuntur.

Habentur verò, exceptis choralibus, centeni alij tomì in Bibliotheca Tinecensi, manibus priorum eiusdem loci Monachorum, partim in solidâ chartâ pergamenâ, partim in regali & augustâ papyro, ornatissimè exarati, in quibus magna diligentia antiquorum vestigia, plurima deuotionis prisca, & eruditionis maiorum nostrorum argumenta, leguntur, agnoscunturque. Extant Missalia, Breuiaria, Martyrologia, rubro & minio affabre depicta, & coloribus varijs distincta, picturata auro, figurisq; cultissimis & iconibus exornata: extant commentaria, in libros Sacrae Scripturae, cum glossis & interpretationibus confecta, & manu descripta, extant libri fastorum & historici seculi anterioris, eodem artificio scripti & eleganti colorum tinctura ad gratiam legentis vel inspicientis facile aucupandam, compositissimè variegati: quos dum attentius omnes inuemus, sedulam curam veterum, in scribendis libris impensam demiramur. Quo tam pio & sancto labore, geminam vtilitatem consecutos eos agnoscimus, dum & sibi ad cumulandam solidam gloriam egregie profecissent, & nobis in praesenti, ad vitae honestatem & morum formam apprimè deserviant: quorum exemplo, vitanam ad amorem literarum pariter accendi possumus? qui operas quidem eorum impensè collaudamus, sed ipsi prorsus duritiam laboris peroli, ad similia faciendâ manus apponere reformidamus.

Erat verò Abbatibus & Monachis nostri Ordinis ad libros incredibile olim studium; quippe qui nouerant, Ordinis decorem, & infirmarum animarum in eis haberi remedium. Libri enim sunt qui nobis futurae felicitatis desiderium faciunt, praesentis exilij miseriae minuunt, vitia pellunt, virtutes inserunt, constantiam in tribulatione tribuunt, fructum indulti temporis producunt. Quid enim, nisi terrena sapere possemus, si non haberemus consolationem scripturarum? Denique à mentibus hominum, fides Catholica cito deficeret, si non haberentur instrumenta scripturarum. Nihil ergo melius, quam Diuinis scripturis, cum desiderio amoris incumbere, quibus instruimur, quomodo in viâ Dei sollicitè debeamus ambulare.

Cum autem scripturae legi non possint, nisi scribantur prius, vile & necessarium est, ut Monachi ad scribendum eas in cenobijs diligentissimè exerceantur. Inter omnia siquidem exercitia manualia, nullum adeò conuenit Monachis, neque videtur magis proprium aliud illorum esse artificium, sicut legendis & scribendis voluminibus studium omne impendere. Nam diuinis mancipati officijs, fodere non valeamus, duos grauesq; agrorum labores ferre non possumus, quia si foris in operibus rusticis per diem nos fatigari contingeret, diuinum à choro seruitium periret. sed cum Dei famulatus, omnibus sit praeposendus laboribus, valde inconueniens esset, ut interioribus omissis, exterioribus se Monachi immergerent. Labor autem scribendi, non impedit horas diuino mancipatas officio, quia dum cursus Horarum per interualla temporum distinguitur, spatium unicuique conueniens deputatur. Sicut legimus de S. Beda venerabili Monacho, quod licet

multa

multa volumina scripserit, tamen à Diuino seruitio se raro propter studium consueuerit ablentare, sed interuallo horarum contentus, libros quos edidit, pænè innumerabiles scripsit. Pariter fecisse & alios nostri quoque Instituti viros, in omni scientiarum genere præstantissimos, Alcuinum Caroli Magni præceptorem, Claudiū & Ioannē Scotum, præfati Bedæ Doctoris discipulos, qui & ipsi ab infantiâ prope in clauistro educati, domestico studio in tantum profecerant, vt insignes Ecclesiæ Doctores ab omnibus ad hæc vsque tempora iidem habeantur, sic Rabanus Fuldenfis Abbas & Moguntinus postmodum Archipræsul, Strabusque eiusdem Rabani Monachus & Scriba, statis horis chorū accedentes, reliquum temporis studio consecrandō, insignes in Ecclesia Dei Doctores effulsere. Sic Haymo, sic Notgerus, sic Hermanus Contractus, sic alij pænè innumerabiles Monachi Doctores excellentes sunt habiti, qui sub Regula Sancti BENEDICTI humiliter conuersantes, Cænobia pro gymnasijs habuerunt. Hoc autem pacto in doctrinis altissimis scribuntur profecisse, quod totum, quicquid post peracta sacra deuotionis religiosæ exercitia, temporis habere poterant, legendis, scribendis, vel describendis libris impenderint dedicarintque. Quorum ætas cum artem typographicam & impressoriam in vsu nec dum haberet, multum sane laboris operæq; in describendis libris impendisse eos oportuit. Sed & nunc, multis typis & officinis impressorijs constitutis, unicuique auenti & scire desideranti homini, sciendum esse pro certo suademus, ne propter impressuram, à scribendis voluminibus vnquam desistat: quia legere, & nihil scribere, est tempus perdere; cum fragilis humanæ memoriæ, hoc vnicum inueniatur subsidium, quæ lecta sunt per longum, inter excerptorum breue, & aduersaria conijciantur.

De Sancto Pamphilo Presbytero id literis proditum habemus, quod tanto amore librorum tentus fuerit, vt maximam partem Voluminum Origenis, propriâ manu descripserit. Fertur quoque de S. Ambrosio Mediolanensi Episcopo, quod omnes à se editos libros descripserit propriâ manu, de quibus Trithemius Abbas (ne paucos æstimet quis) vltra centum se reperisse scribit. Hic iam quæso, quis Monachorum nostri seculi, in hoc audeat gloriari, quod centum libros, ab alijs editos, in otio Monasterij descripserit, cum hic Beatissimus Pontifex in curâ Ecclesiasticâ positus, & in multis occupatus, plures etiam rescripserit, quos ipse ante composuit. Amor scripturarum cultores suos non sinebat otiosos esse. sed quia hunc in nobis habere negligimus, otio inerti torpemus, ita vt quæ facillima sunt studiosis, nobis ad operandum difficilia reddantur: ô quam felix esset Ordo noster, si exemplis horum Sanctorum Patrum, illorumq; veterum Monachorum nostrorum, studio incumberemus scripturarum? quam læta tempora redirent Tiniciæ, suusq; honor haberetur Cænobio, si deposito ignauia veterno, ad sacrarum literarum lectionem & scriptionem subinde prouocaremur? sed nos, ô vanitas, veterum diligentias, & apices literarum, in voluminib⁹ per eos rescriptis, alijs conspiciendos, ex iactantiâ libenter obtrudimus, æsti-

mantes non parum inde nobis, nostroque cœnobio laudis & melioris opinionis accedere posse, quod olim Tineciæ eiusmodi scriptores inuenti fuerint, qui grandes exararunt libros, in quorum contemplatione posteri detinerentur. Verum, timendum esse potius, ne iidem Parentes & Principes nostri, Ordinisque lumina, grauius in iudicio exurgant contra nos, accusentque desidiam & pigritiam nostram ob hoc, quod eos in operibus bonis & sanctis imitari despexerimus, tempus pretiosissimum inaniter contriuerimus, studium honestissimum salutareque literas damnabiliter neglexerimus, per quas honor Dei & proximi salus aptissime promouetur, & animarum non difficulter æterna beatitudo comparatur.

Porro, ut hoc insuper addam, occasione Monachorum nostrorum, qui olim in literis sacris, & scribendis libris diligentes fuere; Monachus in scribendo deuotus quatuor utilitates præcipuas consequitur; tempus quod pretiosissimum est, fructuose expenditur; eius intellectus dum scribit, illuminatur; ad deuotionem interior affectus accenditur: & post hanc vitam singulari mercede præmiatur. Neque enim potest monachus concessum sibi tempus fructuosius expendere, quam scribendis voluminibus cum amore Dei insistendo. Nam huic officio Deus fauet, Angeli congaudentes adsunt, omnium deuotio fidelium sincera famulatur. Interim etiam, quod bonas deuotasque rescribit materias, cogitationes inanes vel turpes non patitur molestas, verba otiosa non loquitur, sæuis rumoribus non maculatur; sed quietus & solitarius sedens cum gaudio epulatur in scripturis, & bonis exercitijs ad glorificandum Deum prouocat intuentes. Etenim dum bonas scribit materias, scribendo in agnitionem mysteriorum paulatim introducit, & interius animo magnificè illustratur. Fortius enim, quæ scribimus, menti imprimimus, quia scribentes & legentes ea cum morula tractamus. Mens quoque scribentis ad deuotionem feliciter plerumque accenditur dum scripturas ruminans sæpè per eas inflammatur.

Quale autem deuoto scriptori præmium in cælo debeat, Ioannes Trithemius Abbas doctissimus & Spiritu Benedictino plenus, in sua Parænesi ad Monachos de laude Sanctarum Scripturarum, hoc exemplo declarat. Fuit, inquit, in quodam Cœnobio nostri Ordinis mihi non incognito frater quidam deuotus, qui inscribendis ad ornatum Bibliotheca voluminibus magnum habebat studium, ita ut quotiescunque à diuino potuisset vacare officio, ad secreta cella se conferens, huic sacrato labori insisteret. Vnde & multa Sanctarum opuscula cum ingenti deuotione excopiauit. Huius mortui ossa, cum post multos annos leuarentur de terra, tres digiti dexterae manus, quibus tot volumina scripserat, tam integri & incorrupti inuenti sunt, ac si eodem tempore sepulchra fuissent impositi; reliquum autem corpus, ut mori est, consumptum ad ossa fuit. hæc Trithemius, cuius miraculi testimonio, colligitur, quam sanctum hoc officium apud omnipotentem Deum iudicetur, cuius meritum ut ostenderet, etiam in mortuis cadaveribus membra scriptorum honorauit. Hoc etiam à quibusdam Asceticis Doctoribus traditur, quod scriptor deuotus & sincerus, in illa retributione iustorum,

Prædi-

Historia Tinecensis liber III.

Prædicatoris Aureolâ non priuabitur, qui tam multos manu, docere in fide & bonis moribus, est adiuuentus; nam quod prædicator loquendo, hic scribendi officio docet. Hinc Petrus Damiani, monastici ordinis decus, & Ecclesiæ disertissimus Doctor Cardinalis, in libro Carminum, de laude scriptorum manualium, sic cecinit.

*Prædicat, atque studet, Scriptor, largitur, & erat,
Affligitur, sat dat, fontemque lucemque futurâ.
Ecclesiam ditans, armat, custodit, honorat.*

S. V.

Quæ nam Abbatia & Præpositura ab Archiabbate Tinecensi, eiusque Monasterio, usque adhuc debeant.

In Aquila Polono Benedictina, fol: 116. necessario demonstraui, omnia Monasteria Ordinis S. P. BENEDICTI, per Regnum Poloniæ existentia, olim dependentiam suam ab Archiabbate Tinecensi habuisse, idque, Ioannis Dlugosij, fidei integerrimæ scriptoris, autoritate probaui. Quæ iam amplius centum annis, ex illa subordinatione in absolutam euaserunt libertatem, sibi que facta capita, iure Archiabbatis vltius non tenentur: præter hæc Monasteria, quæ adhuc Tinecensium dispositioni & iuribus subiiciuntur. scilicet.

ABBATIA TROCENSIS in Magno Ducatu Lituaniæ, Diocesis Vilenensis.

ABBATIA ORLOVIENSIS in Silesia, Diocesis Vratislaviensis.

PRÆPOSITURA KOSCIELNENSIS in Maiori Polonia, Archidiocesis Gnesnensis.

PRÆPOSITURA VNIEIOVIENSIS in Maiori Polonia, Archidiocesis Gnesnensis.

PRÆPOSITURA TVCHOVIENSIS in Tractu submontano, Diocesis Cracouiensis.

De quibus Monasterijs, cum iam in illo Opusculo meo egerim copiosius, nihil amplius scribendum occurrit: præterquam, quod silentio prætere non debeam, singulare meum solatium, & ingens honestamentum Tuchouiensis Domus, imò totius Congregationis Tinecianæ, pretiosissimum clenodium, & thesaurum omni lapide pretioso potior, nempe Beatissimæ Virginis Mariæ IMAGINEM MIRACULOSAM, in ædiculâ, eiusdem Deiparæ nomini dictâ, & in colle subur-

Distinctio III. de Particularibus Monasterij Tinecen:

suburbano, Tuchouiensis oppidi antiquitus extructâ, asseruatam, & in maiori altari eiusdem sacrarij inclusam, quæ & fama miraculorum regionem illam impleuit, & variorum hominum concursu celebratur. vbi nullum tempus, nullusq; mensis abit, quin Sanctissimæ Virginis illa Cella, & Imago incredibili venustate plenissima, à plurimis aduenis frequentetur. Hoc verò cum semper fiat, duo tamen sunt anni tempora, populorum frequentia & celebritate præcipua, vernum & æstiuum, quibus deuoti homines cæteruatim Beatissimam Virginem interuisentes, eiusq; sacram effigiem contemplantes, incredibile dictu, quas voces emittant, quæ spiria ex imo cordis trahant? vt Deum præsentem adesse illic facile omnes consentiant. pleriq; verò, diuino simul horrore gaudioq; perfusi, adeò loci religione perstringuntur, vt post delicta expiata, cælestisque mensæ vsuram, inter vota & gemitus emolliti, colliacrymare cogantur. adeò Icon illa augusta, præsentis Dei Numine semper affluit, vt in intrantes redundet aduenas, sicq; animos deuotorum percellat, vt pios insolito quodam gaudio, improbos horrore perfundat, sitq; ægris remedio, mæstis solatio, torpentibus incitamento, præsidio periclitantibus, perditis salutis: tanta illic referunt peregrini, vel pieratis incitamenta, vel leuamenta doloris, tantumq; se, pijs eorum mentibus superfundit clementissimus Deus & tantam omnes hauriunt cælestis lætitiæ voluptatem, vt maximum peregrinationis suæ fructum se cepisse exinde, piè sancteq; fateantur. Huius ego prodigiosa imaginis, Historia m, & Miracula quædam redacta in compendium, ante annos septem in lucem publicam typis proposui, vbi varium ac multiplex Sacratissimæ illius Imaginis præsidium, præsentemq; eius in periculis cuiusq; generis opem, ex illustri probatissimorum hominum testimonio, à multis perspectam perceptamq; breuiter connotauit, etsi plura ac maiora omisi, quæ tam in animis quàm in corporibus hominum curandis existunt Virginis Tuchouiensis miracula: cum omnia, quæ vel ante facta sunt, vel in præsentis sunt Diuinæ misericordiæ ad Matris suæ instantiam beneficia, illa explicare velle oratione, hominis esset, Diuinam potentiam humanâ imbecillitate metientis. Interim, ingens Diuinæ beneuolentiæ pignus, habere videtur Tinecense sodalitiū, cui tanta celebritatis & virtutis Imago specialiter est commissæ, vt dubijs in rebus confidat, nunquam sibi eius tutelam defuturam, cuius prædem vademq; à Deo habeat, Iconem Thaumaturgam. Quo in facto, eximia bonitas Diuina, præclare videtur Tuchouensem iacturam, ex sale quondam Tuchouia effodi solito, & iam à multis annis per voluntatem Dei, extincto deperditoq; emergentem compensasse, & gratiam cumulationem in Imagine illustrissimâ Deiparæ Tuchouia concessâ, reddidisse & damnum refarciuisse. Iam verò Fodinas salis Tuchouia olim fuisse Casimiri Magni Regis Poloniæ priuilegium, anno 1340 Boguslao Abbati Tinecensi concessum, & in Archiuo eiusdem Cœnobij sublit: G. num: 1. asseruatam, plusquam sufficienter probat. atq; hoc tam quæstuoso, Diuinâ dispositione nobis adempto thesauro, ac in amabili, Augustissimæ cælorum Imperatricis, Imagine recompenfato, hic in solatium præsentis fortunæ nostræ breuiter commemorato, in honorem eiusdem Sacratissimæ

tiſſimæ Virginis eam ipſam J M A G I N E M M I R A C V L O S A M,



Flos BENEDICTINI castissima Virgo ROSETI,
 Millibus ex Florum, Tu BENEDICTA Rosa es.
 TVCHOVIIS vernas, quæ fragrantissima CAMPIS,
 Cunctaq; odorifero pectora flore trahis.
 Cernimus hîc quod crebra Tuæ miracula dextræ,
 Sisq; quod afflictis publica facta salus.
 Hæc Tua sunt ROSEI cælestiâ pharmaca FLORIS,
 Nam ROSA *de manibus* fit medicina Tuis.



HISTO.

HISTORIAE
MONASTERII
TINECENSIS

LIBER. IV.

In quo,

BENEFACTORES

eiusdem Domicilij, & aliorum Particu-
larium (à TINECENSI REGIMINE dependen-
tium) Monasteriorum FVNDATORES,
breuibz Elogijs, & suis Inscriptioni-
bus condecorantur.

Addita.

A P P E N D I X,

De Laudibus Congregationis

CLVNIACENSIS.



P R Æ F A T I O.



Vm' beneficiorum memoria senescere non debeat, sed vt in animis clientum, æternum viuat sit opus: **FVNDATORVM**, **BENEFACTORVM**què Tinecensis Sodalitij Nomina, & breues Panegyres appono. tum vt perennes & conspicui stent tantæ liberalitatis Colossi; tum vt nostræ gratitudinis legantur monimenta. Et quamquam probè sciam, gratitudinem Nostrorum non esse tam exiguam, vt tota calamo comprehendi possit; cum Tinecenses, assiduâ suos Mecænates percolant memoriâ, eorumque Pijs in Domino Manibus parentent quotidie, ac viuâ animo gestent simulachra: sequitur tamen posteritati plurimum expedire credo, patentes syngraphas & obligationum persoluendarum arrhabones habere præmanibus, quò æternum stet accepti documentum & dandi incitamentum. Multos autem hîc illaudatos de Conuentu nostro meritissimos Heroes fateor; tot enim sunt **D E I** munere, qui per sexcentos annos suæ liberalitatis illapsu res Tinecensium auxêre, vt numerari etiam, ne dicam exornari præconijs, sine magno negotio non possint: verum Metricula Domûs Tinecianæ, cum cæterorum Nomina & pietatem disertè eloquatur, & Conuentus Anniuersario honore singulos deueneretur, horum interea placuit ad præsens memorias percellere, quorum virtutibus & heroica liberalitate, meus hic liber illustraretur potius atq; enitesceret, quam quos ego consentaneis laudum adoreis exornarem.

Hoc tu meum consilium (*Amice lector*) & quidquid est suscepti amplius laboris, boni consulas, & libenter amplectere,

V. A. L. E.

IVDI-



I V D I T H A, REGINA POLONIÆ.

M Agnorum Regum Neptis, Filia, Coniux, Parens.
Wratislaum Primum Bœmiæ Regem, Patrem, & Ad-
leidem, filiam Andreae Primi, Vngariæ Regis, Matrem
habuit. Augusta sanè progenies, summorumque Or-
bis Christiani Principum consanguinea, & cui nascen-
di genus claritudinem, fortuna potentiam, animus dignitatem, cæ-
lum sanctimoniam ampliorem concedere vix potuerunt. Hæc in
etate teneriori adhuc posita, matre orbata fuit, in cuius demortuæ
locum Wratislaus, Suantochnam Casimiri i. Regis Poloniæ filiam,
germanam verò Boleslai Audacis & Vladislai Hermani sororem,
feminam religiosissimâ in vxorem accepit, sub cuius institutione pi-
entissimâ & plusquam maternâ curâ, IVDITHA priuigna, pueriti-
am, & magnam adolescentiæ partem, in optimis moribus, discipli-
naq; sacratione exegit. Vbi autem eos ætatis annos attigit, quibus
in matrimonium puellæ Regiæ viris Principibus tradi consueue-
runt, IVDITHA à multis illustribus procis expetebatur; verum,
suasum ac speciali inductione Suantochnæ nouerçæ, quæ pro Vladi-
slao Hermano Monarcha Poloniæ fratre suo, ne in eo cælibe, pro-
sapia Regia exstingueretur, sollicita erat, & quæ mores pudicissimos,
& totam laudabilem priuignæ suæ conuersationem nouerat, Her-
mano in coniugem data, uti socia thori & sceptri effecta fuit, sic
Regni Lechici singulare decus & solatium, Domina & Parens ater-
num memorabilis, ab omnibus agnita commendataq;. Nam pie-
tatem, quâ educata fuit, & mentis innocentiam quam cum lacte
hausit, tenacius multò, quam Animam retinuit. Religione verò,
& ingenti spe, ac in Deum fiduciâ incomparabilis exstitit. Cuius
præterea deuotionem in sanctos, munificentiam in templa & Cœ-

nobia, in egenos liberalitatem, erga afflictos & oppressos benignitatem; insuper cuius modestiam in prosperis, in aduersis constantiam, in factis prudentiam, in dictis affabilitatem, erga amicos iuxta & inimicos charitatem, erga domesticos amorem, & beneuolentiam, in omni loco venerandam Regiæ Maiestatis grauitatem, summam deinde suauitatem morum, & candori mixtam in omnes humanitatem, tanquam in Vnico sanctitatis & virtutum omnium exemplari vniuersi admirabantur, & illa tum ætas beata agnoscebat, hæc vero nostra deprauata tempora continuis etiam laudibus prosequuntur, nec non ventura olim posteritas cum magna celebritate perpetim deprædicabit. Quæ Princeps tanto se ditiores in Regno nostro credebat, quò plura erogabat, illudq; solum se habere iactabat, quod in pauperum manus deponebat; nunquam in eo quod daret deficiens, nunquam ita dedisse visa aliquid, quin humanitate sua plura promississet. Cuius signatè munificentiam, COMITATVS CHROPI in terra Siradiensi, qui nunc PABIANICE dicitur, cum omni iure & fructu donatus est Prælati & Canonicis Ecclesiæ Crac: Cuiaviensi vero Episcopatu LAGOVIENSIS Castellania in districtu Sendomiriensi accessit. Nostro quoq; Tinecensi Monasterio XIOZNICENSIA BONA eiusdem gratiæ & liberalitate collata obuenerunt. Tantis porro mulier pientissima cælestibus cumulata donis, atq; adeò, in cultum Diuinum sedula, contractam ex sterilitate suâ anxietatem plures annos circumtulit, cui tandem depellendæ, Oratores misit in Galliam Narbonensem, ad Sepulchrum Diui Nostri Ægidij, supplicatum prolem, quæ mæstos Principum Animos ortu suo exhilararet. nec irrita vota fuere: quandoquidem Sanctissimi Abbatis prodigiosâ reuelatione, de prole suscipiendâ certiores effecti Regij Ablegati, dum plenè spei regrediuntur domum, reperiunt grauidam Iuditham, quæ postea maturo partu, vigesimâ die Augusti, edidit Boleslaum Criuoustum cognominatum. Verùm ipsa post quartum mensem à partu, extremum clausit diem in Vigilia Natiuitatis Domini: femina sicut virtutibus omnibus exulta, ita liberalitati cumprimis deditissima, in quâ si magnitudinem animi spectemus plusquam Virago, si liberalitatem ac munificentiam plusquam Heroïna, si pietatem ac sanctimoniam plusquam Diua: quæ publicis deseruiens commodis, multisq;

impli.

implicata humanis curis, diuina studia nusquam intermisit, fuitque religiosior in palatio, quàm alia in Asceterio, omnemq; suam felicitatem Regiam in eo positam fuisse censuit, vt cæteris benefaciendo, ipsa immortalitatem ad quam se sciuit esse natam, quanto-
tocius adipisceretur. Benefactrici Augustæ, hoc grati
animi monumentum cætus Tinecensis ponit,
cuius solemnem memoriam diebus sin-
gulis frequentat veneraturquè.



B O L E S L A V S

P V D I C V S,

M O N A R C H A P O L O N I Æ.

IN hoc Principe Verecundus Pudor, Regiam dignitatem adeptus est, qui antea priuatus vixerat semper. Nempe Audaces, armatos animis, & confidentes Duces, plurimi æstimauère mortales, eosq; solos folio Regum censuère dignos; cæterùm Verecundia virtus plebeia habita, iam in Pudico ad coronam peruenit. Hic cum lacte genitricis suæ Grumislauæ faminae deuotissimæ omni pietate imbutus, ad Principatum paternum tyro suffectus fuit: pro cuius impubis tutela dum armis patruī decertant, Conradi dolo captus & in Sieciechouiensis Cænobij custodiam cum matrè coniectus, post nonnullam detentionem, Abbatis fauore & studio carcerem, & vincula cum Grumislaua euasit. Ad Belam proinde Vngariæ Regem facto recursum, cum armorum cognatorum facies restinguere conatur, Kunegundem filiam Regiam in sponsam accepit, cum quâ plurima bona obuenerunt Regno pariter & Principi, iuxta oracula sacra, *Pars bona, mulier bona, in parte bona timentium Deum, dabitur viro*

viro praefectis suis. Eccles: 26. Pulcherrimo scilicet nexu associatus Pudicus, castissimæ Kunegundi, miraculum non ita frequenter praestiterunt orbi, dum seruata virginitate, societatem conjugalem percoluerunt. Porro Boleslaus per annos LII Principatus sui, parem magnis virtutibus suis fortunam nunquam habuit, ter enim Regno exactus fuit ter eodem potitus; cum ciuium & hostium finitimorum strages bellicas erectâ mente semper exciperet, & inter infortunia infractus permaneret, in viuos, Diuosq; liberalissimus fuit. Hinc Martio furore, solo prostrata templa, cœlo suo & fastigijs iterum, Principe adminiculante, propius admota, publica priuataq; ædificia restituta, hominum ac Diuorum domicilia, tot incendijs Scythicis, Russicis & Lituanicis non deleta, neq; obruta, sed expiata potius sunt ac illustrata. Atq; alia inter benefacta, quibus egregia Pudici virtus, Lechicum cumulauit Trionem, Tinecensi Monasterio nostro à suis Antecessoribus PRIVILEGIA concessa innouauit, & auxit, ac bona OPATOUECENSIA cum suâ Kingâ coniuge condonauit. Exinde Tinecensis sodalitas, Boleslao Pudico & Kunegundi Benefactoribus suis, cum se obstrictam agnoscat semper, hoc quoq; sempiternum gratitudinis suæ anathema proponi imperauit.

V L A D I S L A V S
L O C T I C V S,
R E X P O L O N I Æ.



Vemadmodum exilis domicilij angustia, augmentam virtutem non excludunt, ita Locticus in depressâ corporis staturâ, erectam mentem & Gigantem Animum circumtulit. Post adeptos Regni fasces, quamdiu Marti litauit Locticus, tamdiu & Virtuti & Gloriæ; sed postquam eum cædium armorum habere

bere cepit, soluto sibi suisq; militari baltheo, pudori quoq; cingulum remisit. Quocirca effectus procax & dissolutus, purpurâ spoliatus est. atq; tunc, amisso in subditos imperio, grauiter erubescens, tandem se in sui Dominatum asseruit, ac rursus procuratâ religione, conuersoq; in meliora ingenio, Regali diademate iteratis ceremonijs insignitus, cum obstantibus fati nonnihil colluctatus est, semper tamen ex aduersa fortuna maiorem gustum libauit, & pulcherrimam Heroicarum virtutum laudem apud posteros est consequurus. Magnanimus Princeps, optimè de Regno meritis, cælum quoq; sibi studuit demereri: in quo sempiterna recepturus præmia, temporalia bona sacris & religiosiis domibus regali munificentia attribuit. Ac inter alia Regiæ beneficentiæ dona, Bona Monasterij Tinecensis, partim venditione, partim donationibus distracta, & ad varios possessores, præsertim ciues Cracouicenses deuoluta, Monasterio nostro vindicauit & restituit.

Cuius Æterno Nomini, literarium istud charisma, deuota gratitudo fratrum, dedicandum indixit.



M I E C I S L A V S

S E N E X,

DVX MAIORIS POLONIÆ ET POMERANIÆ.

Legia pietatis in Deum, & Ecclesias munificentia documenta, apud Scriptores Annalium Poloniæ, hunc Principem legimus præstitisse: quod nimirum, Laudensis & Wągrowecensis Monasteriorum Ordinis Cisterciensis in Poloniâ celeberrimorum Fundator extiterit, nec non Lubusense in Silesia eiusdem Instituti annuis redditibus copiosè locupletarit, amplum Hospitale Posnaniense dotarit,

Collegiatam Ecclesiam Calissij, inscriptis prouentibus, crexerit & fundarit: ac insuper PRÆPOSITVRAM KOSCIELNENSEM Ordinis Sancti BENEDICTI instructam amplâ dote, pro suâ Regia munificentia, condiderit & exornarit. Quæ sanè liberalitas, potentissimo nonnisi & opulentissimo Monarchæ conueniens erat, qui ultra Regiæ Domûs impensas tam multa magnifica cæteris elargiretur: Nihilominus, tam splendidis beneficijs in diuersos collatis, censoriam contraxit auaritiæ notam, quasi ipsi Polonæ Libertati tributa imperasset, & nihil non venale, sicutissimus auri, in Regno prostituisset. Ter proinde Polonico Solio pulsus scribitur, quod ingenium plus æquo imperiosius, in subditos rectè ingenuos prætulisset, & administratos publicorum munerum inexorabiles præposuisset suis: Factumq; eo imperante, vt cum motus terræ insolitus accidisset, multi ad fugiendum Principem acumen dirigentes, quod sub molesto Domino, ceu inuiso pondere tellus laboraret, eiusq; se pedibus subtrahere vellet per conuiuium palam iactabant: adeò grande ipsi telluri pondus est, grauis populis suis Princeps.



G A V D E N T I V S,

E P I S C O P V S

C R A C O V I E N S I S.



Icut arbores fructibus grauidæ, inclinant ramos, & demittunt, & offerunt carpi; sic Viri verâ virtute vberes, & beneuoli & benefici vtrò sunt, & spontè largiuntur. GAVDENTIVS (seu Radoſt lingua vernaculâ dictus) Episcopus Cracouiensis ex illustri Romanorum familia ortus, fulgorem Natalium claritate facinorum & Infulis


fulis sacratis geminando; Humanitate & Munificentia cumprimis excelluit: quâ virtutis nihil est cunctis hominibus gratiosius, nihil præstantius, nihil æternitati comparandæ, vel sui memoriæ asserendæ apud mortales, accommodatius. Hinc ex consuetâ liberalitatis usu, Monasterio Tinecensi plures DECIMAS perpetuò donavit Radostus, præsertim illas quæ ex villis à REGE CASIMIRO Monasterio nostro adscriptis, mensam Episcopalem de iure concernebant: Quo memorabili facto, in gratis animis Tinecensium, mansuram sibi perpetuo erexit statuem, suâq; famæ perennaturum locavit mausoleum, eiusq; beneficij memoria apud illos nunquam senescet, nec vlla ætas, de tam illustribus Herois laudibus conticescet.

T H O M A S
S T R E M P I N I V S,
E P I S C O P V S C R A C O V I E N S I S.



Nisi STREMPINIVM Præsulem BENEFACTORIBVS Tinecensis Monasterij intexam, magnoperè mihi verendum est, ne Pij Manes eius iurè se offensos existiment, ac mecum dolenter conquerantur. Quanquam mihi, si maxime per eam rationem liceret (fuisse nimirum DEI munere tot Mecanates Tineciæ, ut numerari omnes ne dicam laudari sine negotio non possint) religioni tamen duxerim de STREMPINIO siluisse, cuius generoso inprimis proposito, multi Antistitum, ad Honoris Episcopalis declinandum onus, incitari possunt ac vehementer confirma-

ri. STREMPINIVS cum sub insulâ in cathedra Cracouiensi laudabiliter annis quinq; sedisset, exosus malitiam hominum & scelera enormia, super quibus ad eum ex officio Episcopalis iurisdictionis fiebat remissio, cedere Episcopatu omnino decreuerat, promerendâ verò æternæ salutis remedium sumere aliud proposuerat: infelicem illam fuisse diem crebrius asserendo quâ Episcopus promulgatus fuit, nihilq; se totâ vitâ suâ stultius egisse, quam dum Pontificatum suscipere consensisset. A quo ut legitimam dimissionem consequi posset, ad Sedem Apostolicam Oratores expediuerat. Interim in Arce Ilzensi sacre contemplationi instans & colendis Cælitibus attendens, paralisi tactus, ex eâ decessit. Vir magnâ pietate præditus, & qui commoditates mundi, & pompam, impediendiq; suauitatem vltro abhorrebat. Benevolentia ipsius argumenta & fauores, cum in multis alijs rebus, cum præsertim circa Præposituræ Tuchouensis erectionem agnoscat Tinecensis Domus.



I A R O S L A V S

De Boguria

S K O T N I C K I,

ARCHIEPISCOPVS GNESNENSIS.



Vo Elogio nobis exornandus, vel quibus laudibus ef-
ferendus esset Skotnicus, paratissimè haberemus. Verum,
diuersorum Scriptorum Fasti, cum pleni sint encomio-
rum eius, illustriaq; operum illius monumenta seipsa pro-
loquantur, nec non æternâ memoriâ Virum dignissimum faceri
cogi.

cogimur omnes, dum Templorum magnificentissimas fabricas, dum Cœnobiorum ingentes moles, dum Palatiorum elegantes structuras, dum villarum, agrorum, & possessionum varias donationes, fundationesq; inspicimus: sola interim in Ordinem Benedictinum propensa animi eius testificatio, & in Tinecenses beneuolentia, narranda sufficiet, quæ ei immortalitatem conciliare & apud seram posteritatem commendatum cum reddere poterit; imo apud **DEVM** ipsum, cuius honori, Vnieiouiæ Monasterium & Ecclesia titulo S. NICOLAI, pro Fratribus Tinecensis congregationis edificauit, eisq; in dorem, villam Bielderzykovv, supra fluuium potesz sitam, vbi Wartæ Ovnia commiscetur, cum omni iure contulit & applicauit. Porro memoriam huius beneficii, Tinecens familia, colit beneuolentiâ sempiternâ, nullumq; tempus erit vquam, quo illius in nos liberalitatis fama subsistat. quin Noen & facta gloriosa Archipræsulis seculorum memoriâ agnissimi, æternum celebrabuntur, & per ora hominum, laudantium tamdiu volitabunt, quamdiu Virtus & Sanctitas in pretio erit.




ALEXANDER VITOLDVS, MAGNVS DVX LITVANIÆ.



PAr Magno Macedoni sortitus nomen, parem animi magnitudinem habuit. Ætatem omnem armatus transegit, Stertant in Palatijs desides Principes, vt vnus ijs sit labor tueri oria; diuinitatis æmulus Alexander, ne quis, in vitâ vacaret quieti locus, momenta omnia laudatissimis curis impleuit: præsciens annos suos diutur-

nos esse non posse, quos adeò seculorum omnium meritis onerasset.
 Quin naturæ auaritiâ, suâ correcturus industriâ, ætatis pretiosâ
 vel minimam noluit partem desidiosè perire. Omnis virtus Herois
 istius in actione semper fuit. cumq; bellicis negotijs & Martijs
 sudoribus oblectaretur multum, milites suos in ardua non mittere,
 sed deducere consueuerat, nec imperare solùm bella, sed perse ge-
 rere, aloris, ardoris, famis comes assiduus, Vitam suam fece-
 rat, & nobile solatium strenuis, & calcar molestissimum delicatis.
 Corpus ipsum in animi propemodum naturam coegerat, ita illi &
 son. tempus arctabat, & amplificabat laboris, vt nullâ re magis
 quàm mitigatione animum oblectaret. Hinc Scytharum, Moscho-
 rum, Lith. num pluries Victor, Domitor & triumphator, quantum
 ferro posse docuit, & quantum momenti ad triumphos & laureas
 vigil Prudentia Ducis adferat, victorijs suis declarauit. Bellonæ
 verò studijs acq̃tus, & quæ erant Dei strenuè profecutus est, ni-
 hilq; antiquius habuit Religione & pietate sincerâ semel cognitâ:
 quam, dum vna cum Iagiellone fratre didicit in Poloniâ, vniuersæ
 Lithuanæ gentilitat. Magnus plane Dux ad æternitatem præiuit,
 & eueris aris lucisq; succisis, lucem attulit patriæ, extinctoq; pro-
 fano sacrificulorum igne, gentem suam lumine veræ fidei accenso
 illustrauit. Atq; vt fidem Lithuanico inuectam solo, per se
 amplificaret magis, Canobia & templa magnifica ad mira-
 culum Septentrionis erexit: ea inter, in Arce patriâ
 Troki, ascetis Tinecenhsibus Monasterium curauit,
 fundauitq; sapienter ratus, fortissima pa-
 triæ suæ propugnacula esse Re-
 ligionis Domicilia sacra.



I O A N N E S

K L O C K I,

DAPIFER CAVNENSIS, CAPITA: MIEDZIA:

Ilustre beneficium contulit in Benedictinos, cum Anno Christi 1630. patrimonij sui Piosunensis, Trocenses nostros heredes ex asse inscripsit. Ratus generosissimo sanguini suo, & familiæ fore consultum non malè, si facultatibus suis Deo litasset, & fortunas caducas in Divinæ gloriæ templum mansurum elocasset. De cuius virtutibus, ut per compendium hæc pauca referam, vir fuit, vetustate originis, bellicæ laudis gloria, ad memoriam posteritatis insignis. Mortem in prælijs assuetus contemnere, non odisse vitam, sub Sigismundo III. & Vladislao IV. Regibus Poloniæ didicerat, bello prodesse patriæ, patriotis non obesse; totus vir Martius, omnia præbat in discrimina, adeò interritus ut in mortis faucibus sæpè lusum fecisse visus sit, indutus animum loricatum, minus se obnoxium leto existimabat, ibi potissimum primas volens, ubi privilegium est eligere potuisse postremas: ijs implere solitus animis se sequutos, ut eius æmuli fortitudinis, propè accederent ad fines temeritatis. Ad Smolenscum Magister ipse Equitum & ductor cataphractæ cohortis, eò usque progressus fuit, quò alium nec parendi necessitas, nec gloriæ auditas impulisset. Ac inter tanta fortitudinis decora, pietate in Deum, & in Cælites deuoto affectu enituit. Inscriptis Trocensi Monasterio bonis suis, heredem bonorum instituit Diuum BENEDICTVM, & tantæ liberalitatis accepturus præmium, cito migravit ad cælum æternum Benedictis associandus.

VLO.

V L O D I M I R V S

Monachus Tinecensis.



Illustriſſimæ familiæ ſuæ decus, atq; ornamentum ſingulare. Ducum Ofuccimenum ſtirpi, omnium primus ſanctitatis adiecit ſplendorem. Vladislaus Dux Ofuccimennis. Vlodimiri digniſſimus parens, munificum ſe ac liberalem benefactorem Tinecenſi Domicilio exhibuit, quod addictiſſimis officijs ſemper eſt proſecutus, fortunaſq; eius, villa Leczany, item Zorzovv, & Wola Radzieſzovvska oblatione, Regio animo ac liberalitate, reddidit auctiores. Verum enimverò Vlodimirus ſodalitium Tinecenſe munere multo maiore, ſeu pretium ſeu dignitatem ſpectes affecit, cum ipſum in illud ſe tradidit, ſacrum Divi Benedicti inſtitutum complexus. Vbi cum totius Religioſæ perfectionis ac ſanctimonie firmiſſimam baſim non aliam eſſe, quàm germanam ſui ipſius depreſſionem & contemptum accepiſſet, vltimas Coenobij functiones tanto animi ardore affectavit, tantuſſectatus eſt obivitq; alacritate, quanto ſtudio & conatu non pauci eadem abhorrentes, quàm longiſſime poſſunt, eitant. Operam quoque ſuam laborioſis miniſterijs clauſtri addicendo, & mentem aſſiduâ Pſalmorum meditatione in ſublime leuando, cæleſtibus chori delicijs avidum reficiebat pectus, & animum pariter & corpus in bonis operibus iugiter exercebat. Neq; plenum iſtud laboris ac demiſſionis munus ad paucos dies exercevit Vlodimirus, ſed complures annos ad obitum vſq; conſtanter ac indefeſſè retinuit, nullâ Ducali Dignitati & generi, ex quo deſcendebat illatâ iniuriâ; quippe genus ſuum, non humilitate ſed ſuperbiâ decreſcere, neq; vileſcere natalium ſplendorem (vti perperam alij ſomniant) obſcuris in Religione muneribus, ſed impenſius honeſtari, ac ſplendidiuſſe eniſceſcere prudenter exiſtimabat. Quod ipſimet in Vlodimiro experimur agnoſcimuſq; quem non modò longè beatiorem apud ſu-
peros,

peros, sed multò etiam illustriorem ac celebriorem apud nos, & omnem secuturam posteritatem futurum confidimus, quòd infra alios Monasticâ humilitate se abiecerit, qui multos nascendi felicitate anteibat.



M S C I S L A V S

Monachus Tinecensis.

DE O deuotissimus Asceta. ita illi suos omnes agglutinârat affectus, vt nullis nisi in Deum illatis læsus iniurijs, vix alijs, quàm DEO collatis honoribus potuerit hilarari. Quem etiam vbiq; reueritus præsentem, vbiq; vixit tanquam ad aras Sacerdos nihil inter homines magiscauens, quàm nequid ageret, DEO teste, non dignum. Vsq; ad naturæ negligentiam, & obliuionem virium imbecillarum, memor virtutum, Diuinitati propiores ita dilexit, vt eas non tam induisse, quàm in ijs totus desisse videri potuerit. Certamen er erat, cum Regularium probatissimis, de accuratioe legum Monasticarum custodiâ, de sedulitate in laborando, de præripiendis vilioribus exercitijs, de sui neglectu, de humilitate, de taciturnitate, nec vilo poterat grauiori dolore affici, quàm si inter collegas ab vno quopiam inferiori se demittente, superari se aduerteret: non enim virtutis duntaxat & meritorum iacturam se facere, sed existimationis etiam dampnum pati prudenter arbitrabatur, ac probro sibi ducebat, si quos PRIORIS Claustralis gradu anteibat, non eosdem etiam, cum alijs Religiosæ vitæ ornamentis, tum humilitatis præsertim atq; deuotionis insignibus præcelleret. Quo in genere contentionis sanè honestissimo ac laudatissimo, Mscislai sedulitas atq; industria, eò vsq; progressa fuit, vt ardentè optatam simul & laboriosè quæsitam in agone Religionis palmam, ac triumphum retulerit. Et si

Kk

enim,

enim circa annum Domini, 1426. sacri instituti cultus & omnium virtutum exercitatio in Claustro Tinecensi vigeat maximè, tamen non alterius inter Monachos quàm MSCISLAI (vti ex aliorum scriptis & relatis accepimus) nobilitata est virtus & sanctitas, quâ felicitatem æternitatis patienter est assecutus.



M E L L I T V S
N I S C Z Y C K I,
Monachus Tinecensis.

Nigrato silentio hunc præterire est nefas, cuius digna cælo virtus, quod pulchrius æternitati luceret, nigram Benedictinam pallam subiuit Tineciæ. Illustri NISCICCIORVM prosapiâ educatus MELLITVS, splendorem auitum, Religiosis virtutibus adauxit: ipsosq; adolescentiæ annos cum DEO in Tinecensi Domicilio consecrasset, egregiam partem substantiæ à maioribus sibi relictæ in Fratrum Tinecensium studia aptius promouenda transcripsit. Atq; ita, spontaneam ditioris patrimonij contemptu nuditatem mercatus, & à mundi negotijs ac tumultibus animo & conuersatione seiunctus, DEI famulatum triginta circiter annos in Religione, maximo cum fructu animæ deseruijt, & vitæ curriculum placidè & laudabiliter apud Tineciam terminauit.

NICO-


N I C O L A V S

P I O T R O W S K I,



Ametſi virtus, ipſa ſibi ſatis magnum præmium ſit, nec ornamenta vlla aliunde deſideret, intereſt tamen aliorum proſectui, exempla probitatis habere commendata: NICOLAVS genere nobilis, animo magnificus, eruditam literis adoleſcentiam, Aulae Regiæ conſecrauit; dignam palæſtram Polono Equite ratus, moribus niteſcere & Principi obſequium probare, quo gratiæ eiſdem promprior opportuniôr; haberetur, tum vt Politici conſilium exequeretur, qui ſelecta ingenia aulicis officijs deputanda monuit, *Quicquid humani generis ſloris eſt, habere Curiam decet.* In aula verò degens, omninò effugit illud brocardicum alterius Scriptoris, *qui grati, aptiq; aula eſſe volunt, eiurant probitatem.* Si quidem ille, pietatis auitæ tenaciſſimus, pulchro temperamento, morum continentiam iuſtitie copulauit, & veritatis amorem, inter aulae aucupia conſtanter retinuit. Hinc Sereniſſimæ Hedvigi Infanti Poloniæ pro Magiſtro Curie & officiorum delectus, auertit opprobria aulae, in qua fraudes ſolæ regnare credebantur. Verùm crebrò illud Tragiæ dictum ſecum reputans, *Qui notus nimis omnibus, ignotus moritur ſibi.* ingraueſcente ætate, dicto aulae vale, ad fratrem, JOANNEM PIOTROVSKI Abbatem Tinecenſium iter conuertit, à quo procurandis quibuſdam negotijs adhibitus & caſtro Goleſz præfectus, in difficili adminiſtratione æconomicâ, adiutando fratri operam commodauit. Cumq; exſors matrimonij, cælibem, cæloq; dignam vitam ageret, & ſolam immortalitatem hereditare optaret, cultum Dei amplificaturus, habiturusq; quo in omni æternitate iuuari poſſet, Sacrificiorum pro Animæ ſuæ commodo à Noſtris peragen-
dorum officia conduxit, penſione ad eam rem inſcriptâ, quâ Myſtarum ſedulitas pro merito præmiaretur. Contulit præterea ſacris Aris & Templo Tinecenſi honorifica alia donaria, quæ pietatem.

BENEFACTORIS loquuntur, & Ascetis operantibus Deo quotidie illius mentionem ingerunt, nec non à cælo, in illâ æternitate beatâ centuplo præmio abundè ut credo repensantur.




CENOTAPHIVM BENEFACTORVM,

S E V

Generalis Inscriptio Honoraria,

Q V A

*Omnibus de se meritis, Tinecensium Benedictinorum,
Pietas gratificatur.*



CONDITIONIS OMNIS HOMINIBVS,

intra sexcenos Annos,

à condito Tinecensi Monasterio defunctis;

Qui mortalium bono, olim nati mortales,

nunc denati mundo,

viuunt iam D E O.

Quo

Quorum mica liberalitatis, in æternitatem excreuit;
& digna cælo virtus, laureâ immortalitatis,
splendescit.

Quosque, Pietas in DEVM, Charitas in homines,
benè de Canobio Tinecensi, & Ordine Benedictino
mereri docuit.

EORVM REDIVIVÆ MEMORIÆ
MONUMENTVM HOC,
grati animi nostri in memosynon,
ad perpetuam acceptorum beneficiorum memoriam,
deuotè exhibemus:

& mortuis, per quos viuimus,
vitam precamur immortalem.

Et quemadmodum
viuentes illi prouocârunt obsequium nostrum,
nobisq; seuerunt plantas vmbra facientes:

N O S
reddimus illis cupressos, quæ alteri sæculo profint;
& mortuis, supremis respondemus muneribus,
gratamque voluntatem nostram contestamur;
ac quod magis refert,
egentium animorum æternum memores,

quotidianis precibus, & sacrificijs,
pro eorum iuuamine,

Omnipotenti DEO,
litamus,

operamurque.

APPENDIX.

IN QVA,

Quondam florentissimæ CLUNIACENSIS Congregationis amplitudo, VIRI illustres, eorumq; merita recensentur.

DVM Tinecensis Monasterij nostri Historiam calamo prosequor, non possum non meminisse illustrissimi Cluniacensis Canobij, à quo, Tinecense suam originem duxit. præsertim cum verba Isaia perpendo, *Attendite* (inquit cap: 51. 1.) *ad petram unde excisi estis & ad cauernam laci de qua præcisi estis; attendite ad Abraham patrem vestrum, & ad Saram, quæ peperit vos.* Ac proinde officij debito insistendo, quæ, qualisue, huius celeberrimi quondam per vniuersum Catholicum Orbem Monasterij, quam splendida & maximè illustris fama, quæ sanctimonix de eo opinio, & quam frequens in eo virorum in omni genere laudis clarissimorum nùmerus fuerit, quibus etiam auctoribus ad tam insignem dilatationem sui prouectum extiterit, ànimus est literis strictim percernere.

Jam verò prima Cluniacensis Sodalitij iecere fundamenta, Ber-
no, Odo, Maiolus, Odilo, Hugo, Petrus Venerabilis, & cæteri, quos
vitæ meritum, pietasque, Diuorum numero sociauit, & singularis
eruditio inter Ecclesiæ Catholicæ Doctores & scriptores non vlti-
mos

mos confedere fecit. Cum quibus, si alios insignes Heroes, qui etiam ipsi Institutorum & Ordinum suorum auctores fuerunt, & diuersas Congregationes Regularium in Ecclesia Dei profeminârunt, opponere & committere vellem, nullâ ratione, seu natalium claritudine, seu vitæ morumq; sanctitudine, seu doctrinæ multiplicis exuberantissimâ profunditate ijs crediderim æquiparandos.

Ac inprimis hæc gloriosa & amplissima Congregatio, à S. Odone Abbate, circa annum Domini 926. exordium maximè sumpsit & nomen. Hic enim doctrinâ atq; sanctitate præstans, D. BENEDICTI disciplinam, quæ iam (quod natura fert in omnibus fere rebus) senuisse videbatur, magnâque ex parte laxata esse, ad pristinam formam reuocare aggressus est, quod etiam perfecit. Cuius exemplum sequuti complures alij Abbates, in totâ fermè Italia, Hispaniâ, Germania, Angliâ, in suos ipsi quoq; greges reformandos incubuere, idquè eodem successu & fructu: qui deinde vno Spiritu ac vinculo colligati, adhibitâ etiam Romanorum Pontificum auctoritate, quod tannis consueuerant ad ea tractanda & decernenda, quæ ad tuendam disciplinam pertinebant. Magna omninò ea immutatio fuisse dicitur, in quâ planè ad Duo millia Cænobiorum restituta & sanata scribuntur. Qui etiam Odo, spectatissimæ virtutis & sapientiæ Aristes, à Leone VII. Summo Pontifice pacis legatione inter Hugonem Longobardorum Regem & Albericum Romanæ Urbis Principem, functurus, in Italiam missus fuit, vbi ipsius longè latèque nomen, veluti clarissimum sydus effulserat, ibique eam gratiam, apud Reges & Principes, Episcopos & Magnates obtinuerat, ut ei Monasteria, quæ intra suos fines constructa habebant, iuri ipsius tradita, conferrent, suo more corrigenda, emendanda, atq; ordinanda.

Auxit pariter famam eorundem Cluniacensium dignissimus Abbas Maiolus, quem innumeris virtutibus clarum, Deo & hominibus extitisse charissimum, S. Odilo testatur. Multi inquit, *Catholici, & honorabiles Clerici, Religiosi, Monachi, & Reuerendi Abbates, venerabantur illum ut Sanctissimum Patrem, Sancti & sapientes Episcopi, tractabant illum ut charissimum fratrem; ab Imperatoribus & Imperatricibus, Regibus & mundi Principibus, Senior appellabatur & Dominus: honorabatur à Pontificibus Apostolica Sedis, & verè erat eo tempore, Princeps Religionis Monastica*

Jam verò Odilo, grande decus Ecclesiæ Vniuersalis, & Ordinis Benedictini mel & delitium, quantus fuerit, quâ vitæ sanctimoniâ summæ eruditioni iunctâ vernarit; neminem ignorare puto, qui vel modicam rerum cognitionem habeat. Hic cum inter Aruernos primi nominis, & antiquæ nobilitatis esset, elegit tamen abiectus esse, vt postmodum in Domo Dei, id est Cluniacensi Monasterio, sicut oliua fructifera vberimum fructum Monachus, dein Abbas ediderit. Qui cum societatis Cluniacensis pietatem, & nomen, illustrius reddidisset, locum quoque ipsum & Cænobi-um architectonicis structuris extulit, cuius peristylia sumptibus immensis, marmoreis columnis adornauit, & eandem Ecclesiam infinitis propemodum ad diuinum cultum ornamentis, ditauit & auxit. Sed nihil æquè admirandam eius deuotionem & charitatem exhibet, quam solemne illud toto suo Ordine decretum; quo sicut in capite Calendarum Nouembrium, Sanctorum omnium in Ecclesia Catholica festiuitas recolitur, ita postridie, Psalmis, pijs erogationibus, & Sacrosancti Altaris numerosis officijs, omnium in CHRISTO quiescentium memoriam iussit celebrari. Quod postea, tam pium, tamque deuorum præfatæ Ecclesiæ Catholicæ visum est, vt quâ patet, fideliter obseruandum admiserit atque receperit. Non leuiter quoque, eidem Beatissimo Viro, obligatam se agnoscit Polonia nostra, cui ille, insignem Regem, Diuum Casimirum Primum, Christianis & Monasticis excultum virtutibus, & ad omnem probitatem edoctum formatumque, quo magis deinceps afflictissimo Regno prodesset, gloriose submisit; pariter ex illa officina virtutum omnium, cætu inquam Cluniacensi, probatissimæ sanctitatis & vitæ laudatissimæ Antistitem, Beatum Aaronem, Tinecensis nostri Monasterij Abbatem: qui ambo, quam vtilis Regno, quam gloriosi Ecclesiæ, Casimirus ad solium Regale, Aaron ad Cathedram Cracouiensem subuecti, pleni sunt laudum Fasti, plena Annalium, vetustas.

Non minori virtute radiabat Hugo Sanctissimus Abbas, sub quo Cluniacensis Religio tantum effloruit, vt inde Abbates desolatis quærerentur Monasterijs, & exempla sanctimoniæ assumerentur. sub quo, innumera prope Monasteria Gallica, Germanica, Ægypti & Palestinæ Cluniacensi cætui iuncta, & noua præterea, à multis
Princi-

Principibus recentè ædificata, eidem Congregationi incorporata fuere, ad quorum directionem, Cluniaco, Canobiarchæ vt plurimum destinabantur.

Quid memorem Petrum Mauricium, natione Aruernum, familiâ natum illustrissimâ, ob vitæ meritum sanctitatemque *Venerabilem* vulgò dictum, Theologicæ Scholæ lumen clarissimum, in Hieronymo velocem, in Augustino profundum, in Ambrosio profundum, in Gregorio clarum, Oratorem utique consummatissimum, Poetam ingeniosissimum, variorum sui temporis errorum profligatorem, & veritatis doctrinæque Catholicæ assertorem acerrimum, Nouatorum & hæreticorum mastigem flagellumque durissimum. Qui cum tot animi pollerèt dotibus, corporea etiam minimè carebat concinnitate & elegantia. incessus illius grauis, sermo maturitatis & gratiæ plenus, mores benè compositi, totus iucunda grauitate, grauique iucunditate redimitus, omnibus exemplar honestatis & Monasticæ disciplinæ præferebat. Statura corporis adeo conspicuus, vt inter omnes sui temporis personas vultus venustate præclarior extiterit. Cuius scripta qui legit, nemo est, qui spiritum vere Apostolicum non admiretur, Theologicæ scientiæ absolutissimum & perspicacissimum Doctorem non prædicet, eloquentiæ & facundiæ exquisitissimum Magistrum non commendet.

Sed cum familiam Cluniacensem, imò Ordinem Benedictinum, totum, quin & ipsam Ecclesiam Catholicam talibus lampadibus seu fulgeris clarescentem atque radiantem, intimis mentis obtutibus contueor; tum demum totus, in ipsius admirationem amoremque transferor. & rogo, quanta laude digna fuit Cluniaca Domus, quæ apud se, trecentos, nonnunquam quadringentos Monachos, (*ô illustris portio gregis Christi*) sub talibus Pastoribus numerauit. An non vere tum temporis Cluniacensis Ordo, *Religionis Monasticæ* (prout Pontifices, in Diplomatis, & diuersi Reges, in suis chartis, latissimè de hoc Monasterio testantur.) *Speculum tersissimum, lux mundi, & inter lapides pretiosos, quadam præfulgens margarita, peculiare Ecclesiæ Romanæ patrimonium, nobilius membrum Regni Franciæ Corona perpetuò unitum, ipsumque Monasterium Cluniacense, venerabile orationis domicilium, puerum, indigentium, aduenarum, & peregrinorum refugium, erat?* ac proinde, ab omnibus fere summis Pontificibus, Imperatoribus,

ribus, Regibus, Principibus & Ducibus, ab ipso foundationis exordio, per annos sexcentos, infinitis privilegijs, indulgis, gratijsque donatum & ditatum.

Quid? An non bona pars celebrium virorum, quos seu propter exactam scientiam, admirabilem sapientiam, & Angelicam viuendi formam, Sanctissimi Patris nostri BENEDICTI Ordo sibi adseribit, quosque Ecclesia Catholica, ad Quindecim Millia Sanctorum Canonum iunxit, ex ipsa Cluniacensi scaturigine profluxit? Habuit certe eadem Ecclesia ex praetato B. BENEDICTI Ordine, quindecim mille & septuaginta quatuor Abbantias per vniuersum Orbem sparsas, quibus Abbates praeficeret ac institueret. item, viginti & octo Summos Pontifices, Ducentos & aliquot Cardinales, quadringentos Archiepiscopos, & sex millia Episcoporum, ante Constantiensem Synodum.

Jam autem, si quis Abbatiarum, Prioratum, Decanatum, Domorum, Cellarum &c. Cluniacensi Canobio subditarum, elenchum indicemque optarit, legat *Bibliothecam*, à Martino Marrier Monacho doctissimo elaboratam, & *Cluniacensem*, inscriptam, ut à ramis atq; palmitibus Arborem dignoscatur, & à tam effuso sacrorum locorum numero, Matricem Ecclesiam, celeberrimumque Cluniacensem Ordinem aestimet, ex quo ad Summi Pontificatus dignitatem atque fastigium peruenisse hi leguntur.

Gregorius VII. qui Dominus Hildebrandus antea, Monachus & Prior Cluniacensis, natione Etruscus, patria Soanensis, patre Bonicio, omnium bonorum consensu Anno Domini 1075. Pont. Max. creatur. Hic primum, à Nicolao II. Anno 1059. Cardinalis creatus, multis pro ecclesia DEI perfunctus obsequijs, tandem à morte Alexandri Papae, cum clerus, populusque subrogando Pontifici, in aede B. PETRI ad vincula conuocatus esset, subito consentientibus omnibus, Hildebrandus Archidiaconus sedere in sede PETRI, v. dignissimus omnium, iussus est. in cuius electione, haec forma, adhibita fuit, Nos S. R. E. Cardinales, Clerici, Acolyti, Subdiaconi, & Diaconi, Presbyteri, praesentibus Venerabilibus Episcopis, Abbatibus & Monachis, consentientibus pluribus turbis utriusque Ordinis, elegimus nobis in Summum Pontificem Hildebrandum Archidiaconum, Virum religione, doctrina, iustitiaque praestantem, in aduersis constantem, in prosperis modum

moderatum, pudicum, modestum sobrium, castum, hospitalem, domum suam bene regentem, in gremio huius Ecclesie à pueritia egregiè educatum & eruditum, eumque posthac esse & dici Gregorium VII. Pontificem, volumus & consentimus. Mortuus est autem Anno Domini 1085. 8. Cal: Junij, die Dominico, Pontificatus sui Anno 13.

Urbanus II. qui Dominus Odo antea, Monachus & Prior Cluniacensis, à Gregorio VII. Cardinalis creatus, mox Episcopus Ostiensis, & tandem Papa creatus est, Anno 1088.

Paschalis II. qui & Dominus Rainerius antea, sub Hugone Abbate Cluniaci Monasticum institutum vitæ, professus fuit. Eius dexteritatem, rerum peritiam, & vitæ integritatem admiratus Gregorius 7. Abbatem cum Monasterij Sancti Laurentij extra muros, via Tiburtina constituit, & postea Presbyterum Cardinalem Tituli S. CLEMENTIS iussit. Qui postmodum, Anno Domini 1099. Pontifex creatus est.

Sequentes suâ præsentia Pontifices, locum CLUNIACENSEM decorarunt.

Gregorius VI. qui Anno 1046. ibidem obiit.

Item Gelasius II. qui eo loci confugerat, timorè Henrici V. Augusti. Hic Anno Dominicæ natiuitatis 1119. Pontificatus sui Anno primo, cum apud Matisconem in Gallia Concilium celebrandum adornaret, ibidem graui morbo correptus, se Cluniacum lectica citius perferri iussit, eoque accitis Cardinalibus, orationem habuit, & omnibus Ecclesiæ Sacramentis susceptis, iuxta normam Monasticam, strato terræ corpore 4. Cal: Februarij Sanctissimè quieuit; vir omni laude dignus, si vita sanctissima, si mores integri, si denique sacra doctrina spectentur.

Calixtus II. qui antea Wido Viennensis Archiepiscopus, ob res præclarissimè gestas, postridiè, quam Cluniacum à Gelasio II. vocatus, aduentasset, omnium Cardinalium suffragijs, Anno 1119. Pontifex Maximus, inuitus penitus ac repugnans acclamatus est in Monasterio Cluniaco. Hic timens, ne Cardinales qui Romæ erant, eius electionem reproarent, chlamide rubeâ non ante indui, aut reliquo ornatu Pontificio uti voluit, quam creationem suam ab ijs ratam haberi intellexisset. quo cognito, Cluniacum reuersus est,

& à Lamberto Ostiensi alijsq; consecrationem & coronationem accepit.

Sequentes purpura rubroque pileo, è CLUNIACENSI Monasterio & Ordine insignes extiterunt.

Illmus Dominus PONTIVS Monachus & Abbas Cluniacensis filius Comitis Merguliensis, à præfato Calixto Secundo. S. R. E. eodem anno 1119. Cardinalis creatus est. istoque Privilegio à prædicto Papâ donatus, ut sui in prædicta Abbazia Cluniacensi successores, CARDINALES NATOS sese vocarent, & ubique fungi possint officio Cardinalis, qua de re habetur documentum in Bibliotheca Cluniacensi folio 560. a.

Illmus Dominus MATTHEVS, Prior Claustralis Cluniacensis, ab Honorio II. Anno 1125. Cardinalis Albanus creatus, vir doctrina & sanctitate præstans, cuius vitam & mores Petrus Venerabilis describens, de eius pietate & eruditione refert, lib. 2. cap. 4.

Illmus Dominus JMARVS Monachus Sancti MARTINI de Campis, & Abbas Pictaviensis de Congregatione Cluniacensi, ab Innocentio II. Anno Domini 1142. Episcopus Cardinalis Tusculanus factus: postea à Lucio II. Legatus in Angliam missus, legationis munus integrè & prudenter obiit. Inde Cluniacum accedens, dum vixit, in eo Monasterio permansit, & ibidem Anno 1154. diem clausit extremum. Vir doctus, qui in sacram scripturam aliquot Commentaria edidit, & S. BERNARDO familiariter vsus, ad quem Bernardi epistola. 210. 229. 230. 231.

Illmus Dominus THEOBALDVS Abbas Cluniacensis, post decessum pientissimi Guillelmi factus, Anno 1181. & biennio post, Episcopus Cardinalis Ostiensis & Veliternus à Lucio III. creatus, mortuus verò Anno 1188.

Illmus Dominus JOANNES de Abbatis villa, Monachus Cluniacensis, vir in diuinis scripturis eruditissimus, quas in gymnasio Parisiensi publicè longo tempore docuit, & cum declamando ad populum exercitatissimus esset, ex Magistro Parisiensi, factus est Archiepiscopus Bisuntinus. Tandem à Gregorio IX. Anno Domini 1227. Episcopus Cardinalis Sabinus creatus, ad prædicandam crucem contra Sarracenos in Hispaniam & Portugalliam Legatus missus

missus est, quo munere egregie functus, de Ecclesia optime meritus.

Illmus Dominus SIMON, Monachus Cluniacensis, à Cælestino v. Anno Domini 1274. Presbyter Cardinalis tituli S. BALBINÆ creatus.

Illmus Dominus GVILLELMVS ex Monacho Cluniacensi, Archiepiscopus Cæsaraugustanus, dein à Clemente VI. Anno Domini 1350. Presbyter Cardinalis S. Mariæ trans-Tiberim Tituli Calixti, postea Episcopus Sabinus ab Urbano V. creatus.

Illmus Dominus ANDRVINVS de Roca, Abbas Cluniacensis, Magister in Theologia, ab Innocentio VI. Presbyter Cardinalis tituli S. MARCELLI creatus, Anno 1361.

Illmus Dominus GERARDVS de Podio Monachus Cluniacensis & Abbas S. MARTINI Turonensis, à Gregorio XI. Anno Domini 1375. presbyter Cardinalis tituli S. CLEMENTIS creatus. mortuus est Auenione, Anno 1389.

Illmus Dominus GVILLELMVS de Estouteuilla, qui nobilissima & antiquissima orcus familia, Regibusq; Francorum sanguine iunctus, in Sancti MARTINI Parysiensi Canobio factus Monachus, virtute, doctrina, & religione singulariter excelluit. Hic primùm Decretorum Doctor, & Prior in campis Paris: mox Episcopus Morinensis, post Andegauensis, dein Bitterensis, exin Archiepiscopus Rothomagensis. Ab Eugenio quarto, Anno Domini 1439. presbyter Cardinalis SS. SILVESTRI & MARTINI: à Nicolao V. Episcopus Cardinalis Portuensis: à Pio II. Ostiensis & Veliternus creatus fuit. Religionis maximus cultor, apud Principes, ob familiæ splendorem, & vitæ integritatem maximi habitus, & pro Sede Apostolica multis legationibus est perfunctus. Qui cum Basilicam S. Mariæ Maioris, vasis aureis & argenteis, maximi pretij exornasset, & Ecclesiam S. AVGVSTINI vrbs, à fundamentis erexisset, octuagenario maior, exactis in Cardinalatu 38. Annis, Cardinalium Collegij Decanus, S. R. E. Camerarius & Archipresbyter S. Mariæ Maioris, Romæ mortuus est, Anno 1483. Eius funus, in Templo S. AVGVSTINI à se extructo dum perageretur, ob sacras & aureas vestes, quibus eius corpus erat indutum, contentione inter Canonicos S. Mariæ Maioris, & Fratres Augustini-

anos exortâ, cuius cæ essent, annulis è digitis extractis; parum abfuit, quin nudum ignominiosè relinqueretur. *refert Marrier Monachus Benedictin: Paris:*

Illmus Dominus JOANNES LOFREDI, Monachus Cluniacensis, Abbas Luxouienfis, Decretorum & Theologiæ Doctor; post Episcopus Atrebatensis, & Referendarius Apostolicus; demum à Pio II. Anno Domini 1461. presbyter Cardinalis SS. SILVESTRI & MARTINI in montibus creatus, egregius vir doctrina, ingenio, & memoriâ præstans. obiit Anno 1473.

Illmus Dominus PHILIPPVS de Camera Ducis Albanæ frater, & monachus S. BENEDICTI apud Cluniacum: Episcopus primò Bononiensis, mox à Clemente VII. anno Domini 1533. presbyter Cardinalis tituli S. MARTINI in montibus; post, tituli Sanctæ Mariæ trans-Tiberim, ac demum Episcopus Cardinalis Tusculanus Anno Domini 1549. creatus, obiit Romæ. Anno 1550.

Sed interim sufficiant, ad amplissimam Congregationis Cluniacensis dignitatem obiter commemorandam, hi viri Illustrissimi, hic à me recensiti; nam alios propemodum innumeros Diuorum Canonum adscriptos, qui sanctitate, doctrina, vel Episcopalibus seu Abbatialibus infulis, vel sanguinis nobilitate insignes, dictam Cluniacensem Congregationem professi fuere, vel inde emergere, inque Ecclesiâ, postmodum Catholicâ, mirum in modum effulsere, ut longissimum ita grauissimum esset enarrare.


Atque ut finem scribendo faciam, hoc solum, de tam celeberrimo Cluniacensi Monasterio addidero, quod sicut Cluniacum, Ecclesiæ Vniuersali Catholicæ insignes Pontifices submiserat, diuersis Regnis Episcopos, & populis Doctores dederat & protulerat, ita vicissim à Summis Pontificibus, à maximis Regibus, à diuersis Proincijs & gentibus, mirâ deuotione & officijs multiplicibus exultum fuerat. Hinc eius Monasterij specialis prærogatiua fuit, quod Abbates habuerit CARDINALES NATOS, & S. R. I. PRINCIPES PÆRPETVOS, qui ab omni iurisdictione Regum, Principum, Episcoporumque exempti, atque soli Apostolicæ sedi immediatè subiecti, præter alios fauores quibus decorabantur, Indulgentias quadraginta dierum Monasterijs subiectis concedere, eaque visitare, independentes à Locordinarijs poterant; imò, cum à nullo Episcopo.

seoporum excommunicari vel interdici potuerint, habebant tamen in diuersis Cathedralibus Ecclesijs suas præbendas & præstimonias, gaudebantq; immunitatibus largis, & priuilegijs inter omnes Abbates vbique præfulgebant. Sed hæc olim verificabantur de illo Cænobio & Abbatibus, nunc omnia amissa, Cænobiumque ab illo celsissimo honoris fastigio ad ingentem seruitutem prolapsum, dum per seculares ex clero Administratores, amplius centum annos, titulo commendæ subactum gubernatur. Atque inde est, ut quemadmodum florenti Cluniacensium Congregationi, Regij vatis elogium accommodari quondam poterat; *Plantasti radices eius & impleuit terram, operuit montes umbra eius, & arbuta eius Cedros Dei. Extendit palmites suos vsque ad mare & vsque ad flumen propaggines.* Psal: 79. ita quoque sub eodem vineæ typæ de collapsæ miseria liceat modo conqueri, eiusdem Prophetæ verbis, *Ut quid destruxisti maceriam eius & vindemiant eam omnes qui pratergrediuntur viam. Exterminauit eam aper de silua, & singularis ferus depastus est eam.* Addeò nullâ hic felicitas est diuturna. res humanæ velut orbe quodam voluuntur.

sic omnia verti.

Cernimus, atque alias assumere pondera gentes,
Concidere has. Ouid: Metamorph:







I N D E X

R E R V M E T N O M I N V M

M E M O R A B I L I V M,

Quæ in his libris explicantur & continentur.
Numerus paginam designat.

A.

 Aronis primi Abbatis Tine-
censium, virtutes & merita;
 Dignitas Archiepiscopalis;
Legatio ad Pontificem; Gradualium
Psalmorum introductio; doctrina præ-
stantia, obitus religiosissimus. leg: à
pag: 19. ad 31.

Abbates Tinecenses, sunt CANO-
NICI NATI CRACOVIANSES, 29. Clu-
niacum venire ad Capitula teneban-
tur, 40. aliqui negligentes circa bo-
na conservanda, 145. commutationes
& alienationes in bonis, damnosas fe-
cerunt, 96. 99.

Academix Cracoviensi Tinece-
ses conferunt Canonatum S. Geor-
gii, & villas Bronowice & Rzaszká:
102. 190.

Academici Cracovienses, lane-
um agri in Promnik, à Tinecensi Mo-
nast: habent, ratione cuius quibusdam

oneribus subsumt. 187. Tinecensi Fra-
tri studenti, mansionem in Contuber-
nio Jerusalem assignant, & sumptum
ad Promotionem pollicentur. 191.

Ægidius Tusculanus Episc: Le-
gatus Pontificis, Tinecensis Monaste-
rij bona omnia confirmat. 138.

Alexandri Vitoldi elogium. 253.

Alienatio honorum Ecclesie, gravi-
ter inhibetur. 207. 208.

Antiquitatis cognitio laudabilis.
195.

B.

Benedictus monachus cum Werne-
ro Episcopo Plocensi strangulatur
à Castellano Wisnens. 44.

Benefactores sunt in quadruplici
differentia. 215.

Benefactoribus gratitudo exhi-
benda. 243. 259.

Biecz oppidum, à possessione Epi-
scopi Cracoviensis excidit. 62.

Bole.

Boleslaus Audax triumphat Bœ-
mos, Morauos, & Mogilnense erigit
Canobium 32. mactat S. Stanislaum,
fugit, fit monachus, panitet, & piè
moritur. 34. 35.

Boleslaus Criuoustus ex hostibus
quadrages septies triumphauit, &
ad S. Egidij sepulchrum, in Galli-
am, peregrinabatur. 42.

Boleslai Pudici elogium. 247.

Bullæ Pontificum pro Tinecia:
Honorij III. 141. Gregorij IX. 142.
Clementis VI. 169.

Bulla Concilij Basileensis. 178.

C.

Casimiri Primi, ex Monacho Re-
gis Polonia, Fundatoris Monaste-
rij Tinecensis, progenitores, vita cur-
sus & merita, status monasticus &
regius, victoria & superna auxilia,
mors deniq; & tumulus. leg: à pag:
6. vsq; ad 18.

Casimiri Magni priuilegium in-
signe, quo multas libertates Tinecia
confert. 175.

Casimiri Jagiellonidis, confirmatio
bonorum Tinecen. 185.

Cluniacensis Monasterij & ipsius
Congregationis amplitudo. 45. iurisdi-
ctio in Tinecenses Abbates. 59. per
quos Abbates inclauerat cluniacum,
& quam Illustres Viros Ecclesia pro-
tulerat. 265. 266. 267. &c.

Communicatio Spiritualium bo-
norum operum quot modis fiat. 213

Communicatio Priuilegiorum,
qualiter accipienda. 216.

Constitutiones Seria Monasterij
Tinecensis. 231.

Consuetudines festiua. 228.

Contributiones Ecclesijs & Mo-
nasterijs imponi à laicis non possunt. 178.

Conuiuari infestiuatibus mos an-
tiquis fuit. 227.

D.

Decimæ ad Monasterium Tinecen-
se spectantes. 148.

Decimæ noualium, à PP. donata
Tinecia. 144. emptæ apud Episcopum
Cracouiensem. 146.

Decimatio Lincensis multo precio
constat Tinecia. 160.

Dilapidatores bonorum monasti-
corum carpuntur. 65.

Dilapidatio ab Ecclesia prohibe-
tur. 207. 208.

E.

Ecclesia parochialis S. Andrea in
Tiniec, Monasterio unita fuit. 6.

Ecclesiam S. Andrea Cracoui-
ensem, Tinecenses, donauerunt monia-
libus; & S. Nicolai, Academicis 147.

Eustachius Castellanus Lublinen-
villas plures Tinecia vi ademerat. 68.

Expeditionem bellicam Sculteti
Spiritualium obire non tenentur. 203.

F.

Festis diebus quondam liberalior
dabatur refectio. 227.

Fratres

Fratres cruce signati, a què licentiosi olim erant in Polonia milites, ac nuper Colligati, qui rapinas in bonis exercebant Spiritualium. 81.

Fraternitatis litera quibus concedi debeant. 214.

Fraternitatem Tinecenses habent, cum Monasterio Lubinensi. 216.

cum Minoritis Observantibus. 218.

cum Monasterio Clara tumba. 219.

cum Ordine Francisc. Conuent. 220.

cum Ordine Carmel. Discalc. 222.

cum Congregatione Casinensi. 223.

cum Monasterio S. Martini in Vngaria. 225.

G.

Germanici Drusi Neronis effigies, Plinium in somnio admonuit, ad scribendum sua gesta. 3.

Graniciale decretum, in quo triginta pagi Tinecensium adiudicantur Monasterio. 171.

Gregorius IX. PP. confirmat omnia bona Monasti. Tinec. 142.

Gregorij VII. PP. merita & sanctitas. 265.

I.

Iaroslavus Skotnicki Archiepiscopus Gnesnensis fundator Vnieiouiensis Præpositura. 252.

Joannes Ktoci fundator Piosuensis. 254.

Joannes Capistranus Ord. Minor. de Observant. literas fraternitatis Tinecensibus dedit. 218.

Joannes Abbas Tinecensis Casimiro Regi Polonia duobus Millibus marcarum pecunia subuenerat. 71. & 174.

Juanus & Czurylo inuasores bonorum Tinecensium. 76.

Juditha Regina benefactrix specialis Tinecensium. 7. Xioznicensis bona Tinecia confert. 37. eiusdem elogium. 244.

L.

Lesco Dux largo privilegio Tineciam ornauit. 158. 163.

Lituanii hostiliter diripiunt Monasterium S. Crucis. 73.

Lokticus Rex, rebelles priuauit scultetis, & eas Tinecia restituit. 165. idem concordiam fecit inter Tineci & Succamer. Sendom. 168.

Ludouico regnante status Regni Polonia turbidus. 75 176.

M.

Maioli Abbatis Cluniacensis laudes. 262.

Melliti Niszycki Monachi Tinecensis elogium. 257.

Mengolius primus Abbas Mogilnensis, ex Tinecensibus. 32.

Miesco Conradi Ducis filius, à muribus deuoratus. 49.

Miecisłai Primi, liberalitas in Ecclesiam D. 1. 202.

Miecislaus Senex fundator Monasterij Kościelnensis. 249.

Monasteria aliqua à Tinecensi Archi-

Rerum & nominum memorabilium.

274

- Archiabbate dependentia.* 238
Monasterium Koscielnense. 47.
Monasterium Orlouienſe. 156.
Monasterium Trocense. 84.
Monſtra in Polonia ſupenda. 55.
Mſciſlai Monachi Tinec: elog: 256.

N.

Nicolai Piotrovski, Elogium. 258.

O.

- Odonis Abbatis Cluniacensis me-
 rita illuſtria & Sanctitas,* 262.
*Orlouienſis Monasterij confirma-
 tio, & prerogatiua.* 156.
*Oſuecimenſium Ducum indi-
 gnum facinus in Religioſum.* 89.

P.

- Permutationes villarum, damno-
 ſa plurimum Tinecia.* 96. 99.
*Permutatio Clepardiensis terra
 cum Pudico Principe.* 155.
*Petri Venerabilis Abbatis Clunia-
 cenſis merita, elogium.* 264.
*Privilegiomm communicatio qua-
 liter accipienda.* 213. 225.
Præmiſlai Regis mactatio. 59.

Q.

- Quadrageſima Marca argenti, &
 quadrageſima modij ſalis inſcripti
 Tinecenſibus, abrogati.* 149. & 161.

R.

- Rachelinus Archiepiſcopus Cra-
 couienſis plures Decimas Tine-*

- ceſſi monaſterio contulit.* 7.
*Radosti Epſcopi Cracouien: elo-
 gium.* 249.
Rapinae & inuafiones bonorum.
Monasterij Tinec: 176. 179.
*Reliquias Sanctorum Meleccius
 Tineciam conuexit.* 109. earundem
Reliquiarum catalogus. 232.

S.

- Salis alueus, & quadrageſima modij,
 Tinecenſi Monasterio donati, adem-
 pti ſunt.* 149. 151. 161.
*Sbigneus ex monacho, Patri
 moleſtus.* 39.
Scriptorum manualium laudes. 235
*Scultetorum in bonis Tinecenſium
 origo.* 197. eorum obligationes & ſer-
 uitia. 200. an teneantur ad expedi-
 tiones bellicas. 202. inutiles & rebel-
 les probantur. 206. ex bonis Mona-
 ſterij amouendi ſuadentur. 209. fue-
 runt olim ſculteti, indices ruſſico-
 rum. 186.
*Stanisłai Lubienij inſigne benefi-
 cium in Tinecenſes.* 117.
*Strempinij Epſcopi Cracouien-
 ſis elogium.* 251.

T.

- Tartarorum irruptio ſaua.* 53.
*Tineciae dependentia à Clunia-
 cenſi regimine.* 74. Tinecenſes ſub
 legibus Cluniacenſium vixere. 226.
*Tinecenſes pagi & villa violenter in-
 uaduntur & diripiuntur.* 176. 179.
Tinecen-


Tinecensi arci praesidiarij imponuntur. merantur, 185. quæ à possessione monasterij auulsa. 146. 147
 49. Tinecenses monachi multas possessiones amiserunt. 146. 148. Tinecenses Abbates multa pradia alienarunt. 260. 270.
 Trocensis Monasterij exord: 84.
 Tuchouiensis Imaginis miracula & cultus. 239.
 Turca Casam expugnat. 204.

Visitabantur Tinecenses per Commissarios Congr: Cluniac: 40. 74.
 Vladislaus Dux Osuecimen: liberalis in Tinecenses. 154.
 Vladislai Loktici elogium. 248.
 Vlodimiri monachus & laudes. 56. & 255.
 Vnicuiusque Prapositionis exordium. 67. 252.

V

Vasalli illustres Benedictinorum Monasteriorum. 198.
 Villæ Tinecensis Monasterij enu-

Sit nomen Domini BENEDICTVM ex hoc nunc, & vsque in sæculum.




Errata inaduertentiæ.

Pagina 20. versu 18. collegiteſt, lege collegit, pagina 57. versu 4. humanitatis, lege humilitatis, pagina 62. versu 19. XIV. lege XXIV. pagina 128. versu 1. De lege Dein, pagina 195. versu 25. conſeruati lege conuerſati, pagina 218. versu 18. qui lege quibus.

Cætera Lector beneuole, ſiquæ fuerint tibi obuia, benignè corrige. Etenim.

Quis liber erratis liber? ſua ſponte notanti
 Ignoſce hiſ, qui te poſſe carere negas.



C R A C O V I Æ,

Apud Heredes CHRISTOPHORI SCHEDEL, S. R. M. Typ:

Anno Domini, 1668.

